



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





DH
403
H87



CORNELII PAULI HOYNCK
VAN PAPENDRECHT,
ARCHIPRESBYTERI MECHLINIENSIS
ANALECTA BELGICA.

● **IN SEX PARTES DIVISA**

V I T A
VIGLII AB AYTTA ZUICHEMI
Ab ipso Viglio scripta, Ejusque, nec non
JOACHIMI HOPPERI
E T
JOANNIS BAPTISTÆ TASSII
OPERA HISTORICA
*ALIAQUE ANALECTA AD HISTORIAM SCISSI
BELGII POTISSIMUM ATTINENTIA
IN SEX PARTES DIVISA.*
Collegit, Digessit, Notisque Illustravit
C.P. HOYNCK VAN PAPENDRECHT
ARCHIPRESBYTER MECHLINIENSIS.
TOMUS SECUNDUS. PARS PRIMA.



HAGÆ COMITUM,
Apud GERARDUM BLOCK.
M. D. C. C. XLIII.

100

*Hoynek van Papendrecht, Cornelius Paulus, a.p.s. of
= TABULÆ ERECTIONIS medicine, 1686-1753*

CONSILII PROVINCIALIS
HOLLANDIÆ

PER

PHILIPPUM BONUM

Burgundie Ducem.

Tom. II. Pars I.

A

371230

13 Oct. 22. E.H.M.

CORNELII PAULI HOYNCK VAN PAPENDRECHT

ARCHIPRESBYTERI MECHLINIENSIS

DISSERTATIO

DE CAMERIS RATIONUM PU-
BLICARUM ET TRIBUNA-
LIBUS JUSTITIÆ

P E R

Duces Burgundiæ in Belgio erectis.

DE ætate institutionis Curiz Hollandicæ, seu Consilii Provincialis, quod Hagæ-Comitum sedem stabilem fixamque habens, Justitiæ administrationem, & juris dicendi auctoritatem obtinet super Hollandia, Zelandia ac occidentali Frisia, seu boreali Hollandia (1) disputari ceptum est ante hos triginta annos: occasione acris Con-
certationis inter jam dictum Consilium, Magistratumque Hagæ-
gatum, exortatæ super jure ac jurisdictione in quosdam vi-
ros nominatos, locaque, intra seu oppidum, seu vicum, seu
pagum Hagatum.

Qui calamus strinxerunt pro amplissimi hujus Senatûs
Consiliariis, contendunt, Corpus illud æquare ætatem (2)
Comitum Hollandiæ, & anno millesimo ducentesimo quin-
quagesimo (3) a Rege *Wilhelmo*, XVIII. Comite Hollandiæ
accepisse

(1) Noord-Holland.

(2) Van de erectie van het welke alsoo men nergens iets
geschreven vind, men dat moet houden soo oudt te zyn als
de Graaf self. *Ample Deductien van den Hoven van Holland,*
ende 's Gravenhage. Te Delft 1738. in 4. pag. 427.

(3) Dat het selve Hof-gericht, eerst wel altydt te vinden
is geweest ter Plaatse daar deselve Graven hare Residentie wa-
ren

4 TABULÆ ERECTIONIS

accepisse sedem firmam in palatio Hagano, & quinimo in eodem illo Conclavi, in quo hodieque jus dicunt. Veneranda sane antiquitas, quæ superet omnium fere per Europam tribunalium secularium ætatem.

Addunt, originem Hagæ recentiore esse (4) eumque locum excitatum fuisse occasione jam dicti palatii, Regisque in eo, nec non Consilii, stabili commoratione: unde contigerit, ut non tantum Nobiles plures, alique viri spectabiles & conspicui, ædificia ibi excitarent, sed & opifices, negotiatores, mercatoresque domos sibi construxerint, quò Regi & aulicis, aliisque palatii inquilinis operam darent. Unde affirmant, *notorium fore*, (quantumvis fateantur, hæc meritis niti conjecturis) quod primis illis temporibus, nulla alia, quàm Consilii, jurisdictio Hagæ obtinuerit: donec ignobiles loci incolæ in *Viciniam* (5) creverunt; quando, ne Consilium nimis obrueretur causis minoribus, excitata fuerit sedes Scabinalis pro his *vicinis*, negotiatoribus &c. Et hanc esse, ajunt, creduntque, primam originem Magistratus Hagani, quam ex verisimilitudine placita, statuunt centum annis posteriorem Rege *Wilhelmo*.

Magistratus Haganus contendit, (ast non probat, imo ne probare quidem tentat,) quod Consilii institutio facta sit per
Pbi-

ren houdende, als blyckt uyt de *Chartres* der Steden *Dordrecht*, *Haarlem*, *Leyden* ende 's *Gravesande*; doch dat in den Jaere 1250. door Koningh Willem de XVIII.^{de} Grave van Hollandt aen dit Hof-gericht een vaste Plaats is gegeven, in dit selfde Gebouw, en (soo wy niet anders vinden of gelooven) in die selfde Raad-Kamer, daar wy noch tegenwoordigh vergaderen. *Ibid.* p. 6.

(4) *Ibid.* pag. 7.

(5) Tot dat deselve tot een formeele *Buurt* geworden zynde, om de Raaden ende Justicieren van het gemelde Hof niet al te seer te obrueren met de administratie der Justitie in kleyne saken, tusschen *Gebuuren* aldaar Neringh doende, een Schepenstoel voor deselve zal zyn opgerecht, die de eerste oorspronck sal geweest zyn van het Gerechte van 's *Gravenhage*, het geene, na alle apparentie wel *bondert jaren* later sal zyn geschiedt als de gemelde tydt van Koningh Willem. *Ibid.*

CONSILII PROV. HOLLANDIÆ.

Philippum Burgundiæ Ducem (6) anno vigesimo nono supra millesimum quadringentesimum. (7) Et conjecturis pro parte Senatûs adductis, respondit, illas (8) nullo niti fundamento; sed & veritate carere, quod excitatus sit hic locus opportunitate erectus in palatio Consilii, quasi ante fuisset horridus, agrestis, incultus & inædificatus locus; quod si verum esset aut fuisset, non potuisse ineptiorem seligi locum. in quo sederet Consilium Provinciale, ad quod totius regionis incolæ decessum habere, eaque occasione mansionem figere debuissent in vico, ubi diversorium nullum fuisset quo advenæ lecto reciperentur & mensa. Quin, quod concessa tantisper hypothesi, de investo per *Wilhelmum* Regem Consilio in palatium noviter exstructum, statuendum sit, Hagæ originem *notorie*, & priorem esse institutione Consilii, & locum, seu vicum, aut pagum, aut denique oppidum (Et quidni oppidum? Non enim de ratione est oppidi, muris esse cinctum.) non adeo fuisse misellum, inops & inane.

Cum nec hi nec illi persuasissent, factum est (quod fieri assolet) ut hæc controversia nequiverit abstinere publico. Anno 1711. anonymus scriptor unus (9) & anno 1740. anonymus alter (10) in arenam descenderunt, & systemata contraria duo, multo cum labore & sudore, & non sine laude ingenii elegantis & politi, fabricarunt. Et jam hujus institutionis epocha quoddam quasi problema factum erat, in quo se torserunt ingenia, dum non actis & diplomatibus, certam adferentibus originem, sed ratiociniis, conjecturisque utrimque certabatur. Doctas & sane eruditas observationes attulerunt ambo, quæ & nobis ad illustrandas inventas jam tabulas facem præbent, & a controverfo Institutionis tempore, per ipsas jam tabulas definito, omnem hæsitacionem, dubitationemque auferunt.

In hac controversia non videtur illud plane ac unice in dispu-

(6) *Ibid.* p. 325. (7) *Ibid.* & p. 6. (8) *Ibid.* p. 375.

(9) Brief behelzende twee preuven; dat het Hof van Holland voor den Jaere 1429. is opgerecht. Amsterdam 1711. in 8.

(10) Het Hoge-Gerechts-Hof van Holland, mitsgaders Braband en Vlaenderen den huyzen van Bourgondien toegekent. Te Delft 1740. in 8.

6 TABULÆ ERECTIONIS

disputationem venire: an Hagæ ante imperium Domus Burgundiæ, Justitia administrata & jus incolis dictum fuerit ab alio quam a Magistratu loci aut tribunali municipali. Sed illud porro quæritur, an ante tempora jam dicta, Hagæ fuerit Tribunal Justitiæ, majus tribunali municipali; ordinarium, uti hodie loquimur; jus dicens juxta Principis Constitutum (*Instructionem* vocant) stabile, permanens; non ambulatorium cum Comite de uno intra Hollandiam loco ad alium, imò de una Belgii provincia in aliam: prout consueverunt præteritorum seculorum Comites Hollandiæ, motoriam habentes sedem, non Curiam tantum, id est, aulicos, sed Consiliarios quoque suos, seu Nobiles seu togatos, prout muscos, medicos, Capellanos & Capellam, abducere secum & reducere.

Senatorum patronus videtur consentire: (11) non posse *positivè* (id est: *sine dubitatione*) affirmari, quod Hagæ post *Wilhelmi* Regis, & subsequentium Comitum Hollandiæ tempora, aliquot *Consiliarii ordinarii*, operam dantes juxta Principis Constitutum, fixam sedem habuerint. Et concedere videtur rem ita se habere: Ut Comites, qui nunc in uno, nunc alio in loco hærebant, non consueverint relinquere in palatio Hagano, quamvis anno 1250. exstructo, Consiliarios quosdam suos, qui vel ad vitam vel ad certum tempus instituti, ibidem jus dicerent, absente Comite, continue & stabiliter, atque Ordinariorum Judicum more; sed potius Justitiæ administrationem, suosque in administratione adjutores, nunc Consiliarios dictos, secum duxerint: privatorum causas in reditum suum reservarint; & usi fuerint consiliariis illis suis, ad dirimendas rixas aliis in locis ortas, & ad Comitum, quovis in loco imperii sui degentis, cognitionem, compositionemque, referri solitas. Qua de re constat plenissime, & ab ipsismet ex *Cornelio Alkemado* ineluctabiliter adstruitur. (12)

Qui, qualesque fuerint hi Comitum Consiliarii, evidenter adeo & luculenter ostendit laudatus anonymus Scriptor secundus, ut mea opinione refelli non possit. *Nobiles nempe, erant Consiliarii Comitum Hollandiæ.* (13) *Homines terræ nostræ.*

(11) *Ampele Deductie* p. 14. (12) *Ibid.* p. 201.

(13) *Het Hoge-Gerechts-Hof van Holland.* pag. 26.

nostra (14) Cum quibus Comes quilibet, & sine quibus nihil gerere poterat; videnturque fuisse, atque appellari posse, *Status Hollandiæ*: (15) præter quos & alios habuit Consiliarios, qui an nobiles essent an ignobiles, haud constat satis, qui *Boni Viri* appellati. (16) Proindeque promeritum *Alberti Comitis* Bavarie, Hollandiæ tutoris seu *Ruardi*, quod prior *Anonymus* (17) primus attulit ex ms. non est iudicium ab Ordinario tribunali iustitiæ emanatum, sed a Comite, Nobilibus, Civitatum Hollandiæ Deputatis, & a Consiliariis extraordinariis ex Hannonia, Hollandia & Zelandia vocatis, factum. Qui consiliarii fuerunt *Nobiles* trium provinciarum, & Deputati Civitatum, qui in ipsius iudicii subscriptione exprimuntur: *Iussu Domini Ducis Alberti. P. Consilium Hannoniæ, Hollandiæ, Zelandiæ tunc præfens & per Consilium Villa Dordrach. Delf, Leyden, Amsterdam.* Qui morosius contendere vellet, per *Consilium Hannoniæ Hollandiæ & Zelandiæ*, non intelligendos *Nobiles*, & *Homines terræ nostræ*, sed homines rogatos constituentes Tribunal iustitiæ ordinarium, is necesse haberet respondere, docereque nos, quibus cum perspicillibus hic detegat decessores modernorum Consiliariorum Hollandiæ, quibus *Hannonia* attributa fuit numquam. Ut paucis absolvam, qui antiquitus *Consiliarii*, ii erant pro rebus *Status*, seu *Reipublicæ*; qui posterioribus temporibus, & imprimis sub imperio Burgundico, hi erant pro *administratione iustitiæ*: & quamvis illis attributa quoque sit conservatio supremæ potestatis etiam per *Philippum Bonum* (*de garder nos droits, bauteurs, Seigneuries & Domaines*) non capiunt tamen partem in Reip. administratione.

Quæ verò ex conjecturis fortunæ commissis nata est opinio, Magistratum Hagarum esse Consilii provincialis Hollandiæ *futuram* aut *propaginem* (18) ea videtur consensum extorquere nos posse, nec debere. Cum quæritur de prioritate

(14) *Ibid.* p. 27. (15) *Ibid.* p. 27. 28. (16) *Ibid.* p. 28. 39.

(17) Brief behelzende twee preuven &c. pag. 44. *Es*: Het Hoge-Gerechts-Hof. p. 67. 73.

(18) Dat men die van den Hage alleenlyck moet considereren voor een *Finis* ende *Afzetsel* van het selve Hofgericht. *Ampele Deductie* pag. 8.

8 TABULÆ ERECTIONIS

tate judicum ac tribunalium in uno eodemque loco, oppido aut civitate sedentium, prima statim fronte, ob rei ipsius ideam, quæ etsi non cernitur, mente tamen concipitur, pronuntiandum videtur pro Magistratu loci, judice ordinario & naturali, contra Consilii tribunal, judicem quidem majorem, sed a Principe superimpositum seris temporibus, cum causæ multiplicarentur, appellationes frequentes essent, & ipsius Principis, cujus dominia creverant, commodis, juribus & prærogativis propius inspicendum & cavendum esset. Et ita existimandum puto in universum, nisi speciales loci circumstantiæ exceptionem constituant a thesi. Quid enim? Unde nata est, unde orta, prima Magistratuum auctoritas & jurisdictio? De prima quæro, seu primitiva, non de privilegiis a Principe concessis, unde unis major quàm aliis est auctoritas tributa; quæ posterioribus quoque temporibus congruit. Ajo ego: Ubicumque est hominum adunatio & frequentia in eodem loco ubi sedem figunt, ubi res suas ac fortunas collocant, ubi victum & amictum quærunt & ubi invicem contuntur, societatemque ac commune constituunt (sive eos *vicinos*, sive *incolas*, imo *rusticos* appelles, nil refert) ibi, Magistratum aut judicem esse ut mente concipias, omnino necesse est ex ipsius rursus rei idea. Nempe oportere ibi esse leges sine quibus nulla constet societas, res ipsa tibi loquitur. Et cum quæris; Quid ad rixas dirimendas, componendas dissensiones, suum cuique servandum, ablata restituenda, vim propulsandam? Tibi ipsi, velis nolis, ex concepta semel idea, respondes: esse ibi Magistratum, esse Judicem. Et, exigua si ibi communitas, exiguum ibi Magistratum, sed tamen Magistratum esse, & judicem, qui initio pedaneus, lapsu temporis sedem acceperit ac tribunal. Certe in ipsis coloniis, & apud *Troquios* Americæ Septentrionalis barbaros populos, non nisi in casis ac tiguris habitantes, magistratum esse ac judicem, docebit qui de horum moribus & vira nuper scripsit non minus erudite quam eleganter. (19) Nuda adhuc & nuper nata societas hominum, habet ordi-

(19) Mœurs des Sauvages Américains, comparées aux mœurs des premiers temps. Par le P. Lafiteau de la Compagnie de Jesus. Paris 1724. 2. Vol. in 4.

ordinem suum, ne aliàs societas non fiet: & qualiscumque politicæ compositio, dispositio, ordinatio, ubi ubi mihi occurrit, secum adfert Magistratus ideam, animum percellentem, ac persuadentem.

Dum hæc principia accommodantur ad rem quæ præ manibus est, mirum videbitur, & nonnullis forte subinsulsum, quod Consilii Provincialis Hagani advocatus, originem Magistratus Hagani, *centum annis* statuatur posteriorem Rege *Wilhelmo*. Id non affirmat planè, prorsus, absolute. Fateor, Præcanto-opus erat. Ait, id esse *admodum verisimile*. Na *alle apparentie*. Sed unde illud ei apparuit? Quid si ego affirmavero, Magistratum Haganum esse *centum annis* verisimiliter anteriorem Rege *Wilhelmo*? Poscentur testes, poscentur tabulæ. Et has ego non reperi hætenus, uti nec ille reperit suas. Id unum occurrit mihi, quod *centum omnino annis* ante erectum per *Wilhelmum* Regem palatium Haganum, existerint SCABINI IN OPPIDIS ET VILLIS HOLLANDIÆ. Id me docuit *Wilhelmus* Rex ipse, confirmans pactum pacis inter *Philippum* Flandriæ & *Florentium* Hollandiæ, Comites, initæ Brugis anno Dominicæ Incarnationis MCXLVII. quod exstat in Edmundi Martene Thesauro nov. anecd. tom. I. col. 1036. ubi hi Principes statuunt: *Quod si quis mercatorum Comitum Flandriæ per terram Comitum Hollandiæ transferit, & aliquis eum de debito aliquo impetierit, mercator transiens, si debitum negaverit, in navi sua ne moram faciat, juramentum impetenti faciens, sine reprehensione sola manu se purgabit. Quod si impetens accipere noluerit, in oppidum vel in villam in qua mercator manet, eum sequetur, & judicio SCABINORUM illius OPPIDI vel VILLÆ causa inter eos terminabitur.* Hæc per parenthesis.

Verum enim verò, Tribunal Justitiæ, Consilium Provinciale, togatorum congregatio composita, destinata, instituta ad examinandas ac decidendas majores causas; adstricta supremi Principis Constituto, seu *Instructionibus*; præposita uni vel pluribus regionibus; coagmentata a Viris legum scientia & universi juris scripti & non scripti peritia præditis; & quos, nisi patria Academia formaverit, ad Judicis in superiori illo subsellio officium obeundum admittere recuses; tandem, quos esse oportet iudices justos, æquos, fortes, constantes,

10 TABULÆ ERECTIONIS

stantes, patientes, vacuos ab affectibus, muneribus abstinentes, ab avaritia alienos, non iracundos, prudentes, sobrios, clementes, benignos, severos, probos ac ætate maturos; talis, inquam, congregatio, est Corpus minus fortuitum, ejusque idea menti imprimit originem plane diversam, imperatque ut intelligas, illud cum magna sapientia conditum, & ad magnam reip. utilitatem destinatum, sub certis modo & forma, rebus publicis ita exigentibus, a supremo Principe erectum, institutumque esse. Sane tribunalia superiora omnia, Consilia, Parlamenta, Audientiæ &c. suas habent fixas & certas epochas, a quibus eorum origo computatur: quæ quandoque obscuratur, dum conamur illam retroagere quò illustrior fieret & venerabilior.

Nam quod pro Consilii Provincialis Hollandiæ antiquitate stabilienda productum est argumentum (si tamen argumentum est) nempe quòd æquet ætatem Comitum; illud, inquam, nimium probat, adeoque nihil. Et si admittendum esset, tamquam non vitiosum, jam commune foret omnibus omnino tribunalibus justitiæ, quæ superiorem aliquam in subditos jurisdictionem a Principe mandatam habent: quod nemo dixerit. Habent Hollandi domi suæ, prout & nationes aliæ, tribunalia superiora, imo suprema, quæ recentissimæ sunt ætatis. Et, nisi distinguas inter præteritorum seculorum Consiliarios ambulantes hærentesque lateri Principis, & hodiernos sedentes in tribunalibus, inevitabiliter delabèris ad absurda. Si confundis, si misces hodiernos Consiliarios Parlamenti Parisiensis, cum illis priscis Consiliariis ambulantibus, qui de comitatu erant ac de familia Regum primæ ac secundæ stirpis, concludendum erit, Parlamentum Parisiense æquare ætatem Monarchiæ Franciæ.

Unde non satis ego assequor, quid lucri quærat in hac controversia ex *Joannis Veldenarii Chronico* (20) qui scribens,

(20) Daer na toech die Coninck in syn Grefschap in Holland, daer hi mit groter eren ende weerdicheyt ontfanghen wort. Ende hi dede in den Hage tymmeren een Conincklick pallaes, daer bi van hoge saken des rycs te recht sat; die stadtluden ende die borchsaten die gaven goetwillichlic den Coninc tins, ende brochten in des Keyfers camer, so dat syn camer overvloedich

bens, *Wilbelmum* Regem, de quo supra, palatium regium Hagæ extruxisse, addit: *in quo pro majoribus causis Imperii pro tribunali sedebat*. Esset quod mecum reputarem, si *Velde-narius* dixisset, cum pro majoribus causis *Hollandiæ Zelandiæ & Frisiæ* pro tribunali sedisse: quamvis ne inde quidem consequens esset, Consilium provinciale ab eo in palatio illo suo esse institutum. Hujus Chronici verba accipienda sunt de Principe pro tribunali sedente cum Consiliariis lateri suo adherentibus, & non nisi per vim imaginandi intelligi possunt de tribunali Justitiæ, aut de Consilio provinciali quale supra descripsimus.

At at Consilium Provinciale hodiernum ipso illo in palatio sedem habet ac tribunal. Quid tum postea? An id præter consuetudinem, præter solitum? Galliam mente peragra, occurrens Gratianopolitano Parlamento, quod sedem habet ac tribunal in Delphini palatio (*Palais-Dauphin*) quod in illa est civitate; quodque incoluerunt Delphini Viennenses unus post alium, ubi pro tribunali federunt & jus dixerunt subditis suis plus vice simplicis. Et tamen dictum jam Parlamentum institutionem suam acceptam fert *Carolo VII.* Francorum Regi an. 1435. Parlamentum Provinciæ, quod Aquis Sextiis congregatur, fedet in palatio, hodieque appellato Regis *Renati*. (21) Nihilominus agnoscit auctorem suum esse *Ludovicum XII.* an. 1501. Idem est de palatiis Burgidulensi, Tholosano, & Parisiensi, antiquorum Regum domiciliis: quæ Parlamenta epocham certam habent, quam minime negant. (22)

Lubeat jam ad viciniore Hollandis regiones, easque Belgicas, oculum dirigere. Cum hæ Provinciæ diversis adhuc Principibus parerent, non una fuit ubique & eadem seu reip. seu

vloedich ryck wert, ende groot van Schat. *Chronyck van Veldenaer* pag. 43. edit. an. 1650. in 4. Similiter Chronica de Hollant apud A. Matthæum Analect. tom. 5. pag. 541. in 4. „Fecit construi in Haga Comitum magnum palatium, ubi sedere voluit judicans de aliis Regni negotiis.“

(21) René d'Anjou Roi de Naples, Comte de Provence, qui mourut dans ce palais en 1480.

(22) V. Pafquier Recher. de la France Liv. 2. Chap. 4. Dict. de Trevoux &c.

12 TABULÆ ERECTIONIS

seu justitiæ administrandæ ratio. Suis quæque legibus vixit & moribus; donec Domus Burgundica, non statim omnibus sed præcipuis imperitaret, a qua instituta est & justitiæ & ærarii publici curandi forma, quam posteriores Principes Belgii amplexi sunt, uti in sequentibus apparebit. Primus Burgundionum Dux *Philippus Audax* instituit Consilium Provinciale Flandriæ anno 1385. quamvis *Pontus Heuterus* hanc erectionem in sequentem annum rejiciat. (23) Certe quod Gandavi sedet Consilium Provinciale, auctorem illum suum agnoscit, & nos mox probatum dabimus. *Philippus*, adita hæreditate Flandriæ, Comititis *Ludovici Maleani* soceri sui morte, anno 1384. sublato, conspiciens se, auctis sibi dominiis, non posse curare imperium & rebus omnibus adesse, pacatamque habens Flandriam, quæ magis magisque frequentata per commercia sua & fabricas, negotii plurimum & molestiæ creabat Principi, qui, uti adnotavit *Marchantius*, ob *Caroli Sexti* Galliæ Regis curatelam, frequenter una cum Consiliariis abesse, necesse habebat, statuit aliquam partem curæ publicæ in alios derivare, instituendo certum, firmum, ac fixum *Consilium Justitiæ & Rationum publicarum*, quod erexit Insulis Flandrorum, dato eidem primo præside *Petro Van der Zype* (24) per tabulas quas hic exhibeo.

„ Phi-

(23) Insulis Provinciale Flandrorum Concilium, ubi a sententia sui magistratus tamquam iniqua ad Principem superioremque judicem, ut litem ex æquo & bono finiat, provocaretur, instituit. Sed cum Flandrice loquens Flandria domesticis judiciis contenta, numquam insulas (quod Gallica lingua exercerent judicia) appellarent, Concilium negotiis litibusque destitutum evanuit, manentibus tamen in hunc usque diem Insulis acceptorum expensorumque Flandriæ Comititis Quæstoribus, quod barbarè Cameram Computuum vocant. *P. Hew. Rer. Burgund. lib. 2. cap. 17.*

(24) Hunc primum fuisse præsidem scribunt Auctores omnes. V. *Miræum & Sanderum*, & audi *L'Espinoy Recherch. de la Flandre* pag. 305. *Noble, sage & valeureux Chevalier Messire Pierre de la Zype, Gouverneur & Capitaine de la Ville d'Ypre en l'an mille trois cent quatre-vingt & trois . . . fut crée Chevalier par les mains de Messire Jean d'Oultre Chastelain & Viscomte dudit Ypre, comme tesmoignent plus a plain les histoires dudit temps, lequel*
Che-

„ Philippe fils du Roy de France, Duc de Bourgogne,
 „ Comte de Flandres, d'Arthois &c.
 „ Cher & Feal. Comme depuis les dernieres emotions
 „ avenues entre notre ville de Gand contre Monseigneur &
 „ beaupere *Louis de Maelle* Comte de Flandres (que Dieu
 „ absolve) pour reduire ladite ville a son obeissance & a la
 „ notre, le Conseil ordonné en Flandres a été dispersé, les
 „ uns suivant notre personne, & d'autres retirez chez eux,
 „ & qu'a present (Dieu merci) la dite ville de Gand est
 „ remise a notre obeissance, ce que Nous donnant le temps
 „ de pourvoir a la justice, Nous vous faisons cette, pour
 „ vous encharger de rassembler tous nos Conseillers, en
 „ notre Ville de Lille, pour illec tenir le Conseil tant de
 „ Justice que des Comptes de Nos Comtez de Flandres,
 „ d'Artois, Nevers & Rethel, & de nos Seigneuries &
 „ villes d'Anvers & Malines, y compris Lille, Douay, &
 „ Orchies, ayans donné les ordres necessaires pour vous
 „ pourvoir de lieu convenable a *Tribunal de Justice & des*
 „ *Comptes*, & d'une demeure & hotel pour votre particulier,
 „ avec tous les privileges, franchises & exemptions, que
 „ le Conseil de Mondit Seigneur le Comte *Louis de Maelle*
 „ a joui, comme domestiques de l'hotel, & comptez par les
 „ Escroues, (25) selon que les dits de Lille Nous ont pro-
 „ mis

Chevalier depuis fut proveu du Gouvernement de Lille, Douay & Orchies, & par-dessus ce pour sa doctrine & sagesse, de l'estat de premier President de Flandres, institué a Lille par Philippe le Hardy Duc de Bourgogne, Comte de Flandres, en l'an mille trois cent quatre-vingt & neuf. Aberrat quadriennio: tabulæ institutionis habent 1385.

(25) *Escroues*. Hæc vox torfit Ant. Matthæum cum scribe-
 ret ad Oliverii Marcani Rationarium aulæ Caroli audacis Ana-
 lect. tom. 1. p. 249. edit. in 4. quam numquam plene intellexit.
 ESCROUE. *Chez le Roi se dis des rolles ou etats de la dependance*
de sa maison. Dict. de Trevoux. Hæc igitur vox significat
album, indicem, catalogum. Id detexit Matthæus. Sed quo-
 rum, qualiumve est index? Id non est affecutus. Liqueat au-
 tem ex textu hic etiam si aliunde non esset notum. *Escroues*
 sunt indices habentes nomina eorum, seu Nobilium, seu to-
 gatorum, seu servientium, qui censentur quasi domestici Prin-
 cipis. *Comme domestiques de l'hotel & comptez par les Escroues.*

„ mis de faire. A tant qu'il n'y ait faute, & ferez bien.
 „ Donné a Paris le 1^{er}. de Janvier 1387. Signé: *Gherbode*.
 „ Et la superscription: A Notre Cher & Feal *Pierre Van den*
 „ *Zype* President de notre Conseil ordonné en Flandre,
 „ Artois &c. “

Prima pro novo hoc Consilio Constituta seu *Instruktionen*, editæ sunt haud multo post, nempe die 15 Februarii ejusdem anni; (26) ante quem annum nullum per Flandriam, quamvis latissimam totius Belgii provinciam, Tribunal superius cognitum fuit, nec ejus instituendi necessitas apparuit. Ipsa regionis constitutio, mores & usus, tantam dabant Magistratibus & locorum dynastis auctoritatem ac Jurisdictionem civilem & criminalem, non excluso appellationis remedio, ut agentibus urgentibusque Ballivis, Amannis, Schultetis, Mayeris aliisque hujusmodi Officiatis magno numero institutis, causæ plurimæ deciderentur: adeo ut non nisi officiatorum immoderationes sive excessus, & causæ majores, ad Principis audientiam pervenirent. Qui Comites animum popularem habentes & plebis salutis inprimis studiosi, de negotio cognoscebant cum nonnullis Vassallis suis, aliisque ministris ac consiliariis domesticis; aut ex his judices delegabant; aut denique (& id frequenter) inter dissidentes concordiam conciliabant sine magna litium pompa vel apparatu.

Ludovicus Nivernensis, qui & *Cressiacus* dictus, primus instituit Consilium quoddam seu Consiliarium adunationem, *Joinste* (27) dictam, vel etiam *La Chambre du Comte*. Non erat tribunal permanens, stabile, aut cui certæ causæ attributæ, vel territorium distinctum fuit, sed quod Comes convocabat emergentibus causis majoribus, causis Principis (*Cas de Seigneurie*) quæ se præsentē discussæ decidebantur.

Ludovicus Maleanus hujus *Cressiaci* filius, habuit quorundam pariter consiliarium adunationem, dictam *Audientiam Comitis*, *l'Audiance du Comte*. Hi erant qui medio ævo, *Missi Domi-*


Belgice dici potest: *Naamrollen, Naamlysten des Princens bedien-*
den; des Princens hof.

(26) Lib. I. Edictor. Flandr. pag. 234. sub Rubr. XII.

(27) *Joinste* vox Hispana, *Junta*. Assemblée de gens, congregation. Franc. *Sobrino in Dict.*

Dominici, (saltem his proxime accedebant) hodie apud Gallos *Intendans* (28) appellati. Mittebantur qui Magistratum & Officiarum acta inspicerent, agendi modum examinarent, omnemque populi querimoniam audirent, atque ex eorum relatu Comes pronuntiabat in *Audientia* sua.

Qui attenta mente expendet *Instructiones* hodierno Consilio Provinciali Flandriæ scriptas, advertet eas formatas esse ad hos jam dictos mores & instituta: illosque Consiliarios, quos *Philippus Audax* in producto a Nobis diplomate, atque in ipsis *Instructionibus* (Art. XII.) loquitur, ac dicit lateri suo hære-
re, *Suivant notre personne, devers Nous, devers les Comtes*, qui etiam *lez Nous*, & apud Hollandos, *neffens Ons*; esse eosdem, quibus & *Ludovicus Nivernensis* & *Ludovicus Maleanus* ante *Philippum Audacem* usi sunt in administranda subditis justitia. Nec possunt horum duorum Comitum Consilia ambulancia, in eodem prædicamento seu categoria constitui cum hodierno Consilio Provinciali (cujus inde origo ad quadraginta annos retroageretur contra fidem diplomatis allati) quia memori mente recolendum est, fuisse Consiliarios meros delegatos, nudos Commissarios a Principe electos, pro re nata; & Consiliarios quidem illos, sed non judices fuisse. Solus enim Comes jus dixit, cum jus dictum fuit: & ipsi, ut loquar quod hodie dicimus, Votum consultativum habuerint, deliberativum aut decisivum non item.

Tribunal justitiæ hodiernum & de cujus origine quæritur, habet *notas* suas, ex quibus illud dignoscas, quæque secundum quartum modum logicum, conveniunt omni & soli. Hæ *notæ* sunt tres: ut sit stabile, sedens, & territoriale. Ad has respexit *Philippus Audax* cum erexit Consilium Provinciale Flandriæ, quod *stable* voluit esse & permanens. Ita enim in secundis tabulis datis 5 Februarii 1385. quibus erectionem jam factam, ipsasque *Instructiones* confirmat: *Avons ordonné*


(28) Les *Intendans* de Justice, Police, Finances, sont des gens de robe, que le Roi envoie dans les Provinces. Il y en a un dans chaque Generalité; pour donner ordre aux affaires extraordinaires. On les appelle aussi *Commissaires* departis en une telle Generalité pour l'exécution des ordres du Roi. *Dist. de Trevoux.*

16 TABULÆ ERECTIONIS

Et député aucunes personnes notables, noz conseillers Et gens de noz Comptes, nommez en noz autres lettres a chascun d'eulx sur ce octroyez, POUR DEMOURER ET FAIRE CONTINUELE RESIDENCE, en nostre ville de Lille. (29) Per quæ verba illos Consiliarios a latere suo avulsit, & in Corpus stabile ac permanens coadunavit. Fecit illud quoque *sedens* seu *sedentarium*, attribuendo firmam sedem in loco definito, oppido nempe Insulensi. Et *territoriale* effecit, dum in prioribus tabulis ei jurisdictionem attribuit per Flandriam, Artesiam, Nivernum, Retelium, & in oppidis Antverpia, Mechlinia, Insulis, Duaco & Orchiaco.

Has notas reperias in tabulis quoque *Philippi Boni* erigentis Consilium Provinciale Hollandiæ, Zelandiæ & Frisiæ, quod hodie primi vulgamus. Adeo ut, pace virorum eruditorum aliter hætenus sentientium, dicendum videatur, errare illos, qui, dum in vetustis chartis ante seculum XIV. offendunt has voces, *Consilium*, *Consiliarii*, *notre Conseil*, *Raedt*, *Raden* &c. inde concludunt, & concludi volunt, Ordinarium tribunal Justitiæ existitisse ante tempora Ducum Burgundiæ.

Antiquissimum inter omnia Belgica tribunalia Consilium Flandriæ, exeunte seculo XIV. natum, non in exiguas incurrit difficultates, ob rei novitatem, cui populus ægre assuevit: quas juvat paullo attentius profequi, quòd aliarum Provinciarum Belgicarum administratio, quamvis non per omnia mores moribus congruerent, ad aliquam similitudinem accedat cum ea, quam in Flandria institutam vidimus ratione tribuendi justitiam, jusque dicendi.

Consilium a *Philippo* Insulis constitutum, initio fuit *quinque-virale*, pro utriusque objecti partitione: nempe *Petrus Van den Zype* præses, & *Henricus de Mortagne* dictus *d'Epierres* pro justitiæ administratione; *Joannes Païs*, *Thomas le Begue* & *Henricus Lippin* pro Rationibus publicis; quibus nihilominus facultas fuit assumendi, ubi opus esset, Ballivum Insulensem & Quæstorem Generalem, aliosque ex Comitibus Consiliariis illis quos diximus, & de quibus in ipsa *Philippi* Instructione sic: *Appelleront avec eulx (toutesfois qu'il leur plaira) les autres Conseillers de monseigneur, qui sont au pays. (30).*

Multam

(29) Lib. I. Edictor. Flandr. Part. 2. fol. 237.

(30) Lib. I. Part. 2. Edictor. Flandr. Rubr. XII. art. 2. fol. 234.

Multam statim molestiam Consilium sustinuit a quatuor *Membris* Flandriæ: Gandavo, Brugâ ac Yprâ aperte refragantibus, quòd vetustam sibi stare auctoritatem vellent. Et Gandavenfes palam negabant se tribunal illud Justitiæ agnitu-
 ros, de Rationibus publicis Principis non curantes. Iudices inferiores sensim ad illud adducebantur, accedentibus etiam postmodum insignioribus aliquot oppidis, sed unice quoad singulares quasdam causas, veluti cum de Jurisdictione quæstio ac conflictus nascebatur. Verum intercessionem, contentionesque ac detractiones durarunt quamdiu *Philippus* vixit, qui obiit 1404. Et cum imperium accepit hujus filius Dux *Joannes*, *Intrepidus* dictus, nihil prius habuerunt quatuor Flandriæ Membra, quam contra niti: postulantes Consilii abrogationem, vel, si Comiti firmum fixumque esset tribunal Justitiæ a patre erectum tueri ac sustinere, ut cis Legiam aut Lisam fluvium collocaretur, ubi idiomate Flan-
 drico & Curia haberetur & Audientia.

Ut eos placaret Dux *Joannes*, secundam viam ingressus est, & Consilium ex oppido Insulensi transtulit Aldenardam, datis in eam rem literis 18. Augusti 1405. Auxit quoque Consiliarium numerum, & biennio post Consilium evocavit Gandavum per literas expeditas 30 Aprilis 1407. Illi dein addidit Equites duos (31) Consiliarios *brevis legæ*, & novas præscripsit Instructiones anno 1409. 17 Aug.

Interim pars Consilii, quæ Rationibus publicis præerat, Insulis permansit, non postulatâ per quatuor Flandriæ Membra ejus abrogatione, aut evocatione cis Lisam. Proinde Camera Rationum sedit Insulis per tria ferè secula, usque ad an. 1665. quando capto per *Ludovicum* XIV. oppido, ea Brugas migravit, dein translata Bruxellas, ut suo loco videbimus.

Observandum est ex jam dictis, Consilium Provinciale Flandriæ, non esse ex Camera Rationali Insulensi extractum, eductum aut desumptum, uti vulgo affirmatur, sed utriusque erectio-

(31) Messire Jacques de Lichtervelde. Chevalier, Seigneur de Coolscamp & Assenbrouck. Messire Guillaume de Hallowyn. *Lib. 1. Edit. Flandr. part. 2. fol. 238. ad marginem notæ Instructionis.*

erectionem esse communem, in unum Corpus, institutum eodem die & loco, uti evincunt tabulæ *Philippi Audacis* a nobis adductæ, & *Instructio* prima, aliaque ex Edictis Flandriæ allegata. Viginti annis ab institutione communi elapsis, facta est separatio eo modo, eaque occasione, quam diximus; manente inter utrumque Corpus fraternitate quadam reverentiæ & honoris, etiam postquam Insulæ in Regis Galliæ dominium venerunt, a quo post annum 1668. pace publica apud Aquisgranum firmata, excitata & quasi resuscitata fuit Camera Rationalis pro rationum regiarum cura per Flandriam Gallicanam: constarque mihi, quod in mutuis epistolis se vicissim compellant Confratres: *Messieurs & Bons Confreres*; quo stylo usi sunt anno proxime elapso 1741.

Non una fuit post separationem, utriusque fortuna. Camera Rationum quiete & tranquille Insulis mansit, Consilium Justitiæ multis vicissitudinibus jactatum fuit, rebus per Flandriam turbatis. Anno 1405. Insulis Aldenardam, & hinc, ut dixi, an. 1407. Gandavum migravit. An. 1440. Contraci sedit, & anno seq. secundo Gandavi. An. 1446. Teneramondæ, An. 1451. Ipris. An. 1463. tertio Gandavi usque ad an. 1487. cum fuit translatum Brugas. Hinc quarto Gandavi an. 1488. Missum fuit an. 1489. altera vice Teneramondam, & anno 1492. altera quoque vice Ipras, donec anno 1498. quintum jam sedit Gandavi, ubi substitit usque ad tumultus universales seculi decimi sexti, quibus scissum fuit Belgium per Unionem Ultrajectinam anni 1579. Quo anno per jussionem Principis Parmensis expeditam Trajecti ad Mosam, profugit Duacum, ubi sedit annis sex. Reconciliata Gandavensi urbe, eam sextum incoluit an. 1585. longo temporis spatio: donec eâ a Gallis interceptâ anno 1678. unum annum exulavit Brugis. Pace dein Neomagensi publicatâ antiquam sedem repetiit Gandavi anno 1679. quam hodieque tenet.

Non est quod loquar de aliis duobus in Flandria tribunaliis Consilio Justitiæ vetustioribus, quorum uni nomen *Camera Legalis*, alteri *Hoofstedenenga* apud Marchantium & Sanderum. Suffecerit notasse, quod Consilium Justitiæ in horum locum minime successerit, nec ex illis ducat originem suam. Existant enim ambo etiam hodie, de quorum officio, munere, splendore & honore consulendi sunt auctores Flandri.

Pro-

Progrediamur ad declarandam originem Curiae Hollandi-
cæ, seu Consilii Provincialis, cujus originis asserendæ cau-
sa, tota hæc nostra instituta est disputatio. Attendendum
est ad ordinem vel ordinationem, quam pro rerum publica-
rum administratione induxit *Philippus Bonus*, primus e domo
Burgundica Princeps qui Hollandis imperavit.

Non enarrabo infelices nuptias *Jacobæ Bavaræ*, Comitissæ
Hollandiæ, nec res publicas ejus ævi, Hamatorum ac
Assellatorum factionibus turbatas, in quas se interposuit *Phi-
lippus*; has loquitur historia, & eæ nihil attinent ad proposi-
tum nobis scopum. Unum illud observo cum historicis nostra-
tibus: (32) *Anno 1428. quarta die Maji pax inter Ducem Phi-
lippum & Jacobam Comitissam renovata est, ipsaque Jacoba præ-
sens ac volens in Hannoniam, Hollandiam, Zelandiam & Fri-
siam, una cum Philippo profecta, per omnes civitates solemniter
eum ut verum heredem & Tutorem earumdem Provinciarum indu-
gurandum curavit.* Conciliationis tabulæ sunt confectæ 3 Ju-
lii 1428. prout ex Codice Edictorum Hollandiæ citantur a
consentientibus hîc laudatis scriptoribus anonymis ambobus,
Per has tabulas omnes redditus & proventus ad dominium
harum Provinciarum spectantes reservantur (deductis oneri-
bus) *Jacobæ* Comitissæ: quæ tamen illos non perciperet
per suos homines, sed per *Philippi* procuratores, cui tribuitur
administratio annuarum obventionum omnium. Hic opus
cum esset dispositione ac ordinatione explicata, expeditaque,
qua & *Jacobæ* rationibus, & *Philippi*, hæredis designati,
commodis consulereetur, communi consilio, mutuoque con-
sensu statuitur: ut *Philippus*, Tutor jam & *Ruardus* Hollan-
diæ (jûre an injuriâ, nihil ad nos) institueret, seu (33)
consti-

(32) *Suffridus Petri* in Append. ad *Bekam* pag. 158. *Chro-
nyck van Veldener* blad. 130. *Gouthoven* pag. 455.

(33) *En Verba Conciliationis prædictæ desumpta ex Codice Edicto-
rum Hollandiæ nov. edit. tom. 3. p. 15.* item, dat wy Hertoge
ordoneeren ende stellen sullen neegen Persoonen, omme te
verstaen de saacken roerende den Lande van Hollandt, van
Zeelandt ende van Vrieslandt; te weeten drie, die onse voorz.
Nichte ons noemen sal: andere drie, die wy kiesen sullen,
ende drie anderen van andere Landen, sulcke als ons goet-
duncken sal, goede eerlycke Mannen ghenegen tot Peyse en-
de

constitueret novem viros, quibus cura esset rerum publicarum per Hollandiam, Zelandiam ac Frisiam; nempe tres quos JACOBA designaret, tres alios PHILIPPUS eligeret (ex indigenis, uti videtur) & reliquos tres ipse quoque desumeret ex aliis ditionibus suis, omnes viros bonos, probos, pacis ac concordiae amantes, coram quibus omnes per Hollandiam, Zelandiam & Frisiam quæstores, accepti & expensi rationes redderent, præsensibus illis quos JACOBA mitteret ad contradicendum, refellendumque tabulas quæstorum ejusmodi. Qui verò per Hannoniam Rationatores essent, ii non bis Novemviris, sed quibus consueverant, rationes redderent.

Atque ecce originem Cameræ Rationalis Hollandiæ, Haggæ-Comitum institutæ, quæ vulgo dicta fuit *La Chambre des Comptes de la Haye*, vel etiam *La Chambre de la Haye*, ad distinctionem scilicet Cameræ Rationalis Insulensis, dictæ *La Chambre de Lille*, ante quadraginta annos institutæ per Philippum Audacem, uti supra ostensum est: quæ distinctio in oculos insilit vel ex eo, quod ab hujus Cameræ Rationalis Hollandiæ cognitione, vel si vis, Jurisdictione (*Resort*) excipiatur Hannonia. Hic non inutiliter audietur *Goutboven*, cujus verba subjicio. (34).

Ano-

de tot Vreede. . . . Ende die reeckeninghe van alle die Amptluyden ende Dienstluyden van Hollandt, van Zeelandt ende van Vrieslantt mitten toebehooren sal men doen voor den negen voorsz. ende daar sullen by moogen weesen, die wy Hertoginne daar toe schicken sullen, omme die te wederspreecken ende te weederleggen. . . . Ende die Amptluyden ende Dienstluyden van Heenegouwen sullen haire reeckeninghe doen voor den geenen daar dat gewoonelyck is.

(34) *Hertoghe Philips van Bourgoegne*, geworden zynde Grave van Hollant, heeft noch inghestelt in den Haghe, een Collegie van seker getal van personen, diemen de Meesters en *Auditeurs* van de Rekeningen noemt, die het bewint, toeficht en jurisdictie souden hebben, vander Graven van Hollant incomen, thienden, domeynen en andere Gerechtigheden, en voor dewelcke de Rentmeesters van Noorthollant, Zuythollant, van Kermerlant, van Voorn, van Heusden, van de Wildernissen en andere, soude comen Rekenschap doen van haren ontfang ende uytgeven, als mede de Rentmeesters van Bewest en Beoosterschelt in Zeelant, en namaels mede die van Vrieslant en Wtrecht. *Goutboven pag. 110. col. 2.*

Anonymus scriptor primus (35) credidit se hic invenisse Consilium seu tribunal Justitiæ, quod hodie Hagæ sedet. E contrario Anonymus alter (36) Novemviris his nihil aliud tribuit nisi Rationum auditionem: & contendit, eos nullibi *Consiliarios* appellari. (37) Neutrius judicium pronuntiandum est erroneum, in re huc usque obscura, de qua nos aliter sentire non contingeret, nisi inventis jam tabulis ac diplomatibus, hætenus occultatis, quæ ab his viris eruditissimis in-
spici haud potuere.

Res plana aperta que sit ex diplomate *Philippi Boni* dato Brugis 14 Maji 1463. quod edimus in lucem, in quo hæc Camera Rationalis a se, ante triginta quatuor annos, tamquam Ruardo seu tutore, erecta, & a se, tamquam Comite Hollandiæ, Bruxellas migrare jussa, appellatur: *Notre Chambre de la Haye; Notre Chambre du Conseil de la Haye; Nos Conseillers, Secretaires & Officiers*. Jurisdictionis porro fines clare commemorat *Philippus*, agnoscens hujus Cameræ auctoritatem potestatemque sese extendisse tam ad justitiæ administrationem, quam ad rei ærariæ curam. *Tant en fait & exercice de justice, comme autrement es affaires de Nous & de nosdits pays & sujets de Hollande, Zelande & Frise*.

Nempe *Philippus Bonus*, ut servaret pactum cum *Jacoba* initum, necesse habens Novemvirorum Cameram, Consilium, Tribunal, Auditorium (de nomine non laboro) pro Hollandiæ, Zelandiæ ac Frisiæ rebus publicis erigere, avi sui *Philippi Audacis* exemplum sequi voluit, & apud Hagam-Comitis anno 1428. uti mox adductis tabulis evincemus, instituit Cameram Consilii, plane ad normam Cameræ Insulensis, in qua simul *Gaustrarum & Rationum publicarum judicium* exerceretur per Hollandiam, Zelandiam, ac Frisiam. Et hæc Camera recte *Consilium*, ejusque Assesores recte *Consiliarii* dicti, dicendique sunt: quibus titulis omnes Cameræ Rationales Belgicæ, etiam Bruxellensis, gaviscæ sunt, gaudentque hodie, uti notum; appellanturque: *Conseillers*

(35) Dit was het hof van Justitie, gecommitteert ter zaken van Holland. Brief behelzende twee preuven. pag. 34.

(36) Het Hoge-Gerechts-Hof. pag. 109.

(37) Ibid. pag. 108.

seillers & Maitres. Raden en Rokenmeesters. Quod ego iterum arbitror emanasse a Philippo Audace, qui Cameram Insulensem instituens pro Rationibus Causisque Flandriæ, voluit illam appellari Consilium. En verba instructionis Art. XIII. (38) Item, les lettres & mandemens qu'ils donront, ilz s'appelleront les gens du Conseil de Monseigneur le Duc, ordonnez en son pays de Flandres.

Redeamus eò unde digressi sumus. Conciliationis inter Philippum Bonum. & Jacobam Bavaram tabulas, diximus datas fuisse die 3 Julii 1428. Hæ magno rei nostræ historicæ auctoramento servatæ leguntur inter Edicta Hollandiæ. (39) Et quod ad rem facit, promittit ibi Philippus, se Novemvirorum, quos supra locuti sumus, collegium, erecturum juxta litteras Mandati in hunc finem concedendi. Verba, quia rem conficiunt, addo in primigenia phrasi. *Welcke negen Perſoonen ſullen van ons Hertoge voornoemt wel en dengdelijck verſien, in die voorſz. ſaecken naer inboud der Brieven van bevelinge, die ſy van ons hebben ſullen, ende Ende daer af te doen in onſe handen, of in handen ons Cancelliers of andere &c.* Atque ecce tibi hujus literas Mandati:

B E V E E L I N G H E
D E R
N E G H E N E N.

„ PHILLIPS &c. Doen condit allen luyden, want in
„ die soene gemaect tusschen onsen lieven ende gemin-
„ den Zuster Vrouw Jacob Hertoginne in Beyeren, Gra-
„ vinne van Henegouwen, van Hollandt van Zeelandt, en-
„ de Vrouwe van Vryeslandt, van den oorloge dat een
„ wyl tydts geweest heeft tusschen hoir aan een zyde, ende
„ ons aan die andre zyde, onder ander saken in eenen punte
„ begrepen is, dat negen perſoonen goede ende reckelyc-
„ ke

(38) Lib. 1. Edictor. Flandr. Part. 2. fol. 237.

(39) G. Placc. B. tom. 3. fol. 15.

„ ke Mannen geneegen tot payse ende tot Vreden, gestelt,
 „ ende geordineert weesen sullen, van onser weegen om te
 „ verstaen ten saecken aenroerende den Landen van Hol-
 „ landt, van Zeelandt, ende van Vrieslandt voorschreeven,
 „ dats te weeten drye die onse voorschreeve Zuster ons noe-
 „ men sal, drye andere die wy neemen sullen in die voor-
 „ schreeve Landen, ende drye andere van ander Landen
 „ sulcke als ons goet dencken sal, SOO IS 'T, dat wy
 „ begeerende wail ende duschdelyck daar in te voorsien om
 „ dat goede betruwen ende gans geloefe, dat wy hebben
 „ ende dragen tot onsen Lieven getrouwen Heeren *Johan*
 „ *Burchgrave van Montfoort*, Heeren *Johan van Vianen*
 „ Heer ter Noordeloose, ende Heeren *Gheryt van Zyl* Rid-
 „ ders, die welcke in dese saecke ons genoemt hebben ge-
 „ weest van weegen onser voorsz. suster, *Jacob* Heer tot
 „ *Gaesbeek &c.* Onse neve, Heeren *Hendrick van Borstel*
 „ Heer van der Veer, Heeren *Willem van Egmonde*, Heeren
 „ *Roelandt van Wikercke* Heer van Heestert ende van Heems-
 „ roode, Heeren *Colairt van Comene* Heer van der Ruwer-
 „ schure, ende *Bandyn van Zwieten*, die voornoemde ge-
 „ steldt ende gemaghticht hebbe, stellen en machtigen met
 „ deesen brieve wel ende trouwelyck te verstaen ende te voor-
 „ sien tot allen saecken die opcomen mooghen in die voorschree-
 „ ve Landen, te ordineeren, ende te setten van onser wegen,
 „ ende tot onsen wederseggen, ende te ontfetten in die selve
 „ Landen Bailjuwen, Schouten, Rentmeesteren, ende alle
 „ andere Rechteren ende Officieren tot alre tyt als hem dat
 „ goet, ende oirbair dencken sal, hoir reeckeninge te hooren,
 „ ende te sluyten, recht ende bescheydt te doen ende te doen
 „ doen in allen stucken, te corrigeren ende te doen corrige-
 „ ren de quatdoenders nae gelegenthydt der saecken, ende
 „ anders alles te doen, nae inhoud der voorschreeve zoene, dat
 „ wy selve souden moogen doen, in onsen persoon: Behou-
 „ delyck onse hervachticheyt, die wy hebben in den voor-
 „ schreeven Landen, daar sy hem niet off onderwinden en
 „ sullen, noch van onser voorschreeve Suster renten, breucken,
 „ opcomingen ende vervallen, noch oock van den seitendeel
 „ hoir toebehoorende, noch desgelyks van onsen vorderen *
 „ bede nu ter tyt gewillecoirt derselver onser Suster ende ons

* In alio
 apogra-
 pho,

24 TABULÆ ERECTIONIS

quod
mense
Augusto
1742.
vidi ms.
apud
amicum
Jurecon-
sultum,
Virum
togatum
Hagæ-
Comitis,
& anti-
quitatum
patria-
rum peri-
tissimum
juxta ac
studiosis-
simum,
legitur
vonder
loco
vorderen.

in die voornoemde Lande van Hollandt, Zeelandt, ende Vryeslandt, behoudelyck oock die Erffachtigheyt der selver Landen, giften ende Confirmatien van privilegien ende handtvesten, collatien ende presentatien van geestelyke beneficien, ende van alle diensten en officien, die vallen sullen in die voornoemde Landen, daar geen ontfanck aen en kleeft, die welcke geheelyck aen ons blyven sullen, van welcken saecken te doen wel ende deughdelyck in der manieren voirschreeven onse voirschreve gemachtichde hebben eet gedaen in onsen handen, ende sullen sulcke wedden daer aff hebben als hem by onsen anderen brieven geordineert weesen sullen. Ontbieden daaromme ende bevelen allen den amptluden, Rechteren, dienaeren, ende onderfaeten der Lande voorsz. dient aengaen mach, dat sy onsen gemachtigden bouwen genoemt obedieren ende gehoorfaem zyn, ende in die saecken bouwen vercklaert, troist, hulpe ende bystant doen, indien dat sys versocht werden, want wy 't alsoo gedaen willen hebben. Dit sal gedueren tot onsen weder seggen. In Oirconde &c. Datum Hage XIII^{den} dach in Augusto, anno XXVIII.

By mynen Heer den Hertogh

J. GROS. †

† In alio
cit. apo-
grapho
perpe-
ram: J.
GAND.

Et hæ sunt tabulæ Erektionis Cameræ Rationalis Hollandiæ Hagæ-Comitis institutæ, toties expetitæ, & in Hollandia cum anxietate quæsitæ, quod viderentur olim cum cæteris munimentis chartisque ablatæ per Principem, & in Brabantiam avectæ fuisse, prout Consilii Provincialis Hollandiæ patronus non sine querela adnotavit. (40) Et hæc est illa Camera tam pro justitiæ administratione, quàm pro rationibus publicis instituta, quæ Consilii appellatione venit in vetustis post annum 1428. diplomatibus. Tandem hæc est illa Camera, quam *Philippus Bonus* non præexistentem invenit, sed *a se erectam, institutamque* fuisse toties testatus est, in

(40) Ampele Deductien van den Hoven van Holland ende s' Gravenhage raakende haare Jurisdiccie-Quæstien. pag. 427.

in variis diplomatibus apud Hollandos obviis, quorum aliquot indicare lubet, quod non omnibus ad manum sint.

Anno 1436. die 28 Augusti testatur *Philippus* in diplomate *Enchufanis* concessio (41) tabulas has, sive Mandatum (*Beveelinghe*) a se emanasse, & hos Novemviros appellat *suos Consiliarios* per Hollandiam.

Anno 1438. die 6 Martii testatur idem ipse in diplomate iisdem *Enchufanis* concessio, causam quamdam seu litem institutam fuisse coram *suo Consilio* ad causas Hollandiæ ordinato. (42) Et in duobus aliis diplomatibus de 19 Decembris 1442. & 7 Novembris 1448. ad calcem amborum notatur, *Philippi Ducis* nomine jus dictum fuisse per *Consilium Hollandiæ*. (43). Quid quod & alii occurrant testes, uti *Joannes de Lannoy* Hollandiæ gubernator pro *Philippo*, qui & *Consiliarios Ducis* loquitur, & a Duce constitutos. (44) Et ipsa *Philippi amita*, *Margareta* in diplomate anni 1437. (45) Nequis vitiligit, audiatur *Philippus* ipse in tribus diplomatibus oppido Delphenfi concessis annis 1448. 1451 & 1452. in quibus singulis, *Consilium a se institutum*, ordinatumque pro-

(41) *Handvesten van Enckhuysen* pag. 25. „Niet tegenstaende „eenige macht, brieven, instructie of andre *beveelinghe*, die „*Wy onsen* Gouverneur of *Raeden van Hollandt*, of anderen „voortyds mogen gedaan hebben, die wy in præjudici van „defen en willen van geenre waerden weesen.“

(42) *Handvesten van Enckhuysen* pag. 26. „*Philippus* byder „genade Godts &c. Doen kondt allen luyden, dat voor *onsen* „trouwen Rade ghecommitteert de saecken onser Landen „van *Hollandt*, klachtelyck gekomen zyn onse goede luyden „van *Enckhuysen* en *Grootebroeck*, over die van *Westwoude*, seggende &c.“

(43) *Ibid.* pag. 28. „Aldus geteykent by *Mynen Heere* „den Hertoge, ter relatie van de Heere van *Laling (Lalaing)* „ende Rade van *Hollandt*.“

VRIESE.

(44) *Ibid.* pag. 29. „Die Heer van *Lannoy Steede-houder* „Generaal, ende andre die *Raden myns genaadigen Heeren* „*Hertogen van Bourgonjen* gesteldt ter saecke synre Landen van „*Hollandt*, *Zeelandt* en *Vriesslandt*.“

(45) *Privilegien en Handvesten van Rynlandt* pag. 704. „*Voir* „ons geminds Neeve Raade van *Bourgongjen*, gecommitteert „ten saecken van *Hollandt*.“

26 TABULÆ ERECTIONIS

pronuntiat. (46) Ubi observa eodẽm ab illo appellari *Consilium Hollandiæ*, quos vocat *Cameram Rationum Hagi-Comitis*.

Neminem porro movere debet aut ad dubitandum impellere, quod hi Novemviri ex proceribus, nobilibusque Hollandiæ ac Zelandiæ desumpti sint, quasi infra procerum dignitatem foret, Rationibus publicis excutiendis dijudicandisque præponi. Id Principibus Belgis in more positum fuisse reperies apud *Gouthovium & Christophoram Butkens*, ut huic objectioni immorandum non sit. Multo minus offendere debet, quod his Novemviris, seu Cameræ Rationali, detur auctoritas ac facultas instituendi ac destituendi Officiarios, Ballivos, Schultetos &c. qui justitiæ sunt administratores. Ea enim prærogativa olim, atque ab ipsa origine, fuit apud Cameras Rationales Belgicas omnes, dabanturque ejusmodi officia *ad firmam (en amodiation)* pro nonnullo numero annorum, certoque pretio, uti patet ex *Caroli V.* ordinationibus pro Camera Insulensi. (47) .. Stetit hæc Camera Rationalis

(46) *Beschryving van Delft* pag. 34. *Edit. in fol. anni 1729.*
 „ Ontbeyden daerom ende beveelen onsen Leyven ende getrouwen den Heer van Lamoy (*Lamoy*) Ridder, onsen Raadt, Caamerlinck ende Steede-houder in onsen Lande van Hollant, Zeelant, ende Vryeslant, Onse Raadsluyden by ons gestelt ende gecommissteert ten sacken onser voorz. Landen de weefende in den Haach. „ *Ibid.* pag. 36. „ Ombieden daar om ende beveelen onsen Lyeven getrouwen Steede-houder, ende Raadsluyden by Ons gestelt totten saicken onser Landen van Hollant, Zeelant ende Vryeslant, onsen Luyden van de Reeckenkamer in den Haage. „ *Ibid.* pag. 37. „ Daarom ist dat achter dyen, dat by onsen Lieven ende ghetrouwen Steedehouder Generaal, ende andre Raatssyden by ons gestelt, ende gheordonneert in onse voorz. Landen van Hollant, residerende in den Haage. “

(47) *EXTRAIT des Ordon^{ces}. & Instructions pour la Chambre des Comptes à Lisie, faites le 5 d'8bre 1541.*

CHARLES &c.

Art. 85.

Item ordonnons que dorenavant les Officiers de Justice, qui se baillent par *Admodiation*, se donneront pour le moins

nalis Hollandiæ cum Justitiæ simul & rationum publica-
rum administratione, annis omnino triginta & quatuor, ab
anno nempe 1428. usque ad exeuntem annum 1462. cum
prima intervenit conversio rerum & personarum, scriptis
eidem Camere *Instructionibus* per Carolum Burgundum,
Carolesii Comitem, *Philippi* patris mandato: quæ *Instructio-
nes* supersunt hodieque, & reperiuntur inter Edicta Hol-
landiæ. Proinde, quod nobis dicendum restat, certæ pror-
sus fidei redditur ex monumento hoc publico. (48) In
quo illud observo, quod disertis verbis, & quæ nullam
admit-

moins pour neuf ou dix ans, afin qu'on puisse trouver Gens
de bien, qui les veulent accepter, & qu'ils gardent nos droits
& hauteurs, mieux qu'on n'a fait par le passé quand on les
baillait seulement pour trois ou quatre ans.

(48) *Groot Placcaat-boeck van Hollant pag. 631. tom. 3. nov.
edit.* „ Charles van Bourgoinge, Grave van Charralois, Hee-
„ re van Chasteaubelin en van Bethune: aen onsen lieven en-
„ de gheminde den Stadthouder ende Luyden van der Kaa-
„ mere van den Raade residentie houdende in den Haage, geordinaert
„ by myn genaadigen Heere en Vaader, in syn Landen van Hollandt,
„ Zeelandt ende Vrielandt, Saluyt ende Minne. Alsoo onder
„ andre onderwyfinge ons gedaan by Edelen en gedeputeer-
„ den van de goede Steeden der voorsz. Landen, ons te ken-
„ nen gegeven is, hoe dat by seeckere en sonderlinge merc-
„ kelycke redene van grooten noode is, te voorlien tot 'er
„ reformatie van der voorsz. Raadtkaamer in diversche saac-
„ ken tot vermeerderinge en voordernisse van Justitie, ende daar
„ aff dat wy tot begeerte van de voornoemde Edelen ende
„ gedeputeerden, onse voornoemde genaadige Heere en Vaa-
„ der geadverteert gehadt hebben, Die welcke by synen ope-
„ nen brieven beliest heeft ons macht ende authorityt te
„ geeven, met sulcke Provisie daar inne te voorsien, en daar
„ by te ordineren, als daar toe behooren, ende ons goet
„ en oirbaarlyck duncken sal: Soo ist, Dat wy willende,
„ als wel redene is, daar inne obediëren t'bevel van mynen
„ genaadigen Heere ende Vaader voorsz. hebben by groote
„ ryphyd en deliberatie van Raade geordineert, ende by dee-
„ sen teegenwoordigen ordineeren van weege myn voorsz.
„ Heere, op de saacke en t'gestandt van der reformatie van
„ derselver Raadt-Kaamer, die Puncten en articulen hier
„ naervolgende.

admittunt disputationem, dubitationemve, *Carolus* pronunciet, *Cameram consilii sedentis apud Hagam Comitum, institutam fuisse per patrem suum pro Hollandia, Zelandia & Frieslandia*. Et quin imo *Maria Burgundica Caroli Filia & hæres*, clarissimis quoque verbis prodidit, *Carolus* patrem, *Philippum*que avum, habuisse in Hollandia, *Cameram Consilii sedentem Hagæ pro conservatione jurium, præminentiarum, jurisdictionisque, nec non pro justitiæ administratione*. (49) Nemo, ut ego quidem existimo, gravate concedet, accipi hæc non posse

I.

„ Ten eersten, overmits dat inder voorsz. *Kaamere van der Raade* t'zeedert der institutie van derzelver, by beede „ ende importune vervolge en andersints, veele Raadtslyden „ ontfangen ende onthouden geweest hebben, boven t'getal „ datter een wyle tyds gbeleeden, aldaar geordineert waar, van „ den welcken veele die brieven van onthoude verkreegen „ hebben, om te dienen in absentie van den geenens dieder „ teegenwoordigh niet en syn, by welke meenigte van Raads- „ luyden dickwils groote confusen ende veele inconvenien- „ ten geschiedt; Waar op dat wy begeerende daar inne te „ voorsien, geordoneert hebben, ende ordoneren, dat van „ nu voortaan in der voorsz. *Kaamere van den Raade* niet meer „ weesen en sullen gecommitteert ende geordoneert van my- „ nen voorsz. Heere weegen en Vader, dan aght Raadtslyden „ met den Steedhouder. Welcke aght Raadtslyden weesen „ sullen *Notable Mannen wel besoght ende geexperimenteert in saac- ken van Justitie*. Van welke aght die een geordineert wee- „ sen sal, te præsideren in den Raadt in de absentie van den „ voorsz. Steedhouder. Ende dat geen andre Raadt en sal „ in die steede, off in die absentie van eenige van die aght „ Raadtslyden boven geroert, moogen dienen, noch staat „ hebben in de voorsz. Raadt-Kaamer tot wedden noch son- „ der wedden. “

(49) *Groot Placcaat-boeck Tom. 3. pag. 644. nov. edit.* „ Alfoo „ by voorleeden tyden onse harde, lieve, ende welgemide „ Heeren ende Vader, ende oude Vadere zalr. gedachtenisse, „ als Grave van Hollandt, Zeelandt ende Vrieslandt, onder „ andre saacken gehad hebben, binnen haaren Landen voorsz. „ eenen Steedhouder ende Raadtkamer, met seekere andere „ dienaaren ende officieren, resideerende in den Haage, om „ de bewaarenisse ende onderhoudt van haare reghten, Hoog- „ hydt, Heerlyckhydt aldaar, ende ook van der Justitie &c. “

posse de alia Camera Consilii, quàm de ea, quæ *Philippum Bonum* habet auctorem, & anno quidem 1428. juxta adductas supra tabulas.

Sed nondum manum de tabula. In proëmio, atque in primo articulo *Instructionum* narrat *Carolus*, delatas ad se fuisse querelas per Nobiles & Civitatum Hollandiæ, Zelandiæ ac Frisiæ Deputatos, de necessitate reformandi Cameram Consilii, ad meliorem Justitiæ administrationem; quibus ad patrem delatis, potestatem ab eo sibi factam, ut interim provideret prout expedire videret. Et quæ fuere hæ querelæ? Duplices nempe. Primæ: Auctus nimium erat numerus Consiliariorum, qui precibus, & importunis roagationibus, aliisque modis a Principe impetrarant diplomata reservativa * quibus locus primo vacaturus, etiam per aliquanti temporis absentiam, servabatur impetrantibus cum vel sine salariis, ** prout Principi videbatur; auctus, inquam, erat supra numerum, non ab antiquo, aut ab immemoriali tempore, aut a tribus seculis constitutum, sed *haud diu*, *haud ita pridem* † *ordinatum*, nempe ante triginta quatuor annos per patrem *Philippum*; & auctus erat usque ad octo supra viginti, prout videre est in Sententia 119. inter sententias typis impressas tam Supremi quod Hagæ est, quam Provincialis Consilii, ubi pag. 418. expressis nominibus enumerantur. Porro *Carolus* numerum competentem restituere volens, statuit, ut posthac patris nomine, non nisi octo Consilarii cum Gubernatore Provinciæ in Camera Consilii rebus Justitiæ præessent. Atque ecce novemviratus a *Philippo* primum anno 1428. institutus. Secundæ querelæ spectabant qualitates judicum, in quibus desiderabatur doctrina, eruditio, intelligentia, ingenium, quos statuit in posterum esse debere jureconsultos, viros probatos & praxeos peritos † quos non sit necesse inter proceres seligere, nobilesve, quales fuerant Novemviri a *Philippo* instituti. Reliqua, quæ in dictis *Instructionibus* continentur ad propositum non pertinent.

Attributa per *Carolum* Novemviris administratione Justitiæ, supererant decem & novem in Camera Consilii, qui rationibus publicis excipiendis (de quibus nullæ querelæ) essent intenti, quibus ab illo nihil cernimus imperatum. Ast pater *Philippus*, octo post mensibus, nempe anni 1463. mensē

* *Brieven van ontboudes. Brevets de Retenuë.*

** *Wedden. Gages.*

† *Boven t'getal datter een wyle tyits gbeleeden aldaar geordineert waar.*

† *Notable Mannen, wel te seggt ende g'experteerte in saaken van Justitie.*

30 TABULÆ ERECTIONIS

Majo, filii provisionalem ordinationem examinans, eamque suprema auctoritate confirmans, Novemviros illos Justitiæ præpositos, e Camera eduxit, & in Consilium seu Tribunal Justitiæ ordinarium erexit per diploma, quod in Camera Rationali Bruxellensi inventum, & jam sæpe promissum mox subjungemus.

Actum est in Hollandia, quod olim, ut supra vidimus, actum fuit in Flandria. *Joannes Intrepidus* e Camera Rationali Insulensi eduxit, eo quem diximus, sensu, Consilium Provinciale Flandriæ; & *Philippus Bonus* e Camera Rationali Hagana eduxit Consilium Provinciale Hollandiæ, hac sola & unica interveniente differentia, quod pars Cameræ Insulensis, quæ Rationibus publicis præerat, gavisa sit possessione loci natalis, ut ita loquar; & pars altera, cui Justitiæ faciendæ tributa fuit cura, alias coacta fuerit sedes quærere: e contrario, Hagæ natale solum tenuerit Novemviratus Justitiæ præpositus, & pars altera Cameræ Haganae cum Rationum publicarum curandarum auctoritate in vicinam migraverit Brabantiam.

Subjicio proinde Diploma *Philippi Boni*, quod systema nostrum, nisi egregie fallar, apertissime evincit.

EXTRACT du *Regitre de la Chambre des Comptes de Brabant cotté N. 3. commençant a la St. Jean Baptiste 1452. ou se trouve entre autres fol. 155. & seq. ce qui suit.*

REFORMATION sur tous les Conseillers en Hollande,
& la Chambre des Comptes a la Haye abolie &
transferée a Bruxelles.

PHILIPPE par la grace de Dieu, Duc de Bourgogne,
de Lothier, de Brabant & de Lembourg; (50) Comte
de

(50) *Lembourg*) pro *Limbourg*. Ita semper illo tempore. V.
Oliv. Vredium Geneal. des Comtes de Fland. part. 2. fol. 379.
381. Sigill. Co. Flandr. fol. 94. 97.

de Flandres, d'Artois de Bourgogne; Palatin de Hainau, de Hollande, de Zeelande & de Namur; Marquis du St. Empire, Seigneur de Frise, de Salins & de Malines. A tous ceux que ces presentes lettres verront, SALUT. Comme notre tres Cher & tres Amé Fils le Comte de Charolois, au mois de Septembre dernierement passé, étant en notre hotel de la Haye en Hollande, & illec besoignant, pour & au nom de Nous, avec les Nobles du Pays & Deputés des bonnes Villes de Hollande, Zeelande & Frise, sur le fait de l'aide a Nous dernièrement accordé esdits Pays, entre autres choses, par vertu du pouvoir par Nous a Luy baillé en cette partie, pour satisfaire a certaines remontrances a Luy lors faites au lieu de Nous & en notre absence, par lesdits Nobles & Deputés desdites bonnes Villes desdits Pays, comment besoin estoit & grande necessité de reformer notre Chambre audit lieu de la Haye en plusieurs cas, & d'y pourvoir, au bien, avancement & adressement de Justice, des communes affaires, & du bien publique de nosdits Pays, & de nos sujets d'iceux, ait par grande & mure deliberation, & memement par l'avis d'aucuns de notre Grand Conseil y etans avec Luy par notre ordonnance, & d'autres notables desdits Pays, fait de par Nous certaine ordonnance en notre dite Chambre a la Haye, tant sur le nombre & conduite de nos Conseillers, Secretaires & autres Officiers y necessaires, comme sur le fait de leurs salaires, & memement sur & touchant la conduite, l'exercice, & direction de la Justice en icelle notre Chambre, & le tout fait rediger & metre par escrit en un cahier contenant plusieurs articles, & de ce baillie ses lettres patentes sceillées de son scel, le double desquelles Nous a été rapporté par deça, & l'avons fait voir & visiter bien mûrement par les Gens de notre Grand Conseil etant lez Nous, SAVOIR FAISONS que Nous, qui toujours desirons comme devons le bien & l'avancement de Justice & de la chose publique de nos Pays, Seigneuries & sujets, recommandons en ce le bon aquit de notredit Fils, attendu ce que dit est, lesdites reformatiions & ordonnances ainsy faites par iceluy notredit Fils en notredite Chambre du Conseil a la Haye, & lesquelles tenons icy pour suffisamment exprimées, avons par l'avis & deliberation desdits

Gens

Gens de notredit Grand Conseil étans lez Nous, & de notre certaine science, loué, agréé, ratifié & confirmé, luons, agreons, ratifions & confirmons, & de nouvel, en tant que metier soit, les ordonnons de notre autorité & pleine puissance, par ces dites nos presentes, en tous & chacun leurs points & articles, sauves les moderations ci après declarées; & avons voulu & ordonné, Voulons & Ordonnons par icelles presentes, que dorenavant nos amés & feaux Lieutenant General les Gens de notre Conseil, Greffier, Avocat, Procureur, Secretaires, & autres Officiers d'icelle notre Chambre gardent & observent lesdites Ordonnances, & selon icelles, & les modifications ci apres declarées, comme dit est, se reglent & conduisent chacun en son endroit, tant en fait & exercice de Justice, comme autrement es affaires de Nous, & de nosdits Pays & sujets de Hollande, Zeelande & Frise, & gardent & observent icelles Ordonnances & ces presentes de point en point, selon leur forme & teneur, sans inover ou faire chose au contraire, sur tout qu'ils Nous doutent desobeir & peuvent fourfaire envers Nous; & afin que chacun en soit pleinement averti, & que nul ne s'en peut excuser par ignorance, Voulons & Mandons que par notredit Lieutenant General celsdites Ordonnances, ensemble certe notre Confirmation & moderation, soyent signifiées & publiées deuemment en notredite Chambre du Conseil a la Haye, en la maniere accoutumée, & qu'il appartient en tel cas: Mandons aussii & Commandons a tous nos Justiciers, Officiers & sujets quelconques, & memement a ceux de nosdits pays de Hollande, Zeelande & Frise, & a chacun d'eux, que a nosdites Ordonnances & modifications ils obeissent, chacun en son endroit, sans refus ou contredit quelconque: Et pour ce que sommes assez averti, que la grande multitude (51) de nos Conseillers, Secretaires & Officiers, que par importunité des requerans ont depuis certains tems etant * en notredite Chambre, a donné cause & occasion à la confusion qui y a été, & que la Justice & les autres affaires n'y ont pas été adressés, ni conduits par bon ordre,

au

(51) *La grande multitude de nos Conseillers &c.)* Accreverat numerus ad viginti octo uti dictum.

* été.

au moins tel que faire se devoient; parquoy est besoin d'en retraindre le nombre, & d'y mettre Gens notables, exprès, ** aimant DIEU, le bien de Justice de notre Seigneurie & desdits Pays. Nous par notre dite auctorité & pleine puissance, pour lescdites & autres causes raisonnables à ce Nous mouvans, avons dechargé & deporté, dechargeons & deportons par ces presentes tous & chacun des Conseillers, Greffier, Avocat, Procureur & Secrétaire, Huissier & Massagers de notre dite Chambre de Conseil à la Haye en Hollande, & afin d'obvier a semblable confusion pour le tems à venir, & pourvoir au bien de la Justice & de la chose publique de nosdits Pays de Hollande, Zeelande & Frise, qui grandement dependent de l'adresse & bonne conduite de notre dite Chambre de Conseil à la Haye, avons ordonné & ordonnons que dores en avant soyent & seront en notredite Chambre du Conseil à la Haye, seulement huit nos Conseillers notables, avec notre Lieutenant General present & à venir, qui auront gages, tels que ci apres leur taxons & ordonnons, & a chacun en son degré; un Greffier, tel que par autres nos lettres a ce commettons, sans gages; notre Avocat & notre Procureur; le Garde des Registres, & Clerc des siefs de notre dit Pays de Hollande, Zeelande & Frise signant en son office; & deux autres Secrétaires signans, sans plus, avec un Receveur des Exploits de notre dite Chambre, qui tous auront gages tels que ci apres aussi leur taxons, excepté ledit Greffier, qui n'aura aucun gage comme dit est: car Nous avons ordonnés & ordonnons par ces presentes, que l'office de Greffier soit baillié dores en avant a ferme, a personne idoine, plus offrant & d'arrain † encherisseur. Item aura aussi en notre dite Chambre de Conseil deux huissiers & aucuns Messagers, qui n'auront point de gage, fors que pour les jours de leur vacations, & durant les voyages qu'ils feront pour Nous & pour nos affaires seulement. Apres, avons aboli & abolissons de notre science & puissance notre Chambre des Comptes à la Haye, & avons dechargé & dechargeons par ces dites presentes les Gens de nosdits Comptes à la Haye & chacun d'iceux, & ladite Chambre de nos Comptes avons transmuée & trans-

** experts.

† l. dernier.

34 TABULÆ ERECTIONIS

muons de nosdits pays de Hollande, Zeelande & Frise, & l'avons jointe & joignons avec la Chambre de nos Comptes a Bruxelles. Et en outre pour les grands biens, vertus, merites & suffisance des personnes de nos Amés & feaux. Messire Guillaume Dalcmair, (52) Chevalier, Gerard de Affendelf (53) Ecuier, Maitre Jehan de Halewin, (54) Jean Petitpas (55) Louis du Chaste, & Jehan de le Bouvrie Licenciés Loix, Henry Janssieu de Wissenbeka *, & Maitre Woutre Jansz Zierexie †, & de leur preud' hommie & loyauté, bonne diligence & experience en fait de justice, dont sommes pleinement informé, Nous d'iceux confians, les avons faits, ordonnés, etablis & commis; faisons, ordonnons, etablissons & commettons par ces presentes, nos Conseillers en notre Chambre de Conseil a la Haye en Hollande, avec notre Amé & feal Chevalier Conseiller Chambellan & Lieutenant General de nosdits Pays de Hollande, Zeelande & Frise, le Seigr. de la Gruytsbuse (56) & avec ses successeurs pour le tems

nos

(52) Guillaume Dalcmair) Suspitor esse mendum, legendumque: Alkemade. Apud Gouthoven fol. 173. ita lego: Heer en Meester Willem van Alkemade, Ridder, Rechtsgeleerde ende Raet in den Hage, sterf seer out sonder kinders. An. 1473.

(53) Gerard van Affendelf) Heer Gheerit: Heer van Affendelf, Gratingen en Heemkercke, Ridder, Raet in den Hage: hadde te wyve Vrouw Beatrix van Dongen (dat ander Dalem noemen, uyten buyse van Arckel) Ambachtsvrouw van Besoyen en Heyenoort in Zuylbollant &c.

(54) Jehan de Halewin) qui inter Consiliarios Hollandiae numeratur a Gouthovio p. 104. his verbis: Mr. Jan van Halewyn, namaels President ende gheexceuteerde. De quo tanquam praeside ita scripsit p. 102. Heer ende Meester Joan van Halewyn, Heere van Swevegem in Vlaenderen, wert President van den Hove van Hollans gbenoemt, An. 1475. ende An. 1477. ende wert doen mede gedeporteert met den Stadibouder Heer van de Gruytsbuse, volghende het nieu Privilegie, dat de Vreemdelingen in Hollans niet meer regeren souden. Ick bevinde dat den voorsz. meester Jan van Halewyn namaels gheexceuteerts wert.

(55) Jean Petit-pas) is quoque apud Gouthovium legitur p. 104. nec non Mr. Wouter Jansz. Et Mr. Jan de la Bouverye in Vlaenderen. Duo reliqui non occurrunt.

(56) Le Seigr. de la Gruytsbuse) Audi Gouthovium fol. 100. Heer

* Infra:
Wisse-
kercke.
† Infra:
Woutre
Jansz de
Zeerick-
zee.

nos Lieutenants en iceux pays, a la consultation, deliberation, conclusion, adrece & conduite, tant de la justice, comme de nos propres affaires, droits, domaines, hauteur & Seigneurie, comme ausly de toutes autres besognes & affaires de nosdits pays de Hollande, Zeelande & Frise, & de nos sujets d'iceux: lesquels nos Lieutenant & huit Conseillers connoistront de tous cas criminels & civils, & autres dont la connoissance Nous compete & appartient de droit ou de coutume esdits pays de Hollande, Zeelande & Frise, & a cause d'iceux, selon certain article de leur pouvoir incorporé plus au long es ordonnances desusdites. Auxquels nos Lieutenant & huit Conseillers de notre dite Chambre a la Haye, Nous avons tauxé & taxons les gages, qui ci apres s'ensuivent: C'est a sçavoir, audit Seigneur *de la Gruythuyse* la somme de trois cents livres de gros de notre monoye de Flandre par an, & ce pour tous gages & de droits de robes, ustensilles d'Hotel, bois, tourbes, chariages, battelage, belle Chre, (57) & tous autres droits, emolumens & profits, que ses predecesseurs en office ont par ci devant prins & eu de Nous a cause dudit office de notre Lieutenant, tant sur la Recette de notre Receveur de Noort Hollande, que autrement; & moyennant lesquels gages de iij^e. L. de gros par an, ledit Scig^r. *de Gruythuyse* n'aura, ne prendra de Nous autres gages pour voyages ou vacations qu'il fera pour les affaires

Heer Lodewyck van Brugghe, *Heer van der Gruythuyzen, Prince van Steenhuyzen, Grave van Wyncester in Engeland, Heere van Haemstede in Zeeland.* Dese was mede een Vlaemsche Heere van grooten buyse, was Stadthouder xij. jaeren lang, met grooter eeren: maer na den doot van Hertogh Caerl van Bourgoegne, also desen Stadthouder van den Edeldom van Hollandt, besonder van de Cabbelhausche partye niet bantus was, en de Hollanders seyden, dat sy van de Vlamingen niet meer begeerden geregeert te werden, so besefte hy geerwillichlyck want Stadthouderfchap affkint gedaen An. 1477. ontrent Paesschen. V. Smallegange Chronyk van Zeelant fol. 687. Fuit Eques Ordinis aurei Velleris. V. Maurice N. LXI. fol. 65. (57) *ballé Chre*) Hujus vocis, per compendium seu abbreviationem expressit, significationem assequi nequivi, adhibitis frustra consilio.

36 TABULÆ ERECTIONIS

affaires de nosdits pays; & audit Mess^{rs}. *Guillaume D'alcmair* Chevalier, *Gerard de Assendelpb*, Maitre *Jehan de Halewin*, & Maitre *Jean Petitpas*, a chacun d'eux seize sols par jour au prix de deux gros dite monoye de Flandre chacun sol, & Maitre *Loys Du Chêne* & *Jehan de le Bouvrie* treize sols par jour a chacun, & a *Henry Jans de Wisskercke*, & Maitre *Woutre Jansz de Zeericzée* a chacun dix sols par jour; lesquels gages dessus declarés ils prendront de Nous, & leur seront compter pour autant de jours que au long de l'année ils auront vaqué & été presens en notre dite Chambre de la Haye, Nous servant en icelle selon les ordonnances dessus dites, & leur seront dores navant payés aux termes accoutumés par vertu de notre presente Ordonnance par notre Reant^{re} general de Hollande present & avenir, à la certification dudit Greffier de notre dite Chambre qui sera pour le tems, & lequel tiendra le compte de leur dites presences, pour les certifier comme dessus, & avec nosdits Lieutenant & huit Conseillers sera continuelement ledit Greffier de notredit Conseil, sans gages comme devant est couché, lequel se reglera selon qu'il est devis (58) & ordonnances dessus dites; & en cette notre modification touchant l'etat & exercice de son office; Au surplus avons commis & commettons par ces dites presentes nos amez & feaux Maitre *Matthias de Groothée*, notre Avocat en notredite Chambre de Conseil pour l'adresse de toutes nos causes, aux gages de huit sols par jour quand il sera present & nous servira en icelle notre Chambre; Maitre *Michel le Sauvaige*, notre procureur general, en & parmi nosdits pays de Hollande, Zeelande & Frise, aux gages de huit sols par jour; *Thierry de Zweten*, Garde de nos regitres & clerc de nos siefs de Hollande, Zeelande & Frise, aux gages de six sols par jour; Maitres *Adam de Cleves*, *Thierry Poes* nos Secretaires signans, & Maitre *Jean de Lodye* * notre Receveur de nos Exploits & echoites de notre avant dite Chambre, chacun d'eux aux gages de

* *Infra:*
Lodyok.

(58) *devis*) Mot vieux & hors d'usage, qui signifie une declaration en detail. V. Dict. de Trevoux. Et lisez ici: *devis & ordonnances* &c.

de quatre sols par jour, desdits prix & monoye, quand ils seront presents & Nous serviront en icelle notre Chambre, chacun de son estat & office, & autrement non; dont ledit Greffier tiendra le controlle & baillera sa certificacion a chacun pareillement comme il est dit ci dessus desdits huit Conseillers. Nous avons commis & ordonné, commettons & ordonnons en outre *Guillaume Grain* & *Jehan de la Croix* nos huiffiers d'icelle notre Chambre; & au regard du nombre des Messagers, Nous avons delaisé & delaissons la charge & commission au dit Seigr. *de la Gruytbuysse* notre Lieutenant, pour y commettre tels & en tel nombre, par l'avis de nos dits Conseillers de notre dite Chambre, que bon semblera; & ne prendront ne auront lesdits huiffiers & messagers aucun gages de Nous, ni a notre charge, mais se contenteront de leurs journées & vacations, que par nosdits Lieutenant & Conseil leur seront tauxées. Et en moderant & corigeant certaines ordonnances par Nous faites l'an cinquante neuf, incorporées esdites ordonnances de notre dit Fils, faisant mention & declaration des gages de nosdits Conseillers, & autres officiers, au regard des voyages & vacations qu'ils feront au dehors de notre dite Chambre pour nos besognes & affaires, leur avons tauxé & tauxons les gages qui s'en suivent: c'est a scavoir, Nos Conseillers qui ont xvj. sols par jour, auront xxiiij. sols par jour quand ils vaqueront pour nos besognes & affaires en nosdits pays de Hollande, Zeelande & Frise; & quand ils vaqueront dehors ledi. pays, ils auront xxxij. sols par jour. Ceux qui ont xiiij. sols par jour, auront vingt sols dedans le pays, & xxvj. dehors le pays chacun jour. Ceux qui ont dix sols par jour, auront xv. sols dedans ledit pays, & dehors vingt sols. Ceux qui ont huit sols par jour, auront xij. sols dedans le pays, & seize sols dehors; & semblablement *Thierry de Zweten*, garde de nos regitres, *Maitres Adam de Cleves*, & *Thierry Poes*, nos Secretaires, & *Jehan de Lodyck* Receveur desdits Exploits de notre dite Chambre de Conseil, auront chacun douze sols par jour, quand ils vaqueront & besoigneront pour Nous hors icelle notre Chambre dedans nos pays de Hollande, Zeelande & Frise, & seize au dehors d'iceux

38 TABULÆ ERECTIONIS

pays, tant pour leurs gages, que pour leurs battellages, Charralges & belle Chic. Tous lesquels nos Conseillers & officiers dessus nommés & chacun d'eux en son endroit, au regard de leurs etats & offices se regleront & conduiront par & selon lesdites ordonnances, & cette notre presente moderation, & leurs avons donné & donnons, & a chacun d'eux en son degré, estat & qualité, pouvoir, autorité, & mandement especial par ces dites presentes, de bien, duement & loyaument exercer, porter & faire leursdits etats & offices, d'y garder nos droits, hauteurs, Seigneuries & Domaines, & faire par chacun singulierement & especialement tout ce qu'a son Etat & a sa vacation compere & appartient aux droits, honneurs, prerogatives, franchises & libertés acoutumez & qui y appartiennent tant qu'il Nous plaira: dont, tant nosdits Conseillers, comme nos autres officiers dessus déclarés, feront & fera chacun en son endroit les serments acoutumés & requis, és mains dudit Seigneur de la Gruythuyse notre Lieutenant, lequel avons commis a le recevoir d'eux, & commetons par ces presentes. Si DONNONS en mandement a notre dit Lieutenant & a tous les nobles vassaulx, feodaulx & sujets, & memement a nos Justiciers & officiers de nosdits pays de Hollande, Zeelande & Frise, que, lesdits serments ainsi faits par les susdits, de lors en avant ils & chacun en son endroit, reçoivent tiennent & reputent iceux Messrs. *Guillaume D'almair*, *Gerard de Affendelf*, *Maitres Jehan de Halwoyn*, & *Jehan Petitpas*, *Loys du Chesne* & *Jehan de la Bouvrie*, *Licentié en loix*, *Henry Jansson de Wissenkercke*, & *Maitre Woutre Jans: de Ziericzee*, pour nos Conseillers en notre dite Chambre du Conseil a la Haye especialement ordonnés auxdites affaires de nosdits pays; *Maitre Matthys de Grothée* pour notre Avocat, *Maitre Michel le Sauvage* pour notre procureur, *Thierry de Smeeten* pour garde de nos Regitres & Clerc de nos siefs, *Maitre Adam de Cieves* & *Thierry Poes* pour nos Secretaires signans, & *Maitre Jehan Lodyck* pour notre Receveur desdits Exploits & echoittes de notre dite Chambre a la Haye en Hollande, & *Guillaume Grain* & *Jehan de la Croix* pour nos Huysfiers d'icelle notre Chambre de Conseil, pour Nous y servir

Servir par la maniere dite, leur entendent & obeissent, & fassent obeir & entendre, & a chacun en son endroit en l'exercice de leursdits Etats & offices, en la maniere qu'il appartiendra, & au surplus d'iceux Etats & offices, ensemble des droits, honneurs, prerogatives, franchises & libertes y accoutumés comme dit est, les fassent & souffrent & laissent pleinement & paisiblement jouir & user, obeissant a nos ordonnances dessus dites, sans y faire venir au contraire en maniere quelconque, non obstant quelconques retenues, commissions, lettres ou mandemens par Nous octroyés a qui que ce soit sur aucuns desdits Etats & offices, a quelque couleur que ce aitz été ou puisse estre, car iceux avons cassés & revocqués, cassons & revocquons de certaine science par ces meme presentes, & Nous plaist que ainsi soit fait. En temoin de ce Nous avons fait metre notre scel de secret a ces presentes. Donné en notre ville de Bruges le xiiij. jour du mois de May l'an de grace mil quatre cent soixante trois. Ainsi signé par Monseigneur le Duc, Evêque de Tournay (59) les Sires de Chimay (60) de Lannoy (61) de Montigny (62) & de Gaix (63) Chevaliers, Pierre Bladelin Maitre d'hotel (64) le Jusc de Befan-
choy.

(59) *Evêque de Tournay*) Guilielmus Fillatre, quem Philippus Dux invito Franciæ Rege Carolo VII. a Pio II. P. M. impetravit, & quem ad magna negotia adhibuit. V. Gall. Christ. tom. 3. col. 233.

(60) *Sire de Chimay*) Jean de Croy, Seigneur de Tour sur Marne, & depuis premier Comte de Chimay, Chevalier de la toison d'or, mourut en 1472. V. Maurice N. XXII. fol. 24.

(61) *de Lannoy*) Baudoin de Lannoy dict le Beggue, Seigneur de Molembais & de Lannaux, Chevalier de l'ordre, trespassa en 1474. V. Maurice N. XIX. fol. 21.

(62) *de Montigny*) Simon de Lalain, Seigneur de Hantes & Montigny, Chevalier de l'Ordre, mourut en 1476. V. Maurice N. XXVI. fol. 28.

(63) *de Gaix*) Non occurrit.

(64) *Pierre Bladelin Maitre d'Hotel*) Occurrit apud Oliv. Vredam in Sigill. Com. Fland. fol. 99. edit. Latinæ, ubi additur: Seigneur de Middelbourg.

40 TABULÆ. ERECTIONIS

chon (65) & Guillaume de Poupet, prefens. Signé: *M. Steenberch.* (66)

Qui post hæc planè strictèque contendere, & quin imò poscere volet, ut hodierni Consilii Provincialis Hollandiæ Institutionis Epocha, non ab anno *millesimo quadringentesimo sexagesimo tertio*, quum è Camera Rationali Hagana eductum est, statuenda sit, sed ab anno *millesimo quadringentesimo vigesimo octavo*, cum unis iisdemque tabulis (veluti olim in Flandria contigit) institutum est Corpus illud, quod *Cameram Consilii Hagani* appellatum fuisse, nos ipsi probatum dedimus, is non habebit me, cum indignationis incurrendæ periculo, contradictorem morosum: modò candide aperteque agnoscat, formam, quæ dat esse rei, a *Philippo Bono* inductam fuisse anno *millesimo quadringentesimo sexagesimo tertio*, quum hi Novemviri, Provincialis Consilii Senatores primùm renuntiati & constituti sunt pro Hollandia, Zelandia, ac Frisia, rescissa per eundem Principem unione, ex qua cum Consiliariis Rationariis unum idemque corpus effecerant.

Porro ad implendum argumentum hujus nostræ Dissertationis supersunt dicenda nonnulla de sorte Rationariorum Hollandiæ. *Philippus Bonus* post eductos an. 1463. e Camera Rationali Hagana Senatores illos Consilii Provincialis Hollandiæ, reliquos Consiliarios Rationarios univit Cameræ Rationali Brabantinæ, quæ Bruxellis sedet, attribuendo huic ita aucto Corpori Hollandiam, Zelandiam ac Frisiam. Decennio post, *Carolus Audax*, jam Dux Burgundiæ & Comes Hollandiæ, univit Cameras Brabantinam & Haganam * (jam connexas ac copulatas) primæ suæ ac vetustissimæ Cameræ Insulensi. Tribus his in unum Corpus compositis, dedit præsidem unum & novem Consiliarios ac Rationum Magistros, quibus subjecit curam Rationum publicarum omnium Provinciarum Belgii, cum collatione

* *Haganam* dico, non *Cameram Hollandiæ*. Ap-

(65) *le Jusc de Besançon*) lege: *le Juge de Besançon*, uti apud Vredium loc. cit.

(66) *M. Steenberch.*) *Mr. Martin Steenbergh*, fut *Secrétaire du Duc Philippe le Bon*; *signa en l'an 1456*. Butkens suppl. aux troph. de Brab. tom. 1. pag. 192.

florē officiorum; sedem illis assignans Mechliniam, in qua civitatē hæc ita commexæ, & ut ita dicam, combinatæ Cameræ federunt usque ad mensem Martium anni 1476. quum Maria Burgundica Caroli filia & hæres, illas dissociavit ac disjunctit. & antiquas sedes repetere iussit. Prima & præcipua pro Flandria, Artesia, Hannonia, Namurco, Tornaco & Mechlinia, rediit Insulas: Secunda, pro Brabantia, Luxemburgo, Limburgo & tractu ultra Mosam, Bruxellas; Tertia pro Hollandia, Zelandia ac Frisia, Hagam.

pellationem enim suam a loco, non a Provincia, habuit, quod solum Brabantina convenit.

Illud dicam per transennam, quod ex prima illa unione Cameræ Hagane cum Brabantina, & ex secunda trium Camerarum intra Civitatem Mechliniensem, factum sit, ut diplomata, quæ edimus, & signanter diploma *Philippi Boni* de 14. Maji 1463 instituentis Consilium Provinciale Hollandiæ, expressis primorum Senatorum aliorumque officiorum nominibus, salariis &c. apud nos, non vero apud Hollandos, inventa sint.

Adde tria diplomata ex Camera Rationali Brabantina, de Unione ac dissolutione Camerarum.

EXTRAIT Du Registre de la Chambre des Comptes à Bruxelles pour les affaires de Brabant Commencant au mois de Mai l'an 1467. temps du Duc Charles N°. 4. où se trouve 163. ce que s'ensuit.

**Pour l'entretienement de la Chambre des Comptes
De par La Duchesse, & Marie de Bourgogne.**

TRes Chers & bien amez. Vous savez assez la dure fortune, nagaires advenue à Monseignr. dont nous sommes en si grand regret & desplaisance que plus ne pourrions comme raison est, & que bien être devons, Et combien que par plusieurs nouvelles que avons de divers costez, nous

Tom. II. Pars I.

F

entee-

entendons & esperons que graces a Dieu il est en vie & sancté, & qu'il est plus apparant hors des mains de ses ennemis en lieu seur que autrement. Dont nous rendons Loenges a Dieu, lui supplians de tout nre cœur que ainsi puisse estre, Toutesfois pour & que a cause de l'incertaineté du lieu ou est sa tresnoble personne, dont esperons brief estre acerteûres aucuns murmures se pourroient ensuivre. Il nous a semblé estre necessaire d'entretenir tout le fait de la Justice entre les Pays & sujets bien & doucement, & ainsi que l'on a accoustumé de faire, que la Chambre des Comptes & toutes autres choses chacun en sa qualité, Et pour ce nous escripvons envers vous & vous prions & requerons que veulliez entendre & vacquer songneusement chacun en son regard a l'entretenement delad. Chambre, & y faire les auditions des Comptes des Receveurs particuliers, & toutes autres choses ainsi que avez fait jusques a orres, En quoy faisant, nous sommes certaines que Luy ferez tres grand service, car le plus grand desir qu'il a c'est d'entretenir le fait de sadite Justice, sadite Chambre des Comptes & autres Estats qu'elles sont, en vigueur, A quoy aussi de notre part nous tiendronts la main de notre pouvoir & en tous evenemens, si vous y veulliez employer, comme en vous avons la parfaite fiance, Tres Chers & bien amez nre Seigr. soit garde de vous, Escript a Gand le 15^e. de Janvier.

Nous desirons que vous President des Comptes venez devers nous en ceste ville de Gand, & que y soyez en dedans le dernier jour de ce mois, en delaisant les autres delad^e. Chambre besoigner sur le fait d'icelle jusques a votre retour. Ainsi signé. MARGARITE. MARIE. Et estoient lesd. lettres supsriptes ainsi qu'il s'ensuit: *A Noz Tres Chers & bien amez les President & Gens des Comptes de Mon-Seigr. a Malines.*

*De Par la Duchesse de Bourg^{ne}. de Brab.
de Limbs. de Luxembs. & de Guel-
dre, Comtesse de Flandres, d'Artois,
de Boug^{ne}. de Hainau, de Hollande, de
Zelande, de Namur & de Zutphen.*

Tres Chers & bien amez. Pour aucune causes & Con-
siderations a ce nous mouvans & par l'advis & deli-
beration des Chancelier & autres Gens du Grand Conseil
de feu notre Tres Cher Seigr. & Pere que Dieu absoille, &
des Deputez les Gens d'Eglise, nobles & des quatre mem-
bres de notre Pays & Comté de Flandres, estans presente-
ment lez nous. Nous avons Conclu & deliberé, que par
maniere de provision vous continuerez en l'exercice des Estats
& offices desquels par notred. feu Seigr. & Pere vous avez
esté pourveux, ainsi & par la forme & maniere que avez fait
& accoustume faire par ci devant du temps de mond. feu
Seigr. & Pere, jusques a ce que en ce & autres noz affaires
ayons plus amplement pourveu. Ce que vous signifiions
Tres Chers & bien amez, Et voulons & vous mandons que
ainsi le faictes; Tres Chers & bien amez notre Seigneur soit
garde de vous; Escript en notre ville de Gand le 28^e. jour
de Janvier l'an LXXVJ. Ainsi signé. MARIE, & du Secre-
taire Ratault, Et estoit la supcription desd. lettres telle
que s'ensuit; *A nos amez & feaulx les Gens de noz Comptes a
Malines.*

*Commissie van de Camer van Reken. te
Mechelen Inhoudende drie Leden te
weten die van Brabant te Brussel,
die van Rysslele te Rysslele, ende die
van Hollandt ende Zelandt in den
Hage, alsoo die te wesen plagen.*

MARIE par la Grace de Dieu, Duchesse de Bourg^{ne}. de
Lothier, de Brab., de Limbourg, de Luxembourg
F 2 &

& de Gueldres, Comtesse de Flandres, d'Artois, de Bourgne.
 Palatine de Hainaut, de Hollande, de Zelande, de Namur
 & de Zutphen, Marquise de St. Empire, Dame de Frise, de
 Salins & de Malines. A noz amez & feaulx les Gens de
 noz Comptes a Malines Salut & dilection. Comme passé a
 trois ans ou environ, il eust pleu a feu nre Tres Cher Seigr.
 & Pere que Dieu absoille, unier & joindre ensemble les
 trois Chambres des Comptes de ses Pays de par deça, assa-
 voir de Lille, de Bruxelles & de Hollande, & icelle mettre
 & Instituer en une seule Chambre en notre ville de Ma-
 lines, ou pendant & durant lesdits trois ans & jusques
 a present elle ait esté & residé, comme encore fait, Et
 il soit ainsi que puis nagaires pour aucunes considerations
 raisonnables a ce nous mouvans, nous avons ordonné vou-
 loir & déclaré par noz autres lettres Patentes, que pour
 le temps advenir lade. Chambre des Comptes sera remise
 & separé en trois, comme autrefois ont esté. Assavoir
 celle de noz Pays de Flandres, Artois & Hainaut en no-
 tre ville de Lille: celle de noz Duché de Brabant, &
 Luxembourg en notre ville de Bruxelles, & celle de noz
 Pays de Hollande, Zelande & Frise, en notre ville de
 la Haye en notre Pays de Hollande, Savoir vous faisons
 que nous voulans & desirans nostre. ordonnance, vo-
 lonté & declaration quant aux Chambres dessus estre execu-
 tée, vous mandons & enjoignons expressement que vous
 & chacun de vous par nous ordonnez & instituez esdites
 Chambres selon les institutions nouvelles, qui sur ce seront
 faites & tous les suppostz d'icelles y denommez, vous
 transportez, assavoir vous les Gens de noz Comptes or-
 donnez pour notre Chambre des Comptes de Flandres &
 autres Pays y ressortissans en notre dite ville de Lille;
 vous les gens denozd. Comptes ordonnés pour nos Pays
 de Brabant & autres y ressortissans, en notre ville de
 Bruxelles, & vous pareillem. les Gens denozd. Comptes
 esleu pour noz Pays de Hollande, Zeelande & Frise en
 notre ville de la Haye audit Pays de Hollande. Pour
 illec pour vous & chacun de vous en droit soy exercer &
 deservir son estat & office, besoigner a l'audience des
 Comptes.

Comptes des officiers de Justice & de Recepte illeiq, & faire au surplus ainsi & par la maniere que l'on souloit faire par ci devant avant qu'elles fussent unies ensemble en notred. ville de Malines, vous accordant par ces presentes que pour ceste année commencée au Noël derrein passé, & qui finira au Noël mil quatre cent lxxvj, vous jouissiez de telz & semblables gaiges que avez euz & prindentred. feu Seigr. & Pere pour le temps que avez fait residence en notre dite ville de Malines enled. an passé. Nous ordonnons & voulons deslorsenavant vosd. gaiges etre telz & semblables & non plus grans a notre charge que ils souloient être, & que vous & voz predecesseurs les prenoient a ceste cause d'icellui feu notre Seigneur & Pere au jour delade. union faite en notredite ville de Malines, Et aux autres droitz & emolumens quelzconques y appartenans. Car ainsi nous plaist il etre fait. Donné en notre ville de Gand le xvije. jour de Mars l'an de Grace mil quatre cens soixante feize. Ainsi signé par Madamoiselle la Duchesse & de J. de Beere.

Camera Insulensis anno 1665. uti supra adnotavimus, Brugas translata, anno tandem 1682. Bruxellas evocata est. Anno 1702. die 2 Julii, Cameræ Brabantiae unita, anno 1706. ab ea dissociata, postremo die 16. Octobris 1735. per gloriose memoriæ Carolum VI. Imp. jam tertium eidem Cameræ Brabantinæ unita est, unumque ambæ corpus constituunt.

Potro ipsa Camera Rationalis Brabantina instituta fuit per Antonium Ducem Burgundiæ, Comitem Rhetelii &c. die 1. Julii 1404.

Dicendum foret de reliquis Tribunalibus Justitiæ per Duces Burgundiæ in Belgio erectis; verum de Parlamento, seu Magno Consilio, quod Mechliniæ sedet, nihil controversatur. *Carolus Audax* illud Mechliniæ sedere fecit per litteras patentes datas Theodonis-villæ mense Decembri 1473. & per aliud diploma designavit Senatores qui illud componerent, constituerentque, prout postea statuit Archidux *Philippus* sabatho die 27. Januarii 1503.

46 TABULÆ ERECTIONIS &c.

De Consilio Supremo Brabantiae lis est, aliis ejus erectionem tribuentibus *Philippo Bono* ad an. 1427. aliis contendentes illud idem esse quod vetustum Consilium Cortenbergense. Non est quod hic pronuntiem, dum pro statuenda Epocha Institutionis Consilii Provincialis Hollandiae noster unice susceptus est labor.

F I N I S.



E R R A T A

T O M . I I . P A R T . I .

- Pag. 48. lin. 8. a fin. *Christophoro*. Adde: *Madrutio*.
 — 59. — ult. *typrog.* *l. typogr.*
 — 60. — penult. *Ex Ænipon.* *l. Ex Æniponte*.
 — 67. — 8. a fine. notum. *l. noto*.
 — 98. — 3. eminentiæ. *l. eminentis*.
 — 108. — 8. a fine. qui. *l. quæ*.
 — 115. — antepenult. missus. *l. missus*.
 — 117. — 8. Volunt. *l. Nolunt*.
 — 151. — 4. a fine. *en.* *l. in*.
 — 182. — 6. a fine. *me. deleatur*.
 — 193. — 10. a fine. novum opus, novum prematur in
 annum *lege: nonum prematur in annum*.
 — 225. — 3. distribuerat. *l. distribueret*.
 ibid. — 24. Et si. *l. Et si*.
 — 226. — 5. a fin. Cæsar Hispaniam. *l. in Hispaniam*.
 — 231. — 11. a fin. molire *l. moliri*.
 — 278. — 12. inverecundæ. *l. verecundæ*.
 ibid. — 23. litteras. *l. litteris*.
 — 297. — 17. mojorem. *l. majorem*.
 — 301. — 13. a fin. facile. *l. facite*.
 — 328. — 4. a fin. 1534. *l. 1544*.
 — 335. — 11. *Colirius.* *l. Colmus*.
 — 340. — penult. Domini eam. *l. Dominicam*.
 — 348. — 7. a fine Gugernatrici. *l. Gubernatrici*.
 — 364. — 13. a fin. hac. *l. hæc*.
 — 365. — 18. a fin. secclaribus. *l. secularibus*.
 ibid. — 8. a fin. *Gaugrici.* *l. Gaugerici*.
 ibid. — 7. a fin. transtulerunt. *l. transtulerunt*.
 — 380. — 17. a fin. utque. *l. usque*.
 — 198. — penult. præpositura. *l. præpositura*.
 — 402. — 10. lectum. *l. lætum*.
 — 411. — 21. præferire. *l. præterire*.

CORNELII PAULI HOYNCK
VAN PAPENDRECHT,
ARCHIPRESBYTERI MECHLINIENSIS
ANALECTA BELGICA.


TOMUS SECUNDUS.

P A R S P R I M A .

PRÆFATIO

AD

EPISTOLAS SELECTAS.

 Ovem omnino volumina *epistolarum* manuscripta exstitisse, testatur inventarium alterum, cui titulus: *Papiers misés au coffre signé 17. contenant les lucubrations de Docteur VIGLIUS*

DE ZUICHEM, quod dedi *Sup. tom. 1. pag. 240.* Hodie in Collegio Vigliano non reperiuntur nisi octo volumina mss. in folio: quæ nec eadem sunt quæ inventarium exhibet, & quæ sunt eadem, non eodem ordine signata sunt, quo notantur in inventario. Exhibeo ordinem inventarii: *Ibid. pag. 242.*

Primus liber epistolarum Domini Viglii Zuichemi ex exemplaribus descriptarum per M. Adrianum Goudanum, ab 15. calendas Februarii 1525. usque ad finem anni 1536. Hodie signatur his notis: Epistole Viglii Tomus II. 1525—1536. Habetque paginas 404. Nomen Adriani Goudani, nec in fronte nec in calce reperias.

Secundus liber epistolarum ejusdem Domini Viglii Zuichemi per eundem M. Adrianum descriptarum

P R Æ F A T I O.

a 10. die Januarii 1537. usque ad finem anni 1541. Hodie notatur his characteribus: *Epistolæ Viglii Tom. III. 1537 — 1541. paginas implet 328. Nec hic Adriani Goudani nomen occurrit.*

Tertius liber epistolarum ejusdem Domini Viglii per eundem M. Adrianum quoque descriptarum a tertia die Januarii 1542. usque ad finem anni 1561. Qui videtur partem constituisse præcedentis voluminis secundi, cum paginarum notæ non sint novo ordine inchoatæ, sed continua serie productæ, nempe a n. 329. ad 623. Et in hujus fronte legis in membrana exteriori, ipsissima fere verba inventarii. Intus verò pagina prima chartacea habet hanc inscriptionem: Liber tertius eptarum Dni Viglii Zuichemi &c. ab 3^a die Januarii anno 1542. usq. ad finem anni 1561. per M. Adrianum Goudanum. In dorso porro sunt hæ notæ: Epistolæ Viglii Tom. IV. 1542 — 1561.

Quartus liber epistolarum Domini Viglii Zuichemi selectarum, & ex exemplaribus quoque descriptarum per Joannem Keersmaker ab anno 1560. usque ad finem anni 1573. Non reperitur. Joannes ille, Viglii Bibliothecarius erat cum in fata concederet, ut vides in Codicillo.

Liber minutarum Domini Viglii Zuichemi ad illustrissimum Dominum Cardinalem Granvellanum a mense Januario 1566. usque ad finem Februarii 1576. Et hic deperditus est.

Liber minutarum ejusdem Domini Viglii ad Joachimum

P R Æ F A T I O

num Hopperum ab Januario 1566. usque ad finem Martii 1576. Hic adest; signatus in dorso: Epistola Viglii ad Hopperum Tom. I. 1566—1576. Paginae notatae non sunt. Habet epistolas 267. atque adeo triginta ac tres. plures quam Gabbemana editio, de qua in praefatione ad has ipsas epistolas dixi satis.

Litterae Domini Viglii descriptae per Joannem Keersmaker ab anno 1574. usque ad finem anni 1575. Et hae desiderantur.

Litterae ejusdem Domini Viglii Zuichemi descriptae per M. Adrianum Goudanum separatim, quae non habentur in libris epistolarum confuse. Hae quoque inventae non sunt.

Litterae Domini Viglii Zuichemi ad Dominum Ludovicum Schorandum praesidem Secreti Consilii ab mense Septembri 1542. usque ad nonam Septembris 1548. compactae & membrana obtectae. Et hae amissae sunt, quarum, uti & ad Card. Granvellanum integri decennii spatio scriptarum, magna est jactura, quod de rebus publicis tractent.

*Quae nobis defint conspicimus. Adsunt autem ex Collegii Lovaniensis archivo quatuor alia volumina mss. in folio, signata n. V. VI. VII. VIII. Unicum, & quod signatum est n. VI. intus habet hunc titulum: *Variae litterae D. Viglii Zuichemi ad viros eruditos suae aetatis, descriptae ex Minutis per Feijonem Snecanum a°. 1560.* In superiore ora paginae alia manu: *Mangotius.* Porro *Feijo Snecanus* nec in*

P R Æ F A T I O.

inventario, nec testamento, nec demum in codicillo notus est. Unde ergo hæc volumina quatuor migrarunt in Collegium Viglii? Id juxta scio cum ignarissimis.

Harum epistolarum per *Feijonem* descriptarum multo maxima pars continetur in voluminibus per *Adrianum Goudanum* descriptis, ac signatis n. II. III. IV. Inseruit *Feijo* nonnullas epistolas virorum eruditorum ad Viglium, quas *Adrianus* non exhibet. Item epistolas a Viglio aliorum nomine conscriptas, veluti nomine Episcopi ac principis Monasteriensis ad Paulum Papam III. & Reginae Mariæ Hungariæ nomine ad Julium PP. III. variasque alias. *Adrianus* temporis rationem habuit, & ejus ordine servato descripsit, *Feijo* nullum servavit. Unde forte dicendum sit *Adrianum* descripsisse post *Feijonem*, quod mihi videre videor ex vol. V. ubi pag. 29. ad epistolam *Casparis Ursini Velii* ad *Viglium* datam ex *Æniponte* 7. Februarii 1532. hæc in margine lego aliâ manu adjecta: *Omittatur & interseratur literis doctorum virorum, & si quas similes alii vel ad Viglium vel ad alios scripserunt.*

Ceterum ex his quatuor voluminibus selegimus nonnullas epistolas, quæ in prioribus illis per *Adrianum Goudanum* descriptis inventæ non sunt.

Quid utilitatis epistolis suis inesse Viglius censuerit, in testamento suo prodidit, ubi n. 12. ita loquitur: *Libros familiarium epistolarum, ceterasque*
mi-

P R Æ F A T I O.

minutas litterarum mearum latinarum, juxta inventarium desuper confectum, fasciculum quoque litterarum mearum latinarum ad Ludovicum Schoranum præsidem Secreti Consilii, prædecessorem meum, nec non exempla quoque litterarum latinarum ad illustrissimum Dominum Cardinalem Granvellanum, & Dominum Joachimum Hopperum (piæ memoriæ) scriptarum, una cum epistolis latinis doctorum virorum ad me scriptis, selectisque, lego eidem Collegio meo apud Lovanium sub custodia præsidis ibidem, ex quibus alumni mei, studia actionesque privatas & publicas, vitæque totius meæ cursum percipere valent.

Superest, ut quid mihi consilii fuerit, paucis dicam. Omnes epistolas familiares ad diversos scriptas, & per *Adrianum Goudanum* in ordinem redactas, edendas esse censuerunt viri cum sapientes, tum docti, qui illas ob styli elegantiam variamque eruditionem perplacere atque delectationi esse arbitrati sunt. Sed intercessit typographus. Quare non damus nisi selectas aliquot: non quòd vereamur reliquas lucem haud mereri, sed, quòd ajunt, seculum nostrum jam ejusmodi merces fastidire. Quid facias delicatulis? Oportet nosse sapes, sed magis cibos. De illis, librorum propolæ ex auditu nonnumquam rectè, de his ut plurimum judicant male. Cedendum tamen fuit. Sed ne reliquæ ultimum in Collegio Lovaniensi conflictum cum tineis truci-

P R Æ F A T I O.

busque blattis sustinerent, earum pluribus liberaliter
usi sumus in notis ad Vitam. Igitur quod sciens
dare noluit, nescius largitur. Et, nisi me nimium
amem, lectoris palatum exacuet inexpectatus sapor.

Adde quod plures epistolæ a nobis selectæ, præ-
sertim ex Tomo IV. mss. sint historico-politicæ, &
ad res publicas illorum temporum elucidandas fa-
ciant, quas rejicere aut negligere piaculum sit. Ad-
didimus quoque nonnullas a viris doctis ad *Vigilium*
datas, & aliunde acceptas: inter quas sunt aliquæ
quarum responsa interierunt cum amissis volumini-
bus supra citatis.

Atque hæc sunt quæ lectorem nescire noluimus.



I N D E X

EPISTOLARUM SELECTARUM.

A.

Adolpho Archiep. Colon. CLXI.

Andreae Alciato. XXI. LXIX. LXX. XCVIII. CVII.
CXXXVI.

Andreas Alciatus Viglio. XIX. XX. XCIX. CVIII. CXLII.

Antonio Fuggero CXXXV.

Antonio Perenotto Episcopo Atreb. & Card. Granvellano.

CXX. CXXX. CXLVII. CXLVIII. CL. CLVII. CLXXIV.

CLXXVI. CLXXVII. CLXXVIII. CLXXIX.

Antonio Sucqueto. XVII.

B.

Bernardo Buchoni. I. II.

Bonifacio Amerbachio. XXIX. XXXIV. XXXVII. XL.

XLVII. LXXIX. LXXXV.

C.

Caspar Urfino Velio. XXIV. XLII.

Caspar Urfinus Velius Viglio. XXIII.

Carolo Boifoto. CXXII.

Carolo Sucqueto. XV. XVI.

Christophoro Seldio. CXXXII.

Claudio Cantiunculæ. LXXI.

Tom. II. Pars I.

••

Claudio

I N D E X.

Claudio Peutingero. XVIII.

Conrado Bruno. CXLI.

Cornelio Myeropio. IX.

Cornelio Sceppero. CXXXVIII.

Cornelio Suys CLX.

D.

DOthiæ Wyardæ. LII.

Dux Sabaudiaë Collegio Jurisconsultorum Lovanii. CLXVIII.

E.

Engelberto Cancellario Brabantiaë. CXLIX.

Erasmo Roterodamo. III. IV. VI. VII. XIII. XXII.

XXV. XXX. XXXIII. XXXVI. XLIV. XLV. XLIX. L.

LI. LXI. .

Erasmus Roterodamus Viglio. XLVIII.

F.

Florentio Grebovallio. LV. LXVI. LXXXI.

Franc. Card. Alciatus Viglio. CLXXII.

Francisco Craneveldio. LX.

Franc. Episc. Monast. Paulo III. CXXXIX.

Francisco Rupilio. XII. LXIII.

Frederico Schenk a Tautenberg. XLVI.

Fredericus Archlep. Traj. Viglio & Duci Albano. CLXXIII.

G.

I N D E X.

G.

GEorgio Cornbechio. LVI.

Georgio Fuggero. LXXVI.

Georgio Hermanno. XIV. LXXII. LXXXII. XCI. XCVI.
CV. CXII. CXVI.

Georgio Sigismundo Seldio. CL.

Gerardo Rymio. CLXVII.

Gerardo a Veltwyck. CXXIX. CXXXI.

H.

HAdriano Mario. LXXVIII. LXXXIX. CLIV.

Hayoni Hermanno. LXIV. LXXXIV.

Hectori Hoxvirio. LXII. CXIII. CXIV.

Henrico Falcomontano. CXVII.

Henrico Rechlingero. LIX. LXXXVIII.

Hermanno Letmatio. CLXII.

Hieronymo Baldungo. XXVI.

Hieron. Frobenio & Nic. Episcopio. CXXVI.

Hippolyto Perfyno. CLV. CLVI.

I.

JAcobo Duxino. XI. XXVII.

Jacobo Horstio Can Colen. CLXV.

Jacobo Omphalio. CIII.

Idzardo. CLXX.

Joachimo Hoppero. CLXIV.

I N D E X

Joannes in Garten Bernardo Eachamer. CXV.
 Joanni Cholero. XXXVIII. XLI. LXXIII. LXXIV.
 LXXXIII. LXXXVI.
 Joanni Chrysofomo Zanco. LXXV.
 Joanni Ferenbergero. LXV.
 Joanni Georgio Hermann. LIII. XCIII. XCVII. CIX
 Joanni Gropper. CXLIV.
 Joanni Hervagio. LXVIII. CX.
 Joanni Jacobo Fuggero. LXXVII. CIV. CVL. CXIX.
 Joanni Mepschio. CLI.
 Joanni Richebè. CLXIII.
 Joanni Secundo. XXVIII.
 Joanni Sinapio. CXXXIV.
 Joanni Bapt. Palmæ Alexandrino. X.
 Justo Velfio. CLII.

K.

KEmponi a Martena. LVII. CII.

L.

Leonardo ab Egkh. CXI.
 Leonardo Langemantel. XXXIX.
 Ludovico Carino. XC.
 Ludovico a Prato. CXXVIII.
 Ludovico a Schora. CXL. CXLV. CXLVI.

M.

I N D E X.

M.

Matthiae Heldt. LIV. LXXX. LXXXVII.
F. Michaeli ad S. Sulpitium. XXXV.

N.

Nicolao Everardo. CXXIII.
Nicolao Nicolai Grudio. CXXVII.
Nicolao Perenotto. CXXI. CXLIII.

O.

Otho Card. Augustanus Viglio. CLXXI. CLXXV.

P.

Petro Bacherio. CLXXXI.
Petro Bausano. XCI. XCIV. C.
Petro Crabbe. CLVIII.
Petro Nannio. CLXVI.
Philippo Melanchtoni. CXVIII.
Philippo Nigri. CXXV.

R.

Ruardo Tappero. CLIX. CLXXX.

S.

Sebastiano Truchses. CXXIV.
Serapioni Hanya. LXVII.
Sigismundo Gelenio. CXXXVII.

*** 3.

Si-

I N D E X

Simoni Pistorio CLIII.

Siukoni a Mellama. V.

Stephano Montano. XCV. CXXXII.

T.

T Zalingo Wyardæ. VIII.

U.

U Dalricho Langemantel. LVIII.

Udalricho Zasio. XXXII.

Udalrichus Zazius Viglio. XXXI.

V.

V Ulmaro Prof. Lovan. CLXIX.

W.

W Ilhelmo a Trantmonsfdorf. XLIII.



VIGLII_{AB}AYTTA
Z U I C H E M I
EPISTOLÆ SELECTÆ
A D D I V E R S O S.

Ex MSS. codicibus Collegii Vigliani Lovanii.

Adjectis summariis & notis.

EPISTO-

EPISTOLA PRIMA.

Ex Tomo II.
fol. I.

BERNARDO BUCHONI⁽¹⁾.

*Patruo suo abblanditur. Significat emptum a se 1525.
Ciceronem, in cujus laudes amplissime discurret,
etiam ex S. Augustini testimonio. Pecunias in
libri exolutionem, & Aymarum de Leg. XII.
Tab. poscit.*



Seculum jam propemodum, honorande pat-
true, esse mihi videtur, quod nulla a te
epistola venit; quamquam istud seculum
vixdum est trimestre. Sed facit amor meus
erga te, ut quodvis momentum, quo nihil
a te nobis adfertur, annus videatur. Tan-
tum tuas jucundissimas, doctissimas, ac
sanctissimas amo litteras. Quid enim non jucundum quod
a te? quid non doctum quod a tanto viro, qui totam pene
ætatem in litteris contrivit? quid non sanctum quod a tali
patruo proficiscitur? Verum causam silentii tui ipse facile
conjicio, quæ etiam prohibuit, ne nostræ litteræ sæpius
ad te pervenirent. Nam hoc tempore aut frigus ta-
bellarios proficisci vetat, aut impedimento est pluvia, aut
obsistunt venti nimium acres & vehementes. Quare non est
cur mirer te nihil scripsisse: est tamen cur litteras tuas ex-
pectem. Ausus sum ante aliquot dies, humanissime Patruæ,
aliquid te inconsulto tentare, verum non sine suasu optimi
& doctissimi mei præceptoris *Jacobi* (2), quem in omnibus
meis negotiis consulem (3) mihi adhibeo. Consulturus
etiam te eram, si morari in aggrediunda re licuisset; habe-
bam enim ea in re multos rivales, & si oblatam occasionem
ne-

(1) Vide Vitam Viglii Num. VI. & notas ad eumd.

(2) (*Jacobus Volcardus*) de quo ad N. XIII. Vitæ Viglii.

(3) *Consul*, pro eo qui consilium dat. Haud equidem rectè.
Quod hic *Viglius* junior usurpavit, non occurrit alibi.

2 VIGLII AB AYT TA ZUICHEMI

neglexissem, spreta pœnitentiam mihi reliquisset. Quare admonitus sapientis Apophthegmate: *nosce tempus*, maturavi consilium ut potui citissimè. Nunc tu quid egerim æquis precor auribus cognosce. Oblata mihi nuper sunt omnia *Ciceronis* opera elegantibus typis excusa concinnèque ligata: offerebantur autem a quodam, qui abiens, nescio an in Italiam an Franciam, libros suos hîc relinquere coactus est. Emi ego ea opera hortante & suadente simul Magistro *Jacobo*, exiguo profectò precio. *Cicero* autem quomodo non adfert utilitatem maximam, quem omnes judicant acutissimè, doctissimè & divinissimè scripsisse? ex quo etiam authore felicius quis discere potest sive eloquentiam sive sanctimoniam. Hic enim est ille *Cicero*, qui in foro, in rebus judicialibus, in orando neque superiorem unquam habuit, neque parem. In jure civili non parum eruditus, quippe a *Q. Mutio Scaevola* institutus, ut in vita *Ciceronis* docet *Plutarchus*. Cujus etiam *Scaevola* plurimas in Digestis habemus leges, doctas profectò & sapientissimi pectoris insignem redolentes prudentiam. Sed quid *Ciceronis* meditator præconium apud eum tui vel maximè *Cicero* est cordi? Spero jam non modo non exposciturum te mecum, quod id ausus sim facere priusquam tibi indicassem; verum etiam non invitum nutrimus, quibus eos libros persolvam, contributarum. Studemus diligenter juri, ad quod intelligendum non paulum etiam nos juvabit *Ciceronis* lectio. Cui enim Rhetorica ipsius majori possunt esse usui, quam juris perito? quam doctè illic confirmare nostram causam, adversarii item refutare ac refringere, docet? quæ ipsa in jure non minimum locum obtinent, in causis agendis maximum. Tum etiam Topica ipsius cum omnibus fiat utilissima, tum a nullis propemodum, exceptis solis jure-consultis, intelliguntur. *Cicero* enim vir ut multarum magnarumque artium, ita juris etiam peritissimus, habitâ *Trebatii* ratione ad quem scribebat, nam ipse inter primos jus profitebatur, omnia ex jure civili exempla deprompsit. Deinde in tota parte oratoria in omnibus suis orationibus, quas vel apud judicum tribunalia vel apud populum habuit, nonne multa ex jure loca adferuntur, quæ ipse & copiosissimè & eruditissimè explicat? Sed transeamus ad philosophica laboria sui monumenta. Ac primò occurrit mibi

EPIST. SELECTÆ AD DIVERSOS. 3

mihi gravissimi viri *Di Aurelii Augustini de Ciceronis* sapienti sanctimonia gravissimum testimonium. Quod nos aliquando apud *Angehum Politianum* legere contigit. Qui *Augustinus* quod affectum mutaverit, quod ad Deum preces & vota converterit, quod desideria non eadem quæ primò habuerit, quod omnis ei vana spes evluerit, quod immortalitatem sapientiae quaesierit, æstu cordis incredibili, postremo quod surgere jam cœperit, & ad Deum reverteretur, cuncta hæc *Ciceronis* munus facetur, unque prorsus illius libro, qui vocatur *Hortensius*, omnem suæ salutis occasionem retulit acceptam. Non enim ad acuendam linguam liber [inquit sanctissimus vir *Augustinus* (4)] ille offerebatur, nec locutionem mihi, sed quod loquebatur, persuaserat. Officiis autem Tusculanis & Academicis quaestionibus quid sanctius? Libro de finibus bonorum & malorum quid magis philosophicum? Epistolis autem quid ad imitandum utilis, quid ad legendum suavius? In reliquis denique omnibus libris, quantam licet conspiciere sapientiam, quam graves sententias eloquentiæ sale conditas? quantam in ipso homine sanctimoniam & integritatem vitæ, morumque legere possumus? valdeque mihi nunc probatur illud *Quintiliani*: Ille sciat se profecisse cui Cicero valde placere cœperit. Sed nescio quo me inscium rapit sermo. Receptui canendum est. Reliquum jamque est humanissime D. Patrue, ut ego diligenti studio ejus libros revolvam; tuæ autem liberalitatis erit contribuere pecuniam in libri exolutionem. Scripsi nuper ad te oroque iterum, ut mihi *Aymarum* tuum (5) de Legibus XII. Tabularum, quem abeunti mihi ostendebas, mittas. Nulla nobis necessaria sunt; curat enim tua humanitas sedulo, ne *Viglio* aliqua res desit. Vale optime D. Patrue. *Lovanii* 15. Calend. Februarii anno 1525.

(4) Confess. lib. 3. c. 4.

(5) *Aymari Rivallii* Historia Juris Civilis, sive in XII. Tabularum leges communes. De qua editione agatur, non liquet. Ceterum edita fuit Moguntiae an. 1539. in 8. & in Tractatu Tractatum sive Oceano juris, exstat tom. 1. pag. 3.

4 VIGLII AB AYTTA ZUICHEMI

Ex To-
mo VI.
fol. 202.
vfo.

EPISTOLA II.

BERNARDO BUCHONI PATRUO.

1528. *Suum erga patrum amorem testatur, cujus in se merita commemorat, nobiles prodens sensus, adolescens vix annorum viginti. De Hayone Camminga, ac de studiis suis, librisque comparandis.*

Diligenter sane; charissime Patre; nuper curasti, nequid me ista belli calamitas turbaret. Magis tamen ego nunc sollicitus sum, ut vicissim, me id scire cognoscas. Cum enim utrumque inopinata hostium fraus dejecisset, me, nequid tibi gravius accidisset, te, ne quid ego tristius audissem, quod studiorum meorum tranquillitatem læderet: haud temerè nunc me cura angit, ut te istius solatii participem faciam. Adeò quippe amantium mutua quædam & lætitiæ & tristitiæ communicatio est: ubi is superior creditur, qui magis ob adversitatem amici dolet, vel ob felicitatem gaudet. Sed jure consultorum nostrorum dum expendo rationes, video hos nescio quid amplius parentum, quam liberorum affectibus concessisse. Horum quidem pietatem agnoscunt: illis tamen naturalis charitatis erga filios vinculis astrictis multo altiore in amore gradum tribuunt. His ipsi successiones & pleraque alia expendant: ac propter commune parentum votum, non sic parentibus liberorum, ut liberis parentum hæreditatem deberi asserunt. Quorum quidem sacrosanctam auctoritatem non attentabo: ut tamen quod sentio exprimam, non idem juris in cognatis recipio. Nam hîc me & ratio & proprius affectus dissentire cogit. Non autem objiciam nunc Ciconiarias illas leges (1) quibus brutorum exemplo officii sui monentur liberi, ut parentibus infantia vices rependant. Non excusabo quosdam, tardius aut
nun-

(1) *Ciconiarias leges*] Dicitur ciconia alere suos parentes, cum ætate graves, seipsas alere non valent, unde hæc avis gratitudinis symbolum est. *V. Dict. de Trevoux.*

nunquam promerentibus gratiam referentes: sed quorundam hîc cupio sententiam refellere. Qui quos natura in natiuitate hos ipsi in amore quoque posteriores ubique ponunt: ut nos prope pudore afficiant, qui non beneficiis tantummodo, sed & amicitia ab maioribus vincimur. Patrum enim te mihi natura haudquaquam hîc noverca dedit: id enim ego inprimis feliciter mihi contigisse puto. Huic litteras, huic multarum rerum peritiam, regionum cognitionem, magnorum virorum amicitias, me ipsum denique debeo. Vincis tu tamen naturam, quod me tam enixe amplecteris. Accusantur parentes qui non æquali amore liberos fovant: quis unquam a te quæso, Prudentissime Patre, majora erga cognatos officia desideravit? Omnes se tibi multum debere fatentur: tantum abest, ut quid in tua humanitate requiratur. Quis verò non miratur etiam, quod *Vigilium* æqualiter tibi cum aliis conjunctum (quod ad agnationis ordinem spectat certe primum, sed id lucis, non naturæ est) quis verò non miratur, quod *Vigilium* tantum amas, tantum curas, ut etiam parentes meos meritò pudere debeat, quod in amoris erga me certamine a te vincuntur. Hoc cum cogito, quo me chariorem habes, eo te vicissim vehementius ardeo. Perpendo enim quantum vel ea ratione Patrum redamare debeam, quod me delegerit, quem diligeret, cum nullo naturæ privilegio cæteris præferrer. Quid taceam, quod me rudem non modò præceptoribus optimis erudiendum tradiderit, sed multo etiam Patrum ipsorum curam vincens, exactissima institutione formarit. Hæc cum examino beneficia: patiarne me ab eodem in amore vinci? An mihi id isti persuadebunt, ut ego minus Patrum meum amem, quam ille me? Deum immortalem quanta mihi cura fuit, quæ diligentia, quæ sollicitudo, ut gaudium meum tibi indicarem. Ipso statim die quo tuas litteras acceperam, rescribebam, gratulabarque Patrum, animæ dimidium meæ, ex hostili furore ereptum esse. Scribo iterum, ne si nuperrimæ litteræ interciderint, diutius uterque nostrum mutuo motu crucietur. Pecuniam autem nuper a te missam adhuc expecto. Mercator autem qui eam adferre debuit, nondum advenit. Faciam te statim certiore, ubi audiero quolo loco sit, & an eam accepturus sim. Illud etiam scire de-

6 VIGILII AB AYTTA ZUICHEMI

bes, Calendis Maiis, nescio quo fato, *Haijenem Camminga* juvenem nobilem huc advenisse. Is cum longa peregrinatione per Germaniam tandem Dolam attigisset, vix a nobis retineri potuit, ob solitudinem hujus oppidi, & Scholasticorum non ita magnum numerum, si cum Lovanio conferre lubet, quæ tamen me & delectant & juvant. Magis enim inter paucos virtus exurgit, cum noscere queamus cum quibus nobis de studio certamen est. Me autem unicum cubiculum capit, idque non adeo magnum: plerisque etiam Europa nimis parva est. Persuasimus tamen tandem: & quamvis fatigatus esset, fatiari tamen quotidianis laboribus non potuit. Sic sane fieri plerumque solet, ut qui semel e nido evolarint, nullo plane loco consistere queant. Tantum habet momenti & laborum consuetudo, & perpetua regionum non sine delectatione mutatio: ut videre nihil diu possis, aliud atque aliud semper velis. Deterruimus postremo hominem, & place ut hic nobiscum maneret, coegimus. Verebamus enim ne alibi in retia incideret imprudens & incautus, magno amicorum, sed majore suo malo: nec alio ire poterat nisi redire maluisset. Ex Italia enim armis & fame excludimur: Gallis hostes sumus: in Germania non summum modo corporis discrimen est, quid enim in intestino illo dissidio tutum esse queat? sed animus etiam gravissime periclitatur, ne scilicet horrendarum opinionum & hæreseos procellis obruatur: in Burgundia cum jucundum sit vivere, tum etiam adhuc tutum. Quæso te, humanissime Patruë, ut ejus amicis ipsum huc adesse indices. Ego & communis Patriæ, & clarissimæ ejus familiæ, tibi semper amicitia conjunctæ causa, lubens quidquid potero in ejus gratiam sum facturus. Quod ad mea studia attinet, nihil dubites quin tuo judicio & expectationi sim responsurus. Expecto quotidie tuam & voluntatem & liberalitatem, illam in emendis, hanc in exolvendis libris. Noli diutius bonos conatus remorari, quos semper promovere soles. Remoraberis autem, si longius consilium de his rebus proteles. Augebis autem mirum in modum, si benigne in librorum comparisonem pretium conferas. Vale. Charissime Patruë. Dolæ. Anno 1528. nono Maii.

EPI.

EPISTOLA III.

ERASMO ROTERODAMO.

Ex To-
mo II.
fol. 6.

*Erasmum profusissime & forte immodicè demulcet, 1529.
ejusque amicitiam exposcit, Bernardi Buchonis
decani Hagæ-Comitis, patrui sui nuper mortui,
hortatu.*

Inter tot pulcherrimas virtutes, doctissime *Erasme*, quæ
vel singulæ immortalitatem tibi parere possent, maximè
incomparabilem tuam eruditionem, & expositam omnibus
humanitatem admiramur. Illa effecit, ut totus orbis latinas
litteras veluti captivas postliminio receperit, hæc quotidiano
nos desiderio tunciat, atque adeo excitat, ut quamvis humi
ferpamus, atque ad tuæ doctrinæ majestatem velut ad solis
radios caligemus, optare tamen, ut in notitiam tuam reci-
piamur, audeamus. Nec potes, vir humanissime, hoc nostrum
desiderium vitio nobis ducere. Etenim cum tua humanitate
tam multos delectes atque ornes, cur non & nos tuam be-
nevolentiam expetamus? Cum literarum Studiosi simus, cur
te earum parentem non colamus? Cur juvenes tam veneran-
dam senectutem pio aliquo non demereamur obsequio? Cur
denique & istius nostri erga te animi significationem ingratham
tibi fore credamus? Ego sane, Venerabilis *Erasme*, ita sta-
tim a pueris erga te sum affectus, ut non alius mihi vehe-
mentior ad studia stimulus fuerit, quam ut sic proficerem,
quo tuæ me insinuari benevolentiae posse sperarem. Quod
etsi nondum sum assecutus, tanto tamen tui desiderio quo-
tidie incendor, tamque mihi in tua humanitate posita spes
est, ut nec meo quidem proposito ab temerario isto ad te
scribendi ausu prohiberi quiverim. Vel *Poliphemo* potius huic
ascribe, qui sic te mihi prædicavit, ut quamlibet paganus
ad sacra Musarum accedere audeam. Vel si vis dona id
Carolo Sucqueto juveni hoc tuo erga eum amore digno, qui
meam etiam impudentiam sua exhortatione auxit. Sal-
tem hunc unicum fructum habeam perpetui mei erga te
amoris, ut semel ineptè ad te scribendi venia mihi detur.

Inter *E-
rasmianas
Epist.
MXIII.
ad quam
respondit
per Epist.
MXX.*

Ma-

8 VIGLII AB AYT TA ZUICHEMI

Maluiffem ex præfenti tecum colloquio aliqua notitiæ femina jeciffe, antequam ad fcribendum abfenti accederem. Sed nunc voluntatem meam remoratur Bafileenfis tumultus: aliquando tamen me beatum putabo, fi te videre potero. Quod cum ipfe jam diu defiderarim, tum me patruus quidam meus sæpe hortatus eft. Is fuit *Bernardus Bucho* Decanus in Haga-Comitis, cujus benignitas ftudia mea femper aluit. Nuper vero ex vivis difcedens triftiffimo mortis fuæ nuncio me affecit, liberaliter tamen ftudiorum meorum impendiis testamento profpexit. Vellem te intelligere quantum is te amarit, quam fideliter contra infanos quofdam crabrones defenderit, nam & ex ejus nomine de tua benignitate majorem fperni conciperem. Tamen eam tu erga omnes comitatem præ te fers, ut non aliorum adminiculo opus fit, fed tuapte natura ad redamandos homines tui ftudiofos admonearis impellarisque. Confido itaque, eruditiffime *Erafme*, effe te æquo animo fufcepturum hanc meam epiftolam, quâ compulfi fumus, quem erga te gerimus affectum expromere. Nec diutius me potui (ut ex animo loquar) continere, quin quantopere te amarem, epiftolâ testarer, cum ex tuis fchedis, quas multi Philerafmii cum *Carolo* legimus, nebulonis iftius *H. E.* improbam nequitiam cognofcerem (1). Sæpe pro te contra *N.* ftetimus, qui fi noftris obtemperare confiliis voluiffet, in viam rediens fpontaneam hanc infamiam evitare potuiffet. Quando fic vult, accedat tuo catalogo, in quo hujusmodi portenta pofteris es nota redditurus. Oro autem te, doctiffime *Erafme*, ne ex hujusmodi belluarum infana virulentia de candidiffimo noftro erga te pectore diffidas. Quicumque tibi male vult, eum & nos hoftem nofttrum effe judicamus (2). Nunc id fcribo, ut epiftolam tibi extorqueam, tantum enim nunquam fperare fum aufus, fed ut me profufiffimè te amare intelligas, paratumquẽ effe ut pro virili

(1) Sæpe pro te contra *Lu. Ca.* ftetimus, qui fi noftris obtemperare confiliis voluiffet, in viam rediens fpontaneam hanc miferiam & infamiam evitare potuiffet. Potiatur itaque *Lucii Catilinæ* exitu; & quando fic vult &c. Ita inter opera *Erafmi* edit. Lugd. Bat. an. 1703. Nos fequimur *MS.* nofttrum.

(2) Nec id nunc fcribo, ut &c. Ita in ead. edit. Et rectius.

EPIST. SELECTÆ AD DIVERSOS. 9

rili ab utilissima studiorum tuorum quiete, improbissimorum nebulonum furorem propellam. Vale unicum orbis nostri decus. *Ex Dola. Ad 15. Cal. Mart. 1529.*

EPISTOLA IV.

*Ex Tomo II.
fol. 7.*

ERASMO ROTERODAMO.

*De primæ ad Erasmum epistolæ successu latatur, 1529.
a quo ad rerum communionem fuit invitatus.
Profitetur se literario studio gloriam quærere
velle. Erasmi adversariis male vult, de amicis
gaudet.*

ET si non mediocri temeritatis meæ pœnitentiâ afficiebar, qui ad te litteratorum omnium principem literas meas ignotus dare ausus fuerim, magnam tamen contra nunc ex eventu (qui longè meam expectationem superat) voluptatem capio. Nec mihi potuit quicquam jucundius accidere, quam quod illæ literæ tam ineptæ gratiam tamen aliquam apud te invenerint. Jam certè quærebam qui impudentiæ meæ culpam apud te deprecarentur; & ipse te sic æquum benignumque offers, ut quod ego excusare voluerim, tu non modo in meliorem acceperis partem, sed laudi etiam ascripseris. Cum tu vero adeo benignus sis peccati mei censor, vix mihi consto, aut qua ratione vicissim tuæ humanitati respondere debeam, scio. Illud vero quod ex veteri amicitiae lege ad rerum communionem abs te invitor, pudore ac verecundia denuo me afficit, dum tam largam mihi fidem tuæ erga me benevolentiae facere dignaris. Impudentissimus autem sim si ultronei tui beneficii alium spondorem exegero. Nec mihi sane isthoc pacto quicquam reliqui facis, quo ego tuæ in me benevolentiae satisfacere posse credam. Pudore etenim haud levi afficior, cum pro tam grandi beneficio tam tenuem referendæ gratiæ facultatem superesse mihi perspicio. Quod si tamen fortuna animo responderet, & quantum vellem possem quoque, re ipsa de-

Tom. II. B clara-

TO VIGLII AB AYTTA ZUICHEMI

clarareff, quanti *Erasmum* faciam. Porro patrai mei *Bu-
thonis*, cui tecum olim non ingrata consuetudo intercessit,
eadem exhortatio fuit, ut litterario studio gloriam aliquam
quærere conniterer. Idipsum vero quanta alacritate a te
audierim, dici non potest. Non desistam autem, donec utriuf-
que voto respondero. Sed quid quæso, *Ornithoplutusne*
ille tuus suspendio proximus est? Sic tollantur quotquot si-
mili furia tui animi tranquillitatem infestant. Nec alter ille
vivere diu potest, cum præter corporis morbum mens quo-
que illi non satis sana sit. Cogita autem te hujusmodi mon-
stris domandis in cælum ire, nominisque tui gloriam illustri-
orem reddi. Quin & *Herculis* virtus incognita mansisset,
nisi tot ærumnis exercitata fuisset. *Hayonis* nostri majorem
in modum felicitati gratulor, cui quotidiana consuetudine
tua frui contigit. Ex animo autem precor, ut quam diu-
tissime diligentissimeque omni officio obsequioque eam tuea-
tur. Habet autem eam tui amor energiam, ut in plu-
res ~~compendium~~ transfundi cupiat, unde & nos, ubi tanto
a te amoris amplexu suscepti sumus, nobis ipsis non satisfac-
imus, nisi plurimos nobiscum in ejus communionem traha-
mus. Vale. *Dole.* 23. Martii 1529.

Ex To-
mo II.
fol. 8.

EPISTOLA V.

SIUKONI A MELLAMA.

1529. *Avinione non substitit ob pestem, & quod Alciatus
inde Biturigas concessisset. Valentiam se contulit,
doctoralia ibi insignia, ubi minimum impenditur,
suscepturus; pecuniam sibi mitti, & literarum
commercium, postulat.*

Significaram tibi, mi *Siate*, novissimis literis meis, par-
tem meam ut *Avinionem* irem. Nec miravi consilium: sed
eandem *Avinione*, sed ut sæpe *Dole* audivisti, antea magis
ibi quam salubris est habitatio. Quod cum ipse cognoscere
mallem quam credere, ubi *Avinionem* venissem, pestilentia
jam

EPIST. SELECTÆ AD DIVERSOS. II

jam inchoantis motu commotus, cepi motum de abeundo consilium inire. Alia etiam discedendi causa erat, quod *Andreas Alciatus*, cujus sagâ excitatus potissimum ad me contuleram, inde discederet, ac magno conductus salario, apud Biturigas nunc profiteatur. Quamobrem ego in vicinam Academiam Valentiam me contuli, ac ibi statui parentum commilitonum meorum voluntatem expectare, sub hyemen fortassis ibidem Doctoralia insignia suscepturus. Nam minimum hoc loco impenditur: & *Philippi Decii* (1) nomine, qui hîc haud ita pridem professus fuit, celebre adhuc hoc Gymnasium habetur. Unum restat, ut pecunia in eam rem mihi mittatur. Porro cognoscere desidero qualis tu sis orator, & quomodo patri persuaseris, ut centum francos, quos tam justè ab eo prioribus litteris petii, subministret. Matura autem quæso ut eam pecuniam citissimè acci-

(1) *Philippi Decii*] de quo aliquid dixi ad Vitam *Viglii* N. XVI. Videndus *Baylius in diction. Verbo: Decius. Sweerius in sel. orb. delic.* adfert ejus epitaphium inter Pisana: „*Philippus Decius*, sive de *Dexio* Mediolanensis J. C. celebri fama notissimus cum primum locum studii in jure Canonico „& Civili tenuisset, Pisis, Senis, Florentiæ, Paduæ, Papiæ, „& demum ultra montes in Gallia, revocatus in Italiam ab „excelsa Florentinorum Republic. posteaquam stipendium „1500. aureorum in auro pro lectura consecutus fuisset; de „morte cogitans, hoc sepulcrum sibi fabricari curavit, ne „posteris crederet.“

Janus Vitalis in hanc inscriptionem ita:

- „Dum curat *Decius* sibi sepulchrum
- „Clarum marmore ponere eleganti,
- „Inscripsit titulos ineruditos,
- „Ut risum magis excitare possint,
- „Quam laudare hominem undecumque clarum.
- „Quod si non sibi cultius sepulchrum
- „Quam doctos titulos & elegantes
- „Curasset, modò mollius jaceret.

Hanc non addidi, cum scriberem ad Vitam *Viglii* epitaphium *Sperius*, quod serius eam reperi in ejusdem *Sweerii epitaphiis joco-seriis* pag. 219. Edit. *Colm. anni 1623.*

12 VIGLII AB AYTTA ZUICHEMI

accipiam: ne quid studia mea inde remoræ accipiant. Superioribus diebus scripsi ut ad *D. Cornelium* (2) opera *M. Vincentii* (3) mitteretis. Quod si Dolæ is adhuc hærebit facile eam sum accepturus. Reliquam meam pecuniam, quæ ex Patruī testamento accrevit, spero fideliter a *D. Upkone* (4) conservari. Vestes, libros, annulos & si quid præterea est, si is quoque custodiat, puto in tuto fore. Tu tamen de istis, & reliquis negotiis aliquando ad me scribe. Ex Frisia ne literulam adhuc, postquam eò rediisti, a te recepi. Cuperem ut aliquando hanc admirationem mihi adimeres, & tacere desineres. Omne præteritum silentium condonabo; quicquid suscepi stomachi, ponam. Charissimum te pergam habere, si mihi de omnibus rebus meis prolixissime scribes. Scribe quæso. Et si non potes expostulatione mea flecti, saltem tam blandis precibus commovearis. Quos aliis literis salvere jubebam, rursus velim salutes. Bene vale. Valentia. Pridie Calend. Maii 1529.

Ex Tomo V.
fol. 141.

EPISTOLA VI.

ERASMO ROTERODAMO.

1529. *Cur relicta Dolá, Avenionem primum, tum Valentiam, ac demum Biturigas concesserit. Erasmi videndi desiderio tenetur.*

VEL ob eam causam, *Erasme* Doctissime, Dolam illubentius reliqui, quod ibi propter tam exiguum, quo a te aberam, loci intervallum, aliquando me occasionem inventurum sperabam, ut desideratissimo tui conspectu fruerer. Sed nescio quomodo fatum meum & amicorum consilia voto huic adversentur. Nam Dolæ cum adhuc agerem, studiosorum quorundam juvenum precibus, operam qualemqualem meam
in

(2) *D. Cornelium*] a Mierop.

(3) *M. Vincentii*] magni thesaurarii. V. ad Vitam N. LXII.

(4) *D. Upkone*] a Burmania Senatore Frisæ.

in tradendis Jurisprudentiæ rudimentis, requirentibus tandem assensu. Sed audaciæ istius me postea non semel puduit, pœnituitque. Repugnat enim adhuc ætas, cui discere magis quàm docere conveniebat: præsertim cùm ex Patru mei munificentia, parentumque liberalitate non desit, unde citra docendi quæstum, meo (quod dicitur) succo vivere, Litterisque libere vacare possem. Attamen gravi imperiosa- que cohortatione, amici quidam non indocti eò impulerunt. Ad hæc ita obnixè Adolèscèntes ipsi a me contenderunt, ut non quid ingenii mei imbecillitas ferret, sed quod ipsi vellent, suscipere compellerer. Ubi igitur quod desiderabant a me impetrassent, porro etiam persuaserunt, ut Avinionem unà cum ipsis proficiscerer, *Andream Alciatum*, primi inter Juris Consultos nominis Professore audiendi gratia. Sic nescio quomodo sperata diu invisendi conspiciendique tui occasio subtracta est. Adeo tamen adhuc vetus illa cupiditas pectori meo inhæret, ut quantum spei decessit, tantum ei desiderio quotidie accrescat. Nec illam ex animo meo deponere possum: Deum precans, ut te diu nobis servet superstitem, ut etsi serius, aliquando tamen hujusce voti compos reddar. Lugdunum ubi veni, accepi a *Paulo Cerrato*, viro cum primis docto & humano, *Alciatum* jam Avinioni valedixisse, & amplissimo honorario ab Regina Navarræ, sorore Regis Francorum, ad Biturigas esse evocatum, & in ea Academia magno salario esse conductum. Hi verò qui me eo pertraxerant, etsi magno desiderio *Alciatum* eò sequi cupiebant, parentum tamen obsecuti mandatis, & prius secuti propositum, tutiùs nos, bello inter Cæsarem & Regem Francorum nondum composito, Avinione in Pontificia ditione, quàm in Gallia habitaturos putabant. Proinde nos institutam professionem prosecuti sumus. Verùm eventus consilium parum probavit, inde enim confestim, propter suborientem pestilentiam, Valentiam retro secedere coacti fuimus, ubi mihi longius ob urbis amœnitatem morari lubuisset, præsertim cùm pestilentis contagiosique morbi periculum, quod præcedenti anno ibi fuerat grassatum, nullum restaret, & ii qui jus civile ibi profitebantur, bene docti mihi viderentur. Verùm Mercatores Germani, qui Lugduni negotiantur, de nostro ab Avinione discessu certiores a nobis

14 VIGLII AB AYT TA ZUICHEMI

bis facti, explorata securitate in Regia Curia, ut ad Biturigum Academiam *Alciato* subsequeremur, suaserunt: quorum consilio libenter acquievimus. Hæc nostra prolixitas ideo ad te tantum scribo, ut obligationi, qua me superioe epistola tibi obstrinxi, satisfaciam. Neque enim debeo optimum patronum quicquam mearum rerum celare, quando jam amplius temeritatem meam, quod sæpius audaciusque Litteris meis tibi obstrepam, deprecari opus non habeo. Perges enim ut spero eam boni consulere, cum quidquid in hac parte peccem, studio ac amore tui præcipue peccem. Ubi iter susceptum absolvero, dabo operam, ut de *Alciato*, ac si quid erit aliud quod te scire putem velle, ex me intelligas. Bene vale, *Erasme* Doctissime. Ex Lugduno Mense Maio 1529.

Ex Tomo II.
fol. 10.

EPISTOLA VII.

ERASMO ROTERODAMO.

1529. *Apud Biturigas vivit & fruitur Alciato, qui quotidie Erasmmum prædicat, meliores in paucis literas sectatus, nec dissentire volens ab omni eo quod illi placuit. Pontificium apud Aulum Gellium retinendum. Viglii epistola cum Erasmanis publicata, super quo favore se beatum prædicat, & risus sibi ac ludum quærit.*

ET si sciebam, Doctissime *Erasme*, non sine fastidio te ea lecturum quæ de peregrinatione mea e Lugduno scribebam, vicit tamen, & in eam culpam me impulit singularis observantia quam erga te habeo. Nam postquam semel rotum me dedidi, & vicissim tam benigne in tuam gratiam receptus fui, mei esse officii subinde existimavi, ut quicquid instituerem, id tibi significarem. Apud Biturigas satis ex animi sententia vivo, & *Andrea Alciati* doctrina ac benevolentia summa cum voluptate fruor. De quo quod ad te scribam, nihil habeo, nisi quod valde me delectet de incompara-

parabilis ingenii tui excellentia quotidiana illius prædicatio. Nullius certe ille aut sæpius aut honorificentius meminit, quam *Erasmi* nostri. Sic enim sese quasi in numeros & matriculam tuæ militiæ refert. Nosti veterem querelam hujus nationis Gallicæ, quæ tantum non interdicto possessionem annotationum in Pandectas *Guillemi Budei* ab *Alciato* asserit, quasi ille jure omnia occuparit, nihil laudis huic nostro relinquens. Nunc tamen induciæ esse videntur, quamquam non desunt qui reliquos Galliæ professores existimulent, ut Italo homini gloriam hanc eripiant. Ex hoc genere nuper quidam Aurelianensis Doctor, *Petrus Stella* gravia minitabatur, jamque litem denunciabat. Quem tamen sic compescuit *Alciatus*, ut Gallus vel in suo sterquilinio iterum insilire non audeat. Meliorum litterarum lucem mirum est hîc tam paucos adhuc admittere. Quin etiam sunt qui ipsi *Alciato* puriorem dictionem vitio vertere audeant. Quamquam (quod miraculi nobis instar est) sic potest ille in publicis lectionibus loqui Bartholicè, ut in eodem ludo videatur institutus. Iterum privatus sermo sic est mundus, ut ipso Caballino fonte labra proluisse videatur. Divinorum tuorum monumentorum magnus admirator est, nec quisquam exactius potuit legisse Chiliades. Quantum tuo judicio tribuat, nuper ex quodam ipsius responso (ut Jureconsultorum more loquar) cognovi. Literator quidam Dolanus, qui *Pontificium* apud Aulum Gellium volebat subvertere, non acquiescens tuæ sententiæ, ut suffugeret sponsonis condemnationem (contenderat enim *officium* esse legendum) *Alciatum* quoque nuper super eadem quæstione consuluit. Is eleganter & Jureconsultorum verbis respondit; ab eo quod *Erasmo* placuit, ego dissentire non debeo. Hîc mihi *Lydius* lapis est. Sic curiosum Grammaticum damnavit, vulgarem lectionem confirmans etiam quadam Constantini constitutione de bonis maternis in Codice Theodosiano, ubi *fruendi Pontificium* legitur. Nimis quidem hæc multa, sed libenter commemoro apud te ista, quod tibi studiorum meorum rationem edam, quæ multo mihi prosperius videntur procedere sub eo præceptore, qui te omnis doctrinæ verissimum principem meum agnoscit, colit, amat, atque veneratur. Quam tu vero me constanter diligas nuper ex *Sucqueto* intellexi, quo
eti

16 VIGLII AB AYT TA ZUICHEM

etſi mihi nihil potuit contingere optatius, magna tamen ſollicitudine afficior quomodo tanti viri erga me benevolentiae reſpondere queam. Eam vero quod nuper etiam publice teſtari, & me æterno literarum tuarum honore immortalitati conſecrare volueris, etſi non poteſt mihi non eſſe gratiſſimum, erubeſco tamen tam multa me tibi debere quæ tota videlicet vita diſſolvere nequeam. Vereor autem & timeo, ne ad- verſus iſtos ſolis radios intueri adhuc poſſim, neve ubi me docti tuarum epiſtolarum avidiſſimi lectores cognoverint, ve- lut adulterinum pullum & degenerem (cujus acies non ferat immortalitatis lucem) e nido præcipitent, nec in iſto tuo albo admittant. Dicent enim fortaiſſis, modo infans erat: ſic ne repente Poeta deſtertuit (1) eſſe; & audet ſuam epiſto- lam velut ſilicem inter Eraſmianas illas margaritas ponere? O ſcribendi cacoethes! Quid alias reprehentionis notas recen- ſeam? Quod juvenili temeritate ductus auſus fuerim ſummum ætatis noſtræ virum literis meis interpellare, iſſque adeo ine- ptis & ignotis. Quare, Doctiſſime *Eraſme*, niſi hic clientulo tuo patrocineris, plane ex iſta ſcena, in quam ipſum pro- duxiſti, explodetur. Tute mihi hoc intriſti (2), oro ut ejus a me culpam defendas; nam quod tuæ me amicitiae ſtu- dioſè inſinuarim, etſi cæteri repræhendent, me tamen num- quam pœnitibit. Culpam tamen, quod mea epiſtola inter tuas publicata ſit, longiſſime a me abeſſe cupiam. Quamquam enim minus deberem vereri eam in Læliorum manus venire, poſtquam a te Perſio probata eſt, tamen ut tu cæteros eru- ditione

(1) *Sic ne repente Poëta deſtertuit eſſe?*] Imitatum videtur ex A. Perſio in prologo.

*Nec fonte labra prolui Caballino:
Nec in bicipiti ſomniſſe Parnaſſo
Memini, ut repente ſic Poëta prodirem.*

Deſterto, is, ui, ere. *Ceſſer de ronſler.* Poſtquam deſtertuit. *Somno excitatus.* Varnierius in Diſt. poëtico.

(2) *Intriſti*] ab verbo *Intero*.

Tute hoc intriſti, tibi omne eſt exedendum. Ter. Vous vous etez embarſſé la dedans, c'eſt a vous a vous en tirer. *Per. Donatius in Diſt.*

EPIST. SELECTÆ AD DIVERSOS. 17

ditione præcellis, sic candore atque humanitate vincis. Et quoniam tali argumento tuum erga me animum declarare esse voluisti: ne in invito beneficium perdidisse videaris, perpetuo me ejus memorem fore polliceor, ac quia eo me fortassis calcare ad majorem studiorum spem excitare voluisse videris, sic sedulo literis operam dabo, ut eorum felici profectu majus atque majus indies tuum in me beneficium existat. Vale nostri seculi decus singulare, & studiosorum omnium unice patrone. Biturigibus Cafendis Septembribus. 1529.

EPISTOLA VIII.

TZALINGO WYARDÆ.

Ex Tomo II.
fol. 25.

A Tzalingo solatia accepit super suo de patruï obitu dolore. Tempus baud recte dicitur doloris medicina. Ipse Pastor Zwibemensis factus prudenterissime curat onera beneficii. An futurus Sacerdos? De fructibus beneficii, & de vicario statuit; quod resignabit, si quis cognatorum se dignum præbuerit. Collatoribus scribit gratiarum actionem. 1529.

INiquam contraxi tecum permutationem, mi Tzalinge, omnium optime Cognate, nempe qui ad te tam mœstam & lamentationum lachrymarumque plenam epistolam (1) derim, pro qua tu mihi tam grata solatia reddidisti, ut non aliis pharmacis vulnere meo præsentius quis mederi potuerit. Illud tamen mihi adhuc eum Philosophis non convenit, quod illi tantam medicinæ vim in tempore ponant, ut eo omnium malorum memoriam veluti abluant. Nam etsi satis consentiam, muliebres ploratus deponi ipsa hora, tamen aculei illi dolorum infixi pectoribus, numquam ab amaris
illis

(1) *Epistolam*] Qua super re? Nempe super Patruï Buchonis obitu.

18 VIGILII AB AYTTA ZUICHEMI

illis cogitationibus mentem liberant, sic ipse experior: Non facile qui mecum versantur, possunt ex meo vultu aliquam conjicere existimam, sed interim toties in inspiria me cogit illius viri memoria prorumpere, ut Philosophis fidem habere non possim, qui ad omnia animi vulnera, compas præcipuum esse existimant collyrium. Sed desino, ne iterum tibi cicatricem refricem. De illo habeo tibi ingentes gratias, quod sic tua oratione parentem deliniveris, ut suum officium benigne mihi præstiterit. Sed de pecunie meae fortunâ max amplius. Sacerdotium de quo scribis præter omnem animi expectationem obtigit, quod non ideo mihi minus gratum est, quia humile est, & pauci proventus, quoniam ego recordor me a Patruo audivisse iude & illum velat majorem rerum auspicia sumpsisse. Ac, ut tecum jocer, voluit ille me cognomen a vico nostro habere a *Zuichem*, antea, rogantibus me ejus appellationis rationem, non aliam dicere poteram, quam D. Patruj voluntatem, nunc Pastor creatus in *Zuichem* paulo aptius *Zuichemus* vocor. Certe si initiari sacris debeam, nusquam locorum lubentius id fecero, nam & ibi te memini primum Deo Sacrificium obtulisse, & ille locus semper nobis auspiciatus habitus est, ubi, via vivente, primitias & nuptias non paucos ex Consanguineis nostris celebrasse meminimus. Quod scribis Patrum retulisse sapius, quod ego me addicere sacris officiis non decreverim, scias id illum hac ratione mihi semper suasisse, quod putabat segnius me literis operam daturum, si mihi paratum in sacerdotio otium esse conspicerem. Ille igitur omnem sedulo evitans occasionem qua potuissem forte a studiis avocari, nullam me volebat spem in Ecclesiasticorum sacerdotiorum quæstui ponere, sed sic vitam instituere me admonebat, ut opes atque honores ipse mihi meis pararem studiis. Illud nonnunquam piè addebat, sacerdotum inquinatissimam hodie passim vitam esse, ac inde populi in eum ordinem odia vehementer acerba quotidie excrecere, hæc ejus erant calcaria quibus mihi diligentiam solēbat excitare. Ego tamen semper eo animo fui, ut nulli me vitæ generi addixerim, & quo plus literas amavi, eo vidi sacerdotum vitam ad earum quietem magis esse accommodatam. Quare ut adhuc non de certo vitæ instituto apud animum decrevi, ita absit, ut de-

creve-

EPIST. SELECTÆ AD DIVERSOS. 12

creverim omnino non initiari sacris. Recte igitur tu quidem cum patre fecisti, qui oblatum beneficiolum acceptasti. Quid enim obstat, cur non ratum habeam quod egeris, præsertim cum illi, ætatis meæ contemplatione, biennii mihi absentiam atque deliberationem concesserint? Interim autem oro ut meo nomine ei rei aliquam impendas curam. Primum, ut divina officia debite peragantur, ne quid sit quod in eo populus mihi imputet. Nec mihi places, ut aliquem constituatis vicarium ex erroneis illis, sed probò viro & pio officii mei vices mandari, & honestam mercedem decerni peropto. Si quid vero reliquum erit, id apud *Upkonem* (2) cupio deponi. Quod de domo Pastoralis instauranda scribis, ad id utinam id animi reliqui haberent quod ego, nam per me solum perfici non potest; Ut autem omne id, quod mihi ex beneficio deductis impensis debetur, in eum usum impendam, non possum adhuc consentire, & vereor ne meam liberalitatem Pater prodigaliter interpretetur, audio enim posse XX. Florenos annuatim inde colligi, & vides quàm pia sit & studiorum meorum causa, quæ tantis indigent impendiis in tam peregrina regione, finito D. Patru mei præsidio. Nolo tamen ut pater nimis avarè agat, & sibi eos fructus metat. Ut vero omnem administrationem ejus curæ adimam, neque id mihi satis consultum videtur; ne is benignè satis erga me declaratum animum alienet. Quare sic mihi visum est, ut tu cum patre de vicario idoneo prospicias. Si quid verò ultra ejus mercedem mihi supererit, id cupio cum reliquo meo peculio apud Doctorem *Upkonem* deponi, vel ad meam necessitatem, vel ad usum ædificii, de quo tu scripsisti. Ut resignem vero beneficium, adhuc mihi non videtur. Tamen si ego sententiam de sacriæ muto, & se quis meorum cognatorum dignum præstet, lubenter cupiam illi gratificari. Hæc sunt quæ volui vos scire super negotio sacerdotii mei, de quo mihi prolixè & clarè scripsisti. Petiit etiam Pater, ut gratam me

Tò &
abundat.

(2) *Upkonem*] a *Burmania*, Doctorem, ac *Renici a Burmania* cognati sui patrum, Consiliarium in Senatu Frisæ, ubi obiit an. 1557. Successorem habuit *Tralingum ab Eisinga*. Ita lego in tom. 4. epistolar. p. 593. v. 1a.

20 VIGLII AB AYTТА ZUICHEMI

me habere collationem beneficii, ejus Patronis epistolâ declararem, cui obtemperare volui. Ecce igitur tibi Epistolium quod latine scripsi, quod verebar, ne non possem recte. (ut tibi fatear) Frisonicè scribere. Tu in eo dando vel supprimendo tua uteris voluntate, & ejus te illis interpretem præbebis. Pecunia a Patre data adhuc sub controversia est. Clarius explicabit frater, cui de reliquis meis negotiis scripsi. Vale, & me ama, Parentumque & propinquorum benevolentiam conserva, atque auge. Biturigibus. an. 1529.

Ex Tomo II.
fol. 28.

EPISTOLA IX.

CORNELIO MYEROPIO (1).

1529. *Cornelii silentium excusat, & ad scribendum provocat. Queritur se ab omnibus necessariis suis derelictum. Hortatur ad sapientiæ studium, Paladem loquentem inducens.*

DIu expectatas tuas literas tandem accepi. Quid autem tam diligenter mihi silentii tui causam dicis? An tot annis, tot officiis, tam sincera benevolentia obstrictos invicem nos brevis taciturnitas dissolvit? Literæ tuæ quantumvis mihi sint gratæ, te ipsum tamen omnibus rebus facile antepono. Neque rursus sic tuam excusationem admitto, ut meæ facilitati confusus, si quæ scribendi opportunitas dabitur, tam avide tuas literas expectantem frustrere. Nunc vero maximè sperabam, ut aliquid de rebus meis ex Frisia intelligerem. Facit autem patris cæterorumque propinquorum meorum negligentia, ut vulnus tempore mitigatum de charissimi Patris fato subinde recrudescat. Cum enim cogito quoties

(1) Cornelio Myeropio Vincentii filio, de quo in notis ad Vitam Viglii N. LXII. Vide *Van Leeuwen Bat. illustr. pag. 1017.* Jacob de Riemer in *Vern. descript. Hagæ - Com. part 1. p. 237.* Eleuss. in *Hist. Episc. Ultraj. p. 428.* & *Catal. meum Præp. & Decan. ad an. 1545. in præpositis Majoris.*

EPIST. SELECTÆ AD DIVERSOS. 21

quoties & quam benigne ille ad me consueverit scribere, nunc vero desertum me esse omnium necessariorum meorum officio, nec quemquam literam ad me mittere, graviter sane meum fatum fero. Tu si quid accipies quod me consolari queat, accuratè fac mittas. *Renici* necessitas malè me habet, spero tamen *Antonium* tuum utrique boni aliquid apportaturum. Miror tamen quid tantum tuam profectionem in *Galiam* parentes remorentur, aut cur non ipse diligentius eos urgeas. Vides omnes ex illo *Dolano* nido provolare. Fortassis te nunc *Valentinæ* illæ *Sirenes* detinent. Excute illos amores & ab illa *Venere* te aufer. Ecce te *Pallas* vocat, *Pileum* rubrum & coronam ostentat, ad sese te invitat, noli spernere tam Sanctam Deam, hujus ausculta voces. „ Aspice „ quanto majorem sincerioresque voluptatem sis suscepturus, si me in deliciis habere animum inducas. Ecce ego tibi „ pro parvis laboribus scientiam dabo quæ te ubique commendabilem reddet. *Sella* illa dignitatis *Hagēsis* (2) semper a „ doctissimis prudentissimisque viris fuit occupata, in ea ego „ avunculum tuum (3) olim tot annos florere volui, hanc jam „ a puero tibi promisi; sed vide ut antecessorum virtutibus re- „ spondeas. Hoc tibi initium honorum esse volui, hoc præ- „ mio illicere te proposui, ut cognosceres quanto tibi ma- „ jora sim præbitura, si tu adhortationibus meis obsecutus, „ vigilantiter literarum studio ad disciplinæ adyta te conferas, „ & ex mea ara doctrinæ sertum suscipere enitaris. Hoc „ optimos tuos parentes velle, hoc tot amicos, qui tam syn- „ cerè tibi favent, expectare, sæpe intellexi. Nunc etiam „ & meis monitis aliquis quæso apud te sit locus. Vides „ æqualem tuum *Christophorum* quanto præmio honorarim. „ Cum hoc tu pari semper passu ambulare cœpisti, an patie- „ ris quod ille tibi bravium præripiat? Duo supersunt anni, „ quibus si mecum in literis diligenter perseveres, jam te ego „ tuis paternis Laribus cum summa gloria reddam.” Sed de-
sino

(2) *Sella illa dignitatis Hagēsis*] id est, Decanatus Capituli B. M. in palatio Hagæ-Comitano, in qua successit *Bernardo Buchoni ab Aytia*, Viglii patruo.

(3) *Avunculum tuum*] Jacobum Ruysch, Mater namque *Cornelli Mariæ Ruysch*, Domina de Cabau. *Van Leeuwen cit.*

22 VIGLI AB AYTTA ZUICHEMI

sino fabulam agere. Ignosces vero, optime *Corneli*, si liberius te admoneam. Scis quæ mea de te sit sollicitudo, quam debes cogitare ex amantissimo tui pectore procedere. Et quamquam non dubitem, quin pro veteri tua consuetudine, tuâ sponte curras, tamen quia fatigatis equis subinde calcare est opus, ideo & ego familiariter quasi aquam tibi ista hortatione suffundere volui. Ut huc commigrares frustra te monerem, cum parentum consilio voluntatique obsequi conveniat. Si tamen quam aliam vides universitatem, sine gravi dispendio poteris ad Bituriges divertere. Ego te lubentissimè videbo; si quid interim eveniet, cura ut intelligam. Vale. Biturigibus anno. 1529.

Ex To-
mo II.
fol. 31.

EPISTOLA X.

JOANNI BAPTISTÆ PALMÆ (1)
ALEXANDRINO.

1530. *Elegantissimè suam erga eum observantiam testatur. Quæ partes discentium, quæ laus doctoris. Quare respondere ejus literis distulerit. Commendat candidatum quemdam. Augurium haud vanum de Viglio. Cogitat in Germania jus profiteri, religionis prius composito negotio. Alciatus laudatus. Italiam quare adire statuit.*

ANtea, Vir Clarissime, pudorem excusabam, at nunc mihi ob nimis longum silentium negligentiae causa dicenda est, sic semper apud te reus sum, sed non fugitivus, sponteque ad tuum me tribunal sisto. Nec enim me tua severitas terret, sed morum comitas & ingenii liberalitas, summa juris civilis prudentiâ exculca, ultro etiam allicit. Porro tui nominis memoria sæpe me oblecto, gloriosumque duco quod

(1) *Jo. Bapt. Palmæ*] Is Valentiae jus profitebatur, cum Viglius ibi doctorem laurcam accepit.

quod te inter præceptores meos recensere possim. Et quam mihi tua doctrina haud diu perfrui licuerit, prædicabo tamen, non quid a te utilitatis acceperim, sed quid accipere potuerim. Nam multum an parum discipuli proficiant, in ipsorum diligentia industriaque situm est: posse vero plurimum perficere, ea demum unica Doctoris laus est. Qui doctrinam suam quasi lautam quamdam cœnam auditoribus proponit, a qua qui jejuni esurientesque discedunt, sibi merito eam culpam imputare debent. Nam præceptor quasi splendidus convivor munus suum cum laude peregit. Sic & ego hanc ipse mihi noxam nocui quod ad primos conviviorum missus de laucissima tua cœna discefferim. Quam tamen vel ideo quod degustarim, tuam semper magnificentiam merito in ore habere debeo. Atque ob eam causam gratias tibi ago maximas; quod & Valentia discedens coram facere volueram, nisi me meæ verecundiæ vitium impedivisset: Cujus quod tu tam æque excusationem acceperis, iterum plurimam habeo gratiam. Causa autem, quod nunc serius rescribam, ea fere fuit, quod superioribus mensibus quidam ad vos ituri, ultroque literas a me flagitantes, diu ab officio scribendi suspensum tenerint, ac deinde dum Parisiis essem, aliisque locis relaxandi animi causa peregrinarer, me absente hinc discefferint. Quod reversus valde dolui, nec tamen citius refarcire tam longum sitentium potui, quod nullus se mihi tabellarius offerret. Tandem autem is obtigit, quo non posset alius esse gravior, quippe familiaritate mihi valde junctus, & ipse facundia, civilitateque non vulgari præditus. Eoque patrono facile me veniam abs te impetraturum spero. Est autem ipse Academiae vestrae antiquus alumnus, ad quam nunc quasi postliminio redit, &, quod ego arbitror, vestro judicio ad doctrinae insignia capeffenda comprobari cupit. Nil autem opus est, ut eum ego tibi commendem, quum propriis dotibus sic respondeat, ut nihil ornamenti alterius oratione accedere ei possit. Quamobrem & tua spero benevolentia dignissimum ipsum cognosces. Hic autem de nostris Doctoribus & hac Academia copiosissime tibi cuncta referre poterit, ut ipse ejusmodi rebus scribendis supersedendum mihi ducam. Quam autem me foelicem esse tua benevolentia existimem, dici non potest.

24 VIGLII AB AYTТА ZUICHE MI

potest. Proinde summa quoque voluptate tuas literas accipi. Quorum testimonio & chirographo in mei honorem perpetuo uti queam. Plurimique facio a tali viro non laudari tantum, sed etiam amari. Non faciunt tamen tuæ me laudes superbum, sed quum illis nondum me respondere cognoscam, saltem ut coner, admoneri me credo. Nec ullus sane mihi gravior est ad studia stimulus, quam talium virorum nondum merita probatio. Atque adeo a puero doctos viros tuique similes semper observavi, saltem ut eorum amorem promerer, si laudibus dignus esse nequirem; utrumque me vero a te consecutum summoperè gaudeo, omenque tuum lubens accipio, quod majoribus me aliquando rebus & Patriæ usui esse posse augureris. Ipse tamen in animo habeo hoc vestrum saxum aliquot antea annos volvere, id est profitendi publicè onus subire, quò ætati nondum negotiis maturæ auctoritatem aliquam publica professione prius conciliem. Cujus quidem consilii mei auspiciis in Germania mea capere decrevi, modo ea Imperatorio auxilio, consilioque ab inveterato Christianæ Religionis errore revocari poterit. Aliter enim Legum Jurisque nostri studium, quod ibi semper jacuit, excitari nequibit. Ad eam non parum me adjuvare poterit *Alciati* commendatio, cujus apud nos longè celeberrimum nomen est, ob additam Jurisprudentiæ politiorum literarum disciplinam. Quem ego post meum illinc discessum sedulo studio audiui, disputationibusque quotidianis annixus sum ut a tali viro aliquid ad me fructus perveniret. Habeo tamen in animo antea Italiam visere, & forte sub novum Ver eo me conferam, accedit enim multum existimationis doctrinæ apud nostrates homines, quod ea Italicis literis & moribus tincta sit. Bene vale, Vir clarissime. Biturigibus XIII. Calendas Martii anno 1530.

EPI.

EPISTOLA. XI.

JACOBO DUXINO (1).

Ex To-
mo II.
fol. 41.

*Excusat silentium suum, ac Jacobum multis demul- 1530.
cet, exponens quoque officium discipuli erga præ-
ceptorem. Persuadere conatur suum erga eum
studium & amorem, pollicens se laudum ejus fo-
re præconem. De Bituricensi Academia, & in
primis de Alciato. Consilium Duxini expetit pro
ratione studiorum suorum, super quo ab Alciato
tulit responsum, quod exhibet, insufficiens.*

Literas tuas, eruditissime præceptor, majore verecun-
dia an lætitia acceperim, non queam dicere. Pudet e-
nim me mei pudoris, quo hætenus suffusus, scribere ad te
distuli. Non tamen humanitatis tuæ, non summæ eruditio-
nis, non beneficiorum tuorum erga me immemor, sed tan-
tum immodice verecundus, ne per literas quidem, quas ta-
men, ut vulgo dicitur, nihil pudere solet, interpellare te
ausus fui. Gratulor verò plurimum mihi, te virum, non
solum doctissimum, sed etiam celeberrimum, tam benigne
erga me affici, in quo ego non sine mea ignominia a te vin-
cor. Etsi enim major Parentum est erga filios charitas, quam
vice versa, ubique tamen legimus discipulis præceptores sum-
me amandos atque observandos esse debere, ut si aliter ip-
sorum maximis beneficiis satisfacere nequeamus, saltem af-
fectionem justam erga eos geramus, & voluntas prompta ad-
sit, si desit facultas. Fit tamen nonnumquam, ut vel ingra-
tudo, vel vitiosa quædam verecundia, meritam gratiæ agni-
tionem vel extinguat vel tegat, oblivisci verò plane pravissi-
mi cujusdam ingenii est. Quod & Diis & * semper odio-
sum extitit. Minus autem peccat, cujus degeneri animo
timor obstat, tenet enim mente beneficium, etsi creditoris
vult

* Supple:
homini-
bus.

(1) *Jacobo Duxino*] Juris Civilis Professori in Academia
Dolana, de quo V. Notas ad Vitam Vglil N. XV.
Tom. II D

26 VIGLII AB AYTТА ZUICHEMI

vultum ferre nequeat. Id, ubi istas verecundiæ habenas perfregi, cogor tibi, optime præceptor, clare fateri, nec in aliam partem velim interpreteris meam taciturnitatem. Sic cogitabam. Scribamne ad Doctorem *Jacobum*? Sed quid tanto, tam bene de me merito, tam singulariter erudito Viro? Quapropter multis modis gratiam apud me iniit tua humanissima epistola, cum quod hunc pudorem mihi excussit, tum etiam, quod tuam erga me benignitatem exposuit, & animum meum ad studia erexit. Oro igitur ut silentium meum in meliorem partem accipias, quandoquidem ego de affectu meo nihil erga te mutavi: de quo tamen tu dubitare videris, consanguinei mei (2) qui tuam epistolam reddidit, sermone in nonnullam suspensionem adductus. Tuam autem in amando me constantiam cum laudo, tum illius temeritatem admiror, & presens etiam increpavi, cur de eo quod ipse ignoraret tam temerè tecum fuerit locutus (3). Semper autem de te non modo honorifice sum locutus, sed etiam sensi. Quid autem sensisse me dicto? Imò summa admiratione prudentiæ tuæ in utraque juris palestra, eruditionis in cæteris literis, virtutum in omni vita, adeo ad te diligendum atque amplectendum fui inflammatus, ut in patronorum meorum albo & ordine primum tibi semper locum assignaverim. Cum vero paginam acceptorum ab amicis beneficiorum reputo, non alius est, qui pluribus vel gravioribus nominibus, me sibi obligatum

(2) *Consanguinei mei*] Quis ille sit, mihi est incompertum. Sed *Renicus a Burmania* Dolæ agens, *Viglio* significarat, quid de ipso Doctor *Jacobus* sentiret. Ad quem rescribens, ait: „Non recuso eum amare, modo talis sit, qualem tu eum esse scribis, & ego opto. Me sane gratissimum discipulum, laudumque suarum patronum habebit, si vicissim candide, & studiis meis, & famæ faveat. Illius enim eruditionem plurimi facio. De animo erga me illius semper dubitavi, non modo cum illic agerem, & præsens ambiguus quibusdam signis malevolentiam ipsius colligerem, sed multo magis absens.” *Tom. 3. pag. 40.*

(3) *Temerè tecum fueris locutus*] Quæ ista temeritas fuerit, colligo ex his quæ de *Duxino Viglius* subdit loc. cit. „De eo ipsum indignari fero, quod *Alciatum* tanti ego faciam. Et nosti consequenter illud; Figulus invidet figulo.

gatum habeat, quàm tu Doctissime idemque humanissime præceptor. Ne putes me igitur unquam commissurum, ut hac ingratitude nota, quæ probis tantopere est abominabilis, inurar. Et quanquam vix unquam occasionem mihi affuturam sperem, ut pro tantis meritis tibi respondeam, grata tamen voluntas & satisfaciendi desiderium, severum etiam creditorem placare solet. Plurimum & me inde tibi debere confiteor, quod sic me ibi prædices. Scito autem me semper advigilaturum, ut tuis commendationibus & te præceptore, non indignus fiam discipulus. Quocunque sane terrarum me fortuna feret, circumferam vicissim, non modò in pectore, sed etiam in ore meo, *Jacobum*. Nec enim sine numine contigisse mihi arbitror duos *Jacobos* (4) præceptores, unum in humanioribus literis & Græcis, qui apud doctos, moriens, nomen reliquit celebre, & literarum monumentum, quo post multa etiam secula victurum eum spero. Cui tu alter *Jacobus* oportune mihi Dolæ successisti, quod ego inter prima felicitatis meæ capita merito recenseo. Quis enim fuit in docendo diligentior, humanior, peritior? Ac utinam ego fuisset tam sedulus discipulus, quam tu doctor. Aliquid tamen, certe totum hoc quod scio, cùm a te ingenue me accepisse agnoscam, & lubenter agnoscam, & perpetuo agnoscam, obsecro ut & tu opinionem sinistram, quam malevoli homines tibi adversum me incantaverunt, eximas. Me enim semper gratissimum discipulum, & laudum tuarum præconem, quocunque terrarum ivero, experieris. De Academicæ hujus successu quæ a me scribi desideras, jam a plerisque antea intelligere potuisti, qui hinc ad vos redierunt. *Alciati* profitendi institutum tibi quoque cognitum arbitror. Ejus sane specimen accipere poteris ex Commentariis in L. detestari. ff. de verborum significationibus. Videtur certe jus civile in artem coacturus, sic omnia conatur in regulas, exceptiones, limitationesque redigere. De eo malim tuum judicium audire, quàm meum proferre. Profitebatur hinc etiam antea senex quidam Hispanus cui nomen est *Salvator Ferdinandus*. Is contra *Alciatum* irritatus, sponte se ab profitendi

(4) *Duos JACOBOS*] Nempe *Duxinum* hunc Dolæ, & *Volcardum* Lovanii, de quo in Notis ad Vitam. N. XIII.

28 VIGLIU AB AYT TA ZUICHEMI

tendi munere abdicavit. Nunc novam Italia Doctorem misit, *Alciato* curante, qui vix biennio aetate me praecedit. Nondum periculum primae lectionis subiit, nec minora de se promittit, quam nos expectemus. Agitur & de alio advocando. Magistratus enim & Regia soror summopere conantur literatis viris hoc Gymnasium illustrare. Salaria omnibus satis honorifica praebentur; Adeo ut *Helvetius* etiam quidam, centum Scutatos, quod horam unam Graeca proficiatur, accipiat. Ego adhuc intra testam me contineo. *Carolus* (5) autem noster feliciter in lucem est progressus, & sic legit, ut caeteri professores ei invidcant, scholares autem observent atque ament. Haec habes de re Gymnastica. Quoniam autem praesens soleo semper a latere tuo, *Classiane* Doctor, doctior discedere, non potui omittere quin tibi ostenderem, quantopere & absens a te discere cupiam. Tale autem est quod nunc scire laboro, quod sine negotio demonstrare potes, in quo plurimam me juvabis, & novo quoque beneficio iterum obligabis. Nam cum tanta sit scriptorum apud nos copia, cognoscere auctores, quos tu magis, vel professori, vel ei qui missionem nunc a Scholis meditatur, utiles esse putes, id est, inter tam multos quos optimos iudices. De *Bartholo* jam praepudicata omnium est sententia, cum merito primum haberi. An & consilia perlegenda censeas, & quae potissimum deligenda, aut (quod melius consulas) qua ratione mihi posthac studia instituenda esse autumes. Idem cum *Alciatus* rogassem, non sat in eo mihi satisfacit: a te vero exactiora exspecto. Ille responsum carminibus sic exhibuit.

*In Jure partes absque controversia
Dantur priores Bartholo
Decisiones ab frequenter, actio
Baldum forsatis sustinet.
Utrique acumen Raphaels & Imole est,
Raro receptum posteris.*

Optatio-

(5) *Carolus* *Sucquetus*, qui & ipse *Alciato* operam dedit Bitorigibus, & post Taurini in Gallia Sub-alpina jura publice interpretatus est. *V. Bibl. Belg.*

EPIST. SELECTÆ AD DIVERSOS. 29

*Optationum vultus Sumplegadas
Superabis Alexandro Duce.
Ordinis Jason asque lucis nomine
Videndus est properantibus.
His quisquis alios addiderit interpretes,
Onerat quam honorat virtus.*

Ubi tibi ab ordinariis tuis studiis licebit, & nuntii dabitur
opportunitas, quæso ut respondeas, ac si de qua re quid
amplius cognoscere cupias, indices. Mihi nihil fuerit gra-
tius quàm aliquid invenire, in quo præceptori *Duxino* mo-
rem geram. Vale. Biturigibus. 26. Maii 1530.

EPISTOLA XII. FRANCISCO RUPILIO (1). JURISCONSULTO.

Ex To-
mo II.
fol. 45.

*Suum in Franciscum amorem prolixè testatur, ac-
cepta beneficia commemorat, & ex ejus se con-
suetudine profecisse prædicat. Mittit primum in-
genii sui fetum JURISCONSULTI INSTITU-
TIONEM, quam Francisci censura submittit; ejus
discipulos extollit, & hos, jam suos factos, spon-
det omni diligentia, se formaturum. Antonio
Fuggero commendari cupit.* 1530.

GRavi me ægitudine, eruditissime *Rupili*, tuus discessus
afficit, nec causa caret iste dolor, nullius enim mihi
unquam consuetudo vel fructuosior, vel honorificentior,
vel jucundior tua fuit. Et adolescens adhuc, cum tuæ no-
titiæ me auspicio insinuassem, sic virtutum tuarum, sic
erudi-

(1) *Francisco Rupilio*] Erat Germanus natione, cum quo
biennium moratus est Biturigibus, & ad quem Romam pro-
fectum, hanc misit epistolam. V. *Notas ad Vitam N. XVII.*

30 VIGLII AB AYTТА ZUICHEMI

eruditionis, sic humanitatis tuæ amore, admiratione, æmulatione fui inflammatus, ut a latere tuo discedere nunquam potuerim. Tecum enim longos memini consumere soles, & tecum primas epulis decerpere noctes. Tu adolescentiæ meæ lubricum, ætatis tuæ maturitate temperabas. Tu ad studiorum debita munia sedulo obeunda cohortabaris. Tu doctissimorum honestissimorumque hominum gratiam & familiaritatem mihi conciliabas. Nec plus potuit debere *Cornuto Persius* (2) qui tamen ad exprimendam erga præceptorem affectionem centum ora & linguas optabat in carmina centum, quàm *Rupilio* suo *Viglius* debere lubenter agnoscit. Solent autem qui incendio, vel naufragio, vel hostili depredatione fortunas suas amiserunt, calamitatem querulis lacrymis apud Deos deplorare; Quod si verò tantâ tristitiâ humanas turbat mentes eorum amissio quæ sola facie bona nobis videntur, & a sapientibus in bonorum ordine locum non habent; vides, opinor, mi *Francisce*, quàm justè doleam, qui illa bona, te discedente, magna ex parte amittam, quæ *Stilpo* Philosophus (3) *Megaris* a *Demetrio*, captis, sola non potuisse se perdere gloriabatur. Veræ enim opes sunt quæ animum ornant, ut probitas, ut doctrina, quarum me uberrimo fructu tuus privat discessus. Nunquam a te abibam, quin aliquid audissem quod meminisse & juvabat, & dignum erat; aliquid a te didicissem, quod antea ignorassem. Nec dici facile potest, quantum me tua ex consuetudine profecisse sentiam. Ne autem amplius proficiam, tuus abitus justis querelis mihi deploratus intercedit. Utinam verò rerum mearum conditio ferret; sequeretur te per mare, per terras, quo tantam animorum concordiam perpetua corporum

(2) *Cornuto Persius*] Ab Annea Cornuto in Philosophicis disciplinis institutum se, Persius testatur. *Jac. Vanierius in Dict.*

(3) *Stilpo Philosophus*] qui, capta patria, amissis liberis & uxore, cum ex incendio solus, & tamen beatus exiret, interroganti *Demetrio* (cui cognomen ab exitio urbium Poliorcetes fuit) nunquid perdidisset? Nihil, inquit, perdidit; omnia mecum sunt, videlicet virtutes, quas nulla vis hostilis eripere quivit. *Plutarchus in Seneca, apud Car. Stephanum in Dict. Hist.*

rum conjunctione constabiliremus. Spero tamen fore; & tu, Clarissime Doctor, da operam quantum potes, quò aliquando in Germania te videam, & ulterius tuo fruar convictu. Scis autem nihil me magis in votis habere, quàm ut possim Jurisprudentiæ nostræ studia, ibi nimis jacentia, pro mea virili attollere. Quæ res quantum mihi curæ esset, volui abeunti tibi apertius declarare. Accipe igitur primum fœtum ingenii a te formati & eruditi. Constitui autem hoc argumentum plenius tractare, nam quæ vides, tantummodo præludia quædam sunt ad *Jurisconsulti institutionem* (4) prima solum manu adhuc delineata, quæ post diligentiore studio per otium excoluntur. Est autem hîc libellus præcipiti quoque opera excipiente *Hermanno* meo a me dictatus, & quamquam mendis eam scatere adhuc sciam, tamen apud te nihil sum ineptire veritus, soles namque tu nugis meis benignas dare aures. Releges autem, & ipse, quæ vel corrigenda, vel addenda, vel refecanda putabis, suggeres. Tali nempe *Metio* Judice (5) quodlibet delictum vertere paratus sum. Ipse etiam, ut dixi, hoc opus ad incudem revocabo, & reliquum perficere maturabo. Hinc itaque animum meum intelliges, quanto videlicet studio ac affectu studia isthæc florescere cupiam. Quoties autem, Clarissime Doctor, *Viglio* te oblectare voles, hunc libellum manibus versabis: Nolo autem ut muneris, sed monumenti mei loco habeas, alia enim ratione (si Deus volet) tuum æs dissolvam, beneficiæque non modo tuæ, verum etiam adolescentium tuorum optimæ indoli & spei respondere conabor: Quorum sane plurima erga me & officia & beneficia extant. Nam & nuper *Juannes Paungartner* sphæricum annulum dedit & auro pretiosum, & artificio admirabilem, & talis adolescentis amicitia eo mihi oppignorata, longe gratissimum. Felix autem

(4) *Jurisconsulti institutionem*] Est titulus libelli, ut ipse subdit. Sunt autem dialogi, seu isagogici libri. Libri primi, de quo solo hic, interlocutor est *Rupilius*, cujus in eo sententias refert, uti scribit ad *Haionem Hermannum* 16. Sept. 1536. quando reliquos nondum perfecerat. *Tom. II. p. 376.*

(5) *Metio judice*] *Metius Suffetius*, Albanorum Dictator, tempore Tulli regis Romanorum. *Car. Steph. in Dict. Hist.*

32 VIGLII AB AYTTA ZUICHEMI

tem tu talibus discipulis, fæliciores autem illi te Magistro, a quo tam liberaliter jam eruditi sunt, & sub quo quotidie magis proficiunt. Mihi quoque mei auditores eo gratiores existunt, quod ipsis consanguinitate jungantur, & ex eadem stirpe descendentes, ut virtutibus & literarum monumentis similes sese præbeant, tacite admoneantur. Ipse autem injunctum aut obtrusum potius a te mihi munus (6) omni diligentia in formandis eorum studiis egregie absolvere conabor. Et digni erunt spero talibus parentibus, & tali patrono *Antonio Fuggero*, cujus herois virtus in urbe vestra, imo in tota Germania resplendet. Cui velim ut & mea & illorum studia sedulo commendes. Bene vale haud minima nostræ pars, *Francisce*, animæ. Biturigibus XII. Calend. Septembr. an. 1530.

Ex To-
mo II.
fol. 52.

EPISTOLA XIII. ERASMO ROTERODAMO.

1531. *Nuntiat se in Italiam advenisse, ac de via salutasse Baptistam Egnatium, qui de Erasmo honorifice sentit, secus atque alii, Ciceroniani. Quis Lazari Bonamici admirator? Non omnes Itali Erasmi contemptores, qui eum in Italia expectant. Flooander medici ibi imperitiâ interiit. Erasmus optat adesse.*

R Eliqui Augustæ apud *Antonium Fuggerum* (1) literas quas ad te in Italiam proficiscens scripsi, eisque te certiore reddidi de benignissima ipsius in te sibi demerendo

(6) *Injunctum aut obtrusum a te mihi munus*] Non apud Bituriges, unde hæc epistola, sed Patavii quo mox profectus fuit, instituit *Rupili* quondam discipulos, qui *Henricus & Quirinus, Reclingeri*, affines *Fuggeris*, unde ipse *Antonio Fuggero* commendari cupivit. *V. Notas ad Vitam. N. XX.*

(1) *Antonium Fuggerum*] *V. Not. ad Vitam. N. XV.*

rendo voluntate, & quàm tibi omnia in illius ædibus commoda esse possint, si modò animum ad id tuum inducere velles. Iter autem Italicum ex animi sententia absolvi. Venetiis in-
 visi *Baptistam Egnatium* (2) senem valde facundum, & hilarem, non modò in privata consuetudine, sed & in publica professione. De te is valde amanter rogavit, honorificèque locutus est, propter quod & ipsum pluris facio, & amo magis. Nam cæteri qui hîc aliquid scire volunt, ex eo ferè captant gloriam, quod *Erasmum*, Transalpinosque fortiter contemnant, unum admirantur *Ciceronem*, eosque solos laude dignantes, qui ad ejus imitationem studiosè se componunt. Cum quibus jam aliquoties velitatus sum, sed absque convitio. Ad quod tamen subinde me provocat Germanus quidam qui suo judicio valde sapit, seque proprio præconio egregiè decorat, etsi aliorum plurimorum sententia helleboro nonnunquam indigere videatur. Is sic juravit in *Lazari Bonamici* (3) laudem, ut nullus tam eximiè doctus recitari possit, quin ille illicò occinat, *sed nihil ad Lazarum*. Et me judicium mutaturum ait, idem enim & *Hermanno Frisio* accidisse. Nam qui sic non sentiunt, nihil, inquit sentiunt. An non hoc est semel perfricare frontem? Et, si non ista impudentia est vel arrogantia, certe stultitia sit maxima, necesse est. Ego autem *Ciceronianum* tuum vel hac de causa diligentius relego, ut hoc hominum genus melius retundam: tametsi invitus cum ejusmodi ingeniis in certamen venio. Nequit enim obstinata eorum mens disputatione ulla flecti, quin irritantur magis, contentioneque ipsis ansa præbetur gravius laceffendi, quos venerari debebant. Nec tamen his consentiunt omnes. Et sunt ex ipsis Italis, qui modestiores, minimeque ambitiosi debitam tibi, & totius orbis suffragio, omniumque verè doctorum & fyncerè judicantium applausu meritam

(2) *Baptistam Egnatium*] V. Not. ad Vitam N. XXI. Adde, quod ille multo melius dixit, quàm scripsit, & habuerit divinam quamdam memoriam rerum, quas memoriter, jucundèque narrabat, ut est in elogio *Sebastiani Corradi* apud *Bailium*, in Diction. Verbo. *Egnatius*. Obiit octogenarius 4. Julii. 1553.

(3) *Lazari Bonamici*] de quo dixi pariter ad Vitam Viglii, N. XXI.

34 VIGLII AB AYT TA ZUICHEME

ritam tributamque laudem non detrahunt, quique magno desiderio hic te expectant. Polonus enim credo quidam adventus tui aliquam spem fecit, quem ego tamen sperare non audeo. Etsi enim coslum hoc mitius est Germanico, ut tamen tam longum iter ferre possis vereor. Nec repetita nuper Italia Gregorio Holoandro, de nostra professione optimè merito, bene cessit, quem tamen ajunt nonnulli, novitiū cujusdam medici nimium officiosa imperitia potius petiisse. Quod si cum commodo id tuo atque ex animi sententia fieri possit, nihil mihi contingere queat gratius, ut præsenti scilicet obsequio studium tibi meum planius coram declarare valeam. Et instantis Helvetiorum motibus, quàm vobis illinc tuta sint omnia nescio. Deus autem Opt. Max. foelicem ei tragœdiæ finem imponat, tibi pro meritis tuis omnia læta secundaque tribuat. *Vigilium* tuum amare non desine, qui ipse in te amando nulli unquam cedit. Bene vale immortale literarum decus. Patavii XIII. Calend. Decembr. 1531.

Ex Tomo II.
fol. 54.

EPISTOLA XIV. GEORGIO HERMANNO (1).

1531. *Scribit de victu & habitatione Patavii, & quâ ratione discipulos ibi suos institueret. Judicium de professoribus Patavinis.*

MAluisssem, præstantissime vir ac Domine colendissime, primam epistolam, quæ ex Patavio a nobis ad te mittitur, in longius te distulisse tempus, quò conjungere omnium seriem, certioraque de rebus nostris scribere licuisset. Sed tamen memor expectationis desiderique tui, subvereor ne, etsi nunc scribere incipiam, in mora tibi fuisse videar. Quapropter deinceps sic temperabo officium hocce scribendi, ut crebras potius, quàm longas a me epistolas accipias, quando & quotidiani nuntii præsto sunt Venetiis, qui eas ad te

(1) Georgio Hermanno] De quo prolixè scripsi ad Vitam Viglii. N. XXI.

EPIST. SELECTÆ AD DIVERSOS. 35

te referant. Audi itaque pauca de victu & studiorum nostrorum institutione, de illo autem prius. Pro more hujus urbis coenacula aliqua vel cubicula conduximus, vel potius conductis antea ab *D. Francisco* (2) utimur. Ea pro usu studiorum nostrorum satis sunt commoda ac valde amœna, longo tamen spatio ab scholis absumus, sed iter sub continuis porticibus eam nobis levat molestiam. Habet autem hæc vivendi ratio impendii in initio plurimum, cum ad mensæ usum omnia nobis sint comparanda; nec lectos quoque nec lintheamina hospes præbet, iisque conductis uti cogimur, quousque propria emerimus, tum & Bibliothecæ apta instrumenta, sed mobilia, quod & aliò transferri & vendi iterum possint, comparanda. Quanquam hæc cæteris leviora sint. Huc accedunt quotidianæ ad esculenta impensæ, nam de vino in aliquot menses semel nobis prospectum est. In summa, quantum adhuc ex præmiis rationem, Calendarii quoque nostri percipio, multam hoc modo pecuniam impendimus, sed tamen vivimus quietè ac pro arbitrio nostro. Et cum Italorum diæta nostrorum corporum consuetudini in edendo haud satis congruat, forte etiam salubriter: paulatim tamen, ne cœlum hoc temere contemnamus, ad Italicam nos frugalitatem vel temperantiam accommodare studebimus. Curam autem comparandi ea quæ ad victum pertinent, sublevat famulus ille de quo tibi ex Venetiis scripsi, quem *D. Franciscus* nobis conjunxit, ut minus molesta ignotis, linguæque ignaris, principia essent. Quo si perpetuo uti possemus, atque ad eas impensas vos, quod quietius studiis deditis nobis esse liceret, non abnueretis, magis multo omnibus nobis intus hicce vivendi modus arrideret. Famulus autem spectatæ probitatis atque fidei est, & olim Augustensibus, atque etiam *Rechlingerorum* patruelibus, in eodem vitæ genere servivit, tenetque linguam Latinam & Italicam probè. Transeo ad studia, quorum causa cætera omnia a nobis fiunt, & quæ si sæliciter successerint, aliorum impendia æquius vos ferre decet. Ea aliter ordinavi atque institui, quàm antea, quod & hîc locus postulat, & ipsorum adolescentium profectus ut coram tibi latius exposui. Principio enim for-

mandi

(2) *D. Francisco*] Rupilio, cujus antea discipulos ibi instituebat.

36 VIGLII AB AYTTA ZUICHEMI.

mandi a me erant magis domesticis lectionibus, rudimentisque nostræ professionis imbuendi, quæ publicè infelicitè traduntur, quod ineptissimos quosque & imperitissimos huc, quasi ad vile aliquod munus, relegant, cùm tamen in omni re, fundamentorum prima præcipuaque ratio esse debeat. Atque ut ad præsens seculum institutionem accommodarem, dabam antea operam, ut separatas, vulgi iudicio, Juris & bonarum literarum disciplinas, quæ olim conjunctæ erant, & semper sapientissimi cujusque suffragio cohærere debent, ipse conjunctim eis traderem, quod multum ipsis proderit ad faciliorem sequentium studiorum perceptionem. Satis autem hætenus domi institutos ac spectatos in publica nunc majorum professorum theatra eos deduco, delegique ex multis professoribus unum, quem studiosè ipsi mecum audiant. Is est *Mantuanus* (3) quidam, acri ingenio, fideli memoria, ea pronuntiatione, quæ attentionem auditorum retinere possit: concurrens (ut hîc loquimur) *D. Franciscini Curtii* (4). senis egregii & bene docti; sed ego alterius diligentiam hujus authoritati præhabeo. *Curtius* in fastigio positus ætatis, opinionisque dudum quæsitæ præjudicio, securus est. Ego illos autem potius audiendos censeo juvenibus, qui ad honorem eluctantur, superioribusque pares esse nituntur. Præceptorum enim talium conatus excitant etiam plurimum auditorum studia. Post meridiem proficetur *Socinus* (5) quidam hæreditaria Jurisprudentiæ dote insignis, sed tamen mirè

(3) *Mantuanus*] Marcus de Mantua Benavites. V. Not. ad Vitam n. XXI.

(4) *D. Franciscini Curtii*] Ita in ms. Cod. plus vice simpliciter. Agitur de *Francisco Curtio* juniore, de quo loc. jam cit. Vernaculè vocabatur *Franceschin da Corte*, quod me docuit Baylius in Dict. Verbo: *ALCIAT* ad litt. D.

(5) *Socinus*] Marianus, de quo ibid. Erat *Alexandri filius, Mariani* nepos, uti intelligo ex dictione Baylii, verbo: *SOCIN* (*MARIANUS*) primo loco. Quare corrige, quod in notis ad Vitam a. XXI. ex *Poggianis* adduxi. Lepidum enim responsum ad hanc quæstionem: *Pourquoi il discontinuoit ses Leçons depuis qu'il avoit une femme*, non huic *Mariano* nostro, sed ejus avo tribuit Baylius. Noster hic *Marianus Socinus*, hæreditaria Jurisprudentiæ dote insignis, sed tamen mirè in legenda fastidiosus, Senis

mirè in legendo fastidiosus. Malui itaque, quoniam ille concurrentem adhuc non habet, ut tum nostri canonum audiant professorem, ut & vocabulis peculiaribus ejus professionis affluant magis ipsorum aures, discantque differentiam utriusque juris, non tantum in rebus, verum etiam in verborum ornatu orationisque nitore maximam. *Mantuani* autem lectionem sedulè curo, non modo ut audiant, sed ut intelligant, ac finitam recitare etiam mihi possint, quod hoc pacto efficio. Præscribo in glossis, atque in *Bartholo* quæ discere prius debeant; tum exigo ab eis præscripta, de quibus Doctorem publice disputaturum autumem, ac quid deinde *Alexander*, *Jason*, *Deciusque* post *Bartholum* adferant explico, in dubiis etiam meam sententiam interponens argumentisque confirmans. Sic instructi prodimus in Scholas quasi docturi, discendi tamen causa. Ibi omnia, quia prævisa faciliora existunt: ac de quibusdam dubitantes, attentius auscultamus præceptoris expectantes judicium. Finita lectione in circulis adhuc aliorum ingenia intelligimus, ac deinde iterum repeto exigoque audita, comproboque & reprobō, & quæ digna memoria sunt, redigere tum jubeo. Talis autem una lectio ea diligentia audita, mihi crede, mi Domine *Georgi*, maximam adfert utilitatem, subigit enim ingenium.

nis ortus est 25. Martii 1482. & obiit 19. Augusti 1556. Est pater *Alexandri*, & avus *Fausti Socini* hæresiarchæ. V. *Baylium* verbo *SOCIN* (*MARIANUS*) secundo loco, id est pag. 227. tom. 4. edit. Holland. anni 1730. Domnus *Bernardus de Montfaucon*, qui in *Diario Italico*, omnia sequioris seculi monumenta ac epitaphia neglexit datâ operâ, nescio quare unius *Mariani* nostri exaravit p. 399. his verbis:

Mariano Sozino juniore.
Senensi, vixit ann. LXXIII.
M. IIII. & D. XXV. Obiit an.
M. DLVI. die XIX. Augusti
Filii mæstissim. Patri opt. p.

Exstat Bononiæ, an ante ecclesiam S. Dominici, an in platea, vel in peristyliis, aliisve Monasterii locis: id apud *Montfauconium* non reperias expeditum.

38 VIGLII AB AYT TA ZUICHEMI

genium, penetratque intellectus intima. Porro ob frequentes hujus Academix vacationes sumpsi mihi munus privatim prælegendi ipsis Authentica. Maluisssem in Græca lingua & contentus eram paucis Grammatica tradere, sed *Rechiingeri* solito magis a me in Juris studium inflammati, novæ linguæ laborem & avocamentum detractabant. Erit autem ipsis in primis fructuosa illa lectio, & mihi non injucunda, continent enim novissima quæque jura, glossisque valde sunt fœdata, præter atque etiam propter veterem translationem depravatissimam. Animus autem est mihi hoc quasi Augiæ stabulum repurgare. Patavii anno 1531.

EPISTOLA XV.

Ex Tomo II.
fol. 126.
vfo.

CAROLO SUCQUETO (1).

1531. *Elegantissima, sed vehementi oratione dissuadet nuptias cum alienigena, eumque Patavium invitat, luculentam offerens conditionem.*

Scribis ad me, & non tantum postulas, sed etiam flagitas, *Carole*, magna animæ meæ & nunc curarum mearum maxima pars, suadeamne, ut puellam nobilem, pulchram, locupletem, quæ & te amat, & quam ipse redamare te judicas, quæque tibi offertur ultro, uxorem ducas. In quo fanè ego non dubitarem promptissima voluntate tibi obsequi, si me ætatis imbecillitas, rerumque imperitia perspicere sine-
ret, quid utile inutile in re tot involuta circumstantiis, esset. Et quidem si Rethoricari mihi hîc luberet, latissimus sese campus offert in utramque partem differendi, sed hoc
cùm

(1) *Carolo Sucqueto*] Is fuit Flander & Jurisconsultus eximius, ac *Viglio* conjunctissimus, uti dixi in Notis ad Vitam N. XVII. *Erasmo* fuit notus & probatus, a quo ad eum exstant literæ binæ. *Alciatus* porro ad *Erasmum* scribens de *Viglio* ac *Sucqueto*, *cautus*, inquit, *uterque*, *peritus uterque*, *disertus uterque*. *Haud mirum, bene convenire utrique*. V. inter *Erasmianas Epistolam* MCXLIII. col. 1322.

eum ab doctissimis ante me viris sit præstitum, actum (ut nostri dicunt) non agam, illud tantum, quod ipse sentio, quodque mea sponte eram scripturus, breviter perstringam. Non dehortabor te itaque omnino ab matrimonii spe, neque etiam adhortabor: sed priusquam quicquam in re tam ardua tantique momenti illic statuas, etiam atque etiam velim perpendas, quam de te patriæ expectationem excitaveris, quæ quo est illustrior, eo, si quid a te erratum fuerit, graviori te infamiæ subjiceret. Quæro autem modò quid sentiet, quid loquetur, si intellexerit, *Carolus*, qui nuper in Gallia tam præclaræ famæ fundamenta jecerit, qui eruditionis excelsa gloria cæterorum omnium lumina videbatur obscuraturus, cui ipsa jam tacita secum primarium dignitatis locum designabat, inter Alpes defecisse uxoriaque irretitum libidine, omnem patriæ ornandæ, deque ea bene merendi voluntatem pro derelicto habere. Utinam, mi *Carole*, nunquam tui nominis famam patria intellexisset. Si illam deseris, quæ statim ac de tanto fœtu gloriari cœperit, ilico ad palinodiam revocatur, cum se non sibi, sed longe diffitis Alpibus, genuisse talem partum intelligat! Quomodo verò matris orbitatem ac lachrymas sine lachrymis potes animo revolvere? Tu ex tribus filiis primogenitus (2), tu spes decusque & solatium illius, in te paternam virtutem renasci videbat, ipsa tibi dudum uxorem, sibi nurum quærebat, & hujus consilia irrita facere, hujus gaudia in mœstitiam convertere non te pudebît? Si quid tibi humanitatis * contigisset, in fata rejecta causa minus tenerum matris pectus vulnerasset, at si te in voluntarium exilium conjeceris, si tam indulgentem matrem, tam tui amantem deserueris, alienigenisque nuptiis te implicaveris, quid aliud facies, quàm ut illa in perpetuo dolore vivat, vel tua causa moriatur doloris impatientia? Quærisne ergo a me, an matrem debeas occidere? hoc ante negabis facere, qui tam evidentem illi occasionem præbeas?

* *Legendum*: humanitus.

(2) *Ex tribus filiis primogenitus*] Secundò genitus *Antonius*, fuit consiliarius in Parlamento Mechliniensi, quamvis in Catalogo non reperiatur, sed ita scribit *Val. Andr. in Bibl. Belg. & in Fastis Acad. Lovan.* p. 165. Tertiò genitus fuit *Joannes*, ut est ibid. Et in variis ad eum *Erasmi* literis.

40 VIGLII AB AYT TA ZUICHEMI

beas? Scis in parricidio non tantum authorem puniri, sed & consultorem & conscium. An itaque illud vis, ut me in criminis tanti societatem, si tamen ulla in re turpi societas esse potest, pertrahas? Sed redibis in patriam cum illa. O! es impudens, tunc sub patriæ oculis, in conspectu propinquorum, in maternis Laribus, tanta insignitus nota, ne dicam infamia libidinis, stultitiæ, impietatis, audebis apparere? Et mater scilicet jam expectat nurum peregrinam. Scis Comicum proverbium, uno animo omnes focrus oderunt nurus, & tu tales delicias ad maternas ædes deduces. O! quantam rixarum inimicitiarumque telam texis, quantum incommodorum pelagus ingrederis. Si fortuna esset tenuis, posses ex Æthiopia uxorem ducere, at cum parentum omne sit studium, ut amplum patrimonium liberis relinquant, & tua mater in lautissima re sit: an non merito indignetur, impium, ingratumque filium se peperisse? Habes avunculum apprimè divitem, eundemque sine suis hæredibus, cujus ab intestato lege ad te veniet successio, credisne illi tuum factum placitum, credisne illum testamentum scripturum, atque ad quosvis potius quàm ad malè morigerum nepotem patrimonium transmissurum? Omitto ista quæ longum fuerit recensere, & quæ ego non satis ipse intelligo. Hoc tantum rogo, ut ipse ad te redeas, rationemque propriam in consilium adhibeas, & seposito paulisper isto præcipiti, ne dicam infano, amoris affectu, vide quid agas, quantamque tragœdiam tibi præpares. Sapientis est non modo quod præsens est aspicere, sed meminisse quò tua prius consilia semper tendebant, & quod futurum est post mensem, post annum & duos, ubi te satietas amoris cœperit, ubi oculos mentis quos mihi amisisse modò videris, recuperabis. Concedo tibi magnum ingenium esse, sed tu vide sis, an te non pœnitebit eorum, quæ brevis voluptatis causa modo facere concupiscis. Vide autem, an non te levitatis merito accusem. Hæc enimne est fides, quam mihi olim dedisti, cum iisdem studiis mutua æmulatione incumbibamus? Nondum vigesimum quintum complesti annum, & tam cito a Musis ad uxorem proripis? Memento quæ una colloqui solemus, velle nos in hoc studiorum cursu ad trigesimum annum incumbere, velle nos insigni aliquo opere gloriam nobis constabilire, deinde

vero

EPIST. SELECTÆ AD DIVERSOS. 41

vero in unum nidum nos conferre, ubi reliquum vitæ jucunda perpetuaque consuetudine perageremus. Non convenit libris literisque cum liberis, Musis cum uxore, hanc abdicare debes, si illarum consortium vis retinere. Tene brevis voluptatis titillatio adeo commovebit, ut libellam repudii tam dulcibus vitæ fociis remittas? Quo tibi novam inducas, dominam, tantamque τὴν κακὴν Ἰλιάδα tibi accersas? O admirabilem ingenii constantiam, nostra amicitia tot annis coa-
luit, & hanc tu extingui patieris, ut momentaneæ libidini satisfacias, totamque vitam doleas? Non possum non in te desiderare aliam mentem, quanquam ne mentem quidem mihi habere videris, pristinam certè non habes, cujus si ulla adhuc in te esset scintilla, non te illis compedibus astringi patereris, quæ te ab matre, a patria, ab *Viglio*, quem tu olim amasti, separant. Anne te meæ consuetudinis tædet, an tibi parum honesta nostra videbantur consilia? Si non tædet, si probas, quæ olim constituimus, cur tu quæso modò sententiam mutas, teque nuptiis implicas? Ubi? in Sabaudia? Credo hic te mihi de vetustate Augustæ Taurinorum aliquid allegaturum, vel D. Margaritæ nostri Principis amitæ (3) connubium in ea gente objecturum. Non vitupero gentem, sit pulchra & dives uxor, sint magni affines, de istis nunc non disputo, de tua persona quæro, tuæ ætati ea con-

(3) *D. Margaritæ nostri Principis amitæ*] Hæc est *Margareta* illa celebris, *Maximiliani I.* Imp. filia, & *Philippi I.* Hispaniarum Regis soror, adeoque *Caroli V.* amita, quæ Delphino Galliarum (qui postea *Carolus VIII.* fuit) desponsata primùm, tum *Joanni* Hispaniarum Infanti, ac tandem *Philiberto II.* Duci Sabaudie nuptui tradita, nullam prolem genuit: unde hoc ejus epitaphium legitur apud Ferreolum Locrium;

*Ci git Margot, noble Damoiselle,
Deux fois mariée & morte pucelle.*

Postea gubernatrix Belgii, ibi usa fuit his titulis in actis publicis: *Marguerite Archiduchesse d'Autriche, Duchesse & Comtesse de Bourgogne, Douairiere de Savoye, Regente & Gouvernante &c.* Lettres de Louis XII. Roy de France imprimées a Brux. 1712. tom. 2. p. 99. 131. Obiit Mechliniæ 1. Decembr. 1532. quod ultimum ignoravit *Menius de Majoribus Maximiliani II.*

Tem. II.

F

42 VIGLII AB AYT TA ZUICHEMI

conditio non convenit, aliud expectabat patria, aliud volebat mater, aliò nos tendebamus. Quæ mihi deinceps occasio colendæ tecum amicitiae? Quæ voluptas absente semper eo quem amo? Quin si tu illic hæere decrevisti, delere te de animo debeo, cùm ego dudum de tuo excidisse mihi videar, & cùm non possim nisi cum dolore & fortunæ tuæ & amicitiae, qua numquam frui amplius potero, meminisse. Quid est cur me in vanum cruciem? Quantam tu, mi *Carole*, fortunam negligis? Nam si omnino animum ad rem uxoriæ habeas, post aliquot annos, ubi literarum studium, in quo cum admiratione omnium tantum profecisti, foeliciter absolveris, ubi in patriam redibis, quis te non generum illic expetat, ubi patris (4) clarissimi, Equitis, Cæsareique consilarii, de Flandria tua optimè meriti, memoria adhuc recens est? Ubi tu fortunam habes in ea etiam regione, quæ divitiarum nomine prima censetur, ultra vulgarem modum splendidam, ubi tot propinquorum, affiniumque opibus affluentium favore munitus esse poteris, ad hæc omnia ubi tua doctrina meritum consequi pretium queat. Visne quæso Scholasticus aliquis literator fieri, & in pistrinum aliquod te dedere Taurini? Quid enim est quod illic expectes? Ubi tu nudus, destitutusque omni auxilio, nullum habebis nisi ex uxore solatium. Momentaneæ sunt socrus blanditiæ, affinibus cito putebis, & ut semel concludam, non putabam te tam stolidum, qui illud vel in deliberationem ponere

(4) *Patris clarissimi*] Caroli Sucqueti pater, fuit Antonius, Consiliarius in Secreto Consilio, de quo *Tomb. des homm. illust.* p. 24. „Messire Anthoine Sucquet, Chevalier, il estoit frere „de Jean & pere d'Anthoine Sucquet, Conseillers du grand „Conseil, & mourut a Bruges en l'an 1526. gist en l'Eglise „Cathedrale de S. Donas, ou se voit encor sa pierre sepulchrale contenant ses armes.” In *Comp. chronol. Episcoporum Brugenf.* p. 250. & 251. refertur ejus epitaphium e lapide juxta odeum ecclesiæ Cathedralis, ubi annus obitus biennium discrepat: „Sepulture de Messire Anthoine Sucket, Chevalier, & Conseiller de l'Empereur Charles Quint, qui trépassa l'an 1524. le dernier d'Aoust, & Dame Isabeau de Wal, le, dicte Axpoele sa femme, laquelle trépassa l'an 1533. le 26. d'Octobre.”

nere auderes, an uxorem illic oblatam debeas accipere, id est, an pro brevi lætitia sempiternam servitutem, ignominiam, matris, avunculi, propinquorumque omnium, immedicabilemque dolorem tibi sponte accersas. Alium quære, si tibi adhuc adlubescat ista infania, qui tibi ejus sit author. *Viglius* nunquam suadebit, nec committet, ut tuo in præsentia affectui obsequens, in posterum non sine diris imprecationibus tale consilium ei exprobres. Quin tu potius, si bene tibi consultum cupis, huc ad nos festina, atque in veterum te amicorum gremium recipe, quo istum amorem animo amoveas tuo. An non tu dudum spem nobis adventus tui fecisti? Cur ergo nos ludis? An putas hîc tibi defore digna eruditione tua præmia? An nunquam cogitas, quàm tibi fideles simus, & quàm benigne omnia nostra communicare soleamus? Hoc tibi dico; si in tempore advenisses, pulchrè nos potuisse honori tuo, non sine luculento lucro, consulere. Omnes autem ex nostra natione te expectabant, teque omnibus officiis cumulare decreverant. Sed dum illic amores alios tuos, & nos in perfidiæ suspicionem deducis, qui de te multa prædicantes, spemque adventus tui facientes, luisse vel fefelisse illos videmur. Adhuc autem si veneris, aliqua spes superest. *Henricus* enim noster, cujus erga te studium & voluntatem non ignoras, Consiliarius est ab natione nostra creatus, isque multum tibi prodesse potest, si publicè profiteri lubet, cùmque de eo cum illo sum collocutus, fecit mihi plenissimam fidem, modo adveneris, centum se coronatos (5) tibi impetraturum, idque, nisi effecerit, soluturum se affirmat, hoc & ex ipsius epistola cognosces. Privatim vero si operam aliquam impendere amicis studiosisque velis, non deerunt alteri centum. Quamobrem quæso, mi *Carole*, abjice animam a nuptiis, atque huc te quam citissime confer. Hoc iterum atque iterum rogo, si tuam salutem, famam, si te ipsum, si *Vigilium* amas. *Rupilius* noster est Venetiis, brevi ad nos rediturus. Ab *Erasmio* nonis hujus mensis accepi literas, is significat se nondum habuisse tabularium ut ad te rescriberet,

(5) *Centum coronatos*] Alibi scribit, Venetos in professorum Patavinorum honoraria, octo ducatorum milia erogasse quotannis. *Tom. 2. p. 58.*

44 VIGLII AB AYTТА ZUICHEMI

ret, mirarique quid illic veneris ; si non veneris, curabo ut tibi Epithalamium scribat, sed non quale tu fortasse desideras. Hæc volui, charissime *Carole*, paucis respondere literis tuis. Et cum habere me aliquid serii negotii *Henrico* significassem, suasit impulitque, ut ad (*te*) proprium nuntium mitterem, quo de tua voluntate certior fieret, nam alii sunt, qui ejus gratiam studiosè ambiunt, quos omnino repellat si tu certam adventus tui spem feceris. Quamquam desine nos deinceps spe inani lactare. Ipsum te fac videamus, si nos tecum salvos vis esse. Vale. 26. Augusti anno 1531. Patavii.

Ex To-
mo II.
fol. 154.
vfo.

EPISTOLA XVI.

CAROLO SUCQUETO.

1531. *Suam de amici valetudine sollicitudinem anxie pro-
dit, amoremque testatur blandissimis verbis.*

Quando tandem, anime mi, diurnam istam sollicitudinem mihi adimes? Quando te pristinae valetudini restitutum intelligam? Interea dum tu illic decumbis, ego hic vivus, valens, videns, lachrymis tantum non consumor. Testes mei affectus multos hîc habeo, qui & commune malum una dolent, & suo dolore meum etiam exasperant. Hoc mihi crede, multas insomnes duxi noctes, tuæ ægritudinis periculo perculsus, perterritusque. Quid tibi hîc recitem querelas, quibus me exanimabam cum extrema de te mihi *Schalengius* nuntiabat. Sicne tam dulcis, fidelis, charæ animæ consortio vita mea privabitur? O! crudelis genie, cur me tam arcto vinculo amicitiae colligasti, si hoc tam cito abrumperere voluisti? Cur quos in vita socios esse jussisti, non finis & fati esse participes? Hæc dum ego continuis lamentationibus mecum repeto, ecce *Renicus* vivere te nuntiat. Minuit autem ille dolorem, non sustulit sollicitudinem, etenim cum manus adhuc officium non faciant, qui queam esse securus? Obtestor te per amicitiam nostram, habe valetudinis diligentem rationem, daque operam, ut istius mali pro-
spe-

EPIST. SELECTÆ AD DIVERSOS. 45

sperum videamus exitum, nisi nos perpetuo mœrore vis conficere. *Schalengio* libros tuos tradidi, sic enim per *Renicum* iussisti. Non est nunc tempus, ut de consiliis tuis tecum litigem, quæ quantum mihi placeant, vel potius displiceant, satis declaravi. Utinam hic esses, ut quæ cupio, coram tecum agerem, hic te foverem, te consolarer, & animum dejectum erigerem. Cur mihi hæc officia invidisti? Ægro-
tare te non volo, sed tamen si necesse est, ibi malim, ubi te queam mea opera & ope sublevare, adjuvare, amplexari. Iterum rogo etiam atque etiam cura ut valeas. Inprimis vero animum confirma, cogita ea quæ te oblectant, tristitia ex animo rejice, tum vero cura, ut corpus moderata diæta foveas. Si defungi hoc morbo poteris, salubrior postea aliquot annos vives, quod ut cito fiat Deum opt. Max. enixè precor. Amici omnes recte valent, idemque tibi optant. Ubi intellexero te tibi restitutum, lætiora, & plura scribam. Bene vale animæ plusquam dimidium meæ. Patavii pridie D. Catharinæ 1531.

EPISTOLA XVII. ANTONIO SUCQUETO.

Ex Tomo II.
fol. 63.

*De fratris Caroli morte suum eleganter dolorem 1532.
testatur, ejusque elogium scribit, petitque defuncti lucubrationes conservari.*

CONsolerne te, an meas ipse lachrymas in tuum sinum effundam, Charissime *Antoni*, haud satis equidem scio. Justissimus enim dolor mentem pœne mihi ademit; nam qui mihi constare queam, parte ea animæ meæ amissa, qua ego nihil charius habui, nihil fidelius, nihil delectabilius, in hac vita sensi? Te testor, qui fratris animum cognitum habuisti, quàm ille me amarit, ego verò illum vincere in eadem arena studui. Hoc credo nec illi ullum me chariorem fuisse, nec ullum mihi illo, excipio quorum natura nobis affectum ingenuit. Quanquam ego fratris consanguinei mortem æquius fuisset laturus. Quantum autem mihi fuit ju-

46 VIGLII AB AYTТА ZUICHEMI

cundior ex vivente fructus, tanto vehementior est ex defuncti desiderio acerbitas. Et hæc nos tantum benevolentiae mutuae proæmia esse volebamus, conveneratque, firmata ætate & constituta utriusque fortuna, celebrem aliquando amicitiam nostram reddere, & inter carissima amicorum exempla nomina proferre. Tantum fructum, tantas spes, crudeles Parcæ tam immaturè præsciderunt. Omitto quæ ad me privatim pertinent. Quantum in eo Flandria amisit! Quæ certe nullum impræsentiarum generosiorum foetum alebat. Quanta enim in illo indoles, quàm dexterum ingenium! Quanta fecunditas, prudentia, gratia! Quæ styli felicitas, quàm exacta & sincera juris scientia! Quod in tenebricosis legum ænigmatibus erudiendis & elucidandis acumen! Et hæc omnia in ea ætate, cui Prætor lapsæ adhuc subvenire solet. Scio cum hæc commemoro, lachrymas me tibi excitare: sed quid vis? Nec ipse hæc sine suspiriis scribo. Utinam parvisset meo consilio, qui a fatali Taurino toties eum revocare sum conatus. Sic enim eum salvum adhuc victurum autumo (nisi omnia in fati ponere volumus) sic & tuis rebus consulisset, nec amicos in acerbissimum luctum coniecisset. Quod de animo ipsius a te alienato conquereris, non possum credere. Quia potius arbitror, præfagam mentem inde te voluisse detertere, unde sibi malum impendebat. *Cornelio* subiraſcor qui de ejus morte nihil ad me. Rogo, mi *Antoni*, ut quæ commentatus est, quæque annotavit, ea cures-diligenter conservari, quo aliquando videamus unà si quid erit quo ipsius memoriam conservemus. Cum *Renicus* apud eum esset, convalescere videbatur, nondum tamen valetudo ferebat, ut quicquam ad me scriberet, tantum jubebat, ut libros cuidam Taurinensi Scholastico ad se curandos committerem, quod ex *Florentii* & aliorum amicorum consilio feci. Cujus me modo pœnitet, vereor enim ne illo mortuo pereant, quanquam eos potes ab *Cneisio* exigere, ad quem eos pervenisse arbitror. Velim etiam, mi *Antoni*, cures, ut epistolas quas diversis temporibus de variis ad eum rebus, de jocis, seriisque dedi, conquiras, nec in aliorum manus venire sinas, hoc enim mea valde interest. Vale, mi *Antoni*, & si quod de rebus ipsius habeas, fac me certiorum quaeso. Patavii vi. Calendas Januarii 1532.

EPI-

EPISTOLA XVIII.

CLAUDIO PEUTINGERO (1).

Ex Tomo II.
fol. 66.

*Gaudet de restituta Claudii valetudine. Alciatus baud
ægre fert quod is alibi doctoris lauream acceperit.
Scribit se profiteri Institutiones Patavii, ac Caro-
lum Sucquetum obiisse. Interrogat de Melanchto-
ne circa tempus restituti juris Civilis. Excitat
Claudium ad persequendum antiquitatis studium.* 1532.

ET si literas tuas gratissimas semper habuerim, *Claudi* cha-
rissime, non tamen adeo fui inhumanus, ut tum eas ef-
flagitarem, cum te periculoso morbo impeditum intelligerem,
& vota potius pro tua valetudine facerem. Neque enim nos
hic latuit *Spiræ* te decumbere; ac tuam vicem graviter fere-
bamus, eoque nunc nobis fuit jucundius, ex literis tuis re-
stitutum te intelligere. Spero autem te deinceps salubrio-
rem fore, cum *Italicas* epulas hoc morbo concoxisse autu-
mem, quæ prius stomachum tuum nimium gravabant. Scripsi
nuper ad te pauca per *Conradum Heresbachium* (2) atque is
cum parentem tuum nosse cuperet, amicitie nostræ fiducia
ausus sum per literas illum ei commendare. Hoc factum
meum cum sit satis impudens, velim, mi *Claudi*, ut tu apud
parentem excuses. Quanquam ego nihildum intellexi an
ille Augustæ fuerit. De te cum nuper ad *Alciatum* scripsis-
sem, hæc ille respondit: *Quod Claudius Peutingerus a Cato*
*insignia suscepit, mihi quidem non minus jucundum * est,*
quam si de mea manu. Scis enim mihi cum ipso Cato non vul-
garem esse amicitiam. De illo huc accersendo propè confecta

* Adde Ti-
ferè, ut
est in
epist. Al-
ciati in-
fra.

(1) *Claudio Peutingero*] Is erat Augustanus, *Conradi*, (qui
Imperatoris *Maximiliani I.* Consiliarius fuit) filius; anno 1533.
Augustæ in ordinarium procuratorum album adscriptus fuit,
ut prodit *Viglius* tom. 2. p. 209.

(2) *Conradum Heresbachium*] Consiliarium Ducis *Clivenfis*,
de quo diversa videri possunt in *Erasmi* epistolis.

48 VIGLII AB AYT TA ZUICHEMI

res a nobis erat, nisi quod ille non ex animo videtur hoc affectare. Me verò nescio quæ etiam mens hic in munus invidiosum conjecerit. Profitetur enim publicè & quidem *Institutiones* (3) atque hunc annum extremum studiis meis proposui, postea enim in animo habeo aliud me flectere. Et a Spira non abhorreram. Sed multos audio de valetudine periclitari, qui illuc se conferunt. Rogo tamen ut tuam sententiam mihi scribas, quid ipse suadeas. *Carolus* amicissimum studiorum meorum, sodalem nuper, magno & incredibili meo dolore, amisi. Diem enim Taurini functus est. *Cneiseus* illi adfuit morienti, atque antea illo autore adutoreque honestam conditionem adeptus est. Quem tamen miror nihil mihi adhuc de charissimæ animæ obitu scripsisse. Valde scire aveo quos autores habeat *Philippus Melancthon* qui de *Lotbario Saxone* (4) hoc cujus meministi scripsit. Hoc certum est, circa ejus tempora revocatum in lucem jus civile sive Romanum. Et plerique etiam Bononiensis Academiæ auspiciâ ab illo deducunt. Diligentiam tuam in eruenda rerum temporumque priorum memoria laudo & amo, rogoque ut pergas. Nullum enim studium delectabilius, nullum utilius, nullum honestius. Nec quisquam est qui te hoc possit melius efficere. Præter enim optimorum librorum inæstimabilem thesaurum, vivam habes Bibliothecam in parente viro doctissimo, peritissimoque, qui ubi tuum studium intellexerit, non minus lubenter tibi tradere cupiet, quàm tu percipere desiderabis. Vale, *Claudi* Charissime, parentique tuo plurimam a me salutem. Patavii vi. Calend. Januarii anno 1532.

(3) *Institutiones*] Ad hoc profitendi munus promotus fuit procurantibus *Christophoro*, & *Othone Truchsesio*, juris tunc studiosis, ambobus postea Cardinalibus; quod in *Vita* sua ipse non adnotavit, sed prodidit *Adrianus Gaudanus*.

(4) *De Lotbario Saxone*] Quid a *Melancthone* expectarit *Viglius*, non liquet, sub illo porro Imperatore revixisse jus Justinianæum, excitatamque fuisse Bononiensem Academiam, leges apud *Ja. Vinc. Gravina* de ortu & progr. Jur. Civil. p. 74. & 75.

EPISTOLA XIX. (1).

ANDREÆ ALCIATI.

Clarissimo Legum Doctori, Domino Viglio
Zuichemo Phryſio amico optimo.

Patavii.

Ex fasci-
culo Epi-
stolarum
A. Schu-
rui.

*Nuntiat epistolam Viglii sibi redditam. De Pata-
viensi negotio, quò annitente Viglio, ad profitendi
munus evocandus erat. Curtius competitor quid
ambiat. Marianus Socinus quid effutiat; quid Sal-
vator olim. Circularibus disputationibus & Scho-
lasticorum irreverentia non se terreri, ait. Gra-
tias agit pro officio per Viglium sibi impenso.* 1532.

CUM jam lapsis duobus superioribus mensibus nihil lite-
rarum a vobis recepissem, existimavi Patavinæ istius
professionis negotium (2) evanuisse, nihilque per vos con-
fici potuisse, quum ecce uno tempore ad me ingens episto-
larum fascis: quas inter & tua. (3) Ain' verò voluisse
Alexandrinum & isthic taratantaras (4) suas inflare? Non
spirat igitur amplius *εμπνεῖσθαι αὐτοῖς*, ut in carmine Græ-
co est? Existimavi postquam uxorem Augustæ Taurinæ
duxit, non esse eum alio iturum. Non dubito tamen quin
Cur-

(1) Epistola XIX.] Hanc edimus post *Andream Schurium* in
epistolar. fascic. qui profitetur se eam ex autographo dare.

(2) *Patavinæ professionis negotium*] Baylius contendit ex *Vos-
sio*, totum hunc *Alciati* conatam ut Patavium evocaretur,
merum fuisse dolum, ut a Rege Galliæ largius atque uberius
stipendium promereretur.

(3) *Quas inter & tua*] Hæc *Viglii* ad *Alciatum* epistola in-
tercidit.

(4) *Taratantaras suas inflare*] *Taratantara* nomen fictitium
est, sic dictum a sono quem facit. Est enim instrumentum
quo farina colatur. *V. Gloss. du Cange.* Hic accipitur pro
murmur edere, turbas ciere aut tumultum facere. V. Du Cange.

Tom. II.

G

50 VIGLII AB AYTTA ZUICHEMI

Curtius manibus & pedibus elaborarit, ut illic potius eligeretur; fuit enim in ejus domo *παιδεύτης*, scitque nihil sibi ab eo periculi imminere. Solum timet ne qua sibi à Septentrione oboriatur tempestas: qua tamen in re nihil est quod dubitet: quandoquidem ejus ego canos veneror, & plurimum etiam doctrinæ tribuo. Adde quod, ut scribis, minime mihi ipse *ἀντισημίων* proponitur. Cùm enim quatuor hisce annis omne id effuderit, quod matutinis professionibus paraverat, nunc pomeridianam lectionem ambit, ut citra laborem, quæ in eam quoque partem juvenis reposuerat, in medium proferat: ne *Ovidiano* illo carmine denotari possit:

Quæ dixit nobis, dixerat ante mihi.

Quod non ideo scribo, ut consilium ejus damnum: sed ut intelligas non solum aliis, cùm de jure respondet, sed etiam sibi eam canere. Illud mirum, cur *Marianus* ipse adeo in me debacchetur, ut dicat nec legendo nec consulendo me umquam bonum jureconsultum præstitisse. Compertissimum mihi, nullum umquam vidisse eum consilium meum. Collectanea lectionum forte vidit, præsertim quæ in Tractatu de *Verborum obligatione* jam diu edita sunt: & tamen cum eam partem profiteretur, qui ipsum audiebant, mihi retulerunt, non solitum eum tale judicium ferre: ut appareat novæ hujus conditionis invidia hominem motum, hujusmodi nunc comminisci. Effutiebat tales nugas & *Salvator* priusquam huc venirem, humanitatisque professorem me vocabat: at postquam huc appuli, tum cœpit intelligere quid lupinis distarent æra. Nuper ergo vendita domo, abrenuntiato honorario & regentium munere, Gratianopolim cum omni familia se contulit, ibi patrocinator, id est, ut ego interpretor, esuriturus. Quod jam prensationes istorum & *πράξεις* euripos cœperis intelligere gratulor & tibi & mihi: scio enim, si isthuc veniam, fore ut ex usu meo sint: thesaurosque hosce in utilitatem meam recludas, & illustres illos, quorum mentionem fecisti, ad me allicias. Quod admones, ut cum tantopere † hîc expecter, professionem * meam maturem, ne scilicet interim præoccupentur a rivalibus auditores, ad suasque diatribas perducantur, recte tu quidem. Sed cùm adhuc mihi cum Republica Veneta non

con-

† *Lege:*
isthic.
nempe
Patavii.
* Num-
quid me-
lius: pro-
fectio-
nem.

EPIST. SELECTÆ AD DIVERSOS. 51

convenire, non est quod hinc me tam propere submoveam, & omiſſis certioribus, ambiguan ſpem ſequar. Cur autem adhuc convenire † non poſſit, ex literis cognoſces, quas ad *Rapilium* dedi. Oportet ut illæ ſint nobis tanquam canon in hoc negotio. De circularibus diſputationibus, Scholaſticorumque irreverentia, memorem mones: hujusmodi mihi leviter curæ ſunt: fecimusque in eis quoque aliquem uſum, ut novi mihi quidquam contingere non poſſit. Ex plurimorum literis accepi, qua ſecundia præfectos *Gymnaſii* accenderis, ut me aliis præferrent: quo nomine ago tibi gratias. Tametſi ſatis ſciebam nunquam te in laudibus meis prædicandis ceſſare: unde ne nunc quidem ceſſaturum con-
 ſect. Vale. Biturigibus v. Idus Septembris. M. D. XXXII.

† *Videtur
 legen-
 dum:
 conve-
 niri.*

ALCIATUS tuus.

EPISTOLA XX. (1).

ANDRÆ ALCIATI.

Acutiſſimo Doctori, Domino Viglio Zuichemo
 Phryſio amico optimo.

Patavii.

*Ex Faſci-
 culo epi-
 ſtolarum
 Andræ
 Schurii.*

*Suum erga Viglium amorem proſitetur. Operam 1532.
 ſuam non minoris quàm millenis vult aureis locare.
 De Claudio Peutingero. Emblemata ejus emen-
 danda. Quem tractatum explicaturus ſit. An
 frequentes auditores habiturus.*

Scripſeram ad te proximas literas, quas Mediolanum ad
 matrem miſſeram (2) quod inde facilius nuntii reperian-
 tur;

(1) *Epistoła XX.*] Et hanc quoque ex autographo ſe edi-
 diſſe proſitetur *Andreas Schurius*.

(2) *Miſſeram*] & infra miſſi ac remiſſi. Ita ſcribit *Alciatus*,
 inquit *Schurius*, & ſe tacitus aufert. Et ego, ut hiſce locu-
 tionibus autoritatem adferam, non habeo.

52 VIGLII AB AYTТА ZUICHEMI

tur, qui isthuc veniant: cum ecce ad me alias tuas, veteriores quidem quàm quibus novissime responderam, sed quæ in itinere diutius subsedissent. Agis in eis mihi accurata meditataque oratione gratias, quod te absentem amare pergā; hacque in re eloquentiæ tuæ fontes omnes profundis. Ad hæc ego breviter respondeo: quòd te amem, & lubens omnibus officiis sim prosequuturus, merito id me tuo facere. Gratias hanc ob rem mihi ullas non deberi scio, sed solum mutuum amorem: quod te præstare nec dubitavi umquam, & magis magisque indies cognosco. De Patavienſi hoc negotio scripsi ad te prioribus literis, iccircoque non arbitror operæ pretium eandem adhuc cantilenam canere. Ego non arbitror ex re mea esse, minoris operam in eam locare quàm millenis, & quidem equestribus *χρυσίδι*. Tametsi & non adeo hac in re sim obstinatus, quin amicis dedam manus, sed vix est ut hoc anno extricare me ab hisce vervecibus possim nisi quod hætenus fecerunt, adhuc procrastinentur, & mihi ante proxima Dionysia non faciant fatis. Eo in casu in Italiam reverterer, commodiusque pertractarem quod agendum est. Quare vos interim nolite istis præcidere, sed quoad ejus fieri poterit, rem sustinete, spe alite. Quod *Claudius Pentingerus* (3) a *Cato* (4) insignia suscepit, mihi quidem non minus jucundum ferè est, quàm si de mea manu. Scis enim mihi cum ipso *Cato* esse non vulgarem amicitiam. Cuperem cum isthac transiit ut in Germaniam reverteretur, ei *D. Franciscus* errata *Emblematum* (5) tradidisset: ut impressor tametsi serò emendaret tamen, quæ magna

(3) *Pentingerus*] Lege: *Peusingerus*; de quo in superiori quadam epistola *Viglii* ad ipsum *Peusingerum*. *Schurius* nullos novit homines.

(4) *Cato*] Nec hunc reperit *Schurius*. *Ludovicus Catus* docuit in Universitate Ferrariensi, & juris utriusque lauream contulit *Claudio Peusingero* ac *Leonardo Langemantello* Augustanis, *Viglii* sodalibus. Scripsit librum, nescio quem, ad *Alciatum*, cum in Gallia Ducis Ferrariensis apud Christianissimum Regem Orator esset. Scripsisse testatur *Viglius* *Epistolar.* tom. 2. pag. 204.

(5) *Errata Emblematum*] Hæc emblemata magni æstimata sunt a viris doctis, *Jul. Cæs. Scaliger*, non prodigus laudis,

EPIST. SELECTÆ AD DIVERSOS. 53

magna cum nominis mei nota peccaverat. Ut postquam *Promethei* (6) esse non potuimus, *Epimethei* (7) saltem fieremus, & sapere denique videremur. Missi autem ea errata ad ipsum *Rupilius*, hisce literis quas mense Junio ad eum dedi. Hoc anno de *Verborum obligatione* Tractatum, si hic profitear, explicaturus sum: eis legibus exceptis, quas aliàs latinè excolui: videturque mihi fore, ut magnam ejus materiæ partem possim absolvere. Gymnasium mihi non arbor frequentissimum fore, propter pestilitatis timorem: quæ tamen sanè plurimum remissit. Sunt tamen qui frequentius futurum divinare velint, quòd proximæ Universitates sint exinanitæ, nusquamque vel triobolares (8) adsint magistri. Hic de Turca magnus omnino est rumor, nihil certi. Puto apud vos omnia esse certiora. Si quid novi isthic edatur, aut fiat, quæso, fac me certior. Vale. Biturigibus III. Octobris M. D. XXXII.

ANDREAS ALCIATUS tuus.

ea talia sunt, inquit, ut cum quovis ingenio certare possint. Dulcia sunt, pura sunt, elegantia sunt: sed non sine nervis; sententiæ verò tales, ut etiam ad usus civilis vitæ conferant. Apud Baylium in Dict. hoc art. ad litt. M.

(6) *Promethei*] Hæc de fabulis desumpta sunt poetarum. Prometheus Japeti filius, Deucalionis pater, Minervæ opera in cælum sublatus, cœlestem ignem dicitur esse furatus, quo luteum hominem a se fictum accendit, animavitque.

(7) *Epimethei*] Epimetheus frater Promethei, qui & ipse luteum hominem dissimili manu finxit. Quare autem Alciatus, Epimetheus malit esse, quàm Prometheus, non satis assequor, cum hujus fors felicior fuerit forte illius. Prometheus vinculis tandem solutus fuit Jove Herculem mittente; Epimetheus autem a Jove in simiam versus in insulas Pithecusas relegatus est. V. Carol. Steph. in dict. histor. & Jacob. Vanierium in poetico.

(8) *Triobolares magistri*] Vanitatis & gloriæ perquam cupidos; habitus est Alciatus. Vide Baylium ad litt. G.

EPISTOLA XXI

ANDREÆ ALCIATO. (1).

1532. *Qui de Alciato sparsi rumores. Narrat professorum Patavinorum altercationes, ipse ad Institutionum professionem promotus. Explicat quid pro illo Patavium accersendo sit actum. De Bembo & Egnatio.*

Binæ abs te literæ mihi reddiæ sunt, Clarissime Præceptor, eodem penè tempore, nisi quod eæ quas prius scripseras posterius acceperim. Earum verò nos summo tenebamur desiderio, quanquam ipsum te videre magis optabamus, atque etiam sperabamus uti tui expectationem penè publicam feceramus, ubique tua fama excitata, ut & parietes & pulpita Scholarum tuas laudes loquerentur, te vivere & florere (scis enim Italicam consuetudinem) protestarentur. Interea vero varii de te ab æmulis sparsi rumores, aliis asserentibus novis te in Gallia conditionibus astrictum, aliis Ducis Mediolanensis mandata proferentibus, quibus te ad Papiense Gymnasium restituendum accersitum ajebant, aliis alia commincentibus. Quæ etsi nobis molesta erant, eo tamen nomine

(1) *Andree Alciato*] Ad N. XVI. Vitæ Viglii dixi, hunc nobilissimum Jureconsultum, (uti a *Spondano* vocatur ad an. 1550. n. 12.) notiozem esse, quàm ut a me exornari debeat, aut possit. Videatur *Bayle in Dict.* ubi inopem te copia faciet, ut non sit necesse recurrere ad paucorum verborum scriptores *Fichardum & Panzirohum*, aut ad *Thuani* narrationem, quos *Baylius* confutat. Lis est de ætate quàm impleverit *Alciatus*, & de anno quo hac vita defunctus sit. *Miræus* annum mortis statuit 1548. *Joannes Imperialis* 1559. Alii alium. En epitaphium ex *Sweertio*, quod exstat Ticini in æde S. Epiphanii: *Andree Alciato, Mediolanensi, J. C. Comiti, Protonotario apostolico, Cæsareoque senatori, qui omnium doctrinarum orbem absolvit, primus legum studia antiquo restituit decori. Vixit ann. LVII. Mens. VIII. D. IV. Obiit prid. Id. Januar. Anno M. D. L.*

ne placebant, quod conjunctam laudem tuam habebant. Cujus studium semel nos professi numquam deponemus. Hoc scito nullius hoc anno æquè celebratum nomen extitisse in hac Academia, atque tuum. *Marianus Socinus* valde sibi timebat. Collega *Arrigutius* ambitione illius victus, verbum de te nullum. Inter hos proximis diebus acriter in circulis altercatum est, ac illa legatorum, fideicommissorumque concordia, gravissimas inter ipsos discordias excivit, nam in eandem controversiam semper pistilli in morem revolvebantur. *Curtio* remissa privilegio fuit disputandi necessitas, nec impetrare tamen poterat, ut post meridiem legeret. Itaque factus est merus recitator eorum quæ edidit; nec verbum addit, cum tamen alii in repetitis prælectionibus, novum ad scripta sua adferentes judicium, pleraque rectius tradere soleant. Audi modo quid ego ex tui negotii procuratione lucri acceperim. Cum antea hic mihi & Musis canerem, cœpi, dum tuum promovere nomen studeo, aliquibus unà innotescere. Itaque cum alter ex iis diem functus esset, quibus *Institutionum* provincia mandata erat, ego successor designatus sum, suadentibusque & impellentibus amicis assensi. Et hæcenus meo munere satis feliciter sum functus, tametsi adversarium habeam doctum quidem, sed non minus ambitiosum, atque etiam civem Patavinum, domestico favore munitum. Didici itaque & ipse in circulis altercari. Rectorem nacti sumus non sat causæ tuæ faventem, agitatque de revocando *Pariso* (2), sed frustra quantum adhuc colligo, cum nulla apud Præfectos Gymnasii gratia polleat. Credo autem esurire hominem, & expectare, ut nos aliqua pollicitatione in nostram ipsum sententiam deducamus, sed res non amplius penes eum est, & Advocatum habemus *Fædericolum* quendam qui Venetiis postulandi munus exercere cœpit. Et si quid opus esse intellexerimus, illius favore aliquam inveniemus rationem, qua ab ipso impetremus ne causæ nostræ obstit.

(2) *Pariso*] Is est *Petrus Paulus Parisius* qui ob celebrem jurisprudentiæ famam, in nobilissimis Italiæ cathedris spectatus fuit, ut est in ejus epitaphio apud *Miræum in script. seg. XVI. apud Fabricium p. 148.* Fuit post S. R. E. Cardinalis & obiit an. 1545. ætat. 72.

56 VIGLII AB AYTTA ZUICHEMI.

obfit. Vellem autem te Mediolani esse, sic enim nobis liceret crebrius te omnium rerum certiore facere. Cætera *Rupilius* ad te scripsisse non dubito. *Bembus* tibi ex animo favet. Sed inter ipsum & *Egnatium* simulas est. Alioqui communicato consilio rem possent perficere *ὅτι δὲ Ἐγνατίου*. Cæsar Bononiæ est, & cum Pontifice consulit magnis de rebus agundis. Vix arbitrantur eum in Concilium consensurum. Sed certi nihil scribere licet, tantum est hîc de omnibus rebus silentium. Vale & tui studiosissimum discipulum vicissim ama. Patavii. Octavo Calend. Januarii an. 1532.

Ex To-
mo II.
fol. 73.
vfo.

EPISTOLA XXII. ERASMO ROTERODAMO.

1532. *De accepta ab Erasmo epistola exultat. Egnatium Venetiis audivit. De Asulani taberna. De Lazaro Bayfio, Patavinisque professoribus. De Ludovico Cato ac Alciato Patavium evocandis. Matthæus Curtius Medicinæ, Lazarus Bonamicus bonarum literarum ibi professores. Petrus Bembus magis Italicè quàm Latine loquitur. Quas ædes ipse Patavii inhabitet, in quas Erasmus invitat.*

EPistola tua, eruditissime *Erasme*, quam mense Novembri ad me scripsisti, Calendis Januariis mihi est reddita, quam profectò loco gratissimæ strenæ accepi, unde etiam ominor hunc annum mihi ad tuum amorem retinendum confirmandumque feliciter processurum. Ego nihil sciens omit- tam, quod tuam benignitatem alere atque augere erga me possit. De itinere meo jam antea ad te scripsi. Venetiis solum *Egnatium* variis adhuc negotiis implicitus, atque etiam ignotus, & linguæ ignarus conveni. Audivi te profitentem illum, sed surdis pleraque auribus: cùm Italicæ fabellas (1)

lectio-

(1) *Italicæ fabellas lectionibus* &c. *Bayhus* in Diction. non observat, quod *Viglius* hic prodit; contentus docuisse, *Egnatium* disertissimum fuisse, eruditissimum, & felicissimæ memoriæ virum.

lectionibus prolixè admiscere soleat, latino tamen sermone non minus facundus ac disertus. Sed sic captare videtur nobilium auditorum benevolentiam, apud quos scilicet vernacula lingua pretium non mediocre obtinet. In *Afulani* taberna (2) sordida prostat opulentia. Adeo nihil habent nasi, vel si odorantur, næ te illi verissima scripsisse comprobant, quibus & ejuscemodi lucri bonus est odor. *Lazarus Baysius* (3) Oratoris illic munere adhuc fungitur, & *De navibus* opusculum habet in manibus. Proximis diebus Venetias redire constitui: cum dabo operam, ut omnia melius investigem. Patavii non illubenter habito: & professores Juris Civilis abunde mihi satisfaciunt, magna enim diligentia contentioneque auditorum studia accendunt, humanioris tamen literaturæ plane rudes. Agitur de advocando quodam *Ludovico Cato*, viro in jure bene erudito, & in melioribus literis, si non docto, saltem imbuto. Is, me in Gallia agente, Ducis Ferrariensis apud Christianissimum Regem Orator erat, ubi eum leviter novi. *Alciatus* rediit Biturigas, quem illic & auditorum ob proximam pestilentiam raritas, & civium perfidia, qui nescio quid de salario tergiversantur, offendit. Itaque ad nos scripsit, paratum se in Italiam redire, si honorarii justî & certi spes fiat. Quod a nobis sedulo procuratum est: eoque jam rem deduximus, ut Senatus Venetus condiciones obtulerit. Sed vereor ne frustra conemur, illeque id tantum agat, ut ostensis rivalium pollicitationibus, ad promissorum observationem Bituricenſes cogat facilius. Medicinam hic antea est professus *Matihæus Curtius*, frater ejus, qui princeps Jurisconsultorum hîc habetur. Is
seram

(2) *In Afulani taberna*] Andreas Afulanus, de quo alibi me dixisse memini, Italus, ac focer *Aldi Manutii*, fuit typographus Venetus, & procuravit Græcam LXX. Interpretum editionem, de qua si lubet, vide *Le Long Bibl. sac. tom. 1. p. 186. col. 1. lit. B.*

(3) *Lazarus Baysius*] Quis ille sit frustra quæſivi. Inter Erasimianas Epistolas est una, numero 939. inscripta *Lazaro Bayſio*. Et in Epist. 981. col. 1120. noviss. editionis, hæc verba lego: *Lazarus Baysius dedit nobis elegantissimo libello genera vestium, brevi daturus vasa culinaria.*

58 VIGLII AB AYT TA ZUICHEMI

feram quidem, sed tamen non inanem operam, Græcis literis impendit: Eoque nomine facilè primas hic partes inter Symmistas obtinebat. Sed eo Romam pridem evocato nemo adhuc suffectus est, cujus doctrina Medicinæ studium hic celebretur. *Nicolaum Leonicum* (4) superiore anno scis ex humanis discessisse. *Lazarus Bonamicus* inter literarum Latinarum & Græcarum professores præcipuè probatur: sed a non ita multis in factionem Ciceronianam devotis ac juratis. Qui hic Patronum habent *Petrum Bembum*, quem semel atque iterum salutavi: sed assuevit magis Italicè loqui, atque eam ob causam minus mihi sæpe illo frui licet. *Sucquetum* nostrum huc tendentem intellexi Taurini substituisse. Ego cum Augustanis adolescentibus splendidam hic domum conduxì, quæ est *Contarenorum*, ab aviculis cognomen habens. Utinam, quod quidam hic sparserant, ad hanc urbem animum haberes: nostras sane ædes non displicituras tibi sperarem: & me effecturum considerem, ut quod *Fuggerus* Augustæ obtulit, hic præstare non gravaretur: ille enim non aliud æque optat, quàm de te quàm optime mereri. Affines ipsius *Rechlinger* pro salute a te impertita maximas habent gratias, ac mecum tibi omnia fausta ac læta precantur. Patavii XVI. Calend. Februarias 1532.

(4) *Nicolaum Leonicum*] Is erat Italus, Vicentinus, qui obiit, non superiore anno, ut scribit *Viglius*, sed ante octennium, nempe 8 Junii 1524. uti lego apud *Guiliel. Budæum* in *Thanatologia*; & de anno quidem patet apud *Erasmum* in *epist. Cælii Calcagnini* quæ est inter suas 750. ubi Vide col. 881. „Fuit, inquit *Budæus*, inter primos & præcipuos purioris „elegantiorisque medicinæ assertores & *Galen*i interpretes, „præclarus eruditione medicus, qui annis sexaginta amplius „Ferrariæ docuit, unde & *Erasmo* demiranti, cur artem medicandi, quam profitebatur, ipse non exerceret, respondisse fertur: se plus agere, docentem omnes medicos.” Addit eum obiisse in ætate nonaginta sex annorum. *Calcagninus* cit. ait: *decessit jam prope centenarius*. Jam anno 1518. *Erasmus* eum deprædicavit, *senem immortalitate dignum*. V. *Epist. CCCXXXIII. col. 350. A.*

EPISTOLA XXIII.

CASPAR URSINUS VELIUS. (1).

Ex To-
mo V.
fol. 29.

VIGLIO ZUICHEMO.

*Ex unius Viglii epistolæ lectione accensus in ejus
se amicitiam insinuat. Hermannii Frisii laus.
Viglius præceptor juvenum. Georgii Logi magni-
ficum elogium.* 1532;

„ **O** Stendit mihi literas ad se tuas, ornatissime ac proba-
„ tissime vir, D. Georgius Hermannus superiori mense
„ Patavio missas, in quibus tamquam in speculo facile qui-
„ dem perspexi ingenium istud tuum peracutum, eruditio-
„ nem eximiam, mores commodos ac persuaves, cæterasque
„ vitæ optime institutæ rationes, & cursum æquabilem at-
„ que inviolatum. Quid multa? Eò audaciæ me rapuit vel
„ semel tantum lecta epistola, & cognita in ea virtus tua,
„ ut extemplo ne a facie quidem noti hominis incredibili a-
„ more fuerim accensus, ac talem mihi virum, quoniam
„ coram hoc tempore non licet, at absentem per has con-
„ ciliandum quoquo modo duxerim. Equidem cùm primùm
„ te ex Frisia esse audirem, statim de ingenii tui præstantia
„ nihil dubitare cœpi. Est enim illa regio, ut equorum
„ fortium & strenuorum, ita & hominum ingenio excellen-
„ tium præcipue ferax. Quæ tamquam altera Attica om-
„ nibus

(1) Caspar Ursinus Velius] Silesitanus, Poëta. Burcardus
Gotthelfsius Struvius in *Script. Rerum German.* tom. 2. p. 639. de-
dit Gasparis carmen heroicum, ad Reverendissimum in Christo
patrem, & Dominum, D. Joannem Thurzo Uratislaviensem
episcopum, de conventu Polonienfi: ubi & laudatum inve-
nias Matthæum Langium Cardinalem Gurcensem, de quo V.
Ciaccon. tom. 3. col. 299. Ab Erasmo quoque Velius celebratur.
V. Epist. CCX. aliasque per indicem facile inveniendas.
Edidit poematum libros quinque, apud Joan. Frobenium 4^{to}. Bas-
ilæ 1522. V. *Annal. typrog.* tom. 2. p. 2. pag. 631.

60 VIGLII AB AYTТА ZUICHEMI

„ nibus & literarum & virtutum ornamentis insignes semper
 „ tulit. Ex quibus cū vidi ego & cognovi permultos,
 „ tum maxime *Hermanno Friso*, qui unus & corporis & in-
 „ genii dotibus abundans, visus est etiam Italis excellere,
 „ usus sum perfamiliariter, primū Perusiæ, deinde etiam
 „ in ipsa urbe Roma, cujus ex suavissima consuetudine,
 „ tamen si haud longa (vix enim in menses quatuor ingenii
 „ illius amœnitate licuit perfrui) cum summa voluptate
 „ uberrimum sane fructum percepi: cui vel ob hoc, fateor
 „ a me plurimum deberi, quod ille solitus est meas esse ali-
 „ quid putare nugas, & magni facere, atque omnibus mi-
 „ rifice commendare. Quapropter si tu quoque in illa gen-
 „ te nobilissima unus ex primis me, ultro amicitiam oppe-
 „ tentem tuam, non fueris aspernatus, profecto tam mihi
 „ ipse gaudebo me auctum esse tali amico, quā nunc gra-
 „ tulator *Georgio* nostro, quod te virum tantum suis liberis op-
 „ portune nactus sit præceptorem, ac non mentiar, si di-
 „ cam alterum parentem, qui præterquam quod eruditione,
 „ studio atque diligentia aliis præstas, certe fide & amore
 „ erga ipsius liberos illum adæquare videris. Hanc itaque
 „ spem de te, & susceptam nuper admodum opinionem, si
 „ Frisium te esse memineris ac Germanum, hoc est ingenio,
 „ & ingenuis artibus, atque omnibus humanitatis officiis
 „ excultum, tuis literis quas isthinc avide expecto, splen-
 „ dide confirmabis. Quod ut facias, si poteris primo quo-
 „ que tempore, te etiam, atque etiam rogo. *Georgium Lo-*
 „ „ gum credo jam pridem non solum te nosse, sed etiam in
 „ intimam illius amicitiam pervenisse. Ad unguem factus
 „ homo est, ac præter summam eruditionem & dicendi
 „ gratiam, ac copiam singularem, ingenio perfestivo, in
 „ adversis rebus magni animi, in secundis temperati, pror-
 „ sus omnibus & Gratiarum & Musarum donis eximie orna-
 „ tus, hic vel unus non Silesiæ modò nostræ, sed etiam,
 „ absit invidia verbo, totius Germaniæ elegantes & literis
 „ probè tinctos homines usquequaque antecellit. Cui tu
 „ meis verbis, itemque liberis D. Hermannī imperties salu-
 „ tem. Bene vale, & audaciæ huic, sed humanæ tamen
 „ & officiosæ quæso ignoscas. Ex Ænipon VII. Februa-
 „ rii. 1532. “

EPI-

EPISTOLA. XXIV.

GASPARI VRSINO VELIO.

Ex To-
mo II.
fol. 79.

Existimationem de se a Velio testatam, humili excusatione minuere satagit. Præmaturè ad Juris Civilis disciplinam translatus, purioribus literis non satis potuit operam dare. Quid producat Frisia, quæ non genuit Hermannum Frisium, quem post sui cum eo comparisonem, egregie extollit. Velii carmina Italii probantur, cui se sueque obsequia addicit. 1532.

A Pud eos qui me noverunt de facie, Vir clarissime, atque eruditissime, veniam ætas mea facilius fortassis impetret, si conceptam de me expectationem fallens aliquid peccavero. Verum cum tu nunquam me videris, atque tantum ex *Georgii Hermanni* benigna mei commendatione, tam præclaro me in literis tuis eulogio ornaveris, tantò certè me magis tenuitatis meæ meritò suppudere debet, quanto te ipse in ingenio nostro dijudicando gravius errasse comperies. Quamobrem malim, ut mediocrius ab initio de nobis sensisses, & adhuc sentias, quanquam ne mediocritatis quidem laudem tueri ullo pacto me posse confido. Quid enim in nobis potest esse mediocre, si ad ingenii eruditionisque tuæ antiquam & illustrem gloriam, incomparabilemque venæ dexteritatem, quæ sine æquali, in poëticiis præcipuè literis, multos nunc annos in gente nostra effulsit, referatur? Ego verò, ne quid fallaris, vixdum per ætatem rectè de studiis sentire possum, imo in iis literis, quibus literati censentur, hæud unquam mihi, ut saltem rudimenta perdiscerem justam operam impendere concessum fuit, quippe præmaturè nimis ad Juris Civilis disciplinam translatus sum, eorum jussu, quorum ob naturalem pietatem reverentiamque, in studiorum institutione, auctoritati me cedere par erat. Qui ne quid me meliores literæ ab instituto remorarentur, quibus ado-

62 VIGLII AB AYTТА ZUICHEMI

lescens impense deditus eram, ilico fui in Galliam relegatus ad ea Gymnasia, in quibus præter legalem disciplinam nulla scientia in pretio erat. Porro si tecum *Bartolistarum* nostrorum barbariem reputes, quam tamen rerum cognoscendarum causa devorare necesse fuit, & in qua adhuc versamur quotidie, ipse non fueris inficiatus, etiam optimum ingenium inter tales spinas haud facile sese ad meliorem eruditionis spem attollere posse. De ingenii vero bonitate non habeo quod me jactem, & quanquam me delectet tuum de patria mea Encomium (quis enim mortalium non ejus laude afficiatur?) tamen si quæ illa alba produxit ingenia, magis prope mirum videri debet, quàm quod apud Schytas tantus extiterit *Anacharsis* (1), quem in media natum Barbaria, in Philosophia adeo emicuisse, miraculo prope fuit veteribus. Nam præterquam quod multum confert, ibi aliquem nasci ubi ipsæ literæ natæ sunt, studiaque incrementum acceperè, multum etiam juvat educatio, & format in primis excolitque ingenia institutio: cujus quidem nos magistris caremus, & exempla domestica nulla penè habemus. Et quanquam certe equos fortes producat Frisia, & sit alibi terra, optimi tantum vini ferax, at humanus animus, quem divinæ auræ particulam *Horatius* vocabat, non est ex solo æstimandus. *Hermannum* vero *Frisum* (2), tantum quantum tu eum merito prædicas, non Frisia genuit sed effinxit accurata a teneris procul domo institutio, tum vero pertinax semper studium & consuetudo cum eruditissimis quibusque Germaniæ, Galliæ, Italiæ, tum ad illas ipsas regiones excolendi ingenii causa peregrinatio. Mihi autem ultimum hoc cum illo commune est, sed in aliis diversa omnia, diversus

(1) *Anacharsis*] Schyta admirandæ sapientiæ. Unde proverbium de raris hominibus. *Anacharsis inter Schytas*. Vanier. in Dict. poët.

(2) *Hermannum Frisum*] Is est *Hajo Hermannus*, *Erasmi* præconio nobilitatus, cujus ad eum exstant aliquot epistolæ. Fuit Jurisconsultus eximius, & Consiliarius in Frisia. *V. Suff. Petri Dec. 10. cap. 5. de Script. Frisæ*. Nonnullas ad *Hermannum* literas dedit *Viglius*, in quibus observo, hunc ab illo in fortunæ suæ cū primis lautæ societatem fuisse vocatum, raro sanè exemplo.

EPIST. SELECTÆ AD DIVERSOS. 63

versus quoque utrique scopus fuit. Siquidem, ut est in proverbio; *Qui Comædi esse non possunt, Citharædi fiunt*: ita cum politioris elegantiorisque doctrinæ laudem desperarem, a qua etiam arcebar parentum consilio, acrius semper ad jus discendum incubui, illo interea pro ingenii institutionisque bonitate semper ad primam præcipuamque, ac longe pulcherrimam doctrinæ partem, ad eloquentiæ gloriam animum applicante. Atque in hac contentione commodum in Italiam profectus est, ubi doctissimorum hominum consuetudine & amicitia prolixè usus, & bene dicendi imitandique præceptis imbutus, pulcherrimis studiis suis colophonem imposuit, ut nunc non tantum Senatus nostri apud Leovardiam, verum totius Frisiæ unicum & insigne ornamentum censeatur. De cujus quidem familiaritate tibi gratulor, sed tamen eo magis illi de tua, quo doctrina excellentior ipse habetur, & in ea præcipuè arte, quæ omnibus aliis diviniore & antiquior semper judicata est, cæterorum ætatis gentisque nostræ doctorum hominum luminibus altius obstruis. Carmina certè tua etiam Itali, acuti ut scis iudicii, nec vulgaris palati homines, in delitiis habent. Quamobrem, doctissime *Veli*, valde tu quidem falleris, si aliquid in nobis tale esse putes, quale in conterraneo meo amasti, vel quo ipse excellis, illius enim eruditionem admiror atque suspicio, tuam etiam adoro. Aliam vero ipse viam ingressus, quæstuosam videlicet magis, ut vulgo creditur, quàm gloriosam, non ausim mihi ex studiorum similitudine, quæ ignotos conciliat, aliquam vobiscum sperare benevolentiam. Miror verò, quomodo tu ex unico epistolio, rudi quidem & sine cura de rebus familiaribus ad familiarem scripto, tam præclarè de me pronunties, nisi forte animum tuum sponte ad humanitatem propensum extimularit etiam *Georgii Hermanni* erga me affectio. In quo utrique vestrum merito gratias ago, illi qui me tibi insinuarit, tibi verò qui me illi laudaveris, cui me probari non leviter mea interest, nam cum ille meæ fidei filii sui studia concrediderit, ad tale munus me non omnino ineptum haberi, illi merito persuasum cupio. Quod vero ad Jurisprudentiam pertinet, in qua principalem semper operam cum illo insumpsi, utcunque adhuc conatus successit. Literarum vero bonarum doctorem nunquam sum professus, si quid tamen succidere temporis

64 VIGLII AB AYT TA ZUICHEMI

poris datur, id adhortor, ut & ille & *Rechlinger*, qui a me docentur, in studio excolendo impendant. In quo haud luculentus, sed tamen mediocris, quantum ipse judicare possum, illorum profectus cernitur. Habes, doctissime *Veli*, brevem tenuitatis atque conditionis meae confessionem, quam te equidem latere nolui, ne nescias quem ames, ac ut deinde me habeas non plane ut amicum, (est enim amicitia inter æquales) verum ut clientulum, qui & eruditionem tuam magni faciat, & benevolentiam ultro oblatam ambabus amplectatur ulnis, vicissimque se tibi ad omne obsequium perpetuamque observantiam mancipet, quod quidem tibi sincera fide promitto, ac in eo faciam, ut cognoscas Germanum, ut tu scribis, Frisium. *G. Logus* (3) cum tuas literas acciperem apud me erat, coram quo quæ de ipso adjecisti, recitavi, & facit ille quidem vicissim te maximi; estque hic ob ingenii præclari dotes apud eruditos omnes valde graciosus. Bene vale, & si dabitur interdum otium, quæso ut in cœpta erga me voluntate persistas, vicissim autem me senties ubivis potius, quam ut tibi respondeam pigrum. *Rosinum* a me salutabis, quem ad amicitiam ultro invitare ausus sum hortante instiganteque *Christophoro Hagero* (4), quo in Gallia familiariter sum usus, sed tamen ille nihil ad meas literas. Iterum vale. Patavii VII. calend. Aprilis 1532.

(3) *G. Logus*] Georgius Logus in proxime præcedente *Veli* epistola laudatus, nobilium puerorum pædagogus, *Viglii* apud Patavium socius fuit.

(4) *Christophoro Hagero*] Jurisconsultus, & duorum Fuggerorum *Georgii* & *Joannis Jacobi*, præceptor erat, quo in Gallia familiariter *Viglius* se usum scribit, & ad quem prolixissimam dedit epistolam (Tom. 2. p. 157. Vfa.) super quadam antiqui juris subtilitate, quam seligendam non duximus.

EPISTOLA XXV.

ERASMO ROTERODAMO.

Ex To-
mo II.
fol. 83.

*Erasmi jocos jocos reddit. Cicero præcipue, non uni-
ce imitandus. Quis eruditi cognomen mereatur.
In Ciceronianorum numero esse detrectat. Quid
super Interpretum Juris commentariis impolitie &
barbarie repletis meditaretur. De sua cum Cice-
ronianis controversia. De Julii Camilli am-
phitheatro.* 1532.

GALLUS ille auspici nominis, (1) Eruditissime Erasme,
mutato de adeunda Roma consilio, hîc substitit. Nu-
per autem a me interpellatus, literas omnes tuas reddidisse
se respondit. Ego pridie D. Martini huc appuli, tuasque
literas alteras (2) accepi, quæ valde mihi jucundæ fuerunt:
non ob id tantum quod te in consuetudine scribendi ad me
perseverare gaudeam, jociſque etiam tuis, quibus me adver-
sus omnium hîc *Ciceronianorum* (3) sententiam in ipſorum
numerus vis intrudere, delector: sed etiam quod mihi a te
pote-

(1) *Auspici nominis*] quod erat: *Petrus mons aureus*, ut est
in *Erasmi* epistola statim citanda.

(2) *Literas alteras*] quæ inter *Erasmianas* sunt ordine
MCCXIII. ultimæ edit.

(3) *Ciceronianorum*] hos sæpius exploſit *Erasmus*; & in ep.
ad *Alciatum*, quæ est MLXXXIII. col. 1243. his verbis:
„ Exorta est nova Secta *Ciceronianorum*, quæ mihi videtur non
„ minùs fervere iſthic, quàm apud nos *Lutheranorum*. Post-
„ hac non licebit Episcopos appellare patres reverendos, nec
„ in calce literarum scribere annum à *Christo* nato, quòd id
„ nuſquam faciat *Cicero*. Quid autem ineptius, quàm toto ſe-
„ culo novato, religione, imperiis, magistratibus, locorum
„ vocabulis, ædificiis, cultu, moribus, non aliter audere lo-
„ qui, quàm locutus est *Cicero*? Si reviviſceret ipſe *Cicero*, ri-
deret hoc *Ciceronianorum* genus. Plura vide in *Annal. Ty-*
progr. tom. 2. part. 1. a p. 363.

Tom. II

I

potestatem factam existimem, ut nugas aliquas vicissim apud te effutiam. Quæris enim quid mihi cum *Ciceronianis* conveniat, & quid sit in controversia. Hoc enim si tibi explicare volam, jam oportet, ut me aliquantisper apud te ineptire patiaris. Et quidem quod ad illorum, qui de imitatione scripserunt, rationes pertinet, cum ea quæstio cognitione mea major difficiliorque sit, tanquam unus ex vulgo alteram partem simpliciter sequi malo, quàm cur id faciam, exactius disputare. Illorum verò opinioni semper assensi magis, quæ doctorum virorum omnium post *Ciceronem* fuisse videtur: ut illum præcipue, nec tamen unice imitari studiosi debeant: imitari verò non adeo superstitiosè, ut ab ipsius vestigiis numquam discedant, sed ut stylum liberum quidem & nulla religione astrictum contentur ad luculentam illam *M. Tullii* facilitatem atque elegantiam emendare. Nam qui omnia ab eodem petenda existimat, nec usquam ab illo recedit, hæud mihi perspicere videtur, quàm lato & quàm infinito (ut sic dicam) sine, scribendi dicendive usus circumscribatur. Et in *Cicerone* illa oratorii officii portio maxime semper admirationi fuit: unde ipsa eloquentia nomen sumpsit. Jam verò ut is in ea maximè excellat, non tamen ideo solus amplectendus est. Oratio quippe rerum explicandarum causa inventa est. Quamobrem qui res ipsas non discunt, quid quæso laudis ex inani orationis tinnitu mœreri valeant? vel quid dignum posteritate edere queant? Prudentem *Ulysses* prædicant poëtæ, multorum mores hominum quod vidit & urbes: an non eodem modo credemus, eruditionem non ex unius imitatione, sed ex multorum lectione parari? Jam vero isti quid dabit eruditi cognomen, qui nec Theologiam attingit, nec Jurisprudentiæ, nec Medicinæ, nec Philosophiæ operam dedit, omnemque in eo ætatem insumpsit, ut *Ciceronem* exprimeret? Qui illud fortassis assequetur, ut *Ciceroni* similis videatur, si superficiem tantum intueare & cutem, supremumque orationis colorem. Verùm in membrorum compositione, in carne ac succo illo, qui maxime nutrit orationem, erit maxime dissimilis. Quem non male forte compararim mulieribus istis Italicis, quæ pingi quotidie assueverunt, quas si quando fucos deposuisse videas, rugosam deformemque faciem non sine causa rideas. Ego autem spe-

EPIST. SELECTÆ AD DIVERSOS 67

ro veniam te datarum hisce meis ineptiis. Car enim non sic appellem, quæ de re non satis mihi cognita, & tali, apud *Erasmum* proferam? Sed tamen tua fretus humanitate veniam quod volui. Nam me per jocum in *Ciceronianorum* numero ponis, contra ipsorum ac meam sententiam. Hoc enim tibi sanctè affirmo, nunquam, ne illi quidem imitationi, quam tu non videris improbare, operam me dedisse. Cujus fidem ætas mea tibi facere poterit, quæ adhuc intra eos annos consistit, quibus Prætor restitutionem in integrum concedit. Et jam septimus agitur annus, quod, intermisso meliorum literarum studio, omnem operam ad Juris Civilis disciplinam contuli, non equidem juxta legum contextum consistens, sed in vulgarium quorumcunque Interpretum commentaria penetrans. Quæ etsi barbarè scripta sint, ad rerum tamen cognitionem explicationemque, de quibus in Jure agitur, plurimum sane conferunt. Ergo nec ætas quidem talem adhuc imitationem admisit, nec etiam studium, ab illa valde alienum, imò contrarium dissidensque. Quod certe faterere, si scires quantopere *Ciceroniani τῶν νομοδόκων* Scholæ hîc vitarent. Antequàm vero huic disciplinæ animum applicuisssem, nondum ea opinio exorta de *Cicerone* apud nos erat. Et tunc quidem ætas judicio cærens, quid deligere, quidve imitari, aut quomodo deberem, dispicere nondum permittebat. Attamen cum *Cicero* fere in Scholis prælegi soleat, accidit, ut ex eo autore discendo magis, quàm imitando profecerim. Jam cum & *Laurentium Vallam* (4.) puer diligenter in manibus haberem, ob crebra exempla, quæ inde ille petit, *Tulliana* lectione fateor tum me valde delectatum fuisse. Et hæc quidem ante flexum studiorum meorum.

Nam

(4) *Laurentium Vallam*] De quo, tametsi eruditis omnibus notum, hæc pauca dicam. Fuit Romanus, ac Canonicus S. Joannis Lateranensis, qui sempiternam posteritatis memoriam promeruit, ob restitutam elegantiam latinam apud Romanos, qui a Gothorum consuetudine barbaricam contraxerant. Et censuit *Erasmus*, non doctiorem vidisse Athenas, aut Athenarum victricem Italiam. *V. Ep. 2. col. 3.* Varia multa & curiosa de *Valla* habet in *Poggianis tom. 2. p. 106. & p. 209. 210. & seqq.* Et *Baylius in Dict.*

68 VIGLII AB AYTTA ZUICHEMI

Nam ubi ad Jus discendum animum cœpi adjicere, cùm ea tantum tenerem quæ in Scholis didicissem, & intelligerem, haud ita multum mihi temporis superesse ad eas literas, quibus antea deditus eram, non uni *Ciceroni*, nec plurium authorum lectioni, ut ante eas horas diviseram, vacare potui, sed ordine singulos quosque probatos & veteres autores percurrebam. Quamobrem an non mirer tale etiam aliquid mihi a te tribui, quale plerique toti *Tullianæ* imitationi incumbentes, si iusta & integra opera vel morientes affecuti fuerint, beatos se existiment? Ingenuè itaque fateor, me *Ciceronem* nunquam imitatum, sed forsitan aliquid olim ex eo didicisse, quod sua sponte, sine ulla imitandi intentione, aliquid stilum nostrum adjuvit. Ubi vero Juris rudimenta utcunque percepissem, & jam etiam paulatim doctorum commentaria inviserem, offensus nonnihil impolitie, barbarieque eorum, quos tamen videbam rerum cognoscendarum causa non posse omnino contemni, forte mihi venit in mentem, ut novum quoddam imitandi genus instituerem. Nam cùm etiam prolixitas Interpretum fastidium moveret, & miram brevitem, meramque quandam latini sermonis elegantiam, in Jurisconsultis animadverterem, ex quorum libris Pandectæ sunt confarcinatæ, tum quoque in antiquorum imperatorum Constitutionibus, qui *συντακτοι* fuere Jurisconsultorum, & quorum in legibus ferendis concipiendisque consilio & stilo utebantur, cœpi consilium, ut quæ in Scholis audirem, vel quæ legerem, præcipue apud *Bartholum* interpretum nostrorum Coryphæum, ea quotidianis Commentationibus in eam orationis formam transferrem, qua Veteres illos usos videbam. Movebat me etiam ad hoc institutum persequendum, quod ipsos idem Jurisconsultos fecisse ex eo colligebam, quod tanta esset in eorum responsis æqualitas, ut videri possent omnes in eodem ludo docti, vel ut totæ Pandectæ ab eodem scriptæ cenferi queant, si nominum inscriptiones sublatae essent. Arguta etiam illa brevis oratioque, & si non redundans plena tamen, perspicua, propria, puraque mihi legum interpretationi maxime convenire videbatur. In qua id tantum requiritur, ut ratione vel autoritate aliqua legis, quid iustum, quid æquum & bonum, quidque contra sit doceamus. Et hac quidem ratione aliquamdiu sum usus. Ut etiam

cūm

EPIST. SELECTÆ AD DIVERSOS. 69

cùm privatim Institutiones *Iustiniani* perlegerem, quæ ad illas sunt ab diversis interpretibus annotata, exercitationis gratia brevius puriusque exprimere, atque ad Jurisconsultorum stilum reformare conarer. Hic vero labor in hoc certè mihi profuit, quod commentatione quotidiana stilum & emendaverim aliqua ex parte, & confirmaverim. Unde tu quidem, Eruditissime *D. Erasme*, animadvertere potes, quàm non affectaverim *Tullianam* phrasim, & unde hæc qualisqualis stili facultas nobis parata sit. Dudum verò primam illam imitandi contentionem remisi, quando videbam, multum mihi ea opera temporis perire, quod legendis Interpretibus, quorum penè infinitus est numerus, rectius collocarem: & quando etiam intelligebam Jurisconsulto foro utendum esse, quod illam Veterum puritatem dudum explosit. Sed tamen minus me modo facti pœnitet, cùm abunde magnum ex eo fructum acceperim, quod tibi scilicet visus sum ob qualemcumque profectum, *Tullianæ* dictionis candidatus: nisi tamen tu omnino mecum jocularis. Sed ego sic quæ a te scribuntur interpretari malo, quo interea ejus opinionis tuæ usura fruar. Jam vero audi quæso causam controversiæ, quæ mihi hîc est cum præfatis *Ciceronianis*. Cùm Patavium advenissem, conversatus initio, prout usus postulabat, cum quibusdam nostratibus, ac per eos Italis nonnullis insinuat-
us hujus sectæ, audiavi aliquoties *Lazarum*, ac salutavi etiam. Is autem libros *Ciceronis* de Oratore profitebatur, qui quidem me non multum afficiebat. Erat vero & aliquid quod me ab ejus auditione averteret, quod Jurisconsultus primus hîc nominis paulo ante eum profiteretur, & cum ea transcurratio mihi esset molesta, tum vero me detinebant disputationes, quæ hîc ad egressum lectionis haberi solent, cùm auditoribus potestas conceditur adversus præceptoris sententiam in Scholasticorum circulo argumentandi. Ubi vero *Lazarum* deseruissẽ, id statim illos ægre habuit, quasi contemnerem hominem tam præstanti eruditione, & *Ciceroniana* facundia præditum. Illico itaque audiavi convitium, quod ipsi atrox esse existimant, quod non essem *Ciceronianus*, tum vero quod essem *Erasmianus*. Illud vero ego bene risi, de hoc etiam sum gloriatus, nec esse me modo, sed etiam semper fore respondi. Hoc principio dato, deinde illi ex

quacumque occasione laudare mihi *Lazarum*, extollere *Bembum*, quorum quidem præconiis refragari volebam, tum vero *Erasmum* deprimere, doctosque viros trans Alpes flocci facere, iudicium, eruditionem, humanitatemque omnem illis detrahere. Quod ego devorare non satis potui, nec mihi deerant rationes, quibus cavilla ipsorum confutarem. Incendit vero hanc contentionem odiosa quædam morositas illorum. Nam si quod forte verbum excidit, quod illi se apud *Ciceronem* reperisse non meminerunt, non secus tumultuantur, quam si ingens aliquod flagitium commissum esset. Imo ex his quidam gloriatur, se aliquando *Hermanno Frisio* caput sella demulisse, quod acrius defenderet verbum quoddam minus *Ciceronianum*. Quis vero * familiarum sermonem, qui solutus & liber esse debet, tanta superstitione adstringi? Nimis autem est puerile & scholasticum, in medio sermone de aliis rebus, ob verbulum unicum in acerbam repræhensionem prorumpere. Ego itaque cum pertinaciam horum animadverterem, & vel dissuendam mihi esse familiaritatem cum illis institutam, vel in eorum partes mihi concedendam viderem, rogavi tandem ut me citrædum esse sinerent, ipsi essent comædi, professionem meam ab accurata illorum elegantia nimium dissidere, paterentur itaque hoc me esse quod essem, id est, haberent me inter *Bartholicos* Jurisconsultos: cum inter *Crassi* vel *Scævola* (5) discipulos locum nunquam ambivissem. Hac vero responsione conquevisse mihi videntur. Jam enim patiuntur me etiam barbarè loqui, qui antea ne latine quidem ferebant, nisi etiam *Ciceroniæ*. Absurdum enim ducunt eum, qui studium cultiorum literarum proficitur, ab optimo auctore vel latum unguem discedere. Habes quid mihi cum illis conveniat, nunc quos triumphos apparent, breviter exponam. Cum diebus hilarioribus qui Quadragesimam præ-

* Supple:
ferat.

(5) *Crassi vel Scævola*] Quem hic *Crassum* indicatum velit, non liquet. Videtur indigitare *L. Crassum* oratorem, cujus in *Bruto* *Ciceronis*, est elegantissima cum *Antonio* & *Scævola* comparatio. *Quinti Mutii Scævola* nota est historia, qui ex quo in *Porphenæ* castris dexteram exusserat, ejus loco sinistra fuit usus, & hinc *Scævola* dictus, *scavola* enim Græci sinistram vocant. *Car. Steph. in Dict. hist.*

currunt, Venetias effem profectus, susurrare illic *Ciceronianos*, nescio quid de *Julio* quodam *Camillo* subodorabar. Id mysterium postea quidam amicus mihi revelavit: illum scilicet scripsisse Apologiam adversus *Ciceronignum* tuum, quam plerique a se lectam mihi affirmarunt. Sed ego nondum potui, tametsi sedulo annixus, tam præclaro libello potiri, in quo illi adhuc symmista secreto delitiantur. Tum vero & eundem Amphitheatrum quoddam, admirabilis ingenii opus, construxisse, ajunt, in quod qui spectatum admittatur, non minus diserte de qualibet re, quam ipse *Cicero* dicere poterit. Ego fabulam initio esse credidi, donec forte inter colloquendam ex *Baptista Egnatio* rem totam apertius intelligerem. Dicitur enim Architectus ille, in certos quosdam locos, quidquid de quaque re apud *Ciceronem* reperitur, rede gisse. Omnia quoque vocabula, quibus ille & quoties utatur, & in quo sensu sedulo conquississe. Tum certos quosdam ordines gradusque figurarum disposuisse, atque alia multa, stupendo quodam labore ac divino quodam acumine, nulli antea in *Cicerone* animadversa, annotasse. Descripsisseque hæc omnia illum ajunt in chartis quibusdam, quæ involvi atque explicari possint. Quæ ad Amphitheatri parietes suspensæ confestim id quod queritur, suppeditare valeant. Quid plura dicam? Omnia illi cum *Nosopono* tuo convenient. Tam præclari autem inventi haud temere cuiquam inspiciundi copiam fecit. Id enim Francorum Regi destinat, cui nuper in Gallia gustum præbuit, donatus quingentis ab eodem aureis, ut absolveret atque illi nuncuparet. Itaque *Dædalus* ille egregius, totus est in hujus operis apparatu. Audi vi & huc venturum: nam nunc agit Venetiis, quod si fiet, observabo hominem diligentissime, quo experiar, an me theatri illius contemplatio *Ciceronianis* reconciliare queat. Si quo vero numine afflatus fuero, & si quid intellexero, quod te scire putabo, nil equidem lubentius ad te scribam. Dummodo tamen veniam concedas, quod ad te hujusmodi ineptiis tam multa. Quod autem *Petri Bembi* sit de hujusmodi rebus iudicium, non satis scire possum. Ab *Ciceronianis* vero omnibus imprimis colitur, ipseque *Longolio* (6) curiosæ illius æmulationio-

(6) *Longolio*] Christophoro. Hic an Brabantus, an Hollandus,

72 VIGLII AB AYTTA ZUICHEMI

lationis author fuit, quod & professus est in epistola ad *Joannem Franciscum Picum*. (7) Bene vale. Patavii 5. Calend. April. 1532.

Ex To-
mo II.
fol. 90.

EPISTOLA XXVI.

HIERONYMO BALDUNGO (1).

1532. *Eleganti oratione, philosophica simul & Christiana solatur Hieronymum super amissione filii Aurelii.*

Difficile est, Clarissime *Baldunge*, ægrum ægro mederi. Ut enim pharmaca non aptè adhibita lædunt valetudinem, ita officiosæ unius lachrymæ, non raro alteri etiam invito lachrymas excutiant, vel sponte profluentes augent, restinguunt verò minimè. Audeamne igitur piissimo Patri in charissimi optimique filii luctu lamentanti medicamentum, quo ipse mœrore affectus indigeo, adhibere? Quid autem adferam rudis juvenis humanorumque casuum adhuc expers, quo alterius dolorem leniam? Certè qui ipsi morbo aliquo laborarunt atque ex eo convaluerunt, recta deinde ægrotis consilia indicare possunt, velut & ii qui naufragium fecerunt, navigaturis bene consulere valent. At mihi in hac ætate quæ calamitates humanas tantum intelligere incipit, earumque magnitudinem vixdum perpendere potest, nondum quicquam, Deo favente, tale accidit, ob quod impotentius dolerem, nisi quod modò tristissima mihi dolendi causa communis tecum incidit. Perit enim tibi filius, mihi vetus sodalis & amicus, atque

duis, non constat satis. *V. Bibl. Belgic.* Sæpius de illo meminit *Erasmus* in epistolis, numquam sine elogio, quamvis unde ei displicuerit, haud fileat.

(7) *Jo. Franciscum Picum*] *Mirandulanum*, Joannis Pici *Mirandulæ* & *Concordiæ* Comitum ex fratre nepotem. De quo *Vide Paulum Jovium* in *elog. Bellarm. de Script. Eccles. & Miræum* in *Austario Heptadis* ca. 491.

(1) *Hieronymo Baldungo*] Quis is, *Vide* in *Notis ad Vitam N. XXI.* ubi hæc epistola promittitur seligenda.

atque amicissimi patroni filius. Eo autem iste dolor mihi gravior videtur, quod mei muneris esse intelligam, quod & ipse requisivisti, ut ægrotum animum tuum consoler, quod præ ægritudine etiam si sciam, tamen non possim. De infantia autem mea nihil est quod nunc dicam, qui tibi eam alias satis sum testatus. Et tota hæc medicina in oratione consistit. Utinam ego nunc ad aliquod tempus Jurisprudentiam cum Philosophia commutassem, unde mihi liceret in communi morbo præsentia aliqua pharmaca desumere. Bene tamen accidit, quod serius hunc casum rescivi, quo meam in hujus officii præstatione imperitiam, tempus ipsum efficacissimo pervulgatoque remedio sublevet. Sed & *D. Georgium Hermannum* virum optimum & æque in adversis atque in prosperis fidelem & constantem amicum, hoc officium priorem tibi præstitisse gaudeo. Quo inducor minus, ut ipse sim sollicitus quo te consoler, quoniam quasi actum sim acturus: illud etiam timens, ne nova commemoratione vulnus refricem. Quapropter parcius etiam de ea re apud te agam, cum ut nullus etiam tibi manum admovisset, non tempus lenivisset, non amici mitigavissent justum dolorem: attamen tu ipse, qui Philosophiæ studiis non tantum imbutus, sed locupletissimè instructus es: quod extrinsecus tibi allegatis rationibus, exemplorumve, quæ passim adducuntur, recitatione, opus habes? Quippe animo compræhensum tenens quicquid hujus generis in medium adferri queat. Ea autem cum omnium de tua prudentia opinio sit, an non ego ridear, qui Ululas Athenas? Vel tu admirationi sis qui hoc sub dolore cadas? Filius mortuus est, at ideo tibi natus est ut moreretur, ingressus scilicet ad hanc vitam peregrinus, ut ad verum illud immortaleque domicilium rediret. Tu doles, at ille gratulatur se tanto compendio iter absolvisse. Quid si tibi nullus unquam fuisset natus, haberesne quod doleres? Jam tu dulcedinem fructumque ex eo magnum cœpisti per multos annos: & cruciaris, volente sic Deo id a te auferri, quod sine illo habere non poteras, & habendum tibi concesserat precariò tantum, ut repetere liceret, quandocunque illi luberet. Interea verò summam illius erga te benignitatem vides, quod filium concesserit qui infans, puer, adolescens, multifariam te olim recreavit, quem

74 VIGLII AB AYTTA ZUICHEMI

cò tandem evasisse conspexisti, quò tua semper voluntas eum destinavit: scilicet ut per eum nurus tibi obtingeret, affinesque conciliarentur, quibus illo mortuo adhuc tamen frui potes. Et fortassis tibi nepotem reliquit, quod equidem opto & spero, qui si posthumus erit, magis etiam te delectabit, quasi renatus sit tibi filius, quem & ipse filio magis ames. Idcirco enim, inquit *Callistratus* (2) noster, filios filiasve concipimus atque edimus, ut ex prole eorum earumve diuturnitatis nobis memoriam in ævum relinquamus. Non committam verò ut vulgares de mortuis nœnas recinam, apud te virum animo & excelfo & optimis disciplinis exculto, qui frivolas istas cogitationes facile excludat, maxime eum filii fatum diu prævideris, ut etiamsi erga eum vehementius fueris affectus, magnam tamen mœroris partem vivo illo devoraveris. Est autem vere totus hîc dolor nihil aliud, quàm viciosa quædam opinio, quam ob animi imbecillitatem vel amoris exuberantiam mortales sibi fingunt. Quid enim aliud est mors quam quædam absentia non perpetua, sed temporalis, & absentia corporum tantum? animi enim eodem amoris vinculo colligati, etiam post alterutrius a corpore discessionem, una permanere possunt. An non sæpe vel patria vel amicis procul degimus, prout vitæ usus postulat, & tamen absentes præsentem sumus, ut ait *Comicus*. Finge itaque illum non mortuum sed absentem, quando adeo molestum est mortis vocabulum. Olim & corpore unà iterum nobiscum erit, quum in divinam illam civitatem, unde sumus ejecti, atque velut exules relegatique hic degimus, postliminio reverteris. At quereris, frustra tibi exantlatos tot labores, quorum fructum illi parabas: verùm si omnes suos haberent hæredes, quorsum tam multa in Jure nostro de Cognatorum, extraneorumque, hoc est, bene de defunctis meritorum, successione? Quoniam non voluit Deus te filio relinquere luculentas opes, præclaraque studiorum præmia, attamen illis tibi alios conciliare poteris. Vel si adeo gravis est orbi-

(2) *Callistratus*] Athenis orator in republica fuit, quem quum Demosthenes admodum adolescens dicentem audivisset, sectari cœpit, & academiam cum Platone reliquit. *A. Gellius apud Car. Steph. in dict. hist.*

EPIST. SELECTÆ AD DIVERSOS. 75

orbitas, si filium vis: adoptandi, arrogandive veterem consuetudinem vir Jurisprudenterissimus non ignoras. At is, inquis, non est filius naturalis. Quid tum? Dum te æque amet ac patris loco observet, tuumque præclarum nomen ad posteritatem ferat, & in omne ævum proroget. Sic *Scipionum* (3) olim familia conservata fuit ad magnam Reipublicæ utilitatem, ne alios commemorem: atque hoc voluere esse solatium amissorum liberorum veteres legislatores. Quamobrem, vir clarissime, idemque doctissime, si quæ adhuc mentem de filii causâ tristitia obnubilat, eam totam discute, mutari non possunt fata, sic Deus voluit, Deus precariò dedit, Deus quod suum erat repetiit, diu eo es fructus, gaude per eum tibi nurum & affines conciliatos & relictos esse, ut non possit immaturè mortuus videri. Hoc præcipit Deus, familiarisque ingenii cuiatrix Philosophia: idem te mille exempla, non rara sed quotidiana admonent. Hoc igitur quod cum multis tibi commune est sequo animo feras, quum te etiam deceat plebeis istis hominibus animi fortitudine præcellere. Hoc vult *Georgius Hermannus*, hoc *Viglius*, hoc alii multi qui te amant & colunt, qui filium vivum amant, mortuum una luxerunt. Sed tamen finem facere oportet, nam nullo omnino sensu, neque ulla omnino calamitate commoveri, hominis est vel immanis, vel valde stupidi. Nimis vero diu pati se excruciarî, & mente penitus frangi, nimis mollis muliebrisque est animi. Doluimus inquam & nos *Aurelii* factum, sed ægrotadini modus finisque imponendus est. Quod ut tu nobiscum forti animo facias, etiam atque etiam, vir clarissime & doctissime, moneo & rogo. Patavii pridie Iduum Maii 1532.

(3) *Sic Scipionum*] Scipio *Emilianus*, qui & *Africanus minor*, ab *Africani* majoris filio adoptatus, filius erat *L. Emilii Pauli*, *Car. Steph.*

EPISTOLA XXVII.

JACOBO DUXINO.

1532. *Jacobi in se merita grato animo recenset. De
Francisco Curtio, aliisque professoribus
Patavinis.*

ME quidem, colendissime præceptor *Duxine*, nunquam vel benevolentiae erga me tuæ, vel consilii tui cœpit oblivio. Benevolentiae autem nunquam posse me sentio pari officio respondere, ea enim summa erga me fuit. Quid enim non præstitisti ætate maturus, & Doctor excellentissimus, autoritate dignitateque eximia præditus, mihi adolescenti ac tyroni, extero & ignoto, quo ad aliquem in Juris studio profectum perduceres, ac ingenium meum humi jacens ad aliquam spem doctrinae attollereres, inculcans mihi quotidie præclara studiorum præmia, & parentum expectationem. Quo sic me devinxisti, ut te profectus mei omnis autorem meritò perpetuò agnoscere cogar. Adhuc hortatus es sæpius, ut Italiam viserem, ibique colophonem jactis apud te fundamentis imponerem. Cui consilio me jam obtemperasse significatum tibi volui, nam Patavium sub Calendas Novembres superiore anno veni, bienniumque proximum commorari decrevi. Ut autem ad te aliquid de studiis Italicis scribam, scito *Franciscum Curtium* primatum obtinere; nec aliorum quisquam illi conferendus meo judicio videtur, nec quenquam habet qui ad parem gradum contendere, vel gloriam ejus obscurare conetur. Nam *Marianus Socinus*, *Bartholomæi* ex fratre nepos nondum majorum gloriæ respondet, & tamen eruditione illius patrui & avi illius illustratum nomen est, quo fit ut secundi nominis existat. *Decius* autem apud Senas decrepitus agit, & sollicitatus sæpe, ad legendi munus impelli, jam semel rude donatus, non potest, & forte decies in anno tantum legit. Nec video in Italia, tantorum virorum aliquam stirpem superesse. *Parisius* quidam, qui hinc aliquamdiu professus est, nunc in *Ruini* locum successit Bononiæ.

EPIST. SELECTÆ AD DIVERSOS. 77

niæ. Tu felicioribus auspiciis in Italiam venisti florentem adhuc professoribus. Porro post illorum mortem nullus est qui doctrina insigni præditus superstes sit. Atque adeo *Alciatum*, etsi nunquam in Italia publicè auditum, ob eam tamen famam, quam in Gallia obtinuit, mille coronatis huc invitavit senatus Venetus. Papiense Gymnasium ob Ducis inopiam adhuc jacet. Rediturus illuc videtur *Curtius*, si tantum in Patria præmii consequi queat, quantum hic habet. Bene vale, præceptor colendissime, & hospitem meum, virum integerrimum, optimique de me meritum, plurima salute fac meo nomine impertias. Patavii 3. Maii 1532.

EPISTOLA XXVIII.

JOANNI SECUNDO (1).

Ex Tomo II.
fol. 95.
vfo.

De silentio veniam precatur, pollicens se satisfacturum officio suo. Multis humanitatis significationibus cum Joanne certat. Præter Scholasticam disciplinam commendat usum, praximque fori. 1532.

MInimè equidem, Ornatissime *Joannes*, literas tuas expectabam, multo verò minus adeo benignas, in quas tu largissima manu, quidquid undique laudis ac benevolentiae erga me congerere potuisti, semel effudisti: cum tuo certe jure,

(1) *Joanni Secundo*] Hunc alibi diximus fratrem esse *Nicolai Grudii & Adriani Marii* virorum eruditorum, filiorumque *Nicolai Everardi*, de quo mox. Numquam assequi potui ob quam causam vocentur *Nicolai*, quasi cognomen traherent a patris prænomine. Nullus id historicus docet, ut nec, quare *Joanni* cognomen *Secundus*: nam quod *Sweertius*, *Miræus*, ac *Val. Andreas* ajunt, id non sine omine eum accepisse, quòd nulli fususset *secundus*, ut nugas & inania verba explodit meritò *Niceronius* tom. 16. p. 237. ce semble une espece de galimatias. Qui pag. seq. contra *Sweertium* & *Valerium Andream*, ostendit *Joannem Secundum* non fuisse *Pauli IV. PP.* secretarium, qui non nisi novemdecim annis a morte *Joannis* Romanus pontifex

jure, duriore scribendi principio apud me uti, ac de tam diuturna cessatione conqueri & expostulare potueris. Meminisse enim ego debebam, qui eam studiorum viam sum ingressus, quæ me adjuvantibus amicorum suffragiis ad qualemqualem splendorem sequentis vitæ & ætatis perducatur, neutiquam mihi esse tales sodales negligendos, quorum amicitia, convictus & recti communione fundata, mutuaque studiorum puerilium æmulatione, ac omnibus officiis, quæ prima illa ætas ferebat, conglutinata, non exiguo mihi adjumento atque ornamento esse queat. Verum præteritam culpam excusare licet, & in posterum corrigere. Sed (ut est apud Jurisconsultum) factæ causæ infectæ fieri nequeunt: Quamobrem veniam satius est precari, ne frivolis excusationibus peccatum defendere videar, pollicens sanctè vobis, deinceps nihil me omisurum, quod quidem ad veteris amicitiae nostræ custodiam pertinere existimavero. Quanquam certè nolim vos sic accipere silentii mei deprecationem, quasi in re ipsa, id est in mutuo amore, qui a parvulis nobis contractus est, aliquid peccasse me confitear; nam qui silet non ideo minus amat, sed in eo tantum delinquit, quod animum suum non declarat. Me enim præter ea quæ jam dixi, ad te ac fratrem *Adrianum* amandum extimulavit quoddam non inane præsagium, fore, ut ex veteribus discipulis vos soli unà mecum in cæpto studiorum cursu persisteretis, easque literas, quarum occasione initio conjuncti sumus, semper amplecterimini: cum de aliis jam tum desperarem, quibusdam ignavia, quibusdam vel ingenii infœlicitate, vel rei tenuitate, vel parentum voluntate, a Musarum foribus exclusis. Quod autem firmitus esse vinculum amoris queat, quàm earumdem literarum perpetua continuatio? Non ignoro autem quanta vestra fuerit diligentia circa politiores humanioresque

tifex factus sit. Obiit *Joannes* 24. Septembr. 1536. Electus est *Paulus* 23. Maii 1555. Et hunc tamen errorem bis erravit *Jo. Franc Foppens* in nova edit. *bibl. Val. Andreae*, verb. *Joannes Secundus* & verb. *Nicolaus Everardi*. Porro *Miræus* eum non loquitur secretarium *Pauli*, sed affingit ei iter in *Italiam*, indeque in *Hispaniam*. Male. E Belgio trajecit in *Hispaniam*. *V. Niceronijum cit.*

resque disciplinas, atque utramque literaturam. Cui deinde Jurisprudenciam, non eam quidem vulgarem & nugacem, sed veram & synceram, ex doctissimi parentis consilio & institutione hauritam conjungere, sedulo estis annixi. Me verò eadem quidem cura tenuit, sed multis adjumentis carui, quæ vobis suppeditaverunt: quo factum est, ut magna difficultate exiguum fructum sim affecutus. Patrum enim, ut scitis, qui mea studia alebat, nimis citò amisi, & adolescens cum essem, patria & amicis procul, nullum nisi in me ipso præsidium habui; taceo verò alia, neque enim opus est ut hic secreta fortunæ meæ omnia denudem. Veniam ad epistolam tuam, quam quoties relego, toties admiror, non modo styli integritatem, verum etiam candorem ac Venerem verborum, ut visus mihi sis ipse. Gratiis distantibus eas exarasse literas. Quanta enim illic modestia tua cernitur, sive de te, sive de me mentionem facias, te scilicet, elevando, me ita laudando, ut ad aliqua epistolæ tuæ loca plane erubuerim? An enim putas me colorem potuisse tenere, cum tu mihi, *Mutio Scavola* olim a *Cicerone* tributum elogium transcribis? Quod tamen sic interpretor, quasi tu eum, quem amas, pulcherrimum videri cupias, secundum *Theocriti* versum: τὸ γὰρ ἴσθαι πολλὰ καὶ ὁ πολὺ φάμεν τι μὴ κατὰ καλὰ πῶφανται.

Nam si tenuem nostram supellectilem proprius scruteris, non dicas tam amplo honore dignos nos esse. Eloquentiæ enim laudem nunquam affectavi, & utinam vel puerilia studia tueri possem, nam gravis hæc disciplina Juris, totum hominem desiderat, nec patitur amœniores literas nos consecrari. Ut autem lucernam, cui non interdum oleum infunditur, extinguere necesse est, ita & ea quæ ante didicimus, nulla lectione exculsa facili evanescunt. Sensi tamen natura me in amœniora illa studia valde fuisse proclivem, a quibus ægrè me sum avelli passus. Sed quid quæso futurum de me erat, si eas literas tantum prosecutus fuisssem? Anne ut in Scholâ tandem aliqua onerosam provinciam subiisssem? Patrimonium etenim non ita mihi amplum contigit, otioso ut inde mihi vivere liceat. Principalis autem opera, præteritis aliquot annis, politicæ disciplinæ a nobis impensa est, ex qua futuræ vitæ subsidium aliquod sperare auderemus. Tu autem,

qui

80 VIGLII AB AYT TA ZUICHEMI

qui a principe Jurisconsultorum ætatis nostræ prognatus es, atque ab eodem domi diligentissimè institutus, quas Scholas, aut quos præceptores quæris, aut quam a me rogas discendi rationem? Atqui ego sæpe cogitavi de eo ipso ad te scribere, ut exploratius aliquid haberem, quod studiosis me interdum consulentibus responderem. An verò tu pluris facis audiciones istas scholasticas, veris & forensibus exercitiis Jurisprudentiæ, in quibus tu a clarissimo parente, principalis prætorii præfecto (2) multos annos instructus es, quibus nos inter ignavos, obstrepentesque auditores latranti alicui Doctorculo operam dedimus? Quot verò somnia & phantasmata necesse est eos invehere in hanc nostram disciplinam, qui ipsi usum nullum ejus callent, sed tantum in Scholis & umbra versati, politici status ac forensium, verarumque controversiarum rudes sunt & expertes. At ubi non fictum aliquod thema obtigit, ubi quis serias advocatorum pugnas videt, atque ipsum judicem de æquitate sollicitum, cunctaque ad Juris, & æqui bonique examen expendentem; ibi unusquisque attendit diligentius, & interius re perspecta, memoriam judiciumque valde confirmat, ac tum verè proficit.

Sic

(2) *A clarissimo parente, principalis prætorii præfecto*] Parentem illum jam dixi *Nicolaum Everardum*; Zelandum, Juris utriusque doctorem Lovaniensem, qui primum clericus, officialis Episcopi Cameracensis, ac S. Petri Anderlechtii juxta Bruxellas canonicus, secundum *Niceronius* tom. 16. p. 245. Decanus autem apud *Val. Andream* in *Bibl. Belg.* relicto statu ecclesiastico, supremo consilio Mechliniensi aggregatus fuit, & dein præfuit consilio provinciali Hollandiæ & Zelandiæ; quod *Val. Andr.* malè vocat. *supremum consilium*, & *Niceronius*, *Conseil souverain*: cum ab eo appellaretur ad supremum senatum Mechliniæ sedentem, cui *Nicolaus* præses quoque datus fuit. Habuit præter jam dictos, filium *Everardum Nicolai*, (aut ejusdem cum patre prænominis & agnominis *Nicolaum Everardi*, ut est apud *Butkens* Suppl. tom. 2. p. 306. & apud *Niceronius* cit. p. 252) qui pariter fuit Mechliniæ principalis prætorii præfectus, seu præses, anno nempe 1556. *Butkens* *ibid.* Ceterum ab his *Everardis* stirpe Zelandis, prorsus divisi sunt *Everardi* stirpe Hollandi, de quibus alio in loco. Et una litera discrepat utriusque nominis orthographia, ut Zelandi scribendi sint *Everardi*, Hollandi verò, *Everhardi*. Hæc quia ignoravit *Niceronius*, in pluribus hæsitavit.

EPIST. SELECTÆ AD DIVERSOS. 81

Sic autem ego veteres Jurisconsultos, quos meritò magni facimus, ad tantam in jure excellentiam evectos arbitror. Nam de scholis ejusmodi, quarum nunc magna est multitudo, nihil apud scriptores vetustate consecratos reperio. Vos verò cum ad eorum, quæ in foro agitantur peritiam, scholasticam illam doctrinam jungatis, non modo absolvisse Juris studium omnibus numeris merito videbimini, verum etiam quanto fecundior sit discendi seges in foro, & quanto sol ille verarum controversiarum umbris scholasticarum opinionum lectionumque præluceat, intelligetis. Porro quod illic esse scribis, mi *Joannes*, qui mihi palam omnem suam eruditionem acceptam ferant, an ego non audiam lubens? Quanquam sanè hoc ipforum erga me benevolentia, non judicio debeo ascribere. Sunt fortè quibus author fui, ut se ad Jus Civile discendum transferrent, sunt quos ad diligentius exactiusque illud prosequendum excitavi, quosdam sum ad Commentariorum & Glossarum lectionem hortatus, quos antea Barbaries deterrebat; alios totos nimiumque involutos commentariis, ad legum ipsarum elegantiam & auctoritatem revocavi; alios animavi ad circulares disputationes, quibus & ingenium acuitur & judicium paratur, & difficiliora subiguntur, & ignota aliquando eruuntur, quo non alius in discendo fructus gratior jucundiorque; & quo quis se proficere ipse intelligit. Talia verò suadendo aliis, meipsum magis confirmavi, ut non præcepto tantummodo, sed etiam exemplo præeundo, majorem apud alios fidem acquirerem. Si quid verò præterea quisquam mihi tribuit, non ausim sanè agnoscere. Gaudeo tamen tam candidos illic amicos me reliquisse, & scire cupio qui sint, ut paria cum illis facere anniti queam. Sunt autem, nisi fallor, Germani, quorum nationem ego semper mirè mihi favorabilem sensi, & a qua multis modis ornatus sum. Tu itaque vide ne nimio illorum erga me studio decipiare. Hæc ad tuam epistolam multijuga eruditione & humanitate plenam licuit hoc tempore respondere, quum multo uberiores materiam scribendi tu suppeditaveris. Sed ego sinistra valetudine proximis diebus vexatus, nondum plane vires collegi, alioqui & ad *Adrianum* eram scripturus, quem ego tecum optime valere opto. Patavii 22. Junii 1532.

Tom. II.

L

EPI-

Ex To-
mo II.
fol. 99.
vfo.

EPISTOLA XXIX.
BONIFACIO AMERBACHIO (1).

1532. *De methodo seu arte Juris. Docet, legibus utendum, nec cuncta ex aequitate decernenda. Ex quibus, & per quos Corpus Juris Civilis coaleuit. In eo multa supervacanea. Methodum Juris ab Amerbachio postulat. De Commentariis & Interpretibus. Quid Justinianus voluisse credatur. Necessitas & utilitas Interpretum.*

EXPECTATAS diu a te litteras tandem, doctissime *Amerbachii*, per *A. Eporinum* (2) accepi. *Holoandrum* defunctum merita prædicatione prosequeris, & nisi me mea fallit opinio, quotidie incrementum illius gloria accipiet, quo plures erunt qui se ad saniora Juris Civilis consilia paulatim resipiscentes applicabunt. *Methodum* (3) verò quem qualemvè desideres

(1) *Bonifacio Amerbachio*] V. Not. ad Vitam. N. XIX.

(2) *A. Eporinum*] Doctor *Anselmus Eporinus*, apud Patavium *Viglii* socius, multam cum eo amicitiam coluit, & Romam postea profectus, inde *Viglio* gratulatus est provinciam quam *Spiræ* obtinuit in Camera Imperiali. Exstant binæ ad eum epistolæ, sed levioris momenti.

(3) *Methodum &c.*] De methodo, seu arte Juris, aliquid conatus est *Joachimus Hopperus*, sed nullo successu. De ea *Zasium* olim interrogans *Joannes Fichardus*, responsum ab eo tulit, quod hic apponendum visum est ex tomo V. pag. 37. *vsq*: „Sollicitat te etiamnum *Methodus*, quòd hæc in jure non „traditur, cum tamen *Cicero* polliceatur, se jura in genera, „quæ perpauca sint, digesturum, deinde eorum generum quasi „in membra quædam disperfurum * & item multa in eam „rem oratorio more differis, quæ, si tempus & otium esset, „nec aliò me complura negotia vocarent, diluere facillè possent. Sit sanè quod *Cicero* in genera digesserit eloquentiæ „armis instructus, sit porro quòd in artem jura redegerit, ex „his tamen generatim digestis vel in artem coactis juribus, „nemo

* Ita scriptum reperi, son-
fubaus.
concinno.

EPIST. SELECTÆ AD DIVERSOS. 83

res non recte percipio, nisi illud fortasse vis, quod apud *Ciceronem* promittit Orator *Crassus*, scilicet ut generatim Jus Civile describatur, & in quandam artis speciem digeratur. Hoc enim plerosque video objicere professoribus nostris, quo nimia hujus disciplinæ difficultas vel tollatur vel certè minuatur. Verùm cum tu postea in Jure nostro æquitatem desideras, aliud quiddam mihi velle videris, quàm quod modò ex *Cicerone* citavi. Equitas enim, etsi Juri scripto inesse debet, tamen cum quid generatim disponitur, accidit sæpenumero, ut nimia constitutionis constrictione æquitas collidatur, quæ quidem vaga vult esse & libera, ac ad cujuslibet speciei veritatem accommoda. Quapropter fuere qui omni abjecta lege cuncta secundum æqui & boni censuram disceptanda crediderunt. Sed eorum sanè sententia periculosa perniciosaque Reipublicæ videtur, si quis recte expen-

„ nemo causis dubiis dissolvendis instrui poterit, cum plura
 „ sint negotia, ut dicit Jurisconsultus, quàm vocabula. Actus
 „ hominum tam numerosos, in summam compendiarium con-
 „ cludere velle, nihil aliud quàm mare in lacunulas coerce-
 „ re. An credis nobis difficile esse Methodum, vel, ut meo
 „ more loquar, summam Juris tradere? Quæ sanè difficultas
 „ est, partiri Jus Civile in Judicialia, in Conventiones &
 „ Contractus, in Successiones, in Dotalia, in extra ordinem
 „ læforum remedia, in res tutelares, in poenalia? Quæ septem
 „ genera quid prohibet in membra suppartiri? Sed ex eis præ-
 „ ter noticiam quamdam umbratilem, quid utilitatis conse-
 „ queris? Scientia particularium est in nostro maxima Jure,
 „ vulgaribus tamen, saltem generatim, cognitis. Tu adoles-
 „ cens, si sapias, Juris Civilis studia eo ordine prosequere,
 „ quo tradita sunt. De commentariis librorum esto an in eis
 „ fatigeris. Negotia tractanda te docebunt, quid sequare.
 „ *Nervam* filium primâ adolescentiâ de jure respondisse, non
 „ est quod miremur. Nam & *Bartolus* in XVIII. anno doctor
 „ famigeratus factus est, & te quoque *Ficharde* intra biennium
 „ doctorem futurum speramus, dum non præfestines. Præ-
 „ cocia non durant, maturis hærendum est. Nec tibi per-
 „ suasum velim, quod Jura non habeant principium & finem.
 „ Habent equidem, ut testatur Imperator; Sed quæ latè pa-
 „ tent, non tamen sunt infinita. In summa noli laborare
 „ circa Methodum, Quinquaginta libri Pandectarum sint tibi
 „ Methodus & lectio ordinaria. Vale. Ex ædibus meis. “

84 VIGLII AB AYTTA ZUICHEMI

pendat. Nam ut demus, forte æquum esse pacta ita valere ut stipulationes; testamenti faciendi eandem esse potestatem, eodemque modo, militi & pagano; inania videri tot judiciorum solennia: tamen non sine magna ratione ista olim constituta fuerunt. Et periculosum est in qualiscunque seu cujuslibet judicis manu omnia ponere, ut quod ille existimet, id continuo ratum habeatur: Tolerabile esset, si judices semper essent tales quales esse debent, id est viri boni: sed quotamquemque reperies non expositum vel gratiæ, vel ambitioni, vel avaritiæ? Sic equidem vita humana maximè turbaretur, cum non modò diversis, sed eidem, diversum pro animi sui libidine forsitan videbitur. Affectus itaque judicum necessarium fuit refrænare, ut non ex sua cupiditate, sed Juris præscriptione sententiam ferant, & populus sciat, quid servandum sit, ne semper judicium subire cogatur, si in voluntate judicis stabit æqui bonique diffinitio. Curandum tamen, ut quod legis nomine præscribitur, maximè sit æquum, æquitatem autem ex prudentissimi atque optimi viri judicio constitui oportere non est dubium. Atque in hoc tibi assentior, fontes esse juris Philosophiam, sed tamen istam Philosophiam, unde Jus Civile hauriendum est, an vel ipsam habeamus scriptis traditam, non satis scio. Nam *Platonis* & *Philosophorum* aliorum rationes non satis cum usu humano conveniunt, videnturque a politica alieniores. Quod se verò cum *Ulpiano* volumus sentire, ipsa Jurisprudencia mera est Philosophia, & vera, nam quæ in verbis consistit, & ab veteribus Philosophis pertractata fuit, variis opinionibus agitata est, minimèque cum Civium moribus convenit. Sola itaque æquitas sine legum præscripto stare diu non potest. Verùm ut redeam ad Methodum, valde miror, quosdam aliam adhuc artem, aliaque genera (ut sic dicam) Juris quærere, quum hoc mihi absolvisse omnibus prope numeris *Justinianus* videatur. Voluit enim *Cicero* jus Civile in genera primo dividi, dein genera in sua dispertiri membra. An non hoc factum est in nostris Voluminibus? brevissimè autem in Institutionibus? quod explicare exemplis apud te non est necessarium. Hoc ante *Craffi* ætatem factum non fuit, cum primum leges XII. tabularum, multa continerent capitâ eodem ordine, quo fuere Decemviris suggesta, interpreta-
tiones

tiones autem contextum sequuntur authoris. Deinde verò prout quæque res inciderat, leges ferebantur, eæque secundum lationis tempora fuere commendatæ literarum memoriæ. Si quæ verò extabant consultorum super dubio jure responsa, eadem quoque non sub eandem ab ipsis materiam erant collecta, sed eo ordine annotata, quo ipsi fuere consulti. Cum itaque incidebat aliqua dubitatio, difficile erat in tanta confusione intelligere quid esset sequendum. Desiderabatur autem ars quædam, cujus est generatim primò tradere, post singulas species explicare, singulorum definitiones, etymologias, divisionesque proponere, postremò quæ incidere ambigua possunt, dissolvere. Hanc ordinationem ego artem voco, quæ cognoscendi facilitatem inprimis suppeditat, veluti si varii confusi sint nummi, velisque expedite quoslibet depromere, necesse fuerit ut antea Philippeos ab Caroleis, Scutatos a Ducatis separe, suisque loculis disponas. Quemadmodum verò hoc nemo potest, nisi qui ipsos nummos probè noscat, ita nec artem Juris scribere potest, nisi qui genera omnium quæstionum artificiosa distinctione animo complecti queat, & quæ Emptionis sunt, quæque Commodati, vel Mutui, suis sedibus aptè distribuat. Hoc autem dudum factum esse non ignoras, quapropter & Digestorum usitata fuit Jurisconsultis inscriptio, quod in eo multi laborarint, ut in meliorem ordinem singula semper referrent. Non est igitur quod *Crassi* operam flagitemus. Sed & ipsius *Ciceronis* ætate hoc jam effectum erat, quod apud illum orator *Crassus* promittit. *Q.* enim *Mutius* Jus Civile generatim primus constituit authore *Pomponio*, ut temporis decorem & personarum secutus *Cicero*, eo loco qui ab istis allegatur, subjunxerit. Si enim, inquit, aut mihi facere licuerit quod jamdiu cogito, aut alius quispiam, aut me impedito occuparit, aut mortuo effecerit &c. occupavit certe *Q. Mutius*, ut modo ex *Pomponio* ostendimus. Sed initia cujusque artis rudia ferè sunt, & ipse *Scævola*, ut *Cicero* aliquando testatur, Dialecticæ fuit imperitus, qua arte maxime opus est ad redigendam in artem aliam disciplinam. Itaque qui eum secuti sunt, studiosius in id incubuerunt. Quorum ut conatum adjuvaret *Cicero*, scripsit etiam librum de Jure Civili in artem redigendo, cujus puto mentionem fieri

86 VIGLII AB AYTTA ZUICHEMI

apud *A. Gellium*. *Servius* sane *Sulpitius*, qui notas in *Scaevolam* scripsit, apprimè erat Dialecticæ peritus. Tu itaque, Doctissime *Amerbachii*, si Methodum vocas artem aliquam qualem tibi modo descripsi, frustra eam requirimus quam jam diu habuimus. Si intelligis, ut ea expoliatur, sum fanè in tua sententia, jam enim illa multis velut zizaniis sic est obruta ut vix appareat. Quàm multa enim in Voluminibus nostris supervacanea effecit rerum morumque mutatio, quæ recisa si essent, non levis in discendò labor studiosis adimeretur. Progressus sum longius quam constitueram, sed quoniam me jubes instaurandis studiis adesse, non leviter sanè tuo calcare incensus cœpi dispicere, quid in ipsis studiis collapsum esset, ac cùm epistolam tuam sæpius relegerem de Methodo Juris, lubenter ansam arripui, ut ipse quædam in medium adferendo tuam sententiam proliciam, atque a te intelligam, qua arte instaurari studia nostra queant. Erit autem hæc inquisitio non inutilis utrique, vel etiam aliis, qui solent aliquando discendi rationem a nobis flagitare. Quare, doctissime *D. Amerbachii*, ignosces ineptiis meis, atque libertati, qua te audeo provocare ut laborem non refugias copiosius mihi explicandæ sententiæ tuæ circa disciplinam eam, cujus ego sum valde studiosus, tu vero jam a multis annis excellenter doctus. Hoc etiam adjiciam, Commentariorum quoque optare me modum aliquem, imo & omninò aliam commentandi rationem. Sunt autem qui nullam omninò interpretationem admittunt, moti ea ratione, quod ejus licentia infinita hæc fiat disciplina, cùm legum, quarum certa est authoritas, numerum habeamus non ita multis libris conclusum, atque etiam illud vetuisse *Justinianus* creditur. Sed certè ego non video qualiter sine interpretatione consistere disciplina nostra poterit, ea enim maximè æquitati, quam semper ante oculos habere debemus, patrocinatur, sine qua nimis dura & rigida erit lex, cùm de ejus dispositione sæpe ob rationis diversitatem interpretatio excipiat, vel, ut nos loquimur, limitet. Jam & pleraque non sat convenire videntur, quæ per interpretationem conciliantur. Multæ item species incidunt in foro ad quas leges interdum quædam obtorto collo trahuntur, cum expressè & nominatim in illis non reperiamus aliquid definitum. Erit igitur

igitur hic interpretis officium, iusto examine perpendere, quid videatur Legislatorum sententiæ magis accedere. *Justinianus* autem, qui se omnia prima Codicis Pandectarumque editione complexum credebatur, an non est propter multos novos casus prætermisissos, illic ad repetitam prælectionem coactus, in qua multas adjecit Constitutiones? Jam etiam, cum interpretandi, id est, Commentaria scribendi licentia adempta esset, quantus statim cumulus coacervatarum aliarum super alias Novellarum excrevit? An non ex eo colligimus, interpretationem prudentium necessariam esse, quæ exorientes quæstiones discutiat, vel Principem debere semper intentum esse, ut novos casus novis Institutionibus diffiniat? At cui post *Justinianum* Principi ea cura fuit, quum jam mille sint anni quod ille imperio cum morte defunctus est? Quid itaque miramur immensam nunc esse Commentariorum molem, quæ initium accepit intra quadringentos annos? Erit autem fortassis iusta querela nostra, de Principum ignavia, qui tot seculis succrescentem tot dubitationum materiam non præciderunt. Et tribus verbis lege firmari aliquid posset de quo apud viginti scriptores per multas paginas disputatur. Puto itaque in hac Principum cessatione omnino necessariam esse commentationem. Sed & tum, cum vigilabant Principes, & huic rei magna cum laude operam dabant, erant tamen plurimi egregii Jurisconsulti, & ii omnes ex quorum interpretatione & responsis Pandectæ sunt digestæ, qui Edicta Prætorum, Principum Constitutiones, Senatusconsulta & Leges interpretabantur, ut & tituli librorum, qui soli extant, satis adhuc ostendunt. Non sunt itaque omnino explodendi qui Commentariis aliorum dubitationes inquirendique laborem sublevant. Verum ratio potius & Methodus quærenda videtur interpretandi, eam si haberemus vel sequeremur, tolleremus fortassis omnem nauseam quæ plerique ex Commentariorum lectione nascitur, & minueremus tot Commentaria modumque imposeremus scripturientium libidini. Scribimus autem indocti doctique poemata passim, sed indocti qui nullam artem scribendi tenent, ea quæ brevissime dici poterant, in longum extendunt, & quæ bene digesta adjuvare poterant, confusa ab illis impediunt. Dialecticam ergo didicisse debebant ii, qui huic labori manum sunt

88 VIGLII AB AYTTA ZUICHEMI.

sunt admoliti, ea enim si rectè adhibeatur, lucem maximam confusè traditis adfert. Quam pauci plenè discunt, & si qui ex nostris didicerunt, ferè tum obliti sunt, cùm se forte interpretandi usus offert. Jam ut etiam teneamus ordinem tradendi, non quivis habet iudicium, quo æquum & iniquum, simile & dissimile discernat, rationemque legitimarum Constitutionum percipiat. Alii hæc omnia tenent, sed eloquendi arte carent, in paucissimis verò omnia hæc sunt, quæ requirimus, ut rectè commentandi conatus succedat. An tu non jam dudum fessus es, optime *Amerbachii*, meis nugis & loquacitate? Sed tamen cùm tu hunc locum patefeceris, occasionemque mihi cogitandi dederis: vicissim tibi volui quæ sentirem exponere, quo tu hæc ipsa uberius tractando, cùm erit opportunum, quæ tibi viderentur perscriberes. Hic autem neminem habeo, cum quo de ejusmodi re deliberem. Et qui sanum quærit consilium, oportet ut ad peritos, id de quo ambigit, referat. Volo autem hic peritos non tantum literarum, sed etiam Juris, quique & illam ipsam commentandi rationem teneat, qua damnata meliorem scrutamur. Malè enim condemnat qui causam non cognovit. Ego vero te, mi *Amerbachii*, scio in omnibus optimis disciplinis egregiè versatum, de quo unius *Erasmi* de te sufficit elogium, cùm tu præterea ab omnibus ferè eruditis veris Germaniæ nostræ celebrere. In Jure verò, cui potius credam quàm maximis magistris *Zazio* & *Alciato*, quorum uterque summam tibi laudem in Jurisprudentia tribuit. Tu itaque da quæso operam pro amicitia nostra, ut intelligam qua ratione fieri posse existimes, ut Jurisprudentia repurgata a tam sedis multorum commentariis, ad pristinum decorem queat restitui, vel si tibi etiam non satis placet Veterum traditio, ostende quam figuram legum & disciplinæ politicæ probes. Hoc a te liberè & familiariter peto, vicissim non veriturus meas nugas in tuum sinum effundere, hic enim usus est & amicitiae & epistolarum inter amicos studiorum copula conjunctos. Vale. Patavii mense Junio. an. 1532.

EPI-

EPISTOLA XXX.

ERASMO ROTERODAMO.

Ex To-
mo II.
fol. 106.

Agit gratias de missa ad se per Baptistam Egnatium epistola. De Germano quodam Erasmi obtrectatore. De Amphiteatro Julii Camilli. Quare non contraxerit familiaritatem cum Bembo; qui cum Egnatio dissidet. De Lazaro Bonamico & Romulo Amazeo. 1532.

CUM Venetias me contulisset ob solemnem (uti scis) ibi Dominicæ ascensionis celebritatem (1) commodum eodem tempore illuc *Ephorinus* cum tuis ad me literis appulit. Eademque hora & alteras ab *Baptista Egnatio* accepi, in quibus tantum adjeceras, epistolam prius missam denuo te mittere per Cyprium quendam, qui nusquam tamen apud nos apparuit. Et *Egnatius* a *Bebetii* famulo literas sibi traditas agebat. Ego autem prioribus jam pridem antea responderam. Tali verò vicario, quando te ipso frui non licet, valde gavisus sum, tibi etiam non vulgares gratias agens, quod literis tuis notitiam mihi apud illum præstruxeris. Quam ego ex mea parte omni studio excolere pergam. Patavium autem illum deduxi, omnibusque quibus potui officiis hactenus adjuvi. Quem & hoc amplectar arctius, quod in eandem erga te affectionem animique sinceritatem concurrere mihi

(1) *Dominicæ ascensionis celebritatem*] Quæ est res notissima, cum Venetorum Dux, ascensa navi ornatissima, quam *Bucen-taurum* appellant despondet sibi ac Reip. quotannis mare Adriaticum, quando jacto in pelagus circulo aureo, præsentibus Principum exterorum & in primis Imperatoris, legatis, tamquam testibus, hac utitur forma sacramenti: *Desponsamus te, Mare, in signum veri & perpetui dominii*. Hanc ceremoniam cœpisse circa finem seculi duodecimi contendunt historici Veneti. Vide, si paucis bene tecum agitur, *Mabillonium in Musæo Italico. tom. I. p. 36.*

mihi videatur. Unde & me frequentissime tui mentione exhilarat. De Germano illo non omnino male conjectasti. Quid mirum autem mihi cum eo parum convenire, cum sibi temperare nullo modo ne apud *Anselmum* quidem possit, cum quo tamen illis communis patria est, & cujus iudicium plaris facere debebat, quàm meum. Ego autem quibus cum ipso conditionibus convenerim, nuper perscripsi. His hæcenus utcumque apud me stetit, convivisq; abstinuit. Nuper nonnullum illi aculeum infixi, offensa nuncupatione tua ad *Turzonem* Episcopum (2) in psal. 38. Ex illius enim beneficentia diu ille sustentatus est, & adhuc quotannis ab eodem viaticum poscere solet. De Italis autem ita illi penitus insita opinio est, evelli ut nullo pacto queat: eos enim perpetuò ille vult incomparabiles esse. Porro apud cæteros dissimulo; nec ipsi satis quod sentiunt, exprimere audent, & hoc ferè autore uti solent. De Amphitheatro nuper aliquid promisi. De quo possem nunc longissimè scribere, nisi vererer, ne serias aures tuas ejusmodi nugis offenderem. Nam ne quid ignores, fuit & *Viglius* in Amphitheatro, omniaque diligenter perspexit. Opus est ligneum multis imaginibus insignitum, multis undique capsulis refertum: tum varii in eo ordines & gradus. Singulis autem figuris & ornamentis sua loca dedit, tantamque mihi chartarum molem ostendit, ut etsi semper audierim *Ciceronem* uberrimum eloquentiæ fontem esse; vix tamen induci ante potuissim, ut crederem unum autorem tam latè patere, totque ex eo volumina consarcinari potuisse. Authoris nomen tibi scripsi, *Julius* quippe *Camillus* (3) vocatur. Est autem valde balbus,

(2) *Ad Turzonem Episcopum*] Enarratio psalmi XXXVIII. *Dixi: custodiam vias meas*, nuncupata *Stanislao Turzoni* Episcopo Olmutzensi, exstat in *noviss. edit. Operum Erasmi* tom. 5. col. 417. Quantus ejus patronus fuerit, sparsim in *Erasmi* epistolis occurrit.

(3) *Julius Camillus*] de quo in *Erasmi* epistola responsoria ad *Viglium*, quæ est in appendice CCCLXX. col. 1754. hæc lego. „De *Julii Camilli* libro, miror isthic mussari, quum „Lutetiæ excusus volitet per omnes regiones. Non perlegi „totum, tantum carptim degustavi: totus a capite usque ad „calcem scatet impudentissimis mendaciis, & plusquam furio-

bus, & latine ægrè loquitur, hoc se prætextu excusans, quod styli perpetuo exercitio loquendi usum propè amiserit. In vernacula autem lingua aliquid valere dicitur, quam etiam aliquando Bononiæ professum eum ajunt. Cum rogarem de operis ratione, institutoque ac successu, cuncta religiose quasi obstupescens rei miraculo, chartas aliquas objecit, easque recitavit, sic ut numeros omnes & clausulas, totumque artificium exprimeret Italicis modis, sed valdè imparibus propter linguæ impedimentum. Rex urgere dicitur, ut redeat tandem in Galliam cum magnifico opere. Sed cum latina omnia debeant in Gallicam linguam, volente sic Rege, transponi, in quam rem interpretem scriptoremque conduxit, sit, ut professionem differre cogatur, ne semiple-num opus exhibeat. Hoc autem theatrum suum author multis appellat nominibus, aliquando mentem & animum fabrefactum, aliquando fenestratum: fingit enim omnia quæ mens humana concipit, quæque corporeis oculis videre non possumus, posse tamen diligenti consideratione complexa, signis deinde quibusdam corporeis sic exprimi, ut unusquisque oculis statim percipiat quicquid alioqui in profundo mentis humanæ demersum est. Et ab hac corporea etiam inspectione theatrum appellavit. Cum rogarem, num aliquid scripsisset ad opinionis suæ defensionem, cum multi hodie sint, qui

stu-

„ sis convitiis. Neque sibi constat, neque quicquam cohæret.
 „ Assumit me hoc egisse, ut oblitterato *M. Tullii* nomine, mea
 „ unius scripta legerentur. Ait meos libros Lutetiæ publici-
 „ tus fuisse exustos, ignem subjiciente carnifice. Ait me apud
 „ *Aldum*, servi hominis fuisse functum officio, hoc est, Lectoris,
 „ quum apud *Aldum* nihil legerem præter penultimam for-
 „ mam, si quid vellem addere. *Aldus* legebat post me, idque
 „ tantum in meis *Adagiis* quæ simul & a me scribebantur,
 „ & ab *Aldo* excudebantur. Ait vix temperatum a manibus,
 „ quod in ea mensa sederem, quum sederem supra *Afulanum*
 „ & *Aldum*, quumque summo studio hoc egerint, ut absolu-
 „ tis *Adagiis*, me menses aliquot remorarentur. Quodam in
 „ loco citans *Aristotelem*, ait, *hec tibi non dico, tu non legisti*
 „ *Aristotelem*, quum plus trecentis locis citem *Aristotelem* Græcè
 „ ac Latine. Quid multis? Omnia superant quemvis *Orestem*
 „ atque *Ajacem*. “

92 VIGLII AB AYT TA ZUICHEMI

studium hocce de imitando *Cicerone* improbarent, respondit in eam sententiam: multa a se scripta, nulla verò adhuc edita nisi paucula quædam in lingua Italica, in Regis gratiam. In animo verò habere de eadem re suam publicare sententiam, ubi quietem impetraverit, opere videlicet profecto, cui totus incumbit, & ut ipse prædicat, in quod mille & quingentos jam ducatos impendit, cum Rex tantum quingentos adhuc donarit: a quo tamen amplissima munera expectat, ubi operis fructum senserit. Cum *Bembo* nequeo eam quam cupio familiaritatem mihi parare. Nec enim satis adhuc Italicam linguam calleo, nec audeo esse molestior, cum ille latina non satis lubenter utatur. Si quando saluto, interpretem paro, vel ut umbra aliquem confector, qui Italice cum eo loqui possit. Cum *Egnatio* non satis ei convenit: causam dissidii ignoro. *Bembus* autem se diligenter purgat. Hoc autem nuper admodum intellexi. Nam cum *Alciatus* ad nos scripsisset, pestem Biturigibus recrudescere, ac se alias sedes quærere, cupereque imprimis venire Patavium: ego cum alios nonnullos, tum & *Bembum* interpellavi, ut illius voluntatem adjuvaret, scriberetque Venetias ad eos quibus Academiæ procuratio commissa est; tum etiam ut *Egnatium* exhortaretur, quo hoc negotium nominatim illi ab ipso *Alciato* mandatum sedulo obiret. In cæteris quidem operam ille omnem obtulit, ad *Egnatium* verò scribere se non posse excusavit, testatus illius erga se odium. Monuitque, ut si *Alciati* causæ vellem consultum, tacerem apud *Egnatium*. *Sucquetus* quæ ad te, eadem quoque sæpius jam ad me ex Taurino scripsit, ubi hætenus omnia ei ita arripere, ut nullis epistolis huc evocari a nobis potuerit. *Lazarus Bonamicus* Bononiam redire meditatur, Credo quia Cardinalis *Campeggi* filius (4) quem ipse hîc privatim instituit,

(4) *Cardinalis Campeggi filius*] „*Laurentius Campeggi* nobilis Bononiensis, *Joannis* filius, in lucem venit die 7 Novembris 1472. & annos tantum natus novemdecim Patavii & Bononiæ Jus Cæsareum incredibili auditorum admiratione una cum patre *Joanne Campeggio*, cujus opera in pretio sunt, publice professus est. Filium habuit ex legitimo nato matrimonio, *Alexandrum* vocatum, qui primum apostolicæ Cæmeræ,

EPIST. SELECTÆ AD DIVERSOS. 93

tuit, Episcopus Bononiensis factus sit. Quidam quoque illius studiosi vehementer contenderunt adversus *Romulum Amazeum* (5) conditionem ei parare, & quoniam *Romulus* cedere recusat, jam subornantur adolescentes, qui causam apud Præfectum Bononiensem declament. Itaque *Longolianas* rursus actiones expectamus. Bene vale Optime Maxime Domine. Patavii. 8. Junii 1532.

„meræ Clericus, & Decanus, Bononiæ deinceps episcopus, „Avenionensis vice legatus, tandem a Julio III. anno nostræ „salutis 1551. S. R. E. Cardinalibus adscriptus est.“ *Ciacon. tom. 3. col. 384.* At *Laurentius* pater, cujus gesta apud eund. *Ciacon. legas*, a *Leone X.* die 1. Julii 1517. purpurâ ornatus fuit.

(5) *Romulum Amazeum*] Is ex provinciæ Forojuliensis oppido Utino (Udine) quod est ditioris Venetæ, patre *Georgio* natus, Patavii docuit Græcas Latinasque literas, unde Bononiam migrans, Reip. fuit a secretis. Dein a Paulo III. educationi *Alexandri Farnesii* Cardinalis præfectus, plures legationes implevit, ac tandem a *Julio III.* amissâ prius uxore, secretarii *Brevium* officium consecutus est. Obiit anno 1552. *V. Niceronius tom. 32.* qui ejus opera recenset, inter quæ non reperio *Panegyricum Georgio Sauromanno Bononiens. Gymnasiarchatus insignia suscipienti dictum*, & impressum apud Benedictum Biblioposam Bononiensem in 4. an. 1513. quem adfert *Mettai- re in ann. typogr. tom. 2. part. 1. p. 247.* In bibl. Card. Imperiali citatur *Amasæi Oratio in funere Pauli III. Bononiæ per Jo. Ru- beam 1563. in 4.* quæ pariter *Niceronio* fuit ignota.

94 VIGLII AB AYTTA ZUICHEMI

EPISTOLA XXXI.

UDALRICHUS ZASIUS (1).

VIGLIO ZUICHEMO.

Ex To-
mo V.
fol. 36.
vfo.

1532. *Suadet Viglio ut typis edat scriptum in sui defen-
sionem compositum. De operibus edendis con-
sentit, Viglioque cathedram suam offert.*

„ **L** Iteras tuas amicissimas, doctissime Vigli, quas XXVIII.
„ Aprilis scripsisti, magnus ille patronus meus D. *Joan-
„ nes Paungartner* (2) hodie die datæ præsentium, mihi
„ præsentari fecit. Quapropter non est quod mireris, si ad
„ te interea non scripsi. Accepi jam dudum Defensorium
„ mei (3), quod tu, vir admirabilis doctrinæ in contro-
„ ver-

{1} *Udalricus Zasius*] de quo ad Vitam N. XVIII.

{2} *Joannes Paungartner*] V. ad Vitam N. XX.

{3} *Defensorium mei*] Hoc scriptum ex Codice Collegii Vi-
gliani Lovanii, notato V. hic apponendum duxi.

*De Controversia eruditissimi Viri
D. Udalrici Zasii & Petri Stellæ
circa intellectum l. repetitio ff.
de con. indeb.*

Cum regulariter ei qui non debitum solvit, conditio con-
cessa sit, excepta tamen ea species est, ut (a) scilicet, quo-
ties vero creditori solutio facta est, tametsi ab eo qui ipse
non debebat, cesset repetitio. Id tamen non caret scrupulo,
nam interdum vero creditori proprio nomine solvitur, inter-
dum alieno, (b) ejusque rei discrimen in difficili est, atque
ad hanc sententiam constabiliendam, quædam Jurisconsulto-
rum responsa proferuntur, antinomiam (c) prima fronte præ-
se ferentia, quæ ea tamen distinctione foedus inter se reci-
piunt. Recentiores (d) autem quidam nimis longe petitam
pugnantium legum concordiam asserentes, planiore faciliore-
que ratione conciliari ea responsa posse existimant. Atque inde

„ versia *Stellata* scripsisti, si modo lis assistata in contrq-
 „ versiam venire potest. Cum desiderio, & quidem singu-
 „ lari

inde jam non levis orta controversia est inter quosdam principes ætate nostra professores, *Zazium* dico & *Stellam*, illum Germanum, hunc Gallum. Unde etiam ad ipsos studiosos hoc diffidium prorepsit. Scio enim eo tempore, quo in Gallia Jurisprudentiæ operam dabam, plerosque pertinaciter *Stellæ* invento adhæsisse: ex nostratibus autem non vulgariter eruditos adolescentes pro communi opinione, cujus assertor est *Zassus* (e), fortiter rexitisse. Quamobrem nec inutilem, nec ingratam rem legalis disciplinæ candidatis facturum me existimavi, si quod ipse sentirem, in medium proponerem, haud equidem censuram inter tales viros professus, nec alterius partis studio motus, sed quo ad eam opinionem, quæ mihi probabilior veriorque videtur, revocarem eos, quibus novum singulareque dogma nimium arrisit. Illud itaque, unde totius causæ caput dignosci potest, quodque per se obscurius est, principio explicabimus.

Verissimum enim existimamus esse, quoties vero creditori solvitur, ab eo etiam qui non debebat, repeti non posse, quum debitorum nomine soluta esse videantur. Alius enim pro alio solvere potest, & alius pro alio solvendo verum debitorem liberat (f). Quod si verò hic conditionem solventi concederemus, verus creditor in damno maneret, liberato scilicet debitore, cum nihilominus repeteretur id, quo liberatio contigit. Obligatioque semel extincta suscitari, restituique regulariter nequit, (g) quod tamen æquum esset, si conditio permitteretur. (h) At quum vero creditori solvitur ab alio qui non debebat, nec tamen debitoris sed proprio nomine, hic alteri ipso jure contingere obligatio nequit. (i) Ac cum indebitum fuerit, superioresque rationes cessent, non immerito illic conditio conceditur. Idque, etiamsi per se sat firmis rationibus fundatum sit, tamen & ex *Pomponii* responso manifeste colligitur, siquidem ille (k) regulariter non posse id repeti significavit. Quod vero creditori solutum est, nisi, inquit, quis suo nomine solverit. Generaliter autem quum vero creditori solvitur, videtur potius debitoris nomine quam proprio solutum esse, quod sanior etiam Interpretum pars probavit, (l) si non is qui solvit, ipse aliquo nomine obligatus quoque fuerat. (m) Nec *Jasonis* (n) argumento multum moveor, quo ait, indistincte factam solutionem, eo nomine videri factam, quo utilior ea est solventi, (o) utilior verò erit si proprio nomine facta intelligatur, cum repetitionem
 tunc

96 VIGLII AB AYTTA ZUICHEMI

„ lari legi quæ tu tam peritè elaborasti, & cùm in omni-
 „ bus tibi accedam, qui in utramque partem arbiter sicuti
 „ peri-

tunc pariat. Nam ego id ita verum esse credo, quod *Jason* ait, si utilitas ea in solventis consideratione esse potuit. At hic non potuit, nam si solvit cum repetendi intentione, eo ipso non repeteret, cùm quasi indebitum sciverit se solve-
 re. (p) Quamquam sane & *Jason* sic suam opinionem in si-
 ne (q) restringit, ut in idem fere incidamus. Ratio quoque ipsa docet, quare videatur debitoris nomine in dubio solum vero creditori fuisse, quod cùm sciam creditorem esse eum cui solvo, necesse prope sit, cogitationem mentemque me ha-
 bere ad id quod debitum est. (r) Debiti igitur sive debitoris res-
 pectu solvo creditori, non id considerans an ego debeam, sed an debeatur. Is itaque qui pro hærede hæreditatem possidet, se hæredem esse putans, si quid defuncti creditoribus solvit, non censetur factus locupletior, nec conditionem habet, quum alie-
 no nomine solverit. Difficile autem est in hærede putativo, at-
 que eo qui bonæ fidei possessor est, distinguere solutionem, quæ suo nomine, ab ea, quæ alieno, id est defuncti vel hæ-
 redis veri, debitorisque sit. Sed tamen cùm hæres defuncti fere nomine a creditoribus appelletur (s) censetur & de-
 functi nomine solvere, defunctumque sive ipse sit, sive quis alius, repetita ab eo hæreditate liberare, & tum cessat con-
 dictio. Quoties autem is, qui hæredem se putat, ultro solu-
 tum it creditori, magis suo nomine id facere videtur, quàm ob defuncti successionem interpellatus, atque aliter vix video posse differentiam. quæ ex *Pomponii* responso colligitur, de-
 clarari. Quod & *Accursius* voluisse videtur, (t) nisi quod ille motam controversiam fuisse hæredi requirit, ut defuncti no-
 mine solutio facta videatur, ego verò solam interpellationem vel protestationem sufficere credo. Cum autem homines fere expectare creditoris interpellationem soleant, nec sponte ad solutionem festinare, (u) indubie mihi vedetur, interpel-
 lationem posse præsumi debitoris scilicet defuncti, hæredita-
 rioque nomine factam, quo casu nullam esse repetitionem li-
 quido ostendemus. Quod si verò suo nomine solvisse hære-
 dem appareret, merito conditionem concesserimus. Et sic alibi idem *Pomponius* tradidit (w) id satis ex eo signi-
 ficans, quod verum debitorem liberatum esse negat, cùm si debitoris nomine solutio facta fuisset, procul dubio di-
 versum fuerit respondendum. Præsumitur itaque interpella-
 tus quis solvere, & interpellatus veri debitoris nomine; quo casu cùm debitor liberetur, iniquum esse conditionem tri-
 buere,

EPIST. SELECTÆ AD DIVERSOS. 97

„ peritissimus, ita ex pari æquus fuisti, rogo, quàm maxime
 „ possum, ut iudicium tuum typis informandum edas, eo
 „ quo

buere, atque indubie ita se res habet. Quod si verò hæc nostra explicatio displicebit, id tamen ex communi opinione erit concedendum, in dubio debitoris nomine solum vero creditori videri (x) secundum quod & *Pauli* (y) responsum intelligitur de omnibus quod sic se habet: Repetitio nulla est ab eo qui suum recepit, tametsi ab alio quàm a vero debitore solum est. Quamobrem ex hoc intellectu non adversatur *Pauhus Pomponio*. *Pauhus* enim secundum id quod regulariter evenit atque observatur, negat repetitionem, *Pomponius* autem eo casu permittit quo ejusmodi solutione non esset liberatus debitor, id est, quo aliquis suo nomine solvisset. Atque in hanc sententiam Jurisconsultorum responsa interpretatus est *Udalricus Zasius* (z) omnium Jurisconsultorum, quos hodie Germania nostra habet, facile princeps, cum antinomiam ab *Guilielmo Budeo* annotatam (aa) animadvertisset. Successit autem postea temporibus iis quibus nos in Francia habitavimus, *Petrus Stella* Aurelianensis Academiæ primus professor, vir apprimè doctus, & in enodandis Juris difficultatibus admirabilis industriæ ac ingenii. Is ostendit (bb) illud dissidium contrariarum legum posse alia ratione ac multò quidem apertiore dissolvi: quam miratur prius non animadvertam a tot præstantibus interpretibus, quibus interdum usum venit, quod de *Thalete* philosopho proditum est. qui dum sidera & cælum intuetur intentius, in scrobem ante se incidit, quo modo & Doctores, dum nimis subtilem affectant legum intelligentiam, ab obvio expositoque legum sensu longissime interdum aberrant. Ex illius igitur sententia id voluit *Pauhus* (cc) nullam esse repetitionem ab eo qui suum, id est, cujus dominus est, recepit. In *Pomponii* autem responso (dd) de eo creditore agitur, qui rem debitam recepit: hoc, inquit ille, sensu, nihil est simplicius, nihil verbis Jurisconsultorum aptius, quo omnis impropria suppletivaque interpretatio evitatur. Alius verò, qui vulgo receptus est, præterquam quod divinatoriam quamdam subtilitatem præ se fert, ut idem auctor demonstrat, non nisi vi quadam, verborumque impropria significatione eo intruditur. Quamobrem adversus *Zasium*, communis opinionis strenuum assertorem, graviter invehitur tantum non famosis libellis, quasi qui lucem tam apertæ intelligentiæ aspicere detrectet, tamque admirandam ejus facilitatem non obviis ulnis excipiat, palinodiamque tam

98 VIGLII AB AYT TA ZUICHEMI

„ quo scripsisti tenore, nihil demutans. Erit ea res non
„ tam mihi laudi, quàm ingenii tui eminentiæ celebrationi.

„ De

diu differat. Et sane cuilibet prima facie *Sielle* intellectus blanditur, verum hunc velim rogatum synceri, integrique iudicii lectorem, ut omni affectione semota, qua veritatis luminibus graviter obstruit, rem ipsam, atque adeo interius excutiat, & nisi mea me fallat opinio, communem interpretationem longe præferet novæ isti opinioni *Sielle*. Quod cum ex iis quæ dixi, utcumque possit per se intelligi, tamen argumenta etiam ipsius recitabo, confutaboque. Nam ut dicam quod sentio, videntur mihi valde imbecilla esse, nec tam gloriose promulgatam opinionem satis suffulcire. Argumenta autem fere talia sunt.

Cum lex, inquit, simpliciter dicat, nullam esse repetitionem ab eo qui *suum* recepit, adicere, supplereque: *si alieno nomine receperit*, & ubi lex non distinguit, (et) distinguere, an non manifeste adversus regulas juris peccatur? Br in se istud manifestam ariolationem continet? Deinde etiam adversatur dictio universalis, *nulla*, quæ ejusmodi restrictionem non admittit. Et *suum* proprie ad dominium refertur (ff) quæ dictio ex vulgari sensu ad debitum improprie accommodatur. Sed hæc, ut dixi, levia sunt, & dissolvi facile possunt, si superiora quis diligentius intueatur. Nam quod in *Pauliano* responso illa verba ab interpretibus adijciuntur, *si nomine debitoris solutio facta est*; nihil vel minimum obstat, cum commentatores interpretari tantum voluerint, id quod ex rei natura regulariter per se intelligitur. Quoties enim, (ut ante tacè deduximus) vero creditori solvitur, censetur indubie veri debitoris nomine solutum atque debiti respectu. Cum id itaque per se contineatur, talis interpretatio nihil quod video restringit, sed id quod tacite intelligebatur, explanat. Quinimo *Pomponii* responsum (gg) conditionem in speciali casu concedentis adversum regulam, suppletionem plane opus habuisset, nisi adjectum fuisset, *verum illic debitorem non fuisse liberatum*; ex quo consequens est, suo nomine solutionem esse factam. Quapropter non videtur etiam communi interpretatione, quicquam universalem dictionem coardari, cum id quod suppletur, secundum Juris dispositionem præsumptionemque intelligatur. Et tantum operatur facilis sensus, quantum si expresse sic dictum fuisset: Nullam repetitionem esse ab eo, qui *suum* recepit solvente alio veri debitoris nomine. Et hæc certissima sunt, quæque ex Jure, si quis penitus intueatur, aper-

„ De aliis lucubrationibus meis quod me hortaris ut publi-
 „ cem, faciam ut primum per occupationes & valetudinem,

„ quod ad obsequium meum non parum impedit, qua-
 „ rationibus, suis, quibus o stent, se non potuisse

apertissime constant. Sed ille potissimam ejusce opinionis
 suæ basim ex eo construebat, quod *suum* improprie pro de-
 bito accipiatur, cum ubique verborum proprietati potius sit
 adhærendum. Quod nec ipsum multum sanè me moverit,
 cum in eadem proprie specie his, (hh) terve legamus, neces-
 sariò *suum* eam interpretationem requirere, ut non videam,
 quare in hoc casu sit rejicienda. Nam illud sanè ratione ca-
 ret, quod ne ambigere quidem nos patitur de ejusce dictionis
 significatione, cum toties, & in similibus thematis pro debito
 accipiatur. Posset autem fortassis non improbaliter dici, *suum*
 hic secundum communem interpretationem non improprie
 poni. Fatemur enim, cum de argento quis *suo* loquitur, (ii)
 cum dicimus aliquem libros *suos* legasse, intelligi id pæno-
 men de dominio. Sed non idem forte erit, cum dicimus,
suum recepit vel *repetit*, id est cum per se simpliciter ponitur,
 repetit enim *suum* debitum dicimus, an hic verò ulla intelli-
 gitur esse improprietas? Simpliciter scio sæpius proferri, sed
 in eodem tamen sensu. Et quamquam *suum* substantivè stet,
 cum dicimus, *repetit suum*, naturam tamen primogeniam,
 quam habet ut secundum subjectum queat intelligi, nequa-
 quam exuit. Potest itaque intelligi *suum recipit*, tam proprie
 de debito, quàm de quavis alia re. Cujus fortissimum argu-
 mentum colligitur ex *Ulpiani* quodam capite (kk) qui apud
Labeonem sic ipse *suum*, pro eo quod sibi debetur, exponit.

Nunc porro restat, ut ostendamus, *Stella* intellectum, qui
 in se fortassis verus est, & utcumque ad *Pauli* responsum
 posset applicari, haud tamen videri ex *Jurisconsulti* esse sen-
 tentia. Et in primis multum mihi placet *Zafii* argumentatio
 ab tituli congruitate, cum enim id responsum sub conditio-
 nis indebiti tractatu includatur, videtur procul dubio in ea
 specie accipiendum esse, in qua dominium rei in alium trans-
 fertur. Nec obstat, quod ait *Stella*, condici etiam interdum
 possessionem vel detentionem, nos enim in ambiguo, id quod
 titulo congruentius est, & quod frequentius accidit, sequen-
 dum potius arbitramur, quàm quod
 contingit. Jam verò communis interpretatio multo est no-
 tabilior, speciemque eam ponit, quæ in conditionis indebiti
 tractatu omitti nullo modo debebat. Quin & ex postremis
 responsi *Pauliani* verbis satis percipi potest is sensus, quem
 nos sequimur. Tametsi, inquit, ab alio quàm a vero debito-
 re

100 VIGLII AB AYTTA ZUICHEMI

„ qua plures jam menses torqueor, licuerit. Nihilominus *In-*
 „ *tellectus* meos locupletatos, cum Tractatu *Institutionum* non
 „ pœnitendo, edidi, cujus tibi proximo nuntio exemplum mit-
 „ tam. Tu interea me, sicut cœpisti, ama, fidelissimum sine
 „ du-

re solutum est; id quippe innui tacite videtur ex veri debi-
 toris causa, ejusque nomine solutum esse, etiam si non ab eo
 qui ipse debebat. Sed & debitoris & solutionis verbum com-
 muni sententiæ suffragatur, utrumque enim requirit debiti
 causam præcessisse, atque ex ea solutionem esse factam. Et
 ut admittamus & eum qui restituit, solvere nonnumquam
 dici, tamen quid crebrius & regulariter magisque proprie
 significet, attendi solet. Cum itaque commune axioma &
 rationibus & legum auctoritate abunde sit defensum, nec
Stellæ ratiunculæ ad rem faciant, atque ipsius intellectus a re-
 motis, ut dicimus, sit petitus, & extra præscriptos tituli
 fines quæsitus, nihil video causæ esse cur non malimus in
 veterum opinione, *Zassii* auctoritate confirmata, conquiescere.

(a) Glo. in l. eleganter §. fin. ff. de cond. indeb. (b) l. si
 quid possessor ff. de pet. hæred. l. Papinianus ff. mand. (c) l.
 Repetitio. l. si pœnæ §. 1. ff. de cond. indeb. (d) Petr. Stella
 in repetitione d. l. repetitio. (e) In Antinomiarum tractatu.
 (f) l. solvendo de neg. gest. & in prin. Inst. quibus modis
 tollatur obligatio. (g) l. qui res §. aren. ff. de solution. (h)
 Arg. l. 2. §. fin. ff. si ex nat. ca. ag. (i) d. l. si quid possessor.
 (k) in d. l. si quid in med. (l) Bar. & dd. in l. si pœnæ
 §. 1. ff. de cond. indeb. (m) ut in l. Papinianus. ff. mand.
 cum similib. (n) in l. si pœnæ §. 1. (o) l. 1. & 2. ff. de solut.
 (p) Arg. l. quod quis ff. de cond. indeb. (q) in d. l. si pœnæ
 §. quamvis. (r) Faciunt quæ notat Bar. in l. si pupilli §. item
 quæritur ff. de neg. gest. (s) fac. l. pro hærede ff. de acq. hæ-
 red. (t) in l. si quid. in ver. suo nomine in fin. & Paul. de cas.
 in d. §. quis. (u) arg. not. in l. cum de indeb. ff. de prob.
 (w) in d. l. si pœnæ §. 1. (x) in d. l. si pœnæ §. 1. (y) l.
 repetitio ff. de cond. indeb. (z) In antinomiarum tractatu.
 (aa) in l. fin ff. de edil. edi. (bb) In repetitione d. l. repe-
 titio (cc) In d. l. repetitio. (dd) in d. l. si quis. (ee) l. de
 pretio ff. de public. cum vulgar. (ff) l. quintus §. argento ff.
 de aur. & arg. leg. cum similibus. (gg) in d. §. quamvis. (hh)
 l. si quis delegaverit ff. de novatio. l. purè §. si eum ff. de
 dol. mal. excep. l. de hæredit. C. de petitis. hære. l. 1. ff.
 quod cum eo qui. (ii) ut in d. §. argento. (kk) l. qui autem
 §. apud Labeonem. ff. qui in frau. cred.

EPIST. SELECTÆ AD DIVERSOS. 101

„ dubio amicum. Cogito de medijs quibus efficiam, ut in locum
 „ tu meum Ordinarius Juris Civilis eligaris. Septuagenarius
 „ senex sum, quotidianis morbis attritus, memoria diminuitur,
 „ vires corporis abierunt, crura officium facere negant, vox
 „ frangitur, & ita in me nihil est quod non sit effectum. A Prin-
 „ cipe nostro insigni sum privilegio provifus, quo simili nescio
 „ an alicui Juristæ sit consultum. Eo uti privilegio pergam,
 „ cum tu mihi fufficiare: nec enim facile patior, ullum mihi
 „ alium substitui. Verum ea in re quid tibi animo fideat,
 „ cum poteris scribe. Salarium centum floreni sunt, præsti-
 „ ca quæstum præbet homini in lingua vernacula facundo.
 „ Consiliis faciendis docti viri, quorum tu princeps es, ad-
 „ modum quàm occupantur. Vale & parce pauca scribenti,
 „ plura enim volui, sed negotia volentem præpedierunt. Ex
 „ Friburgo IV. Julii 1532. “

EPISTOLA XXXII. UDALRICO ZASIO.

Ex To-
mo II.
fol. 133.

*Ad superiorem Zafii epistolam prolixè reponit amo-
 ris & observantiæ suæ testificationes varias. Pro
 oblata sibi loci ejus successione gratias agit. Profiten-
 di munere quare cupiat abstinere. Quæ de Stellæ
 controversia scripsit typis edere differt.* 1532.

NON alia erat causa, doctissime Zafi, cur tantopere lite-
 ras tuas efflagitarem, quàm ut veteri mea in te obser-
 vantia aliquot epistolis declarata, tuum erga me affectum
 eo pacto vicissim excitarem. Sine qua conditione amicitia
 scilicet dici nequit: quando ea nihil est aliud, quàm mutua
 animorum concordia. Quamquam autem tu hoc satis præ-
 sens præfenti declarabas, tamen nescio quomodo mihi sit
 visum, arctiorem mutui amoris copulam fore, si literis ul-
 tro citroque confirmatus esset. Sed & cum ego gloriæ mihi
 ducam, amare Zafium, & redamari ab tanto viro, Principe
 videlicet omnium Jurisconsultorum, quo vel habet, vel ha-

buit unquam Germania, videbatur eo mihi illustrior futura, si non in tacito animorum consensu consisteret, sed literis contestata esset. Opto autem inprimis hac benevolentia tua quàm diutissime frui. Proinde Deum Opt. Max. rogo, ut te in multos annos incolumem servet. Cujus etiam voti spem concipio. Nec enim me movet, quod septuagesimum jam annum agas: etenim triginta adhuc restant, ut finem vitæ civilem (ut scis) compleas. Rari, inquis, sunt qui eo pertingunt; attamen sunt, & exempla suppeditat Cicero. Et mihi videtur multum referre, qualem quisque sortitus sit animum, corporis habitatorem & inquilinum. Quomodo enim magnificæ ædes, si non fartæ tectæ servantur, si negligentem dominum habeant, subito concidunt corruuntque (quod in desertis Principum palatiis, vel arcibus probe licet observare) ita & corpus nostrum, si sortitum fuerit animum penes quem nulla tuendæ valetudinis ratio constet, citò labascit. Quod si verò talis alicui contigerit possessor, corporalis domicilii animus, qui moderatè otio indulgere, & negotia tempestivè tractare sciat, is longævam corporis cum animo consuetudinem facile tueri poterit. Quod si autem *Zasum* ego rectè cognosco, non videtur mihi ipse ignorare, quomodo illud charæ animæ domicilium sit fovendum. Accidit autem multa a liberis adhuc parvulis voluptas, obsequium ab uxore gratissimum, reverentia magna ab auditoribus, amor a discipulis, emolumentum ab consultoribus, quid est ergo quod hujus te vitæ tædeat? Nam quæ alia narras incommoda, non valetudinis sunt, sed ætatis. Quæ minus tibi gravia videbuntur, si cogites, quàm tibi adhuc non modò integra mens sit, sed multò etiam quàm unquam antea viridior. Quamobrem, excellentissime Domine *Zasi*, noli immaturas cogitationes adhuc in animum admittere. Nondum tempus est ut alteri lampada tradas: cum sciamus, nullo cursu tam nobilem spiritum defatigari posse. Nobis sanè videris magis atque magis vivere, quum quotidie pulcherrimi adhuc ab divino illo ingenio fœtus tanto cum omnium fructu proficiantur. Inter quos novissime exiit *Institutionum Epitome*, summa aviditate non lecta a me, sed devorata. Quod verò me delegeris, qui in eum locum, qui a te tot annos celebratus est, succedam, animi quidem
tui

tui candorem, tantamque præter aliquod meum meritum benevolentiam, agnosco lubens & exosculor. Nec satis scio quas tibi gratias pro tanto beneficio agam. Verum ego nunquam ero adeo temerarius, ut adolescens imperitus succedam seni, cujus æmulatio doctissimo cuique peritissimoque semper fuerit difficilis. Nec video quis vel mortuo *Zafio* sit ausurus ex eo pulpito profiteri, in quo ejus appareant adhuc vestigia, & unde disertissima vox tot annos est cum maxima semper admiratione omnium audita. Et egone audeam semidoctus adolescens vivo florenteque illo? Nunquam hercule. Cum apud *Alciatum* in Gallia versarer, sæpe me exhortabatur, ut aliquod mei specimen ederem: nec deerant qui de honorario bene jubebant sperare: certe CX coronati aliquando sunt oblati. Nunquam tamen poteram ab discendo ad docendum animum abducere, conscius curtæ supellectilis meæ, quam alii reipsa lautiorem esse existimabant. Pauci enim penitus perspicunt, quam latè se Juris disciplina hodie extendat, & quam multa scire debeat, qui doctorem se profiteri audeat. Illud tamen tum respondi *Alciato*, cupere me in Gallia & Italia, quamdiu facultas esset, discere: ubi verò satis didicissem, malle hoc favore, commendationeque ipsius in Germania uti. Certè magni me muneris loco habiturum, si apud *Erasmum*, *Zastunq*, quos ego semper duos literarum Principes in Germania esse existimavi, quosque summè sum veneratus, studia mea aliqua laude dignarentur. Quod ille quidem diligenter præstitit, *Erasmumque* adeo commovit, ut de me adhuc ignoto tecum agere cœperit, quo in hanc voluntatem induceret, in quam tuapte sponte inclinare modò mihi videris, quod ne optare quidem fuisset ausus. Atque ad aliam certè finem studia semper mea direxi, missus a parentibus in Galliam, ut linguam eam discerem unà cum Jure Civili, cujus ei in negotiis obeundis conjunctus usus esset. Hoc a me dum fit sedulò, oblata est occasio, ut Augustanorum (1) amicitiae me insinuarem, quæ mihi profectò hactenus ornamento, emolumentoque magno

(1) *Augustanorum*] nempe *Fuggerorum*, *Rechlingorum*, *Georgii Hermannii* & qui Augustæ Vindelicorum habitabant.

magno fuit, spemque non mediocrem ad subsequentiæ ætatis
 successum pollicetur. Et parentibus quoque magis placet
 illud vitæ meæ institutum, unde & illi usum aliquem mei
 sperare queant. Hæc itaque ratio, optime *Zafsi*, profitendi
 consilium mihi dissuadet, ut etiam vel me non terreret, vel
 gravaret *Zafiani* nominis claritudo, quam ego sustinere nullo
 mihi pacto posse videor. Meus tamen animus per se quietis
 est amantissimus, discendique cupidissimus: quæ duo profitendi
 conditio abunde suppeditat. Atque ut etiam me aliquando
 ad negotia transferam, ea tamen eousque sequar, donec par-
 tum adeptus fuero, in quo mihi liceat jam parta fortuna pristi-
 norum studiorum voluptatem revocare. In præsentia itaque
 sic mihi videor consultius facturus, ut conditionem aliquam
 talem quæram, quam & facilius sustinere queam, & unde
 proventum uberiores paulo sperem: quanquam ante annum
 non statui relinquere Italiam. *Zasium* verò meum cupio diu-
 tissime florere, atque eousque, donec idoneum successorem
 reperiat. Quod ego serò futurum existimo, si quis omnes in-
 genii tui dotes velit perpendere, quam profunda videlicet
 tua sit in utroque Jure peritia, quanta in docendo gratia, in
 consulendo dexteritas, atque autoritas, in stylo integritas,
 in oratione facundia, in sermone familiaritas, puritasque de-
 nique in omnibus optimis disciplinis, quam non vulgaris scien-
 tia. Me autem hujus tanti beneficii quoad vivam non capiet
 oblivio: quanquam enim tanto muneri impares humeros sub-
 mittere verear, meminisse tamen atque etiam gloriari erit ju-
 cundum, me aliquando ipsi *Zasio* dignum visum, in cujus locum
 succederem. Quæ de *Stellæ* controversia scripsi gaudeo tibi
 non displicuisse. Judicioque tuo confusus majora etiam audebo.
 Ut edam nondum est animus: edam tamen aliquando ut scripsi,
 sed cum aliis. Scis enim multum referre quibus præmiis famam
 in studiis auspicemur: & edita cum aliis sententia nostra ab
 illis fidem, autoritatemque mutuabitur, veritatisque magis,
 quàm affectioni inniti videbitur. Quamobrem velim ut suppri-
 mas adhuc, quousque alia quæ in manibus habeo absolvero.
 Tuam vero ætatem deinceps cupio ab talibus contentionibus
 quiescere, tranquillitatemque animi cum incolumitate corpo-
 ris omni studio tueri. Bene vale Præceptor clarissime. Ex
 Patavio 7. Septembris. an. 1532.

EPI-

*Ciceroniani quibus comparati ab Erasmo, quem in-
sectantur. Insurgit in libellum adversus eum emis-
sum. De Julio Camillo, Lazaro Bonamico, J.
B. Egnatio ac Georgio Logo. Quod ad Petri
Bembi notitiam ejus commendatione perductus sit,
gratias habet. De Bibliotheca Veneta, quæ olim
Cardinalis Bessarionis. De Rodolpho Agricola.
Quis Zasii erga se animus. Apud quem Cypriani
Vita, & Ambrosii libri. J. Georgii Paumgart-
neri laus. Grebovallii & J. Georgii Hermannii
litteras mittit, ambosque commendat. De Alciato;
ac Patavinis professoribus.* ¶ 1532.

Nihil tua comparatione, (1) *Erasme* doctissime, verifi-
milis dici potuit. Adeo pulchrè omnia istis, qui
summum bonum in *Tullianæ* dictionis imitatione collocarunt,
cum *Franciscanorum* secta conveniunt. Tantum restat, ut &
habitu aliquo ab cætero studiosorum populo distinguantur.
Animis sane moribusque sic consentiunt, ut nulla possint re-
ligione arctius devinciri. Quod equidem certius cœpi intel-
ligere, ubi sub quadam reconciliationis specie, molestæ il-
lorum in studiis superstitioni apertè & palam adversari desii.
Hoc tamen ne nunc quidem permitto *Logo*, vel cuivis ejus-
dem farinae alii, ut suam laudent artem cum temeraria ali-
cujus, quem ipse amem & colem, insectatione. Nec enim
sic induxi animum dissimulare, ut vel colludere videar, vel
prodere eos quibus semel non dedi (2) & a quorum signis nul-

(1) *Nihil tua comparatione, &c.*] Respondet epistolæ, quæ
inter *Erasmianas* est CCCLXX. in *append. tom. 3. part 2. noviss.*
edit.

(2) *Quibus semel non dedi*] Nonne rectius legas: *Quibus semel
me dedi?*

106 VIGLIH AB AYTTA ZUICHEMI

nullus me unquam hominum retrahet. Illud autem vero verius est, non ob aliud cepisse istos consilium tantopere extollendi *Ciceronem*, quàm ut *Erasmi* famam obliterarent, quam ad tantum exurgere fastigium acerbè ferunt. Nec potuere commodiorem reperire colorem, sub quo invidiæ malum tenerent, imprudentesque literarum candidatos a tui admiratione lectioneque arcerent. Quid enim sibi vult, quod illum quem semper habent in ore, non aliter laudant, quam cum quadam nota tuorum scriptorum? Quorum tamen honorem apud integros literariæ rei iudices illustriorem reipsa faciant: cum quod illi malignè apud alios carpunt, lubenter in cubicalis legant, atque ex libris tuis proficiant. Quo detestabilior est hæc improbitas ingratitude conjuncta. Et illum non puduit adeo manifestè veritatem invertere, quisquis fuerit, qui nuper famosam illum calumniis mendaciisque scatentem libellum in lucem est ausus emitte. In quo te *Ciceronis* lumina voluisse obscurare objicit, quo tua unius scripta legerentur. Cum ipsi non alia ratione illum solum in linguæ latinæ Capitolium studeant inducere, quàm ut *Erasmianum* inde terminum ejiciant. Qui tamen non possessione mala fide continuata locum cepit, sed iustissimo titulo sibi vendicavit datum doctissimorum hominum suffragiis, æternisque monumentis stabilitum. Ne autem ille bellè artificiosque fabulam aspiciatus est, fictitium titulum operi inscribens. Quis enim tam impudens os habet, ut sine persona tam insignia mendacia calumniosasque contumelias publice alicui ingerere audeat? *Erasmus* non legit *Aristotelem*, & ille legisse videri vult, qui calumniis mendacibusque convitiis famam aucupatur cum propria *Peripateticorum* disciplina in veritatis indagatione consistat. Proh! acutum *Ciceronianumque* Oratorem. Huic da Censuriam virgulam. Hic esto studiorum nostrorum magister. Hic doctorum hominum Index. Ab hoc discamus eloquentiam, hoc autem est ad-versarii famam incensare, se apud bonos infamem reddere, atque in pelvim, quod dicitur spuere. Quid autem aliud ille facit, qui manifestè falsa objiciendo, temerèque maledicendo, repellendi purgandique labore ita rem exonerat, ut ipsius etiam causam non potuisset magis adjuvare, & propriam existimationem lædere, quàm si sic oppugnet? Libellum autem

autem illum nemo adhuc hîc, quod rescire potui, vidit. Sed si cætera iis capitibus, quæ tu breviter notasti, respondent, non est quod magnopere eum desideremus. Hîc etiam nemo quicquam de eo se intellexisse indicavit, donec ad *Logum Bppendorpius*. (3) scripisset. Nam ego subiecti, quo explicarer aliquid de quo te certiorum facerem, & ne laudis tuæ invidis eam voluptatis materiam præberem. Qui novum adversus te exhortam hostem non minus libenter audiverunt, quam *Logus* narravit. Ubi autem de eodem mihi quoque retulisset, hoc, inquam, miror, nos hic celare *Fulsum*. Ille negat *Camillum* esse. Tu tamen mihi sæpe dixisti, hunc adversus *Erasmum* nescio quæ parturire: Et in Gallia est editum opus: unde ille nuper rediit: atque ubi eruditionem suam vendicare studet. Hic & ipse subdubitare cepit. Cumque plura essemus de ea re colloqui, convenit inter nos, ut unâ salutatum iremus *Camillum*, qui non ita pridem huc ex Venetiis commigrarat. Post longam verò theatri, quod nondum exædificatum est, contemplationem, recitat nobis carmen suum ad *Bambum*, de operis illius magnifici argumento. Tandem aperit *Logus* de libello, citat inscriptionem, addit argumentum. Ad quæ ille intentus, ne gry quidem respondit. Credo inquam a *Bodo* subornatum: vel voluisse aliquem ex *Pii* mercenariis, herum ulcisci. Cum ne hic quidem quicquam diceret. Sunt (inquit *Logus*) qui te putabant authorem, nomine decepti. Ille verò aliò sermonem vertens, sequè nos semper dubios reliquit, nec confessus nec inficiatus, sed visus tamen mihi de quibusdam chartis compilatis aliquid subdubitare, vel metueret. In *Asulani* (4) autem sedibus familiariter Venetiis versatus est. Qui nescio quas rationum tabulas invenisse se ait, in quibus tibi impensam mercedem pater notavit. Utinam ipse potius paternam par-

(3) *Bppendorpius*] Henricus Bppendorpius, nobilis Saxo, qui innotescit ex epistolis *Erasmi*, cui nunc amicus, nunc adversarius fuit. V. Epist. DXIV. & DCLXXX. & in append. CCCXLVI. Et Baylii diction. p. 379. tom. 2. edit. 1730.

(4) *Asulani*] Branciscus Asulanus, Aldi socer, typographus Venetus.

parfimoniam imitaretur, ea enim studiis aliquomodo profuit: cum iste omnia, vetita legibus alea, dissipet. Nunc se ad frugem rediturum promisit, officinamque restitutum. *Lazarus* illi operam suam obtulit. Nam *Egnatius* dudum illius mores detestatus est, *Aldi* tamen apud se filium alit, instruitque. *Julii* theatrum vehementer ridet, idque nec hic ignorat, nec ille dissimulat, magna apud Venetos Patricios auctoritate fuffultus, ac ob ætatem etiam *μυνησίδωρ*, ut nec *Ciceronianæ* sectæ proceribus parcat. Scripsisse verò adversus te quædam hunc *Julium Camillum* certo mihi constat. Sed scis quæ sit consuetudo horum hominum. Si quid enim scribunt, recitandi apud symmystas voluptatem aucupantur, ubi audiant: pulchrè, benè, rectè. Prophanum verò vulgus indignum existimant, quod illotis manibus divinas illas lucubrationes contrectet. Et *Julius* quæ scribit a solis Regibus legi vult, nam in Franci unius gratiam operosum illud theatrum molitur. Gallus autem, per quem hîc primas a te literas accepi, non unius hoc opus esse ait, sed multorum, *Beddaicæ*, *Budaicæque* factionis (5) conjuratione confectum, qui unum in volumen maledicta contulère sua. Jamque biennium esse refert, quod tale aliquid moliri quosdam fenserit: nominare tamen neminem voluit, veritus ne deferrem. Si quid certe intellexero, non te celabo. Quod ad *Bembi* notitiam commendatione tua aditum mihi paraveris, maximam habeo gratiam. Antea enim neminem alium habebam, quàm *Logum* per quem illi innotescerem: cui ego quam minimum debere cupio. Hac tua autem commendatione fretus, cum amicitiam operamque suam benignè mihi *Bembus* offerret, cœpi illum de libris quibusdam Græcis in Jure Civili interrogare, qui dicuntur in Bibliotheca *D. Marci*, qui olim *Bessarionis* Cardinalis (6) fuit, asservari, cui

(5) *Beddaicæ*, *Budaicæque* factionis] a Natali Bedda Ordinis Minorum theologo Parisiensi, denominata factio apud *Erasmum* in Epistolis variis. Natalis meminit *Miræus de Script. sec. XVI. p. 131. edit. Fabricii*. Porro qui *Guilielmi Budæi* studiosi, fautoresque fuère, *Budaicæ* factionis nomine ab *Erasmo* perstringuntur, cum alibi, tum imprimis in Ep. M. III.

(6) *Bessarionis Cardinalis*] V. Notas ad Vitam. N. XXV.

EPIST. SELECTÆ AD DIVERSOS. 109

cui ipse est præfectus. Et fecit quidem aliquam spem, saltem ut cognoscam quid sit rei, & ut inspiciam: ut utar enim fruarque sperare non audeo. Cognovi autem ex tuis ad illum aliofque literis, quantum *Vigilium* tuum amare, quibusque eum ornare laudibus pergas. Quas etsi minime promerear, attamen de tanto conatus mei laudatore non possum non mihi gratulari. Atque eo solo præmio pro præteritis laboribus lubens sum contentus. In posterum verò semper magis atque magis enitar, quo aliquam saltem laudum tuarum partem vendicare mihi queam. Nam ad *Rodolphi* (7) famam vereor ne frustra aspirem. Cujus tamen exemplo confirmor, ne patriæ genium mihi ad hanc in studiis contentionem obstaturum credam. Et Deo certe illi, qui nostratia ingenia humo alligat, nec ea se ad aliquem in literis honorem attollere patitur, nunquam sacrificavi. Atque hoc ipsum ut vitarem, jam decimum tertium annum a patria exulo, cum sim adhuc intra eam ætatem, cui prætor restitutionem in integrum tribuit. Quapropter & valetudinem semper integram, nulloque unquam morbo vel attactam hætenus produxi, ut *Minintheadios*, ne sim minus verear. Quanquam minimè mihi mori grave esset cum *Virgiliano* Epitaphio, *Ostendent terris hunc tantum fata, nec ultra esse sinent.* Quod tuus amor immerito mihi tribuit. Senti quoque ex *D. Zasio* literis, quo me apud illum testimonio ornaveris, quippe qui me sibi successorem vivus asciscere dignatus est. Sed quid mihi in ea re sit animi, antea indicavi; & nunc pluribus *Zasio* respondeo, gratiasque diligenter ago. *Chrysostomo* quod scripseris gaudeo: ex ejus enim familiaritate, tua mihi epistola devincta, utilitatem non modicam concepi. Habet is integram *Cypriani* vitam a *Pontio* descriptam, habet & quosdam *D. Ambrosii* libros adversus *Arianos*, quos se communicaturum, si desiderabis, promisit. *Joannem Georgium Paumgartnerum* dignum tuo amore adolescentem duplici nomine beasti, & quod ipsum tua epistola fueris dignatus, & quod patri eum chariorem reddideris, commendando ejus in literis profectum. Hoc mihi crede liberalius educatum ingenium vix aliud reperiri, sum-

(7) *Rodolphi*] Intelligit *Rodolphum Agricolam*, de quo *V. Biblioth. Belg. & Suffrid. Petri de Script. Frisæ.*

110 VIGLII AB AYT TA ZUICHEMI

summaque est in ipso indolis bonitas, quam patris sedula diligentia, præceptorisque fidelis institutio, ad magnam aliquam frugem perducere contendunt. Mihi autem illi omnes magnas gratias agunt, quod meo patrocinio apud te illius desiderium adjuverim. Ego verò vicissim tibi, qui non ipse modò me amas, sed aliorum etiam erga me benevolentiam tuis beneficiis excoites. Quod ut & facere perpetuò pergas rogo. Multi autem sunt, qui me ob te amare cupiunt. Sed dum considero ætatem, perpetuaque tua in literis negotia, quam multi ad te scribant, quàm ipse rescribendo distringar, vix ipse meis literis nimis prolixis ignosco. Duo sunt tamen quotidiani, domesticique mihi interpellatores, quorum studio dudum a me satisfactum esset, nisi veritus fuisset, ne tibi sæpius negotium exhibens, semel malè a te audirem. Ignosces tamen mihi facilius, si cognoveris qui sint, & quàm arctè familiariterque illos diligam, quàmque sint nominis tui studiosi. Uni pater est *Petrus Grebowallius* (8) Flandriæ Quæstor, quem vulgò Receptorem generalem vocant. Est autem juvenis non solum nobilis & opulentus, sed etiam valde studiosus & doctus. Carmen pangit & elegans, & facile, plenumque sententiis, ut ipse præmaturam in eo sapientiam admiret. Præceptorem habuit Lovanii *Petrum Amicum* (9)

&

(8) *Petrus Grebowallius*] Hujus nominis est familia nobilis apud Flandros. *V. Sanderi Flandr. illust. tom. 3. p. 32. nov. edit.* Sed ibi confusa, obscuraque omnia. Ejus filius, de quo hic, nomine *Florentius* (apud *Butkens suppl. tom. 2. p. 318.* male vocatur *Laurentius*) Eques, toparcha de Berquin, Pleffis &c. primum Senator in provinciali Consilio Flandriæ, post in Parlamento Mechliniensi successit *Antonio Brancion* per literas patentes Caroli V. Imp. expeditas Bincii 9. Octobr. 1543. Habuit uxores duas, *Corneliam de Haemslede*, & *Adrianam van Halewyn*, filiam *Judoci*, toparchæ de Merkem, Sweveghem, Roosbeke &c. quæ illi supervixit. Ex utraque prolem reliquit, & obiit 8. Novembr. 1562. Epitaphium secundæ, quæ obiit an. 1570. etiamnum visitur in ecclesia Metrop. Meehlinensi in facello ambirus chori, ubi minor sacristia.

(9) *Petrum Amicum & Goclenium*] Priorem novi ex fast. Acad. Lovan. fuit enim J. U. D. & professor Ordinarius. Erat Zelandus ex oppido Tolensi; de posteriore, cui *Conradus* nomen est, *V. ad Vitam. N. XIV.*

EPIST. SELECTÆ AD DIVERSOS. 111

& *Geclenium*. Aureliæ cum *Beraldo* habitavit, deinde vero *Alciatum* unâ Biturigibus audivit. Cùmque mei semper valde amans fuerit, huc etiam in Italiam secutus est. Qui cum sæpe quæsiisset occasionem qua a me impetraret, ut se tibi commendarem, incidit nuper sermo ut de iniquitate nostratum hominum erga viros doctrina celebres querezer. Proferebamque inter cætera, quam injustè, tibi Cæsaream pensionem Quæstores, cæterique, qui rebus in inferiori Germania præsunt, denegent. Hic ille statim utinam (inquit) mihi patrique hæc gloria servetur, ut nos *Erasmi* gratiam hoc officio nobis lucrifaciamus. Lando animum atque dictum, hortorque, ut cùm tantopere dudum ad te scribere cupierit, hæc aniam amplectatur. Quapropter si tibi videbitur, ut ille hoc propositum exequatur, literis tuis consilioque juvenis studium instrue & adjuva. Pater vir est summa præditus non modò auctoritate, sed etiam humanitate, hujusque filii amans, cum tantum tantum præter hunc habeat, sed natu minorem, ut in isto maxima illi spes sit collocata. Alter cujus ad te epistolam cernis, quartum jam annum mecum agit, eumque ta vidisti. Est enim is qui cum *Glareano* (10) mecum ad te rediit. Hic *Consobrinæ Antonii Fuggeri* filius est, atque ejus sumptibus in literis alitur ob patris meritum, & Adolescentis indolem. Pater enim rationibus *Fuggericis* multos annos præfuit, eoque *Antonius* arctissimè utitur, cujus consilio & prudentia fortunam omnem administrat: dives & ipse cum primis, doctorumque hominum non infimus *Mæcenas*, nec latinæ linguæ imperitus, in qua ad me semper scribit. Id verò me sæpe & enixè rogavit, ut filium suum tibi commendarem. Voluisset id per *Antonium* tentasse, nisi ego illi magis idoneis visis fuisset, ad quem hoc etiam propriè pertinebat, cum cujus studia semper direxerim; eundem etiam hoc honore ornatum redderem, ut a te epistola dignaretur. Profecit autem satis feliciter in Jure Civili, cujus ego illi sum præceptor. In literis non sat rectè jacta fundamenta, quantum potui obiter corrigere studui, atque ad meliorum

(10) *Glareano*] *Henricus Glareanus* mathematicus apud *Erasmum* in epistolis dignoscendus, & ex *Franc. Sweetio* in *sel. orb. deliciis* p. 365. edit. *Colm.* 1608.

112 VIGLII AB AYTTA ZUICHEMI

rum authorum lectionem assuefeci. Ut sperem illum, etiam si non tantum sciat quantum *Cascellius Aulus* (11) in prætio tamen aliquando futurum. Tu ergo, incomparabilis Patrone, da hoc *Antonio*, da patris *Georgii Hermanni* (12) desiderio, da *Viglii* tui precibus, ut & hic adolescens epistolio aliquo tuo ad studia incitetur. Scis mei muneris esse, quod summa alacritate obeo, ut *Erasmi* nomen propagem. In quos autem hoc malim, quàm in eos, de quibus mihi aliqua spes est, & in quibus præclaram indolem video. Qui & senes aliquando renovare *Erasmi* memoriam poterunt, defendereque adversus eos qui larvas solent infectari. *Alciatus* si mille ducatorum salarium volet merere, huc est ad proximam hyemem migraturus. Tantum enim illi ab *Gymnasii* præfectis decretum est. Medici valde laborant de *Menardo* in *Matthæi Curtii* locum sufficiendo, nec ille se minoris conduci patitur. Spero nos habituros frequens & celebre *Gymnasium* proximo anno. *Sinapius* (13) tibi rescribet, ubi de *Menardo* certior erit factus. Est is Juvenis valde candidus, quique inter medicinæ studiosos primas ferè partes obtinet. Jussit autem, ut te multum salutarem. *Ephorini* consuetudo magnæ mihi est voluptati. Huic moribus simillimus est *Rupilius*, singulari quodam studio erga *Erasmum* nulli nostrum cedens. Bene vale. Patavii. 8. die Septembris, an. 1532.

(11) *Cascellius Aulus*] *Casellius Vindex*; optimus habitus consultus juris, de cujus erroribus dicitur scripsisse *Terentius Scaurus*, *Adriani* temporibus. Hæc *Janus Parrhasius* in illud *Horatii* de arte poetica:

Nescit quantum Casellius Aulus,
Sed tamen in pretio est. Car. Step. in dict hist.

(12) *Georgii Hermanni*] De quo prolixè egi in not. ad *Vitam*. N. XXI.

(13) *Sinapius*] *Joannes*, medicus, post *Ferrariam* migravit, cui *Joannem Langemantellum* condiscipulum antehac suum in *Gallia*, commendavit, cum *Ducis Bavarie* consiliarius effectus, *Juris* utriusque lauream in illa *Italiae* universitate expeteret. *Tom. 2. p. 204. 206. 210.* Exstant nonnullæ ad *Sinapium* epistolæ levioris ponderis. *Franc. Sweertius* habet in *Selectis orbis delictis* inter *Wirzeburgensia* pag. mihi 413. *Joannis Sinapii medici clariss.* epitaphium, non adscriptâ obitus notâ.

EPI.

EPIST. SELECTÆ AD DIVERSOS. 113

EPISTOLA XXXIV.

BONIFACIO AMERBACHIO.

Ex Tomo II.
fol. 156.

De Gregorii Haloandri immaturo fato, deque ejus operibus quæ eximie laudat. Varios libros mittit Zasius & Amerbachio. 1532.

Quarto idus Novembres Patavium veni. De Gregorii Haloandri (1) immaturo fato credo vos dudum certiores factos, octavo enim Septembris ex humanis discessit. Erat ipse per se valetudinarius, & de Veneto cœlo conquerebatur. Angebat

(1) De Gregorii Haloandri] Scribendum Haloander, uti Viglius in epistola nuncupatoria ad Carolum V. Imp. præfixa Institutionibus Græcis a se anno 1533. publicatis, in qua sic: „Quantum sibi gratiæ atque gloriæ Gregorius Haloander nuper „peperit, qui Pandectas, sublatis tot maculis, nævis, mendisque ad novam quandam venustatem redegit? . . . Novissimèque etiam Novellas primus omnium Græcâ Linguâ, „hoc est verè authenticas (sic enim sunt ab initio compositæ) publicavit, Latinâ quoque subjecta interpretatione, „longe certe puriore elegantioreque, quàm sit ea quâ vulgò in scholis utimur. . . . Fuit enim prior interpretes (quisquis is demum fuit) utriusque Linguæ æquè imperitus. „Utinam verò Haloander ille, ad hæc studia nostra juvanda „natus . . . pulcherrimis cœptis colophonem imponere potuisset! Nam eo consilio redierat in Italiam: sed vix ingressus, Venetiis miserè quasi in ipso consiliorum rerumque „præclararum portu extinctus est.” Ita apud Mettaire in *annalib. typogr. tom. 2. p. 801.* Ejus opera recensita invenio in *Biblioth. Cardinalis Imperiali*, verbo: *Corpus Juris Civilis*, his verbis: *Digestorum seu Pandectarum libri L. editi a Gregorio Haloandro. Norimbergæ per Jo. Petreum 1529. tom. 3. in 4.* Et verbo: *Justinianus* ita lego: *Novellæ Constitutiones cum Canonibus Apostolorum, Gregorio Haloandro interprete. Accedunt Loisarii, Conradi, Friderici II. & Henrici Imperatorum Constitutiones. Parisiis per Guillelmum Merlin. 1562. in 8.* Et apud Mettaire cit. p. 574. *Institutiones Juris, ex castigatione Gr. Haloandri. 1536. in 16.*

Tom. II.

P

124 VIGLI AB AYTTA ZUICHEMI

gebat autem hominem non modo jactura amisse vel furto substractæ non levis summæ pecuniæ, sed etiam negligentiae infamia, cui accessit sollicitudo librorum qui tardius reddebantur. Porcisset tamen vixisse nisi novitii cujusdam medici, qui hic nuper erat laurea insignitus, imperitia, incisa vena præloquens natura ferret sanguinis febricitanti elicitam fuisset. Ubi periisset *Lazarus Bonamicus* & *Georgius* quidam *Lagus*, nescio cujus mandati familiarisive prætextu, Venetias hinc profecti sunt: Scilicet ne quid detrimenti ejus memoria in dissipata bibliotheca pateretur. Librorum inventarium ab his confectum est, sed adhuc nequivi impetrare ut inspicerem. Quantum vero damni hujus obitu studiis nostris accesserit, facile colligi potest, si quæ paucis annis ab eo elaborata sunt in communem utilitatem, perpenderimus. Et majora procul dubio hoc in Italiam reditu meditabatur, si quid tamen potest majus præstari, Pandectarum emuncta emendatione, novellarumque græcarum publicatione. De studiis hujus Academiæ nihil adhuc possum certi præscribere, nec enim omnes adhuc audire mihi licuit. Et quid de his sentiam quos audiui, tam celeriter judicare non audeo: sustinebo itaque isthæc in aliud tempus, alteriusque epistolæ materiam. An *Probeni* Venetiis institorem aliquem haberent, nondam potui intelligere, habet tamen *Bebelius*; ipsamque brevi huc venturum audiui. Quod utinam fiat, ut cum eo consilium ineam, qua ratione crebrius ad te scribere hinc queam. Istas vero literas serius ad te venturas non dubito. Mitto enim unâ sarcinam librorum ad *D. Zesum*, quæ eas forte longius remorabitur, illi vero addidi aliquod ad te libellos: *Hieronymi Fracastorii* (2): de morbo

(2) *Hieronymi Fracastorii*] Erat nobilis Veronensis, poëta & medicus, de quo singularia Vide apud *Niceronium* tom. 17. p. 264. Sufficiat breve elogium quod illi scripsit *Spondanus* ad an. 1553. his verbis: „Octavo Idus. Augusti *Hieronymus Fracastorius* Veronensis, ex apoplexia, septuagenario major, (obiit) qui ad exactam Philosophiæ & Mathematicarum artium, ac præcipue Astronomiæ cognitionem, summum judicium & admirabile ingenium attulit: & Medicinam, ut honestissime ac citra lucrum, ita felicissime exercuit.” De hoc felici exercitio artis Medicæ *V. Niceron. cit. p. 270.*

EPIST. SELECTÆ AD DIVERSOS. 115

bo gallico carmen non inelegans: *Augustini* item *Niphi Sueffani* (3) de auguriis opusculum, tum *Andreae Naugerii* (4) orationes, & nonnulla carmina, quem mortuum in Francia vidi (5) & hic celebrantur inprimis. Misi vero ideo ut cognoscas quid Itali mirentur, & quos nostris opponant, quidve post novum annum, multasque lituras tandem illi efficiant, qui nostratum in edendo celeritatem multis conviciis impetunt. De *Cadmea* illa pugna penè incredibilia hic narrantur. Hic etiam Turcam ajunt Epiro Dalmatiaeque littori dira minitari, nam de Methone expilata Venetis indignatur, qui mare illud ex fœderis lege ab quorumcumque vexatione sua classe tutum reddere debebant. Vale. Patavii Calend. Decembr. 1532.

seq. Porro ejus carmen de morbo Gallico hic laudatum, habet hunc titulum: *Syphilitis sive morbi Gallici libri tres. Verona 1530.* & alibi sæpius; quem ejus fetum laudavit quoque *Samazarius*, ut ut alienæ laudis avarus. *Niceron. ibid. p. 274.*

(3) *Augustini Niphi Sueffani*] Etiam *Miræus in script. sec. XVI.* eum *Sueffanum* (vulgo *Sessa*) alique scriptores passim, faciunt. Sed contradicunt *Baylius in Dict. & Niceronius tom. 18. p. 52.* qui ostendunt eum Calabrum fuisse ex oppido, vulgò *Jopoli*. Porro fuit celeberrimus sui ævi Philosophus, de quo Auctores jam citari multa, quæ nihil ad nos. Libellus hic citatus, sunt *de Auguriis libri duo. Bononiæ 1531. in 4.* & alibi sæpius. *Cet ouvrage est peu de chose.* inquit *Niceron. p. 69.*

(4) *Andreae Naugerii*] Seu *Navagiero*, qui nobilis Venetus; de quo pariter consulendi sunt *Baylius in Dict. & Niceron. tom. 13. ac. 20. in quo ultimo p. 68. citatur, Andreae Naugerii Orationes & Carmina. Venetiis. 1530. in fol.* Fuit vir sui temporis doctissimus.

(5) *Mortuum in Francia vidi*] Nempe Reip. Venetæ nomine ad *Franciscum I.* Galliarum Regem missus, obiit Blesis (*Blois*) die 8. Maii 1529. ætat. an. 46. functus antea legatione longa apud Imp. *Carolum V.* in Hispaniis. *Auctores cit.*

116 VIGLII AB AYTTA ZUICHEMI

EPISTOLA XXXV.

Ex To-
mo II.
fol. 164.

FRATRI MICHAELI (1) AD S. SULPITIUM BITURIGIBUS.

1532. *De Caroli Sucqueti morte acerbè dolet, ejusque animam commendat precibus F. Michaelis. De Lutheranis & Concilio Tridentino indicendo.*

TRiste mihi in præsentia, Venerande pater, argumentum ad te scribendi oblatum est. Et vereor ne tu dum leges lachrymas vix contineas. Nam si commoveri solemus si quid rerum nostrarum amisimus, quarum tamen jactura aliunde resarciri potest, quid fiet ubi tale aliquid periit, cujus in hac vita nulla charior possessio esse potest? Ego autem nullum thesaurum pretiosiorum duco, quàm sit fidelis amicus. Est autem & inter ipsos amicos aliquis gradus, alium enim alio magis amplectimur. Sed hoc cujus casum nunc deploro, nullum fane unquam magis intimum habui, cujus tu esse testis potes, qui consiliorum officiorumque, quibus alter alterum sustinebat, conscius particepsque semper fuisti. Quid differo longius? *Carolus* nostrum Taurini decessisse nuntiatum est. Quod adeo equidem acerbè tuli, ut multis diebus solita studiorum officia exequi nequiverim. Quorum cum ille mihi semper jucundissimus fuisset comes, non poterant non unà mecum ipsa conjunctissimi sodalis casum dolere. Nec adhuc satis animum recolligere possum, nec a fletu me temperare: nec ullum video mœroris mei nisi in ipso tempore levamen. Quod tamen eo lentius malum hoc mitigat, quo illius amor altiores in animo meo radices egit. Hoc unum a te enixe precor, charissime Pater, ut tua tuorumque oratione animam ipsius Deo commendes, hoc.

(1) *Fratri Michaeli*] Videtur mihi fuisse monachus Benedictinus Abbatiae S. Sulpitii Biturigibus, Congregationi S. Mauri unitæ, cujus abbates triennales nunc sunt. *K. Gall. Christ. tom. 2. col. 126.*

EPIST. SELECTÆ AD DIVERSOS. 117

hoc enim solum officium superest quod mortuo præstari ultra possit. Res in Germania adhuc in eodem sunt statu. Pontifex & Cæsar Bononiæ convenerunt. De Concilio indicendo agitur, sed vix aliquid fiet, adeo omnium animi, qui licentiæ suæ frænum impositum iri metuunt, repugnant, & Lutherani adversus veterem Conciliorum consuetudinem, novam formam cupiunt præscribere. Volunt enim eosdem iudices esse, quos ipsi sibi adversarios constituerunt, id est, Episcopos & cæteros ecclesiastici ordinis. Quid futurum sit divinare non possum. Deus opt. Max. hoc quod agitur fortunet. *Andreas Auria* sælieiter pugnavit adversus Turcas, magnam quippe Peloponesi quam Moream vocant partem recuperavit ab hoste, magnamque ulterius progrediendi spem concepit, si Cæsar auxilia submittere perget. Ego hîc ad proximum usque Septembrem morari, ac inde visa Roma in patriam redire decrevi. Quocunque me fortuna feret tui memoriam mihi jucundissimam mecum circumferam, & mei vicissim conabor in vestra Bibliotheca erigere, cum Deus volet. Vale. Postridie Natalis Domini anno 1532.

EPISTOLA XXXVI.

ERASMO ROTERODAMO.

Ex Tomo II.
fol. 170.
vfo.

Quod Amerbachium scire cupiebat, per Erasmus mittit. Significat se publice profiteri Patavii. De Cæsaris cum Pontifice congressu Bononiæ. 1533-

POst eas literas, *Erasme* doctissime, quas per *Heresbachium* ad me dedisti, nullas a te accepi, cum tamen fasciculos aliquot miserim, ac de iis rebus ad te scripserim, ad quas sperabam te non gravate responsurum. Quapropter vereor ne literæ meæ non satis diligenter curatæ, neve tibi non sint redditæ. Quod valde cupio cognoscere, ut eadem vel iterum tibi significem, vel epistolas neglectas ab iis, quorum curæ ipsas commiseram, requirere possim. In præsen-

118 VIGLII AB AYTTA ZUICHEMI

tia autem erat quod *Amerbachium* scire cupiebam, & nuntius quidem ad te perlaturum se literas recepit lubenter, ut verò Basileam curaret, haud æque paratum se exhibuit. Itaque fuit mihi necesse tuam operam poscere, & propere proindeque impolitius ad te scribere. Cupiebat autem ex me scire *Amerbachius*, an Venetæ officinæ *Ciceronis* molirentur editionem. Quod scire certò adhuc non potui, vix tamen arbitror. Emendationes *Ciceronianorum*, quod præterea ille requirebat, difficile hic est nancisci, citiusque clavam ab Hercule. Habeo tamen quædam in epistolas ad *Atticum*, quæ non levis mihi momenti esse videntur; eaque lubens missurus sum. Institutiones græcas descriptas privato nunc jure possideo, ac de iis etiam excudendis scripti ad *Amerbachium*. Non ausus fui antea tibi significare me suscepisse publicam hic profitendi provinciam, quæ, ut olim Prætorum nostrorum imperium & Jurisdictio, anno terminatur. Hæc mihi adhuc mediocriter succedit, & hætenus utcunque adversus Italici Collegæ (quem *concurrentem* vocamus) ambitionem & invidiam substiti. *Sucquetum* studiorum meorum unicum sodalem, & quocum mihi artissima semper a puero fuit amicitia, nuper Taurini immaturum fatum sustulit. Quo mihi nil potuit acerbius accidere. Idque multo ante animus præfagebat, conatusque sum illum multis inde epistolis avocare; sed nihil profeci. *Logus* de cujus abitu tibi scripsi, rursus hîc expectatur, & nuntiatum est nobis, Comitibus cujusdam filium instituendum suscepisse, hucque distento marsupio rediturum. Cæsar adhuc est Bononiæ cum Pontifice (1) ac nuper illuc advenire legati a Francorum Rege *Franciscus a Turnone* (2) Cardinalis, ac alter Episcopus ni fallor, Terbiensis. (3) Quid consultant non satis vulgo scitur. Ajunt tamen, Cæsarem peractis illic nuptiis inter familiam

(1) Pontifice] Clemente VII.

(2) *Franciscus a Turnone Card.*] vulgò *De Tournon*, Gallus creatus a Clemente VII. Cardinalis an. 1530. die 19. Martii de quo consule *Ciaccon. tom. 3. col. 506. & seqq.*

(3) *Episcopus Terbiensis*] lege *Tarbensis*; *Tarbe* civitas est Galliarum, Latine *Tarba*, Bigerronum (*La Bigorre*) caput ad Aturum fluvium (*L'Adour*) in Novempopulania, sub Auxitana (*Auscb*)

EPIST. SELECTÆ AD DIVERSOS. 119

nam suam & *Alexandrum* Florentiæ Ducem, Mediolanum concessit. Plura non licuit per temporis angustiam, quæ rogo boni ut consulas, ac ad nos tuarum literarum cupidissimos vicissim aliquid scribas. Vale. Patavii xxx. Calend. Februarii 1533.

EPISTOLA XXXVII.

BONIFACIO AMERBACHIO.

Ex To-
mo II.
fol. 172.

De nova Ciceronis editione, atque de emendationibus epistolarum ad Atticum. De Institutionibus Græcis edendis. De metodo Juris interrogat. 1533.

Nudius tertius mihi reddita est epistola tua Eruditissime *Amerbachii*: exemplum autem ejus una hebdomada citius. De adversa valetudine tua prius audieram, & jam te convalescere, vel convaluisse potius, ex animo gaudeo. Cupio enim te diu superstitem & incolumem esse, ac amicitia tua longissimè frui. De *Ciceronis* negotio serius fortassis admoneo, sed quæ possum aliter, cum tardissimè tuæ literæ sint redditæ. De illo *Veneriis* excudendo nihil compertum adhuc habeo, quanquam parturire aliquid *Ciceronianos* sæpè audiui. Sed *Aldi* officina hoc tempore sæpius abortum facit, ac pleraque concipit, atque etiam incipit, quæ tamen, nescio an inopia an incuria, ad exitum nunquam perveniunt. Tantum nunc est rumor de epistolis excudendis, quarum amplius *Afulanæ* tabernæ exemplaria non suppetunt. Ut annotata vel emendata communicent, nec sperare audeo nec rogare a quoquam istorum, adeo suis incubant. Citius ve-

ro

(*Ausf.*) metropoli. *Gall. Christ. tom. I. novæ edit. col. 1224.* la erat *Gabriel de Gramont*, qui 8. Junii 1530. a *Clemente VII.* pariter renunciatus fuit Cardinalis, quod *Viglius* videtur ignorasse. Miror Auctores *Galliæ Christianæ* id latuisse. Certe illi de Cardinalatu nihil loc. cit. col. 1239. Obiit anno 1534. 15. Martii. *V. Ciaccon. tom. 3. col. 519. De utriusque legatione Spondan. ad an. 1533. n. 2.*

220 VIGLII AB AYTTA ZUICHEMI

ro aliquid nanciscar si de editione apud istos nihil meminero. Habeo autem innumeras & non contemnendas emendationes in Epistolas *Ciceronis* ad *Atticum*, communicatas mihi a studioso quodam. Eas libenter tibi tradam, ac ubi nuntium magis certum habuero ad te mittam, daboque sedulo operam, ut, si qua ratione possim, alia nanciscar. Tu modò significa intra quod tempus debeam mittere, si quid habuero. Expecto etiam a te quid de Institutionibus græcis velis me facere. Cupio enim eas in lucem emittere, & inprimis ex celebri aliqua officina prodire. Præfationem statui longiusculam addere, quò utilitatem operis commendem, & ad conquirenda græcorum commentaria in Jus nostrum, Latinis hisce nostris longè antiquiora, Studiosos cohorter. De Methodo expecto ut plenius rescribas, atque etiam rogo. Ego enim valde scire cupio, & quid sit Methodus, & qua via ad eam pervenire possimus, vel quomodo ad ipsam immensum hoc Jus nostrum redigi. *A. Eporinus*, atque *Agnini* * te resalutant. Bene vale Clarissime *Bonifaci*. Ex Patavio XVIII. Calendas Februarii anno 1533.

* *Marcus*
& *Hieronymus*,
fratres.

Ex Tomo II.
fol. 175.

EPISTOLA XXXVIII.

JOANNI CHOLERO.

1533. *Præmissis urbanitatis officiis, laudat Heresbachium. De Græcis Institutionibus edendis, & Cæsari nuncupandis deliberat. Erasmi apologiam edendam censet, ejusque amicitiam aliorum simultatibus anteponit. Cogitat de Assessorio munere in Camera Imperiali.*

Valde sim incivillis, Præposite dignissime, si præterquam quod meis te literis, fasciculisque toties fatigem, audeam etiam imperosius responsionem exigere ab homine, cujus ego cùm dignitatem, tum verò eruditionem & multijugas dotes semper suspexi, & præterea valetudinario. Scribe itaque dum lubet, dum licet; & me non puta intempesti-

vum

vum flagitatore, sed tamen eum, qui tuis literis impense delectatur. Utinam illas manicas pedicasque posses aliquando omnino excutere. Remedium miror te non quærere, quo saltem lenias minuasque malum, quod tolli nequit. Quid *Heresbachium* (1) adegerit, ut aliò iter flecteret, cogitare non possum, cum ipse Augustæ invisendæ apprimè se cupidum ostenderet. Miror autem illum nihildum ad me scripsisse, quo fit ut illi non nihil metuam. Est sanè vir, cujus tibi consuetudo grata fuisset. Prælectionis munus utcunque sustineo. Porro eo sum excitatus, ut de græcis Institutionibus indagandis cogitarem, & foeliciter mihi successit venatio. Nactus sum enim, & privato jure descriptas possideo, facturus eas brevi publicas. In illis autem multa comperio dilucidiora, planiora, expressiora, quam in latinis. Arbitror te apud *Politianum* legisse in Miscellaneis earum elogium, & ego illud in præfatione explicabo diligentius. Fui autem nuper Bononiæ, atque illic amici hortati me sunt, ut Cæsari nuncuparem. Quid facturus sim nondum statui. Nec videtur mihi absurdum ut Imperatori Imperiales dedicem Institutiones, quò cum majore exeant autoritate. Italos tamen illam rem hic celo diligenter, nec enim scio, an æque laturi sint ab homine Germano possessiones suas occupari. Ab *Erasmo* accepi literas datas nonis Novembris, ad quas illi per *Bebelium* Typographum, qui hic est, rescribam. Is narrat illum constituisse Basileam remigrare, quo consilio non satis scio, & in quam partem hoc plerique accepturi sint dubito. Ipse apud me queritur de adversariorum petulantia. De Apologia, cujus mihi meministi, nihil mihi satius videretur, ut semel satisfaceret omnibus & se ipsum rude donaret, nec toties in palæstram illam cum tot monstris descenderet. Quod de Italis scire cupis, accipe in summa. Ex doctis nullus ex animo favet illius eruditioni. Monachi ubique sunt Monachi, nec minus hic oblatrant quàm in Hispania vel Gallia. In Palæneis ad me epistola nonnihil mihi hic invidiæ conciliavit. Sed tamen *Erasmi* amicitiam horum similtate antiquiorem habeo. De publicis rebus, id est, Bononiensi conventu, certiora vos habere puto, quàm ego

(1) *Heresbachium*] V. Inf. ad Epist. XL,
Tom. II.

122 VIGLII AB AYTTA ZUICHEMI

ego queam scribere. Expertus autem sum illic miram erga me humanitatem D. *Matthiae Helds*. Is hortatus est & adiutorem se obtulit, ut ad Cameram Imperii animum adjicerem, quod equidem mihi non displiceret, si auderem successum sperare. Scis adolescentes mihi commissos jam in viros evadere, nec mea amplius institutione indigere. Et ego mihi satis diu in Scholis versatus videor. Et dispiciendum mihi puto, quò me primum conferam. Scio difficile esse mihi in superiore Germania conditionem nancisci, cum linguam non satis calleam: sed tamen eam exactius discere non gravarer, si bona fortuna alicubi sese offerret. Assessorium munus nescio an ferre possem: tamen pro virili eniterer, si quis tanti se beneficii authorem mihi offerret: me sane gratum memoremque semper esset habiturus. Sed de hoc plura; si videro te non gravari tuum mihi in hac dubitatione consilium impertiri. Vale *Cholere* patrone mihi semper colendissime. Patavii 10. Februarii 1533.

Ex To-
mo II.
fol. 177.

EPISTOLA XXXIX.

LEONARDO LANGEMANTEL (1).

1533. *Eleganter expetit Leonardi amicitiam ac literarum commercium. Fratrem Ulricum extollit. Carolus Sucquetus quo die mortem obiit. Statuit e schola in forum prodire.*

Cum tam familiariter quotidie fratre tuo utar fruarque, *Leonarde* ornatissime, non potui omittere, quin tecum etiam aliquando colloquerer, præsertim cum tu mihi aliquando visus sis meam amicitiam non contemnere; & ego tuam studiose semper ambiverim, non modò officiis tuis, sed etiam virtutibus provocatus. Nam integritatem & candorem quibus

(1) *Leonardo Langemantel*] Is fuit patricius Augustanus, in Ducis Bavarie consilium postea adscitus. Vide infra ad epist. *Udalrico* fratri inscriptam, & e *Dulmania* datam an. 1534.

EPIST. SELECTÆ AD DIVERSOS. 123

bus te præditum cognovi, in paucis est reperire. Civitas verò humanitas est. Omnes enim homines ferè honori & gratiæ inserviunt, & officiis imprimis conciliare sibi benignitatem cupiunt: sed qui hoc esse studeant, quod videri volunt, ac non ex suo usu, sed ex animo amorem comparent, rariores sunt quàm (ut ille inquit) Thebarum portæ. (2) Quo major iustiorque est causa, quare a te amari optem, qui tuam benevolentiam, synceram & multis dotibus ornatissimam esse sciam. Qualem & fratris tui quotidie magna voluptate experior, ut & hic verè vos esse germanos liqueat. Hæc verò amandi satis magna est causa: verum illa est etiam in præsentia scribendi, quod te, licet extra literarum castra versantem, animo tamen semper ad studia procincto esse intelligam, & eorum qui olim sub iisdem pellibus tecum militarunt (3) memorem te subinde esse existimem. Ex quorum numero cum sim & ego, boni te consulturum credidi, si epistola aliqua, quod tu per te facis, ut lubentius facias, & facere pergas, te admoneam. Fratrem verò *Ulrichum*, ubi hic propius nosse cœpi, cœpi simul & arctius amplecti, doleoque illum mihi non æque antea cognitum fuisse, & tanta voluptate præterito tempore caruisse, quam nunc uberrimam ex ipsius consuetudine percipio. Ut omittam enim morum suavitatem, animi candorem, amicitiae fidem, plurimum me diligentia ipsius oblectat, qua non modò Juri Civili, sed literis etiam, dulcissimis gravioris cujuslibet disciplinæ comitibus egregiè satisfacit. Disputat enim unà non modò lubenter & amicè, sed etiam acutè & doctè de difficillimis quibusque legum quæstionibus. Ac non tantum me tardiusculum excitat plerumque, sed etiam nonnunquam, & parum memorem monet, & errantem in viam reducit. Quid quæso tali consuetudine jucundius, utiliufve esse possit? Ac gaudeo me etiam habere in eo exemplum, quod eis, qui meæ curæ commissi sunt, proponam. Nec deest etiam

nobis

(2) *Rariores quàm Thebarum portæ*] Thebæ nempe in Ægypto centum portis fuere insignes, unde & hæc civitas Hecatompylos cognominata fuit. *V. Car. Steph. in Dict. histor.*

(3) *Sub iisdem pellibus*] quòd iisdem studiis operam simul dedert in Gallia sub *Alciato*.

124 VIGLII AB AYT TA ZUICHEMI

nobis in literis materia, in qua pariter ingenium exerceamus, exhalaremusque. Nam hic *Ciceronianorum*, id est, eorum qui *Ciceronem* unice imitandum esse præcipiunt, secta maximè vigeat, vicissim aliquando partes alteras defendendas suscipimus. Tamen ille mihi in Italorum sententiam magis inclinatus esse videtur. Senti enim illi *Ciceronem* multum cœpisse placere, quem & legit diligenter, & exprimit eleganter. Quamobrem si quid ipse iudico, numeraturi aliquando eum sumus inter eos, qui exactæ doctrinæ laudem merentur. Debes ergo tu gaudere tam eximie spei ac indolis fratrem contigisse, ut ille de te vicissim sibi gratuletur. De *Suqueto* arbitror tibi ab illo perscriptum III. Non. Novemb. decessit Augustæ Taurinorum. Amicorum nullus adfuit præter unum *Cneisellium*, cui illic conditionem satis bonam pararat. Quo casu nihil mihi potuit contingere acerbius, quod tu ipse existimare ex mutua nostra amicitia potes, quam a pueris natam studiorum communicatione atque omni officio & necessitudine ad extremum spiritum perduximus. Nec desiderium solum mihi reliquit cum acerbissimo dolore, verum etiam metum iniecit; nam & ego Italiæ non satis fido, ideoque & studia mea absolvere magis festino, quò me hinc maturius subducam, prout & ætas ipsa jam me admonet, ut aliò studia mea flectam, & ex scholastica umbra in forum prodeam. Bene vale, & me amare perge. Patavii VIII. Calend. Martii anno 1533.

Ex Tomo II.
fol. 179.
vfo.

EPISTOLA XL. BONIFACIO AMERBACHIO.

1533. *Methodo Juris ab Amerbachio proposita refragatur. De Institutionibus græcis a se publicandis. Amicitia cum Matthia Heldt contracta. Heresbachio scribit.*

DE Methodo videor mihi prope intelligere quid velis: sed tamen non desinam refragari, quò vel te in meam traham sententiam, vel in tua, rationibus convictus, firmitus con-

consistam. Credo te in aliquam partem methodi ordinem admissurum. Is si non adeo exactè ubique in Jure nostro constabit, meminisse te oportet, omnes artes æquale non recipere artificium. Quædam quippe sunt scientiæ, quæ Dialecticas demonstrationes & continuum illum traditionis ductum magis admittant; quædam quæ tantis se concludi angustiis recusent: & in quibusdam accuratior, in quibusdam rudior Methodus apparet: & aliquando certè est quidem Methodus, sed latet cum quis per transennam præteriens aspicit: sin intus penitusque remotis cancellis eam perquirat, tum sese clarius exhibet. Verùm hanc disputationem non ingrediar, sed sustinebo, quoad tu quæ sentis latius atque uberius explices. Quod rogo, quando etiam sic instruxisti atque promissisti, perficere ne graveris. Ego, mi *Bonifaci*, ut verum fatear, rudi sum Minerva: quæ tamen ipse meo ingenio consequi nequeo, libenter ex aliis disco. Atque ideo subinde refragor, quò aliis occasionem instruendi me, quod scire cupio, subministrem. Miror te literas meas quibus de Institutionibus græcis (1) admonui non accepisse. Bis enim de ipsis ad te scripsi, & eas emittere gessio, sed quò exeam emendatius, tuo consilio atque auxilio uti decrevi. Conscripsi quæ præfationem in eas longiusculam, & Cæsari inscripsi, nec quicquam restat, nisi ut tu mandes ut mittam librum, & si potes viam indices qua tutò ad vos perveniat, cavendum enim ne hæc nobis præda elabatur. Celebre apud omnes est *Frobenianæ* officinæ nomen (2) cui gratificari inprimis cupio, sed tamen tu facies quod voles. Privilegium impetrare mihi non fuisset difficile, si de tua voluntate certior factus fuisset, proximis enim diebus excurren Bononiam ubi Cæsar, Pontifexque colloquebantur; & magna ibi mihi intercessit familiaritas & amicitia cum *Matthias Heldt* (3) Cæsareo Procancellario, qui se facilem futurum promissit, si quid tale etiam postea postulabitur. Habere-
que

(1) *De Institutionibus græcis*] dixi nonnulla in Not. ad Vitam N. XIX. §. 1. & 2. de quibus V. inf. Epist. XLV. ad Erasmum.

(2) *Frobenianæ officinæ nomen*] V. Not. ad Vitam sup.

(3) *Matthias Heldt*] V. Not. ad N. XXV.

126 VIGLII AB AYT TA ZUICHEMI

que se ait *Probenianæ* officinæ multa privilegia, a *Beato* (4) ut arbitror, relicta. Tu ergo cura ut negotium hoc matures, nam eo absoluto ad alia accingar promptius. Mitto ad te epistolam quam velim si qua ratione potes certò perferendam cures. Nosse te puto *Hæresbachium* (5) cui inscripta est. Si aliter non potes eam mittere, cura eam reddi Coloniae Doctori *Joanni a Dockum* (6) Frisio, qui eum familiariter novit. Vale. Patavii VIII. Calendas Martii 1533.

Ex To-
mo II.
fol. 181.

EPISTOLA XLI.

JOANNI CHOLERO (1).

1533. *Animum contra corporis morbos erectum esse debere,
De Institutionibus græcis, & de sua institutione
Jurisconsulti, quid meditetur.*

Habet hoc in se boni morbus diuturnus, & identidem recurrens, quod animum ad patientiam indurat, ac adversus repetitos impetus, ægrum, ut se præmuniat com-
mo-

(4) à *Beato*] Is non *Beatus Rhenanus*, sed *Beatus Arnoldus*, Cæsaris Secretarius. V. Brasmi Epist. col. 1705. novæ edit.

(5) *Hæresbachium*] Conradus Heresbachius, in majorum suorum Heresbachiano Castro Clivenfis ditionis natus sub an. 1508. *Joanni* Duci a consiliis quinquaginta annorum spatio, obiit 14. Octobr. 1576. ætat. 68. P. Freber. in theatr. p. 871. Fuit trium linguarum peritus, ut scribit, *Jac. Le Long Bibl. Sac. tom. 1. in indice Alphabetico auctorum* ubi dicitur psalmos ex Hæbræo Latinos fecisse. V. Niseron. tom. 27.

(6) *Joannes à Dockum*] sive Doccumenfis, de quo ad Vitam N. XXVII.

(1) *Joanni Cholero*] præposito Curienti, quo uno nec inter amicos habuit *Erasmus* quemquam candidiorem, nec inter patronos magis invictum, uti testatur ipse. V. Epist. col. 1745. C. Viglius autem, cum ejus dignitatem, tum verò eruditionem, & multijugas dotes, semper suspexit (tom. 2. p. 175. ac varias ad eum literas dedit.

EPIST. SELECTÆ AD DIVERSOS. 127

monefacit. Proinde multo melior est studiosorum * docto-
rum hominum quàm cæterorum conditio, qui ex libris &
lectione Philosophorum, remedia sibi parare possunt, cum
vulgus nihil habeat quo se consoletur, quàm lachrymas &
planctum, mitigari enim malum credit, si in astantium sinum
suspiria sua perfundat. Quorsum, inquis, istud? Quoniam
mi *Cholere*, cum corporis sit immedicabilis morbus, animum
tamen semper sanabilem esse cogites. Quid ergo restat, quàm
ut animo tecum subinde reputes, quomodo te adversus Po-
dagræ cruciatus armes? Et multi sanè sola assuetudine do-
lores omnes semel contemnere didicerunt. Multa autem
passim in Sapientium libris hac de re scripta occurrunt, quæ
neque recitare, neque commonstrare tibi opus habeo, ne
illud tritum audiam, sus Minervam. Porro nulla major tibi
consolatio esse debet, quàm in tuis virtutibus, quæ te apud
omnes ordines gratiosum faciunt. Quid enim dicam quan-
tum fructum voluptatis ex eruditione tua referas, ob quam
apud omnes doctos in magno es prætio? Quid si te rogem,
hisne malis carere gaudiis, an illis doloribus? Haud equi-
dem arbitror, corporis te sanitatem tantis animi bonis præla-
tutum. Adde quod neque continuus est morbus, neque
adeo gravis esse potest cum sit longus. Scis enim illud si
rectè meministi Stoicorum, *si longus levis, si gravis brevis*. Quid
autem tibi ad sælicitatem deesset, si hocce malo liberatus
esses? Ergo, mi *Cholere*, cogita hanc amaritudinem inter
tot, ut ita dicam, dulciaria devorandam tibi esse. Quod
mihi de isthoc qualicunque profitendi munere gratularis habeo
gratiam. Nescio sanè quanta cum laude: sed tamen cum
aliqua mea utilitate, hoc munere hætenus functus sum, quæ-
que docui sedulò annotavi, ut si relecta aliquando placerent,
edere possem. Nam fato quodam Institutionum mihi argu-
mentum oblatum fuit, videlicet, ut græcæ me autore pro-
dirent, & latinas profiterer publicè ac privatim, & ipse
nescio quid olim haud dissimili argumento de institutione Ju-
risconsulti conscriberem: quod tamen nescio an edere au-
deam, vel si ita mihi aliquando animo federit, in dialogis
reformare constitui, scis enim sic plus gratiæ inesse, & peri-
culi minus, cum diversæ sententiæ diversis rationibus pro-
poni possint, de hoc plura aliquando tecum præsens, nam
meum

* forte
supplend.
ac aut et.

128 VIGLII AB AYTТА ZUICHEMI

meum institutum tibi probari magnæ mihi est voluptati. Vale.
Patavii. Calendis Martiis, an. 1533.

Ex To-
mo II.
fol. 184.
vfo.

EPISTOLA XLII.

GASPARI URSINO VELIO.

1533. *Jurisconsultos suæ ætatis, nec latine loqui, nec
gracè scire, permitti.*

Literas tuas habeo gratissimas, Doctissime *Veli*, nec est ta-
men quod verearis, ne quid tuâ morâ vel silentio offen-
dar, scio enim in quo strepitu verferis, quantam curam &
occupationes sustineas, easque serias, & (ut sic dicam) mo-
mentosas, ut facile tibi ignoscam, si non paria statim in
scribendo nobiscum facias, qui hic Scholastica vita fruentes
otio abundamus. Imò etiam sæpius literis nostris te inter-
pellaremus, nisi magis tuorum negotiorum, quàm nostri hujus
otii rationem haberemus. Quaquam tamen ad te scribendi
argumentum non semper suppetit, mihi præsertim, horridum,
difficile, ac amusum disciplinæ genus sectanti, atque nunc
etiam profitenti, quod nos scilicet non modò ab aliarum bo-
narum literarum, quæ eruditos invicem conciliare solent,
cultu ac commercio alienat, sed qualemqualem etiam olim in
ipsis adolescentiæ studiis partam facultatem subtrahit. Quan-
quam rursus, humanissime *Veli*, ad te, eo scribo lubentius, quod
confidam maximè te literarum mearum ineptiam amicitiae con-
donaturum. Nam eruditionem absurdum fuerit si ab Juris-
consulto hujus ætatis exigas. Scis enim quàm hoc nostrum
genus hominum, quasi ex composito ineptum est, & in suis
tantùm controversiis loquax. Ut sæpius votum mecum fa-
ciam, quo tandem existerent aliqui, qui, cæteris studiis nunc
fœliciter renascentibus, instaurandæ quoque Jurisprudentiæ
operam navarent. Scis enim quanta veterum Jurisconsultorum
fuerit puritas, elegantia, atque etiam eloquentia, nec tan-
tùm liberalium disciplinarum, quæ ad graviores artes aditum
patefaciunt, verè utriusque etiam linguæ peritissimi. At
hodie

- hodie si quis latine loqui conetur, clamant nostri, Grammaticum non Jurisconsultum esse. Si græce etiam discat, vel sciat, quasi portentum abominantur, & tamen textus ipse Legum, a quarum autoritate tota nostra pendet scientia, antiquam illam & Romanam puritatem redolet, & græcâ linguâ multa in Jure constituta sunt, quæ aliquando spes esset lucem visura, si quis ipsorum studiosus, nobis investigator contingeret, quo certè pacto sperarem, doctissime *Veli*, ut nos aliquando resipisceremus, & nostram disciplinam cum literarum studiis, quæ vos magna & immortalī laude tractatis, propius conjungeremus. Vale. Ex Patavio. an. 1533.

EPISTOLA. XLIII.

WILHELMO A TRANTMONSDORF (1).

Ex Tomo II.
fol. 186.

Effuse, amanterque gratulatur Wilhelmo de reditu a peregrinatione Hierosolymitana. Terræ sanctæ elogium. Peregrinationis pericula. Ea a Deo inspiratur. Ejus antiquitas, ac meritum, si bene utaris. Qui culpandi dum peregrinationes suscipiunt. Batavi taxati. Wilhelmus quia Canonicus Salisburgensis, non petita venia, peregrinatus est, an parte præbendæ mulctandus. Equester ordo Hierosolymis confertur peregrinis, genere, moribusque præcellentibus. Qui appellandi equites, & illi quotuplices, & qui præstantiores. An, & qualis militia Clericis licita. Wilhelmo bona cuncta a Deo precatur. 1533.

SEra (inquit Cicero) gratulatio repræhendi non solet, præsertim si nulla negligentia prætermissa sit. Verùm ego,
Orna-

(1) *Wilhelmo a Trantmonstorff* vel *Trautmonstorff*, uti est Tom. 2. p. 58. vfa. ubi dicitur, mense Augusto anni 1532. conjunxisse se socium quibusdam Salisburgensibus nobilibus voti reis. Et hæc est unica Viglii ad eum epistola.

Tom. II.

R

136 VIGLII AD AYTTA ZUICHEMI

Ornatissime *Wilhelme*, non quo tibi nunc primum gratuler, sed quo pleniorē aliquam gaudii mei testificationem tibi exhibeam, epistolam hanc ad te mitto. Sæpe enim coram tibi antea ostendi, quam lætitiā animo concepissem, quod diuturna, periculosa, ac difficili peregrinatione defunctum ac incolumem tandem te nobis restitutum cernerem. Consentaneum autem est, ut quanto majorem longioremque de tua salute metum sustinimus, tanto etiam uberiore reditus tui tibi, voluptate perfruemur. Heu quoties tu nobis fluctibus obrutus nunciabaris, quā plena suspiriis murua de te amicorum colloquia? an quisquam igitur æquum esse neget, ut & gaudio vicissim impensius indulgeamus, postquam animi a metu & luctu te restituto conquieverunt? Nostra etiam amicitia, charissime *Wilhelme*, postulare hoc officium videtur, ut monumentum sive testimonium aliquod tibi relinquamus, unde nostrum in te affectum æstimes, ac te subinde ipse rerum tuarum memoria recrees & oblectes. Naturaliter quippe evenit, ut ipsi exultemus, dum aliorum de nobis gaudium ipsi perspicimus, & præteritorum laborum dulcissima recordatio esse solet. Nobis autem tanto major justiorque est gratulandi occasio, quanto tibi honestior fuit suscepti atque executi consilii, votique causa. Si quis ex bello miles, ex transmarina regione mercator, ex longinqua Academia disciplinæ studiosus, ab barbaro Rege populoque legatione functus, redeat, qui illic complexus parentum, propinquorum, sodalium, amicorumque? Ac tam periculosa profectio- nis difficilisque itineris, quæ magis gravis vel laudabilis causa proferri, excogitarive possit, quā est ea, quæ te movit? Videlicet ut sacrosanctum Domini sepulchrum viseres, & ea loca aspiceres, ubi Jacob scalam in cælum tendentem, angelos descendentes vidit, ut cum Regio Propheta adorares Dominum ubi steterunt pedes ejus, ubi natus est, ubi educatus, ubi fidei nostræ sanctissimum Evangelium promulgavit, ubi mortuus, ubi resurrexit, unde in cælum rediit, humanæ salutis optimus maximusque redemptor ac servator JESUS CHRISTUS. Nec minus quoque ardua est hæc Jerosolymitana peregrinatio quā religiosa, navigandum est enim barbarum mare, per multa milium milia, nusquam tutus ubi hyeme portus. Nam quæ circumjacent insulæ & terræ,

terre, Turcarum fere servientes tyrannidi, Christianam hospitum non admittant. Populus ipse, qui sanctissima loca (proh dolor!) inhabitat, inhumanus ac ferus, longa peregrinatione fessos peregrinos, omni genere ludibrii & conviviorm vexat, ac in servitutem & necem trahere exoptat, nisi publica fide admissi essent, quæ tamen ab illis sæpe infringitur. Quid autem singularem hic enumerem pericula & incommoda, quæ hæc in se continet peregrinatio, adversus quæ humanus non sufficeret animus, nisi religionis clypeo præmunitus esset. Quemadmodum verò res ipsa plena est divinitatis, ita oportet, ut tam sanctum propositum Deus inspiret, ac successum quoque tam ambigui cæpti idem fortunet. Videmus ex Anglia, Scotia, ac ipsa terrarum ultima Thyle * sacrosancti sepulchri visendi religione pios homines excitari, & relictis possessionibus, opibusque, aderes tam periculosum iter ingredi. Quid istos nisi quædam divini numinis vis tacita movet? Quæ & tibi procubio, mi *Wilhelm*, voluntatem animumque ad tam egregium iter suscipiendum exequendumque tribuit. Nec privatos tantum homines, verum Principes, atque Reges, fortunis omnibusque humanis rebus affluentes, pii voti reos ad sacratissimum sepulchrum profectos legimus. Nec nostra ætate hæc coepit religio, verum ab eo usque tempore, quo Christiana fide orbis illuminatus est, in summa semper veneratione Hierosolyma fuit, ad quam ab Ægyptiis tyrannis recuperandam, tota aliquando Europæ nobilitas sese armavit. Atque hinc *Gosfredus* ille *Balduinique* (2) immortalem nominis famam sibi comparaverunt. Scio a quibusdam suggillari omnes in universum peregrinationes, quæ, religionis ergo suscipiuntur, sed non est mihi otium, aut propositum eos refellere; quanquam nihil est facilius, quàm refellere qui rem sanctissimam manifesto errore damnant. Nihil est autem tam pium, quin abusu impium fieri possit. Pharmaca ad medicinam inventa, si non suo tempore administrata fuerint, perniciosam adfe-

* *Legè:*
Thule,
quæ est
insula
Islandia.

(2) *Gosfredus* ille, *Balduinique*] Godefridus Bullionius & Balduini duo, Hierosolymorum reges fuere, ut vulgo notum. Videndi scriptores belli sacri adversus infideles. *Malmbourg bist. des Croisades* &c.

adferunt. Et multi eloquentia, quæ donum & inventum Dei est, ad Rempubicam & Religionem evertendam abusi sunt. Pium est ad Ecclesiæ usum bona relinquere, sed quæ filio exhæredato hæredem facere vult Ecclesiæ, alium quærat qui suscipiat, non *Augustinum* (3). Res itaque multæ per se optimæ sunt, nisi hominum malitia vitientur, vel rerum circumstantiæ resistent. Neque eos defendere hîc volo, qui domum, uxorem, liberos inopia laborantes religionis prætextu deserunt. Nec Batavorum excuso improbitatem, qui vel obæcati, vel insignem aliquam calamitatem & iacturam passi, non religione adducti, sed desperatione, Hierosolymitanæ protectionis votum suscipiunt. Quid turpius quàm pacisci, si salvus ab Hierosolymis rediero, pro uno nummo reddes denarium. An hic esse potest religio, ubi usurarum & fœnoris conventio trahitur? Et hunc illic vulgò prætextum decoctores quærunt, quem improbis, luxuriosisque moribus, & voluntario exilio obtendant, atque hujus peregrinationis successu quasi in integrum pristinæ fortunæ restituere sese cupiunt. Non equidem laudo. Et valde vereor, ne talium impia negotiatione irritatus Deus, minus fælices ventos proficiscentibus interdum inspiret. At cum tuum factum ex omni parte intueor, undique sese mihi laudandi materia offert, nec est vel tantillum, quod vituperio pateat. Tu ætate florenti, tu ad sacra destinatus, tu nullius privatæ rei cura impeditus, non lucri cupidine, non adolescentiæ lubrico, non inconsulta temeritate, tantum iter ingressus es, verum ob admirabilem rerum & religionum exterarum cognoscendarum cupidinem, qua te semper flagrare animadverti. Religionis accessit stimulus, invasitque desiderium & religio ejus terræ visendæ, quæ Domini nostri Nativitate, Passione & Resurrectione celebratur. Atque in hoc proposito constantiam etiam tuam laudare cogor, qui complexantibus retinentibusque te sôdalibus, diraque ominantibus, non tamen ab instituto divelli te es passus, quæque tecum magno conceperas animo, majore executus es. Quid autem in tam nobili laudabilique facto, quod & ipse Deus eventus

fæli-

(3) Locus est in operibus S. Augustini, *Serm.* 355. *de vitæ & merib. Clericorum.* Tom. 5. col. 1382. B. edit. Paris. noviss.

EPIST. SELECTÆ AD DIVERSOS. 133

felicitate manifestè comprobavit, vel Momus ipse, quod reprehendat invenire possit? Quo magis miror quid sit hoc quod mihi de Saltzburgensis Ecclesiæ Canonicis conquereris, qui soli damnant, quod ab omnibus pleno ore, totque gratulationibus approbatum est. Absit verò ut illi, vel invidiæ, vel avaritiæ causa impiæ hujus sententiæ authores fiant. Sed nondum fortassis recte tanta res ab illis perpensa atque examinata est, & aliud sentient, ubi diligentius cogitarint, posterioribus, ut inquit proverbium, semper melioribus, & qui antea pœna coercendam absentiam putabant, re melius discussa, præmio dignam censebunt. Accessit enim collegio eorum non mediocre ornamentum tua partum virtute, nam & tua dignitate communis ordo cohonestatur, & quid illis, si Christianam mentem habeant, gratius esse debet, quàm quod per te locorum sacrorum situm, monumenta, & omnem antiquitatem, plenam religionis & mysteriorum, audire colligereque possint? Sed accusationis status in hoc est, quod sine ipsorum permisso ab Academia abfueris, cùm recreationis tantum ergo unum mensem abesse citra veniam licuerit: sed tu quæso mihi dicas, anne putas, eos, qui statuta ipsa conscripserunt, si de hac religionis causa rogati fuissent, tres indulturos menses, qui voluptati unum tribuerant? At de hac re nihil cautum. Quid tum? An iniquum erit, quicquid illic non est expressum? Non possunt omnes casus, inquit Jurisconsultus, lege comprehendendi, sed omisso, ex similitudine, æquitate, ratione, dijudicamus. Et cùm postulanti tibi non potuerit negari, quid quærimus, an postulatum concessumque fuerit? Valebitne Statutum, ut nulli concedatur Hierosolymam peregrinari, quia adversus bonos mores, adversus religionem & pietatem promulgatum est? Si quis verò erit, qui tam pio voto se obstrinxit, poteritne is pœnæ metu a quoquam absterri, ne faciat quod vovit? Quid absurdius? Quod si itaque nec lex, nec voluntas cujusquam impedire hanc religionem, cui multa a Pontificibus ipsis indulta legimus, potuit, quid de permisso disputamus? Qui vero ejusmodi Statutorum calumniis inhærent, manifeste ostendunt, nec humana, nec divina Jura satis se intelligere, aut callere, & religionem magno & incredibili scandalo oppugnare. Sed:

R. 3.

tolle:

134 VIGLII AB AYTTA ZUICHEMI

tolle leges, tolle conscriptas a maioribus sanctiones, & videamus quid bonus vir arbitraturus sit. Permissum est tibi, studiorum causa Patavii agere, interea oblati comites, qui Hierosolymam peterent. Idem cum saepe tecum esses meditatus, opportunum tibi est visum, ut his te socium adjungeres. Nihil ad collegas scripsisti, arbitratus non solum illos ratum habituros tuum factum, verum etiam laude prosecuturos. Temporis etiam angustia post susceptum votum & consilium, etsi scribendi concedebat facultatem, expectandi tamen responsi moram non largiebatur. Huc accedit, quod eo tempore, quo publice hic a lectionibus professores omnes feriabantur, hanc navigationem susceperis. Quæro hic a bono viro, possintne collegæ, præbenda, tibi adimere? Da aliquem bonum virum, qui hoc dicat, & verbum non amplius addam. Demus verò, ut sint qui contra Jus & fas, contra æquum & bonum, hoc attentent: non tamen consueque progressuros arbitror, ut integri anni stipendius te spoliarent. Poena enim delicto (si quod hic etiam esset) adæquanda est, & unum mensem tibi jure tuo abesse licuit. Quapropter, ut etiam illi summo tecum Jure vel injuria contendant, non posse tamen eos, nisi bimestris temporis fructibus te privare, constat. Sed non arbitror illos pro tantula re, velle impietatis, injustitiæ, avaritiæ, invidiæ crimen incurrere. Verum sunt adhuc, qui paterno foco semper assidentes, neque unquam patriæ suæ fines egressi, non sine magno scelere & improbitate, quo suam tegant socordiam, aliena merita suppressere & elevare student. Quid inquirunt Hierosolymis spectatu dignum? Quid? an non ipsum Sanctissimum solum, quod semper durat immobile, & eadem terræ montiumque facies, fluvii & lacus, divinis celebrati literis, ipso aspectu Christianam mentem ad Deum excitent, & ineffabili quodam solatio afficiant? Quæ per omne ævum jucundior recordatio esse potest, quam cum loci ejus venit in mentem, quem tuis oculis lustrasti, qui a summo rerum omnium opifice delectus, atque adeo dilectus fuit, in quo ipse humanæ salutis mysteria perageret, & in quo tot miracula ederet. Extant etiam adhuc, ut abs te multisque aliis fide dignis hominibus audivi, plurima religiosæ vetustatis monumenta. Manet Dominici corporis sepulchrum, extant præci templi vesti-

* *Lege:*
præben-
dam.

vestigia, multaque alia insignia loca, Christi conversatione
 & passione celebrata, adhuc conspiciuntur. Rideant hæc
 impii quantum volent, ego sane in summa veneratione ha-
 benda censeo, & visu dignissima, si quæ omnino alia in hoc
 orbe. Quapropter pietas tua immortale promeretur eulo-
 gium, quæ summo religionis affectu sanctam hanc peregrin-
 ationem suscepit perfecitque. Olim verò nemo se nobilem
 credebat nisi Dominicum visisset sepulchrum, & majores no-
 stri, Maximique Pontifices, quò hominum studia excitarent,
 præmiis etiam alliciendos esse censuerunt. Nullus enim illic
 prope locus, qui non indulgentias & beneficia Pontificum
 veterum ostendat. Constituitur præterea illic S. Sepulchri
 Aeditus, Guardianum vulgo vocant, *Franciscano* Sodalitio
 præfectum, cui a Pontifice delegata potestas est, ut peregrin-
 nis, genere moribusque præcellentibus, solemnî ritu eque-
 stris ordinis insignia tribuat. Hoc igitur tam amplum præ-
 mium & tu nobis ab Hierosolymis retulisti, solemnî &
 antiquo ritu cunctis militaris ordinis cæremoniis legitime ini-
 tiatus. Nobilitatem enim, parentum & majorum tibi vir-
 tutes & stemmata dederunt, estque tua gens non modo in
 Stiria, verum & in Austria, Bavaria, Tirolensi comitatu,
 id est, clarissimis Germaniæ Provinciis, præcipuæ celebri-
 tatis. Hoc verò tuæ virtutis proprium est, quod in hac
 ætate tantum decus Natalibus tuis adjeceris, & generis no-
 bilitatem, equestri dignitate ornaveris. Ingenuitatis autem
 nobilitatisque magna semper apud omnes gentes prærogativa
 fuit: attamen quemadmodum gemma auro inclusa non modo
 ipsa sit splendidior, verum etiam aurum condecorat: sic no-
 bilitas, equestris militiæ honore aucta, multo sit clarior at-
 que illustrior. Nec hæc dignitas omnibus patet peregre Hie-
 rosolymam proficiscentibus, sed generis est peculiare orna-
 mentum. Unde nec conferri quidem solet nisi iis, qui no-
 bilitatem Jurejurando professi sunt, qui verò falsas majorum
 imagines mentiuntur, præterquam quod se falsi perjuriique
 reos constituunt, inanem titulum per hujusmodi obreptionem
 susceptum frustra circumferunt. Nec enim Equites di-
 cendi sunt, quibus nec opes, nec genus ad sustinendum tam
 preclari nominis honorem, suffragantur. Et memini quos-
 dam Equites a Veteribus pedarios fuisse appellatos, quales
 isti

136 VIGLII AB AYT TA ZUICHEMI

isti merito habendi, quando tantopere Equitis eos delectat agnomen. Non nego quidem, plebejorum hominum æque laudabile votum existere, militant quippe & illi, verum inter milites multi sunt gradus. Qui genere clari sunt, baltheum, torquem, aureumque calcar ad crucis insignia recipiunt, & æquum est, ut qui genere & virtute excellunt, ampliora quoque inde præmia reportent. Est & Equestris ordo duplex, quidam enim a Principibus hac dignitate ornantur, & plerumque ob militaria merita; alii apud sepulchrum Domini, pro Christiana fide militiam profitentur, dantque nomina sua adversus communes hostes, quorum in confesso est, eo præclarior esse nomen, quo justius bellum & militia adversus Christianæ fidei hostes, quam contra finitimos populos religione nobis consentientes, & tantum de finibus disceptantes, suscipitur. Quemadmodum autem inter Doctores artium & disciplinarum ii maxime excellunt, qui vera professione, docendique munere nomen hoc sunt promeriti, non qui inani se titulo venditant, sic & illos, Equestris militiæ honorem optimo sibi jure vindicare non est dubium, qui tot fluctus contemnere, tam longam & difficilem peregrinationem inire non dubitaverunt, primum omnium ut in sanctissimo loco, ubi steterunt pedes ejus, Dominum adorarent, tum verò, ut ferarum gentium immaniumque hostium mores perscrutarentur, quo se Duces & antesignanos præbeant, si quando mascula illa virtus, qua majores nostri adversus Ægyptiam, Saracenicamque luem, & Turcicam feritatem usi sunt, in nobis renascatur. Excel-lunt igitur inter milites ii qui Equestri gradu ornati sunt, atque inter hos iterum isti quorum tu, Ornatissime *Wilhelme*, numero accensus es. Cum vos non modò, eadem insignia eisdemque honores promeriti sitis, sed etiam peregrinationis religionisque favore, cæteris præponamini. Dicat verò hic aliquis: Tunc ergo Equitem vis esse, qui sacris destinatus, vel initiatus est? Quid commune sacerdotio cum militia? Quid sacris cum armis? Scio equidem *Gratianum* multis autoritatibus agere, quò ostendat Clericis interdictam esse militiam: sed an consentiente Pontifice, liceat arma adversus immanes hostes suscipere, non vocat ille in controversiam. At hic autoritas accessit Apostolica *Ædituo* delegata, qui
gla-

gladio accingere milites Christi solet. Quod si hic lubet exemplis confirmare, reperiemus eo tempore quo sacrum illud bellum a tota pene Europa susceptum fuit *Urbanum* Pontificem; non Clericis modò plurimis, verùm etiam Episcopis arma concessisse. Equestris autem ordo etiam extra castra & citra expeditionum necessitatem durat. An dubitemus, multos fuisse Equites Romanos olim dignitate, qui nunquam hostem vidissent? An non & idem hodie videmus, cum & Doctores Equestri interdum honore fulgeant? Exercitium itaque armorum Clericis interdictum est, imaginariæ, Equestrisque militiæ decus minime est ademptum. Et iis Clericis crediderim concessam etiam esse veram militiam adversus Paganos fidei nostræ persecutores, quibus apud Dominicum sepulchrum gladius accinctus est. Sed & cum alium liceat militiæ hujus sacramenta implere: minime cum sacrorum professione hujusce dignitatis titulum pugnare, manifeste colligitur. Nec paucos ipse novi, qui sine ulla repræhensione & controversia, tametsi sacris initiati essent, Hierosolymitanos sese Equites inscripserunt. Quis igitur vitio tibi vertat, qui non ambitione, sed religione, crucis insigne una cum torque Equestri suscepisti? Qui pio voto Hierosolymam profectus præter tuam spem tale referre præmium promeritus es? Quid autem si hoc Deus voluit (cui meritò quicquid in hac vita, vel ornamenti vel emolumenti obtingit, acceptum ferimus) ut tu sub ipsius vexillis nomen dares, ac in ipsius numeros adscribereris? Cum tot igitur bonis ac laudibus hæc tua peregrinatio exuberet, sanctimonix & pietatis fructu cum primis commendanda, quæ jucundissimam tibi subinde sui memoriam refriceret condecorato etiam primariæ inter nobiles dignitatis ordine. Quid superest, Ornatissime mi *Wilhelme*, nisi ut nos tibi congratulemur, tibi fausta, foelicia ac perpetua hæc gaudia & ornamenta precemur, ac in posterum majora tibi ut contingant, optemus, atque ominemur? Qui enim in hac ætate tot honoribus auctus es, facies quotidie cum ipsis annis gradum (ut speramus) ad majora splendidioraque. Quod ut fiat Deum opt. Max. precor, ut qui hætenus tam honesta consilia tibi inspiravit ac direxit, majoribus quotidie benignitatis suæ donis te sibi obstringere pergat. Benevale. Patavii. Quinto Idus Aprilis anno 1533.

Tom. II.

S

EPI-

EPISTOLA XLIV.

ERASMO ROTERODAMO.

Ex Tomo II.
fol. 196.
vfo.

1538. *Alogus creditores suos ludiz. Studiis suis fortunæ suæ consulere cupit. De Archiepiscopo Cantuariensi quid Erasmo speret. De Zacharia Dejotaro, Hoxvirio, Hayone Caminga, Hieronymo Aleandro, Hieronymo Vida, Romulo Amazeo, Bartholomæo Riccio & Canonico Zanco.*

Literarum tuarum fasciculum, Doctissime D. Erasme, redditum mihi esse, ex novissimis literis meis constare tibi potuit. *Alogus* nondum ad nos rediit, expectatus diu a multis, non tantum nostratibus, sed a *Bembo*, *Bonamico*, atque aliis doctis, quorum hîc familiaritate usus est, & in quorum rationibus nomen suum pro mnemosyne reliquit. Scribit tamen aliquando de Sacerdotiis, conditionibusque amplissimis, atque ejusmodi fumis interea lactat creditores. De studio quod mones facturum sum, non ut valetudini, sed ut fortunæ consulam, ac amicorum suffragiis utar, dum illi me adjuvare & possunt & cupiunt. Hic annus mihi fuit submolestus. Sed tamen fructum ejus non mediocrem sentio præsertim in Jurisprudencia. Antagonistæ mei invidiam & impetum jam devoravi: quanquam sane principia mihi fuere difficilia, præsertim non assueto adhuc Italicis ingeniis & technis. In Archiepiscopi Cantuariensis locum audio successisse quemdam qui superiore anno apud Cæsarem functus est legatione, & a plerisque commendatur ob humanitatem & doctrinam. Non dubito quin ille pensionem, tibi salvam esse curabit, modò admonitus fuerit: cùm etiam Jure eam exigere procuratore constituto possis. Multoque satius est aliquam partem Procuratoribus erogare, quam totam amittere. *Zachariam Dejotarum* (1) non novi, nisi ex tuis literis.

(1) *Zachariam Dejotarum*] Is erat Frisius, *Erasmi* famulus aliquando & discipulus, quem a fidelitate ac præsticis haud segni-

EPIST. SELECTÆ AD DIVERSOS. 139

ris. Ac utinam plurimi Frisii in ejus locum, qui te æque ament, succedant: arbitror enim ad nationis nostræ laudem pertinere, si ea tua agnoscat merita, dignamque se tuo amore præstet? *Hoxvirius* (2) certe eruditione & genere nulli nostri * nostratium inferior candore & veneratione tui (uti spero) mecum contendet; ac gaudeo illum in tuum album adscriptum esse. Mihi cum illo multæ intercedunt benevolentiae causæ; patria, parentum necessitudo, vicinitas, & amicitia in studiis contracta. Alter ille cujus meministi, ne non corporis solum sed & animi morbum in Italia contraxerit. *Hajo Caminga* (3) cœpit in me esse frigidior, quod eum non accuratius commendarim, cum apud te habitaret. Sed quæ hîc est culpa, cum ego ipse adhuc patrono apud te egerem, admissus primùm ad mutuam benevolentiam: & cum tu etiam ipsius virtutes satis posses ex quotidiano victu per te intelligere. De pensione persolvenda Quæstoris filius bene sperat: ac diligentissime de ea re ad patrem scripsit, enixè eum obtestatus, ut causæ tuæ omni studio opituletur. Sub hyemem verò ipse in patriam rediturus est, ac ibi præsens, quoad fieri potest, negotium tuum procurabit. Alterius Adolescentis patrem hic expecto: nec tibi hoc beneficii, quo illum affecisti, peribit. De Adagiis locupletatis debent, debebuntque tibi semper studiosi omnes, quibus ex ea re incredibilis accedit fructus. *Hieronymus Aleander* (4) legatus est nunc Apostolicus apud Senatum Venetum; & de libris,

* Tò nostri abundat.

segniter obsequiis laudat, ac in Angliam migratum, amicum ibi & fautorem habuit. *V. varias Erasmi epistolas.*

(2) *Hoxvirius*] Hæctor, præses senatus Ultrajectini sub Carolo V. *V. Not. ad Vitam N. XLI. & Suffr. Petri de Script. Frisæ dec. II. cap. 2.*

(3) *Hajo Caminga*] nobilis Friso, ad quem plures dedit *Viglius* epistolas, inter quas unâ rescribit ad ejus querelam, *epistolas nonnullas, quæ sui commendationem continebant, in Erasmi operibus* (a Frobenio excusis) *esse omittas.* tom. 3. p. 288.

(4) *Hieronymus Aleander*] Senior, Philosophiæ & Theologiæ doctor, linguarum eruditissimus, in renascente apud Italos republica literaria magnum certe nomen & decus gessit, inquit *Miræus de Script. sec. XVI.* qui omnino consulendus est, si virum summum dignoscere velis. *In edit. Fabr. V. pag. 145.*

140 VIGLII AB AYTTA ZUICHE MI

libris, qui publice vendi possint, censuram accepit. *Hieronymus Vida* (5) cujus extat de arte poëtica carmen, Episcopus factus est, cum nuper Bononiæ sex Christeidos libros Pontifici Max. obtulisset. *Romulus Amazeus* nuper quoque edidit *Xenophontem* latinum. Et Venetiis sub prælo est opus quoddam *Bartholomæi Riccii* de Elocutione, quod miris laudibus Itali extollunt. Mitto nunc præfationem in vitam *Chrysostomi*. Dedit mihi quoque *Zanchus* Canonicus *Ambrosii* Sermones contra Arrianos, & *Cypriani* passionem, quæ mittam ad te alias: nam ille postulavit, ut ipse describenda curarem, ac exemplum ei relinquerem. *Beinbus* me humaniter amplecti pergit. Ac nuper etiam ab eo impetravi, ut Institutiones græcas mihi ædere liceret, præfationemque illi exhibui: in qua cum muneris accepti gratiam facerem com-

me-

(5) *Hieronymus Vida*] Marcus, Cremonensis, summi ingenii vir, summæque doctrinæ, ac poëtarum scholæ Christianæ facile princeps, quod testatum fecit illo insigni *Christiados* opere. *V. Miræum cit. p. 177.* Fuit episcopus Albæ Ligusticæ, & eo titulo Concilio Tridentino interfuit. Obiit anno 1566. 27. Septembr. uti notat *Freber. in theat.* Et patet ex ejus epitaphio in ecclesiâ Cathedrali Cremonensi, quod ex *Sveertio in sel. Christ. orbis delic. p. 174. edit. Colon. an. 1608.* hæc subijcio.

D. O. M.

M. HIER. VIDÆ, Albæ episcopo, quem omnes norunt, Civitas Cremona decreto sepulchro sumptu pub. civi qui de universa Civitate B. M. est, parentavit V. A. N. Qui cum, quidquid in egregium hominem laudis dici potest, in eum beneficio nat. fuerit collatum. Immortalit. erat dignus, nisi naturæ communis conditio obstitisset. Vivit tamen adhuc apud nos, vivetque æternum ad posteros benef. jucundiss. ac perpetua recordatione. Qui omnibus erga gregem sibi commissum officiis functus piet. char. fide, const. præclarus, omnibus carus, nemini noxius a nobis discessit, suo magis quam aliorum tempore. Qui non solum piè & sanctè Deum coluit, sed ita etiam cecinit, ut in cælo locum, ubi beatus ævo sempiterno fruatur, & in terris æternam sibi gloriam maximo omnium mortalium fructu compararit. Obiit anno M. C. LXVI. XXVII. Septembr.

EPIST. SELECTÆ AD DIVERSOS. 141

memorationem, alium promerui librum τὸν νεώτερον Justiniani, multo emendatiorem pleniorumque, quàm sit is qui ab *Holoandro* editus fuit. Et spem concepi alia me ab eo consecuturum. Vale. Patavii 17. Aprilis 1533.

EPISTOLA XLV.

ERASMO ROTERODAMO.

Ex Tomo II.
fol. 212.

De acceptis ab Erasmo epistolis gratias habet. Aperit ei consilium suum migrandi Spiram, ut quæ in scholis didicit ac docuit, ad forum & remp. transferat. Græcas Institutiones Cæsari nuncupatas Frobenius excudet. Quos habeat patronos in utraque Germania. Ab Erasmo commendari cupit. Meminit de variis viris eruditis. 1533.

Semper equidem magni beneficii loco duxi, D. Erasme patrone omnium maxime & honorandissime, quod ad me scribere non gravareris. Nunc autem quod tam prolixis, honorificis, benignisque literis iterum atque iterum me sis dignatus, maxima tibi a me gratia habetur. Nam mutuo scribendi officio adeo tibi satisfacere nequeo, ut abunde suo officio functæ literæ meæ mihi videantur; si modò nihil te offenderint, & qualem qualem occasionem tibi præbuerint, quo hoc erga me beneficium in posterum quoque continues. Quod si autem votis meis Superi annuerint, id est, ut & te diu nobis incolumem & superstitem servent: & mihi fortunam paulò lautiorē præbeant: reipsa gratitudinem erga te meam sic declarabo, quò te hujus in me beneficentiæ minimè pœniteat. Significavi tibi antea ex amicorum consiliis cupere me aliò studia mea flectere, & aliquando ad scopum propius dirigere. Qui nobis penè omnibus is est, ut in foro vel Republica usum aliquem disciplinæ nostræ exhibeamus. Jura enim civilia utcunque, hoc est, quantum nostratia fora requirant, prope didici. Et hæc Italica exercitatio non parum me juvit, tuebiturque adversus

142 VIGLII AB AYTТА ZUICHEMI

eos, qui literarum bonarum studiosos, imperitiæ in legibus insimulant, vulgatumque nobis Grammatici convitium obijciunt. Græcas Institutiones Juris Civilis *Hieronymo Frobenio* misi excudendas. Præfatus sum in eas paulò prolixius, quo studiosos ad indaganda Græcorum commentaria excitarem: & futurum facilius spero, ut si nostræ sèctæ homines, linguæ græcæ operam dare cœperint, latinam quoque diligentius excolant. Ad comparandam autem operi huic auctoritatem, & alias quasdam ob causas, suadente jubenteque *Matthia Heldt*, procancellario, Cæsari nuncupavi. Et ut mihi hoc bona *Bembi* venia liceret, præfationem ipsi exhibui, in qua pro tanto munere honorificam ejus mentionem inserui. Qua etiam τῶν νεωτέρων emendatissimum plenissimumque exemplar ab eo impetravi: quarum æditio revera Nurebergæ est præcipitata. Spero me bonis auspiciis Institutionum opus, jam olim ab studiosis desideratum, emissurum. Nam tua commendatio jam, ut sentio, expectationem aliquam de me fecit, cui etsi non primo statim fœtu, eoque alieno satisfecero: tamen quo aliquando de meo penu non omnino tuis de me præconiis indigna depromere mihi liceat, pro viribus conabor. Verùm nunc aliquantisper *Aristotelis* adhuc sequar consilium, qui virum egenum suadet magis divitias, quàm Philosophiam sectari. At ubi mediocrem fortunam, atque eam quæ studiorum quieti & impendiis sufficiat, peperero, intermissa omnino studia repetere decrevi. Exponam autem tibi apertius consilium meum, quod te & velle & posse non leviter promovere, scio. Habeo magnos & potentes patronos in Germania. Hi omnes suadent, ut me Spiram conferam, promittuntque ut, cum illic aliquamdiu habitavero, honesta aliqua conditio deferatur. Et ad eam rem adjutorem quoque se apud Cæsarem mihi futurum *D. Matthias* pollicitus est. Talibus quidem authoribus lubenter obsequar. Itaque sub hyemem patriam revisere decrevi, illic me viatico communiturus, ut Spiræ me sustentem, quoad occasio exequendi promissi patronis oblata fuerit. Nec ea mora gravis mihi erit, quo interea linguæ & forensis actionis usum aliquem comparem, & in advocatorum subselliis prius sedeam, legitimum magis gradum inde, Deo volente, ad altiora facturus. Unus mihi scrupulus est, quem si tollere poterō,

EPIST. SELECTÆ AD DIVERSOS. 143

ero, fœlicem successum spero. Habeo aliquot non vulgares amicos in Germania inferiore, quibus a Patruo olim sum commendatus. Iis omnia ad quæstum referentibus non placebit, sat scio, quod uberiolem proventum in Germania sperem, cùm nostratia fora multo sint uberiora. Et deinde aliud suspicabuntur, quare superiolem quæram Germaniam: sed tamen præsens quicquid id est dissolvere conabor. Hæc est consiliorum meorum summa. Fuit autem mihi pergratum, quod tuam quoque opem benignissimè obtuleris, cui ego jam antea multum debeo, cùm tuæ de me commendationes, cùm privatæ tum publicæ, honestissimam mihi opinionem apud doctos & studiosos pepererint. Et est mihi profectò iste longe maximus studiorum meorum fructus, quem a te accipio. Ac eum perpetuum fore spero, nam mori me Hercle malim, quàm mea aliqua culpa tuam amittere benevolentiam. Domini *Antonii Fuggeri* favore multum nitor, & arbitror me in firmum inclinare parietem. Cum verò tua autoritas plurimum apud eum valeat, & tuo iudicio multum tribuat: juveris me non parum, si cùm tibi opportunitas ad eum scribendi fuerit, voluntatem ipsius tua commendatione incitaveris. Arbitror eum propediem hic futurum, sic enim mihi retulit *Mariangelus Accursius* (1) qui heri hac in patriam transiit. Ejus opinor tibi nomen esse notum: edidit enim nuper *Cassiodorum*, & aliquot *Am. Mar.* libros & integrum hunc annum egit apud *D. Antonium*. Visus est mihi bene oneratus redire ex Germania, nec temere esse quod eam laudat. Rediit & superiore anno ex Germania bene nummatus *Gauricus* quidam Mathematicus. (2) Sed is non obturatis auribus

Siræ-

(1) *Mariangelus Accursius*] ex *Aquila* oppido regni Neapolitani, criticus, qui vetera mss. sectatus est ad corrigendos antiquos scriptores. Primus vulgavit hoc ipso anno *Cassiodori* epistolas in duodecim distinctas libros. Item *Ammiani Marcellini* libros aliquot, de quibus, & de ipso *Accursio* videri potest *Baylius in dist. bist. critico. Verbo: Marcellin, & verbo: Accurse.* Item *Miræus in auctario cap. 42. in edit. Fabricii p. 8.*

(2) *Gauricus quidam mathematicus*] nomine *Lucas*, episcopus Civitatenfis in regno Neapolitano, de quo, si lubet, vide *Niceron. tom. 30. a p. 145.* qui curiosas ejus vitæ circumstantias refert, sed non meminit ejus, quod hic *Viglius* innuit, dum

eum

Sirænas præternavigavit: nam *Lutherum & Melanctonem* sæpe habebat in ore. Causa autem *Antonio* huc proficiscendi est, ut ex Medicorum consilio valetudini prospiciat. Quæstoris filius (3) Romam abiit, visa urbe, mox in patriam rediturus. Credo fore ut te coram conveniat ac saluter, animumque suum & consilium plenius tibi explicet. Ego sane arbitrabar negotium hoc pensionis tuæ potuisse per patrem expediri. Quapropter juvenem sua sponte inclinatum pro virili instigabam: quo laudabilem istam voluntatem exqueretur. De *Riccii* libro ipse judicabis. Poposcit eum ab *Epborino Hieronymus*, si recte intellexi, & *Bebelius* * Basileam pertulit. Si ego idem apud illum potuissem, lubenter & ad te alterum exemplar ferendum dedissem. *Hieronymus Vida* (4) Canonicus est Regularis. Statim tamen ac eruditionis sibi quamdam peperit opinionem, patronis conciliatis monachorum contubernium reliquit. Bononiæ nuper, ut scripsi, ob Christeida Pontifici dicata Episcopatu donatus est. Hujus ac *Fracastorii* (5) cujusdam carmina, primam laudem apud Italos obtinent. Misi quondam ad *Glareanum* libellos quosdam utriusque. ὁ ἀλλὰ? Romæ laborat pro sacerdotiis: sed vereor ne invita Delia venetur. Nosti illud, *Curia Romana non vult ovem sine lana*. Quidam inde mihi scripsit, gravi eum morbo premi, & corporis & marisupii, & tamen hîc erat totus sericeus. Romæ promulgata est monitio contra Anglorum Regem: ni reducat uxorem ante Calendas Septembr. excommunicatum eum iri. Coron-

* Typo-
graphus,
cui no-
men,
Joannes,

nem-
eum de Lutheranismò suspectum facit. Episcopatum a se dimisit, ac privatam dein vitam vixit Romæ, ubi obiit 6. Martii 1558. octogenario major, ut est in ejus epitaphio apud *Niceron. cit p. 150.* qui narrat eum astrologiæ judiciaræ mirè addictum fuisse, successu semel valde poenitendo. Sed id ante episcopatum contigit. Habet quoque nonnulla de *Gaurico Miræus in scrip. sec. XVI. p. 141. in edit. Fabricii.*

(3) *Quæstoris filius*] Florentius Grebouallius, filius Petri quæstoris Flandriæ, a quo *Erasmus*, suggerente *Viglio*, pensionis sibi constitutæ solutionem expectabat.

(4) *Hieronymus Vida*] V. ad epist. XLIV.

(5) *Fracastorii*] De illo dixi sup. ad Epist. ad Bonif. Amerbachium datam Kal. Dec. 1532.

EPIST. SELECTÆ AD DIVERSOS. 145

mensēs adhuc a Turca sunt obsessi. Solvisse tamen dicitur *Andreas de Oria* (6) ut succurrat. Comites a *Rennenburgo* tecum esse gaudeo. Cum *Gaspere* mihi in Gallia magna fuit familiaritas: nec quicquam illo vidi aut modestius aut synce- rius. Et has virtutes, tametsi generis splendore satis illu- stres, literarum quoque indefesso quodam studio ornare sum- mopere connitebatur. Debeo autem tibi plurimam, *Erasme* colendissime, sed tamen hujus nomine cupio tibi aliquid quo- que debere. Debebo autem si benevolentiam tuam tanto- pere expetenti non gravate impertias. *Vincensio Magio* (7) literas tuas tradidi. Habitat hic, & Philosophiam profite- tur: Græcarum literarum apprime doctus est, & ab audito- ribus summe commendatur. *Beri* epistola (8) non pervenit ad me. De H. A. scribam forte aliquid proximè: nam Ve- netias ire statui post aliquot dies. Conjunctis nuper literis meis ad te Monachi cujusdam epistolam *Anselmus*. Non novi quis sit, & mirabar cur nihil ipse scriberet. Bene vale, *Erasme* literarum omnium decus & patrone mihi colendissime. Patavii postridie Calend. Augusti 1533.

EPISTOLA XLVI.

FREDERICO SCHENK A
TAUTENBERG (1).

Ex To-
mo II.
fol. 216.
vfo.

Magna civilitate & prolixè Fredericum demulcet, 1533.
us

(6) *Andreas de Oria*] seu *Auria*, verius *Doria*, Genuensis, celeberrimus ille seculo XVI. maris præfectus, *Francisco I.* Galliarum Regi primum, dein *Carolo V.* Imp, fidus, ac strenuissimus Dux. De quo historici passim.

(7) *Vincensio Magio*] nomen ejus vulgare, *Maggi*. Erat enim Brixianus Italus, uti me docuit *Morerius in Dict. bist.* dum nec *Miræus*, nec *Baylius*, nec *Niceronius* de illo quidquam. *Erasmi* ad eum epistola videtur interiisse. Certe in nova editione non comparet. *Virum pium & perhumanum* eum vocat *Erasmus* col. 1192. V. *Morerium*.

(8) *Beri epistola*] Quantum conjicio. sermo est de *Ludovico Bero* theologo, de quo in notis ad *Vitam N. XIX.*

(1) *Fredericus Schenk a Tautenburg*, J. U D. Assessor & præ-
Tom. II T fes

146 VIGLI AB AYT TA ZUICHEMI

ut sibi faveat in assequendo Assessorio munere in Camera Spirensi. Nuntiat Francisci Curtii obitum, & Alciatum successorem futurum in Cathedra Patavina.

CUm quæsissem sæpe occasionem, vir multis modis ornatissime multisque dotibus ac titulis præclare, ut ad tuam benevolentiam aditum mihi pararem, oblatam profectò superioribus mensibus arripui labentissimè, aususque fui meis te literis interpellare, nec scio an satis decorè tuam mox opem implorare, & in ea quidem re, quam non possum non arroganter vel ambitiosè animo mecum concipere, nedum immature petiisse, plerisque videri. Quamobrem scio hoc meum factum purgatione non vulgari indigere. Nec eam gravate susciperem, si modo ea, quæ ad benevolentiam tuam erga me excitandam proficere possent, integra mihi manerent. Arbitror autem, eas literas meas è Bononia datas redditas tibi esse, commissi enim eas ministro res apud Cæsarem procuranti mense Februario. Et ferre possem ut illæ interiissent, ne tale impudentiæ meæ monumentum apud te extaret. Quando tamen jacta semel est alea, culpæ venia quærenda est. Ignosces ergo mihi quod te talem, tamque eximium virum, ego plusquam gregarius literarum mihi, appellare sum ausus. Ignosces quod in limine statim
noti-

tes Camerae Imperialis, statum ecclesiasticum amplexus, varias dignitates ambivit, ac integro triennio frustra laboravit, ut annitente Carolo V. in Coadjutorem Episcopi Paderbornensis assumeretur: & quinimo Cæsarem impellere studuit, ut rem in specie novam, & sedi Apostolicæ inusitatam, de se Nuntio in partibus Belgicis constituendo, summo Pontifici proponeret. Hujus rei conciliator *Viglius* esse noluit, uti ad eum scripsit tom. 4. p. 577. Tandem post erectionem novarum sedium episcopaliū in Belgio, *Fredericus* creatus fuit primus Archiepiscopus Ultrajectinus, & ultimus, mutata statim religione ac everfa sede. *V. Hist. Eccl. Ultraj. a me publicatam anno 1725. Heuss. in Bat. sac. Havensium, aliosque. Epitaphium ejus, & lacubrationum notam habes in Bibl. Belg. novæ edit.*

EPIST. SELECTÆ AD DIVERSOS. 147

notitiæ tuæ in re tam ardua & gravi opem tuam flagitarim. Primum tamen affectui erga te meo sincero certè & candido condonabis, quem si tu tecum expendere volueris, non levi de causa susceptum, sed multis honestissimis rationibus fundarum, comperies. Moveor enim debita reverentia cum generis longe clarissimi, tum quod parenti tuo (2) viro nostra ætate fortissimo belli Duci, & in pace Gubernatori moderatissimo, patria mea plurimum debeat. Occurrit subinde & *Buchenis* patrui mei, quem tu quoque olim unà coluisti, memoria, maxime vero omnium tuæ virtutes excitant. Quas tu absolutissima penè literarum omnium scientia ac Jurisprudentia, multo splendidissimas effecisti. Tam multis causis extimulatus, si tuam benevolentiam rogare ausus fui, ignosces. Et hoc vides tale esse, ut prope culpa vacare posset, si modo consentanea petitioni meæ oratione seu epistola id tentassem. Sed sanè & huic negligentia prætereundum possum, quod Bononiæ hospes, atque inter multas & varias occupationes, opportunitatem tamen ad te scribendi nactus, id ineptius fecerim. Alterum verò, in quo impudentia atque etiam imprudentia crimen agnoscere debeo, & fortassis apud aliquos ambitionis vitium vix effugio, magis me sollicitum habet. Neque enim excusare id penitus possum neque semel susceptum deferere audeo. Et mihi *D. Matthias* calcar tunc addidit, & juvenilem animum, suaque jam sponte ad aliquam conditionem inclinarum, facile permovit ut de Assessorio munere spem conciperem. Eam vero rem quieti restitutus exactius expendens, sensi quàm mihi eam consequi difficile foret. Ideoque me prioris consilii mei ac audacia vehementer puduit, & tantum non pœnituit. In hoc tandem animum post multam cogitationem converti, ut Spiram me migraturum constituerem, ne vel eorum auctoritatem, qui ejus spem fecerunt contemnere viderer, neve inconstantia notarer ab iis, quos adjutores ea in re esse mihi postulavi. In quorum numero facilè tu primas obtines, qui potes sine dubio plurimum, & ubi tibi occasio sese obtulerit,

(2) *Parenti tuo*] Georgius Baro de Tautenburch, Eques aurei velleris, Frisiae & Groningani territorii gubernator, Frederici Archiepiscopi parens fuit. V. *bist. Belg. passim*.

148 VIGLII AB AYTTA ZUICHEMI

rit, spero quod etiam mei provehendi rationem aliquam sis habiturus. Scio & *Fuggeros* mihi ex animo favere & cupere prodesse, ac alios commemorare possem, sed non est necesse. Scio gradatim honores deferri, neque etiam ego mox eos obtingere mihi unquam cupivi. Tantum si spem aliquam concipere possem, experiri volui. Sunt enim cujuscumque rei aliqua jacienda fundamenta. Quæ sero ambiuntur, sero obveniunt. Quamobrem si tibi non videor inidoneus omnino fore, quæso ne graveris tuum mihi favorem impertiri, & viam aliquam sternere ad aliquam conditionem. Ego vicissim erga te observantiam meam gratitudinemque, quibus possum officiis declarare, ubicunque se dederit occasio, laborabo. Decrevi autem sub hyemem patriam revisere, & fortassis *Spiram* transibo, ut coram te consulam. Interea rogo, ut si tibi idem placet, quod mihi, favore tuo prosequaris promoveasque, sin putas frustra me laborare, rogo ut meam stultitiam cæteros celes, & ipse non ægrè feras, neve ob id minus pronus ad me redamandum existas. Hi qui tibi has litteras adferunt, de cæteris rebus studiisque, cum meis, tum *Italiæ*, plura referre poterunt. Et lubenter nonnulla audies, quæ ego ad communem studiosorum utilitatem molior. *Franciscum Curtium* Jureconsultorum facile Principem hîc nuper amisimus. Et jam agitur de sufficiendo *Alciato*, putoque negotium successurum, nam ipse captavit pridem hunc locum, & *Venetis* Senatus mille coronatos in singulos annos offert. Vide an non hîc in pretio sit Jurisprudencia. Vale, ac iterum te rogo, ut audaciæ meæ ignoscas. Patavii. vii. Augusti an. 1533.

Ex Tomo II.
fol. 215.
vfo.
1533.

EPISTOLA XLVII. BONIFACIO AMERBACHIO.

Græcas Institutiones mittit imprimendas elegantissime, atque ut emendatissime quoque exeant, Amerbachio relegendas commendat. De correctore monet. Præfationem suam, omnemque rationem aliam ei permittit. De methodo juris obiter.

Misit ad me litteras tuas, Doctissime *Bonifaci*, *Hieronymus Frobenius*, ad quas ego pridem tibi respondere cupivi, sed

fed numquam opportunum mihi nancisci nuntium licuit, cui & librum *Institutionum* lubenter commisiffem in tempore ad vos ferendum, imprimendumque. Tandem quoniam nullus fuit oblatuſ, egi cum *Agninis*, ut ipſi qui antea operam fuam in eo deſcribendo mihi præſtiterant, nunc etiam adjuvarent quo in lucem emitti poſſet. Itaque illis in patriam redeuntibus librum tradidi ad te mittendum, quod eos bona fide facturos nihil addubito. Quamobrem, doctiſſime, humaniſſimeque *Amerbachii*, rogo ut tu reliqua cum impreſſoribus peragas, deſque operam, ut quàm elegantiffimè & emendatiſſimè exeat. De forma & characteribus tu melius ex dignitate libri & utilitate typographorum ſtatues, nec ego de eo quicquam poſſum præſcribere. Ego hoc anno, mi *Bonifaci*, multis hic negotiis fui implicitus, nam præter publicæ lectionis munus, ea quæ docui ſemper annotavi, ſcripſique commentaria in X. Titt. *Institutionum* quos hîc prælegi. Acceſſerunt deinde & aliæ multæ occupationes, ut in græco hoc *Institutionum* volumine relegendò indiligentior, ut facile animadvertes, fuerim. Et ſemper ſperavi impetraturum me a te, ut tu, antequam excudendus daretur, vel inter excudendum, relegendum acciperes. Cum & græca melius intelligas, quàm ego, qui quaſi poſtliminio ad eam linguam reverſus ſum. Neque erit tibi difficile, & voluptatem habebit is labor, quod multa comperturus ſis non indigna ſcituſ. Ego autem pleraque latina græcis characteribus ſcripta reſtituere cœperam, ſed forte videbitur tibi fore melius ut ita relinquantur, quemadmodum prius ſcripta fuere. Tu tuo in iis iudicio & arbitrio utere. Iterum, mi *Bonifaci*, rogo, ut in eo lubenter tuam operam mihi commodes. Vides enim mea multum intereſſe, ut bonis auſpiciis hæ *Institutiones* prodeant. Ego tibi viciffim me obligo, quacunque in re velis, fore me ſemper paratiſſimum. Nefcio, an *Frobenius* aliquem habeat correctorem. ſi *Sigismundus Gelenius* hoc oneris ſuſciperet, aut ut te non indignum putares, nihil eſſem ultra ſolicitus. Si quid etiam in præſatione mea tibi diſplicebit, rogo ne vereare vertere, expungere, caſtigare. Varia ſunt hominum iudicia nec nos ipſi peccata noſtra æque videmus ac alii. Hoc amicorum inter ſe munus eſt, famæ

150 VIGLII AB AYTTA ZUICHEMI

alterius mutuo consulere, ac ea consuetudo antiquorum etiam fuit. Et bene *Pisones* monet *Horatius*; si quid tamen olim scripserit, in *Metii* descendat iudicis aures. Puer meus ineleganter descripsit, sed tamen legi, credo, poterit. Intelliges etiam ex nostra præfatione primum deesse titulum. Eum ego utcumque græcum feci, tu rogo vide ut corrigas, si quid illic errarim, vel per te totum titulum si lubet retexe, nam *ἀνέπαλον* prodire hoc opus mihi non placet Accipe ergo bonis avibus, & cura ut bono beneficio me studiososque omnes tibi devincias. Si velis tui mentionem præfationi inferi, id tibi permitto ut ipse facias quibuscunque velis verbis sub mea persona, aut si me separatim pro labore isthoc gratias tibi agere: aut si tu ipse epistolam adungere velis, vel sub *Frobenii* nomine hoc agere, ego tibi ad omnia assentior mi *Bonifaci*. De Methodo dimittam tecum veterem contentionem. Tamen gratias tibi ago, qui de ea me primus monuisti. Neque mihi videtur inutile fore, si paulatim studeamus cogitare, qualiter ad eam Jura adaptari possint. Idque peritius post annos aliquot faciemus, ubi cæterarum artium Methodus exposita nobis fuerit. Nam ejus inveniendæ explicandæque perquam studiosum esse video *Philippum Melancthonem*. Vix tamen sit mihi verisimile, veteres Jurisconsultos observantiores ejus fuisse, quàm fuerint coadjutores *Justiniani*. Et difficile est in tanta Juris Civilis diversitate, varietateque locorum, casuum & temporum eundem perpetuum illum orationis ductum sequi quo Philosophi illi *ἐμπειρικῶς* usi fuere. Ad me huc deinceps non scribes, constitui enim mense Octobri hinc abire, nisi putes literas tuas antea posse perferri. Ab eo autem visurus Frisiam meam, atque inde Spiram ex amicorum consilio & voluntate redibo. Scribam tibi de eo plura, atque etiam forsitan te visam. Habeo enim & mea quædam, quæ ex tuo judicio cupio in lucem emitte. De Privilegiis respondi *Hieronymo*. Vale. Paravi
15. Augusti an. 1533.

EPIST. SELECTÆ AD DIVERSOS. 151

EPISTOLA XLVIII.

ERASMUS ROTERODAMUS

VIGLIO ZUICHEMO PHRYSIO S. D.

*Monet Viglium, ut a Sectarum contagiis, dum Ba- 1533.
filea subsistit, abstineat. De Grynaeo, Thoma
Moro, Tonstallo, Varia..*

Αναγιγνωσκὸς μὲν ὁ

„ VOluiti alios plus scire de te, quàm me. Mihi di- * Inter
„ cebas te pauculos dies isthic commoraturum, at quan- Erasmi-
„ tum ex aliis intelligo, videris isthic hybernaturus, quod anas
„ ut tibi felix faustumque sit, precor. Gaudeo te nobis ali- cccclxxv
„ quamdiu fore vicinum. Illud tantum pro mea in te pie Append.
„ tate moneo rogoque, ut a Sectarum contagiis in totum Col.
„ abstineas, nec ullam illis ansam præbeas, ut per occasio- 1759.
„ nem spargere valeant *Zuichemum* esse suum. Etiam sicubi
„ dogmatibus eorum assentiris, dissimula. Nolim tamen te
„ adversus illos contendere. Satis est Jurisconsulto sic elu-
„ dere eos, quemadmodum quidam elusit diabolum moritu-
„ rus. Diabolus suggessit, Quid crederet; Ait, quod cre-
„ dit Ecclesia. Tum ille, Quid credit Ecclesia? Quod ego..
„ Quid tu credis? Quod Ecclesia. Spero hanc admonitio-
„ nem esse supervacaneam: Verùm si liceret coram, efficerem
„ ut intelligeres me non frustra monere.
„ Scio *Thomam Morum, Tonstallum* (1) ac reliquos eru-
„ ditos esse pessime animatos in *Grynaeum*. (2). Extorsit a me
„ com--

(1) *Tonstallus*] Guthbertus, primum Londinensis post Du-
nelmenensis Episcopus fuit: quo viro vix habebat (Thoma Moro
iudice) orbis quidquam eruditius, prudentius, melius. Scripsit li-
brum eruditum, de Veritate corporis Christi in Eucharistia.. Plu-
ra habet *Miræus de script. sec. XVI.* p. 137. edit. Fabricii.

(2) *Grynaeum*] Simonem, de quo dixi in Not. ad Vitam
N. XIX..

152 VIGLII AB AYTTA ZUICHEMI

„ commendationes iturus in Angliam : commendavi paucis , sed
 „ invitus. Admonui , ut si quid affectus erga Sectas in Anglia
 „ dissimularet. Hoc ille adeo non fecit ibi manens , ut au-
 „ fus sit etiam multis epistolis eo missis tueri *Zwingliana* : nec
 „ veritus est de his ad *Morum* crebro scribere. Postremo de-
 „ creverat *Platonem* ab ipso multis locis depravatum *Moro*
 „ dicare , & fecisset ni dissuasissem. Quo nomine *Morus*
 „ mihi magnas agit gratias. Sed me inscio *Euclidem* inscri-
 „ psit *Tonstallo* : at ego certum scio *Morum* & *Tonstallum* non
 „ odisse pejus anguem , quàm istos addictos Sectis. Nuper
 „ admonui *Grynæum* ne scriberet familiariter ad eos , qui pror-
 „ fus adhorrent a dogmatibus quæ ipse tuetur. Nunc hoc
 „ agit , ut ab Archiepiscopo *Cantuariensi* impetret annuam
 „ pensionem. Et quod est suavius , cuidam epistolæ suæ ad-
 „ jecerat hæc verba , *Recte feceris , si tu jam plena biruda*
 „ *mihi famelico cesseris pensionem Cantuariensem*. Quum me
 „ vocat hirudinem , ex suo me æstimat ingenio : & homo di-
 „ versæ Religionis , nihil umquam de me meritus , petit ut
 „ ipsi cedam ducentos florenos annuos , quod vix frater a
 „ fratre propitio auderet petere. Hinc collige quid ille fron-
 „ tis habeat , quum miram ore præ se ferat probitatem. De
 „ his , aliisque plura dixissem tibi coram , si per theologos
 „ duos ac Doctores licuisset. *Amerbachius* promiserat se hîc
 „ adfuturum intra 14. dies , præteriêre 30. Cupio scire , an
 „ aliquo sit profectus , an param valeat. *Gisbertus* meus non
 „ redit : suspicor nugonem Basileæ aliquod dies cum suis
 „ congerronibus potasse. Spero quod *Hieronimum* isthic repe-
 „ reris , qui an paratus sit , scire cupio. Vale. Friburgo 8.
 „ Novembris anno 1533.”

EPISTOLA XLIX.

ERASMO ROTERODAMO.

*Rescribit ad superiorem Erasmi epistolam , ejusque
 apud Basileam moræ rationem reddit. Spondet se
 obsecuturum consilio Erasmi de vitandis sectis.*

PRiusquam tuas literas acciperem , paucis tibi quid hîc age-
 rem quæque mihi morandi causa esset , indicaram. Sed ex
Hiero-

EPIST. SELECTÆ AD DIVERSOS. 153

Hieronymo intelligo, non satis bona fide literas meas tibi perlatas esse, vel certè seriùs quàm volebam. Quod autem tu ad me prior scripseris, ita mihi gratum fuit, ut sunt omnia quæ ab *Erasmo* in *Vigilium* conferuntur, quæ etsi sunt plurima & maxima, eo tamen semper majora judicavi, quo minus & ego ea promereor, & tu spontaneam hanc tuam erga me benevolentiam pluribus quotidie beneficiis augere, studeret. Hybernare hîc non omnino mihi erat prius decretum, nec adhuc constitui, sed eo consilio Basileam ieram, ut viderem quid de Institutionibus græcis meis factum esset, atque ut alterum exemplar (1) cum priore conferrem, id quod pauculis diebus confecturum me arbitrabar, veluti tibi dixi. Attuleram tamen mecum commentaria quædam mea ex Italia in Jus nostrum Civile, neque eram alienus ab ea voluntate, ut imprimenda aliqua darem, sed non arbitrabar *Frobenium* ea sua officina dignaturum. Porro ubi eorum gustum dedi *Amerbachio*, is ita *Frobenio* commendavit, ut ille ultro postularet. Eaque fuit mihi commorandi occasio, quò emendatius, atque ex animi mei sententia opus ederetur. Proximisque literis id tibi significavi, veniamque de tardius curatis literis tuis precatus sum, atque etiam ut condones precor. Si volueris eas tibi remitti, vel si quid aliud volueris, scribere vel mihi mandare, mittam ante abitum meum proprium ad te nuntium. De Dogmatibus hujus Urbis obsequar tuo consilio, atque pro eo tibi gratias ago. Ego vero sic semper erga religionem fui affectus, ut quemadmodum minime essem superstitiosus, ita neque novis opinionibus dogmatisque facillè crederem. In quo non anthoritatem tantum

tuam

(1) *Alterum exemplar*] Utrumque hodieque exstat in Collegio Vigliano Lovanii. Unum præfert hunc titulum: *Institutiones D. Justiniani in Græcam linguam per Theophilum Antecessorem olim traductæ, ac nunc primum in lucem restitutæ cura & studio Viglii Zuicbemi Phrysii, quarum utilitatem abunde ejusdem declarat præfatio ad Opt. Max. Imp. Carolum quintum.* Quod est acceptum a *Petro Bembo* è bibliotheca Cardinalis *Bessarionis*, quæ nunc est Reip. Venetæ. Alterum notatum est his verbis: *Descriptum exemplar ab Constantino, natione Græco: Venetiis anno 1533. ex veteri exemplari Jo. Baptistæ Agnatii ad usum Viglii Zuicbemi Phrysii.*

154 VIGLII AB AYTTA ZUICHEMI

* *Simone
Grynæo.*

tuam secutus sum, sed semper etiam magistrum te mihi proposui, ut quod a te probaretur, & id ipse amplecti possem, quodque rejiceretur, illud & ego anathema esse mihi persuaderem. Eumque animum ita semel confirmavi, ut non verear ne quis mihi eum excantet. Consuetudo mihi cum Dogmatistis nulla, ne cum illo quidem * a quo ut caverem nominatim monuisti. Id quod faciam certe deinde ob id etiam magis sedulo, quod te erga illum non immerito sic animatum videam. *Amerbachius* doctissimus & candidissimus vir, & mihi studiis, eademque professione conjunctus, non sinit ut me solitudinis interea tædeat. Et domi habeo *Frobenium* ac *Sigismundum Gelenium*, quorum familiaritate me oblectem si quando vacare a lectione lubet. Vale, Basileæ x. Decembris anno 1533.

EPISTOLA L.

Ex Tomo II.
fol. 223.

ERASMO ROTERODAMO.

1533. *Bonam partem Græcarum Institutionum excusam, & commentaria quoque sua excudenda, significat. De Ambrosii quibusdam sermonibus contra Arianos, ac de Cypriani vita. Commendat se, jam auctorem futurum, Erasmo.*

UBi veni Basileam, *Erasme* doctissime, comperi bonam partem Institutionum Græcarum a *Frobenio* ita ut cupiebam elegantissimis typis jam excusam, quæ res mihi magnæ voluptati fuit. Itaque dum apud eum dies aliquot hæreo ut operis progressum viderem, ac cum secundo exemplari quod mecum nunc ex Italia attuli communicatum mihi a *Baptista Egnatio* conferrem, forte quædam mea commentaria *Bonifacio Amerbachio* ostendi quæ hoc anno Patavii conceperam in eos titulos, quos ibi publicè prælegi. Placuit *Amerbachio*, ut ipsa æderem nec multum restiti, cum in eum usum parafsem, & *Frobenius* hanc operam lubenter susciperet. Itaque apud eum tantisper commorari decrevi, quoad id quoque opus absolutum fuerit, adjuvemque in corrigendo *Gelenium*,
qui

EPIST. SELECTÆ AD DIVERSOS. 155

qui ad Juris nostri apices citationesque non satis assuevit. Quod te ignorare nolui, quò veniam mihi concedas, quod literas tuas diutius detineam, perlaturus tamen eas bona fide cum primum me hinc extricaro. Et si quid aliud voles mihi mandare, id per otium facere licebit. *Ambrosii* Sermones contra *Arrianos* (1) cum illic essem, tradere tibi sum oblitus, eos tamen nunc mitto. Descripsit eos quidam meus amanuensis in Italia, & descriptos contuli cum Archetypo, quod & ipsum ea fere menda habet, quæ hic te offendent. Nec volui quidem quicquam mutare, quò tibi eam recognitionem, castigationemque (si forte non dedignaberis) relinquerem. *Zanchus* Canonicus, qui opusculum hoc communicavit, ex Patavio Ravennam migravit. *Cypriani* verò vita, quam ille dedit, eadem est cum ea, quam tu jam pridem *Frobenio* communicasti, proinde nihil opus esse credidi ad te eam mittere. Non ignoras porro, *Erasme* doctissime, quicquid hætenus vel famæ in literis habui, vel etiam quicquid in ipsis profeci, tuis me commendationibus exhortationibusque acceptum tulisse. Quibus certe maximè excitatus, ausus sum eo tandem contendere, ut aliquod studiorum meorum specimen in vulgus ederem. Tuum nunc est eum quem hætenus fovisti non deferere, sed sustinere tuo favore, ne ex hoc theatro quod ingreditur, mox ignominiosè explodatur. Non peto ut me novis commendationibus ornes, sed in veteri tuo de me judicio studiosos per occasionem retineas. Quod & *Frobenii* interest, ne quid ex meis commendariis dispendii ferat. Vale. Basileæ v. Decembris 1533.

EPISTOLA LI. ERASMO ROTERODAMO.

Ex Tomo II.
fol. 224.

Summam suam anxiamque erga eum fiduciam testatur. 1533.

NON mediocriter equidem sum gavisus, cum scrupulum, qui multo magis mihi fuit molestus quàm tibi, ita utri-
que

(1) *Ambrosii sermones contra Arrianos*] Hos non videtur *Erasmus* vulgasse, sunt enim apocryphi, de quibus videri possunt editores *Benedictini* Congregationis S. Mauri in præfatione editionis Parisiensis anni 1686.

156 VIGLII AB AYTTA ZUICHEMI

que nostrum per te exemptum esse, ut uterque alterum vehementius posthac sit amaturus. Nam tu postquam cognovisti me non fuisse in culpa, ac hujus etiam suspicionis occasione mei in te animi declarationem acceperis, *Vigilium* posthac magis tua benevolentia, uti spero, dignum duces. Prudens certe numquam committam, quo minus tuum favorem promerear. Hac autem in re æquitatem tuam animadverti, qui non ilico exorta suspicione me damnaris, sed purgandi copiam feceris, & obtestationi deinde meæ non gravatè fidem adhibueris. Absit autem, ut me *Φιλοβάρη* quispiam a tui amore & veneratione, quem ego supra omnes mortales plurimè facio, alienet. Absit ut ego unquam cogitarim illum a tuo avertere obsequio. Absit ut ego cuidam credam citra meam causam, *D. Erasmus* posse sibi in animum inducere, ut de me parum amice sentiat, qui me nihil tale meritum tantis præconiis honorarit, tantoque semper amore prosecutus fuerit. Ego ut te revisam operam dabo: ac si me hinc expedire poterò, cum *Bonifacio* adero. In hoc profcenium haud magna cum fiducia descendendo, æquiores tamen nobis erunt, quicumque tandem nostra legere dignabuntur, si non cum his quæ ab *Alciato* vel *Zasio* professionis nostræ Coryphæis, sed quæ a vulgo τῶν φιλοβαρῶν eduntur, nostra contulerint. Vale ac *Vigilium* amare ac fovere perge. Basileæ XIII. Decembris an. 1533.

Ex Tomo VIII.
fol. 9.
vfo.

EPISTOLA LII

DOTHIÆ WYARDÆ.

1534. *Omnem artis typographiæ rationem instrumentorum, operariorumque, accuratè describit.*

QUoniam peracto studiorum meorum curriculo in Patriam reversum, multa (uti fieri solet) tum parentes ac propinqui inter quos te, mi *Dotia*, facile mei amantissimum sum expertus, de anteaestæ vitæ studiis, iisque rebus, quarum aliquam cognitionem longa experientia ac annorum quatuordecim continux absentia comparavissem, curiosè interrogatis,

retis: ac tandem forte mentis incidisset artis Typographi-
cæ, occasione nata ab exemplari commentariorum meorum
in aliquot Institutionum *Jusliniani* titulos, quos in meo ex
Italia reditu Basileæ *Frobenianæ* officinæ imprimendos tradi-
deram, tibi que velut militiæ meæ tesseram dono obtuleram;
non satis tunc tibi facere potui exponendo ea quæ ibidem
observaram, nisi eadem quoque scripto me explicaturum
reciperem. Ex quanquam non ea cura singula notaram, ut
de ipsis aliquid litteris me posse tradere considerem (quippe
qui obiter, & quasi per transeanum dumtaxat quæ in ea of-
ficina gerebantur conspexeram) extorsit tamen hoc ab mea
verecundia tua auctoritas, dum nihil tibi denegare ausus
fui, ut ut plus promiserim; quam præstando solvendoque
essem. Ex lubenter quidem silentio hanc obligationem dissi-
mulassem, nisi tua tam crebra appellatio, me tandem cala-
mum in manum assumere compulisset: fidem quidem luben-
ter impleturus, quatenus videlicet se mea extendit memo-
ria. In quo si quid desiderabis, tibi imputa, qui a me po-
tius, quam a peritioribus ista cognoscere volueris. Sequar
autem ordinem quem tunc tenebam singulosque officinæ Ty-
pographicæ ministros paucis recensbo.

In primis ei præest is quem Typographum nominamus, qui
sic nunc a nobis vocatur, non quod ipse aliquid earum ope-
rarum in celebrioribus officinis soleat subire (unde principis
nomen desumptum est) sed quod officinæ Magister sit, sum-
ptusque subministret, cæterisque operariis omnibus a se con-
ductis mercedem exolvat, eisque superintendat. Nam hujus
præcipuum est studium, ut libros prælo dignos venalesque
conquirat, atque in id doctorum virorum, qui ejusmodi aliquid
suppeditare ei possint, gratiam sibi comparet. Et quanquam
nunc primarii Typographi nihil fere præterea operæ præ-
stent, primos tamen ejus artis inventores, omnes partes
subiisse explevisseque verisimile est. Verum operum libro-
rumque imprimendorum magnitudo, multitudoque deinceps
effecit, ut munia ab uno eodemque principio tractata in plu-
res deinde dividerentur.

Igitur post ipsum Typographum proximo loco ponebant
eum, qui ipsos litterarum typos effingit, sculpsitque. Cu-
jus quanta sit præstantia, ex eo dijudicari facile potest.

quod non minus laboris sumptusque libri deformibus, atque alii bene elegantibus, characteribus impressi, consent. Proinde id inprimis Typographo studio esse debet, ut typos quàm elegantissimos conquirat, ac tales præsertim, qui non solum adolescentium perspicacitati; verum etiam senescentium labentibus oculis queant satisfacere. Nimum enim acutæ litteræ oculos offendunt, ac contra quæ rotundæ apteque concinnatæ sunt, etiam si minutiores sint, lectori applaudunt. Et ab hoc quidem artificio, Typographia principio originem duxisse videtur.

Cui adminiculatur eorundem typorum fusor, qui operosis locupletibusque officinis cum primis est necessarius. Quotidie enim ipsi typi litterarii labascunt, atteruntur, confringunturque: unde in consumptorum rejectorumque locum, novi per fusorem substituendi sunt. Verum licet ejus non ita necessaria, quotidianaque, ut cæterorum de quibus postea dicemus, est opera, præsertim in officina semel bene instructa: attamen ut illi primi Impressoriæ artis instrumenta subministrarunt, ita per eosdem retinenda, & veteribus deficientibus typis in eorum locum novi rursus suffiendi sunt.

Hos sequitur is quem Compositorem vocant, cujus officium est typos ipsos litterarios per loculos suos ordine juxta Alphabetum collocatos, secundum materiam subjectam libri, operisque imprimendi, in unum componere, & in syllabas juxta scribendi consuetudinem colligere, opereque completo rursus postea eosdem typos dissolvere, inque suos loculos reponere, distribuereque. Et hujus quidem fere præcipuus est usus, commendabilisque industria, non solummodo ut cito, verum etiam emendate typos ipsos componat. Uti enim in scribendo ii laudantur, qui & celeriter & correcte dictata recipiunt, describuntque: sic & hujus Compositoris diligentia, non minorem laudem meretur. Qui justam autem inter hos operam implent, solent fere duas formas quotidie exhibere: diligentiores, tres: qui quatuor, hi cum primis præstantes habentur: qui verò unam dumtaxat, ignaviæ meritò notantur. Atque hic quidem si cessatum fuerit, cæterarum omnium operarum labor damnosam patitur remoram. Itaque in hoc Typographi vigilare solent, ut ipsi Composit-

positores suum officium diligenter expleant, formasque tempestivè absolvant, quò semel iterumque prelo subjici, ac sic correctius emendatiusque exire, ac imprimi queant. In quo itidem non parva eorum est opera: etenim quantumvis sint diligentes, nisi quoque aliquid eruditionis, judicii que habeant, Correctoribus de quibus postea dicemus, multum negotii facessunt, & cæteris operariis magnum impedimentum adferunt Typographisque officinæ Magistris parum sunt utiles.

Huic autem Compositori succedit is quem Correctorem vocavimus. Quod officium docto alicui viro fere committi solet, qui cum judicio formas compositas relegat, recensetque num recte omnes typi litteræque sint conjunctæ, syllabæque ac orationes distinctæ. Ac hoc etiam officii ipsimet Typographi, si quid litterarum tenent, sibi nonnunquam assumere solent. Et hanc quidem operam ipse *Erasmus* Roterodamus (cui *Frobeniana* Typographia celebritatem primam debet) subire non gravabatur: quo opera sua eo emendatius in lucem exirent. Eadem sollicitudo & me in commentariis meis edendis menses duos Basileæ detenuit, ut prima fœtura emendatior prodiret. Quanquam eo tempore hoc officii præstabat in cæteris operibus, quæ in eadem officina imprimebantur, *Sigismundus Gelenius*, vir insigniter doctus, & longe meliore fortuna dignus. Et cum ipsi Typographi quæstum ferè omnes imprimis sectentur: nisi doctum emunctæque naris Correctorem habeant, quantumvis elegantes sint typi, cæteraque omnia applaudant: laudem tamen amittunt, nisi Correctorum diligentia appareat: cum quilibet Studiosus libros magis emendatos, quàm elegantes requirat.

Correctori autem subservit is quem Lectorem vocant. Collatio enim primæ formæ impressæ cum exemplari, omnino necessaria est: & ut rectè fiat, duorum operam requirit. Solentque in bene institutis officinis tres confici formæ, ordineque singulæ relegi, quo omni ex partè mendæ vitiaque expurgentur.

Ac deinde Impressoribus libera imprimendi fit potestas. Ex quibus unus pilas atramento irrigat, easque invicem collidit, quo se atramentum commodius in eas dispergat: quibus deinde typos undique tingit: alter verò chartas ad id paratas

160 VIGLII AB AYTTA ZUICHEMI

tas prelo imponit, ipsumque deinde prelum subigit, ac sublatis impressis, novas iterum subjicit. Non possunt autem nisi in unum folii latus uno die chartæ imprimi quod prius exiccandæ sint, ne atramentum diffuat, & ut alterius lateris impressionem commodius suscipiant. Ideoque etiam siccativæ quædam materiæ atramento adduntur, quo impressa folia liquorem facilius retineant. Nam nisi bene siccata fuerint, tum quoque cum religandæ sunt, impressæ litterarum figuræ pulsatione facile evanescunt.

Novissime verò Complicatore quoque aliquo opus est, ejus est officium impressas chartas exiccare, deinde complicare, ac postea in duerniones, terniones, quaternionesve (uti nunc loquimur) digerere: ac deinde eosdem in integrum volumen, ac exemplum quemadmodum vendi solent, colligere: formas quoque ipsas ubi numerus imprimendorum completus est, & antequam typi rursus in suos disponantur loculos; diligenter lavare, ne ater viscosusque liquor typis adhæreat, ac minus commodè idcirco vel dissolutæ rursus (dum novæ conficiendæ sunt formæ) componi queant: adhæc etiam pilas papyrumque, quo facilius litteras impressas recipiat, interpolitis quibusdam humectantibus linteolis madefacere, atque atramentum rite confici curare. In quibus tamen operis præstandis partem aliquam ipsi quoque impressores nonnunquam subeunt.

Potissima autem officinæ instrumenta sunt typi, papyrus, atramentum, pilæ, & prelum.

De typis nihil est opus amplius dicere.

Papyrus autem quomodo ex contritis commolitisque linteolis fiat, explicare non est opus. Hæc autem per folia, arcus, rîsas, ac balas, ut vulgaribus utar vocabulis (quando Latina deficient) distingui solet. Continet autem bala rîsas decem: rîsa arcus viginti: arcus rursus folia viginti quinque. Cum autem bala papyri informis quinque florenis vendatur, ubi impressio accessit, viginti ferè æstimari solet.

Atramentum autem hoc librarium impressoriumque non multum a scriptorio differt, quod potissimum ex lini oleo glesioque conficitur.

Pilæ autem hemicycli formam habent, constantque folio pilis suffulto. Quod quia facile conteritur, mutare subinde necesse est.

Prelum

EPIST. SELECTÆ AD DIVERSOS. 161

Pretum autem nihil habet speciale, quod explicari mereatur.

Mercedes cum Impressorum Compositorumque tum aliorum officinarum ministrorum pro temporum locorum hominumque qualitate variant.

Hæc, mi *Deditio*, habui quæ tibi impertirem, ex quibus nonnulla forte obscuriora tibi videbuntur, quam, ut ex hac descriptione mea plenè queas intelligere. Verùm si penitus hanc artem cognoscere desiderabis, propriis ea tibi erunt perlustranda oculis: & mihi veniam dabis, qui hæc te compellente, qualitercumque explicare nisus sum. Bene vale Consobrine comprimis chare. Datum Dalmaniae. Calendis Juliis 1534:

EPISTOLA LIII.

JOANNI GEORGIO HERMANNO.

Ex Tomo II.
fol. 245.
vfo.

Acrius increpat adolescentem ignavia.

1534.

Quando tu nullis meis vel optimi patris literis expergiscere, quibus te de tua ipsius salute toties verberamus: anne nos merito æquus bonusque vir tandem repræhendat, qui surdam incudem frustra tundere pergamus? Quod si tibi est animus, parentem & præceptorem pro ludibrio habere perpetuò, anne nos tandem de digna pœna cogitare magis deces, quam toties tibi pro tua salute supplices fieri? Græci contra filiorum contumaciam abdicationem, Romani jus patriæ potestatis excogitare, quo plerisque olim severissime usus legimus. Quorum si te non terrent exempla, moveat saltem infamia, quam ista sopina & profunda inertia, ista perpetua erga parentem inobedientia, quotidie tibi graviores confas. Toties pater tuam tantæ negligentiam, toties condonavit: sed in furorem, mihi crede, exhibet læsa toties patientia. Scio quid ille jam medietur, si tu obstinare silentio tuo indormiscere pergis. Et ubi quæso tuus exultat animus? quis adeo te incantavit, ut ad tam pias, ad tam frequen-

Tom. II.

X

quen-

quentes, ad tam acres parentis literas obaudias? Solet ista ætas, in qua tu jam constitutus es, quasi jam defuncta adolescentiæ lubrico, tandem ad laudem, ad fortunam, atque ad alia quibus sequens indigebit vitæ tempus, respicere, atque animum erigere: at tu horum adeo nihil cogitas, ut ea omnia ad quæ alii summis studiis intendere solent, quasi de industria subvertere mediteris. Nam studiorum certe adeo tibi nulla esse cura videtur, ut multa objurgatione opus sit, ad literam unam exprimendam. O! sterile ingenium si non potes: O! prodigiosam inertiam, si potes quidem, sed negligis: O! impiam voluntatem, si ut patrem crucies, nihil scribere animum induxisti tuum. Miseret me nimium optimi viri patris tui, cum reputo quàm hoc ille ægrè ferat. Nam quando te obduruisse video ad omnem meam admonitionem, equidem ne manum quoque viceversa propter te verterim. Et quando tibi volupe est, me fortiter contemnere, ego te vicissim pro eo omnino essem habiturus qui haberi postulas cum ista ignavia, nisi me patris, patris inquam tui misereret. Quem te tot sumptibus, tot curis tuo nomine affectum non pudet sic ludere ac contemnere, ut, quasi tu magnus aliquis rex sis: ille vero vile mancipium, dignum sit te quotidiana illius in scribendo ad te diligentia abuti, atque ipsum tuo silentio & contemptu ludificari. Tribus enim forte mensibus, si diis placet, multis prius epistolis rogatus, jussus, interpellatus, ac objurgatus, unum mittis epistolum, ac bellè sane jam febricula prætexitur, jam tumor, aut ulcus est in manu. (o! puerilem causam) nunc plura scilicet eras scripturus, si plus temporis ad scribendum fuisset. At a quibus quæso rebus tibi non suppetit tempus? Tunc audes tempus causari, cum vel totum hoc tempus atque otium tuum, quod pater illic suo magno sumptu alit, literis sit destinatum & studiis? Quoties autem tibi inculcavi potissimam studiorum partem scriptionem esse debere? Cur non scribis eadem opera, non reperiri nuntios qui e Patavio Venetias, vel e Venetiis in Germaniam eant. Cur non scribis in mari non esse aquam? Hoc certe est quod mihi, quod patri, quod cæteris tuis dolet. Hinc enim manifestum præbes documentum, eundem esse in cæteris studiis, quem te in literis scribendis præbes. Ego qui innumeras post abitum meum ex Italia literas ad te dedi,

di, unicam adhuc literas tantum accepi. Scio quibus confidas excusationibus, sed ego peremptoriam habeo adversus omnem exceptionem. Jussi enim ut quicquid ipse velles scribere, vel ab aliis tibi committeretur, id patri transmitteres. Quæ tu verò illi hætenus scripsisti, omnia mihi communicata sunt. Et quod meam impatientiam gravius exulcerat, inde intelligo, nullum abs te libellum, ut præscripseram, annotatum illi a te missum esse: translata abs te historiæ ne tantillum quidem hætenus visum esse. Jam quid in Jure proficias, quodque tuum ea in re sit judicium, inde satis conjecto, quod te ex *Hætoris* * mei congressu plus quam *Arri-* * *Hætoris* *Arri-*
gutii ** lectionibus scribis profecisse. Quanquam enim ego *gutii* ** *Arri-*
Hætozem virum sciam esse doctissimum, attamen Juris tantum *gutius* ab
est candidatus cum alter grandævus sit professor, a quo & *Arre-*
ego discere etiam velim. Quanto mi *Jo. Georgi* esset hone- *Arre-*
stius, te id operam dare quo patrem tot negotiis gravatum, *gutius* pro-
tuis literis nonnumquam exhilarares, studiorum tuorum gu- *Arre-*
stum illi dares, vitæ futuræ consilia communicares, ac te in *Arre-*
omnibus obsequentem præberes. At nunc infima tantum li- *Arre-*
terularum tuarum subscriptio falsum quendam habet obsequen- *Arre-*
tiæ titulum, cum revera nihil sit erga patrem te inobsequen- *Arre-*
tius. Quod si ego aliquid tui eulogii a patre intelligere pos- *Arre-*
sem, ipse paratus essem meis te ornare epistolis, ac ea ad *Arre-*
te scribere quæ tu aliis posses etiam cum voluptate quadam, *Arre-*
& non sine tuo honore legenda communicare, nunc quasi *Arre-*
incus ad strepitum, sic tute mihi ad convitia omnia nostra *Arre-*
compositus esse videris. Quem vero tandem rerum tuarum *Arre-*
finem tibi præfigis? Quo te conferes quando patris gratiam *Arre-*
sponte deponis, atque adeo excutis? Quid de te futurum *Arre-*
existimas? Quin tu, mi *Georgi*, adhuc ad te atque in viam *Arre-*
redi, quæ in studiis a me præscripta sunt perfice, eorumque *Arre-*
patri documenta ede, paternis verò aliorumque literis dili- *Arre-*
genter & mature rescribere cura: ita te amabimus ac omni *Arre-*
studio prosequemur. Sin sensero ne hac quidem epistola sa- *Arre-*
tis acri quicquam te commoveri, jubebo te semel longum *Arre-*
valere. Epistolam a te unicam duntaxat, postquam Italia *Arre-*
excessi, accepi. De libris meis quid fieri vellem sæpe mo- *Arre-*
nui. *Renicus* noster conqueritur; sibi pro aureo floreno *Arre-*
nonaginta tantum solidulos Venetos solutos, ea ratione ma- *Arre-*

* *Hætoris*
 rii.

** *Arre-*
gutius ab
Arre-
gutius pro-
 fessor *Pa-*
 tavinus.

164 VIGLII AB AYTTA ZUICHEMI

gnam ille sustinet jacturam, plusquam viginti duorum florenorum. Scripsi eadem de re ad parentem tuum, is spero jubebit *Utingerum* reliquam addere; quod si impetravero, spero vos diligenter reliquam eam pecuniam Papiam ad *Renicum* transmissuros. Ea in re vide ut tuum studium ac diligentiam sentiam: nam ego sane, quasi ob male curatum negotium, non satis bene ea de causa apud parentem ejus audio. Generosum *Comitem a Salmone*, si adhuc adest, meo nomine etiam atque etiam officiosè saluta: item ipsius præceptorem, ac Doctorem *Wolfgangum*, totamque eius familiam, ac cæteros communes amicos. Bene vale. Dulmaniz
16. Augusti anno 1534.

Ex To-
mo II.
fol. 259.

EPISTOLA LIV.

MATHIÆ HELDT (1).

1534. *Gratias agit de privilegio Casareo Frobenio impetrato pro Institutionibus græcis. Commendat se Matthiæ pro Assessorio munere. De bello Monasteriensi.*

MAgnum quidem, clarissime, Consultissimeque Cancellarie, beneficium tibi debeo. Quod autem pro eo hactenus non egerim tibi gratias, multa mihi obstitere impedimenta, atque illud inprimis, quod nescio quibus adactus fatis, in hanc Westphalicam tempestatem, mittendi ad te literas occasionem nullam habui. Nam postquam in patriam rediissem, cum suasu, hortatuque quorundam amicorum officialis factus essem Episcopi Monasteriensis: Anabaptisticum bellum, quod paulò post eam a me susceptam conditionem exortum est, officium a me tibi debitum penitus intercepit. Cujus tamen cum memoria mihi recens semper manserit: qualemqualem scribendi fortè datam occasionem admodum lubens arripui. Uno autem tuo beneficio in privilegii im-
petra-

(1) *Matthiæ Heldt*] Erat pro-Cancellarius Caroli V. de quo vide not. ad Vitam. N. XXV.

EPIST. SELECTÆ AD DIVERSOS. 163

petratione multos tibi mecum devinisti. Nam *Frobenius & Episcopus officinæ typographiæ locii*, & ego, cum meo nomine, tum etiam *Erasmi Roterodami*, qui ei semper officinæ valde favit, gratias tibi ingentes ago. Est autem ipsum privilegium doctè atque accuratè a te conceptum, ipsi Institutionum frontispicio adjunctum, cujus formam inclusi, si forte totum opus in Hispaniam dudum fuerit perlatum. Utinam autem mihi liceat intelligere; an in Nuncupatione Cæsari inscripta, operæ pretium fecerim. Non aliud verò ambio, quàm ut cum tu occasionem mei promovendi videris; Augustissimus Princeps hac nostra motus opella, benigne suam nobis gratiam impertiat. Nam præsens hæc provincia, quam amicorum jussu suscepi, valde est dubia, & malim, hoc præsertim tempore, civili quàm Ecclesiastico foro operam meam navare. Nec omnino adhuc deposui spem, quam de Assessorio munere tua mihi aliquando præstantia fecit. Porro quàm difficile periculosumque bellum jam multum tempus Episcopus meus adversus Monasterienses Anabaptistas gerat, minime vobis ignotum arbitror. Cujus prosperum exitum optare pene magis quàm sperare licet. Nam longo tempore urbs obsessa, atque aliquoties tentata capi hactenus non potuit. Plebs passim vel eisdem infecta est opinionibus, vel ad libertatem & Anarchiam aspirat. Consilia tamen undique & auxilia vicini Principes conferunt, quibus utinam tandem aliquid fiat. Nam si Anabaptistæ superiores evaserint, mirabilis rerum omnium mutatio videbitur, non modò cleri, verùm omnis legitimi dominii & nobilitatis. Dictu enim incredibile est, quàm scelerata dogmata secta illa invexerit. Nuper verò etiam Regem novæ Jerusalem sive Syon intra urbem creavit, & in vicinas urbes concionatores, Prophetasque emisit, qui & illic ejusdem impietatis duces se profiterentur. Compræhensi tamen scelerati emissarii dignas dedere pœnas. Longa autem hujus tragiæ historia est, quam ad te quidem scribere non gravarer, si extremus saltem actus aliquam tandem Catastrophen aperiret. Nunc adhuc nihil licet narrare, præter illorum sceleratissimam desperatissimamque audaciam, nam nostra consilia omnia pene irrita & vana eventus facit, maximaque belli impendia nihil profuere. Rursus indictus est conven-

166 VIGLII AB AYTТА ZUICHEMI

tus Principum Saxonici, Westphalici, & Rhenensis tractus
ad diem 13. Decembris, in quo nobis extrema spes est.
Præstantissimam Amplitud. tuam florentem & incolumem
tueantur Superi. Ex Dulmania 21. Novembris. 1534.

Ex To-
mo II.
fol. 263.

EPISTOLA LV.

FLORENTIO GREBOVALLIO.

1534. *Florentium a nimia sibi laude tribuenda abstinere
jubet. Commentaria sua excusa emptorem inve-
niunt, Græcæ Institutiones non item. Ab Acade-
mia Dolana, atque ab Hassiæ Lantgravio ad
profitendi munus frustra invitatus, Monasterien-
sem conditionem præfert; atque ad Meckliniensem
anhelat. De stylo, ordineque judiciario Flan-
drorum interrogat.*

Nihil dubitavi, Florenti charissime, de tuo candore, neve
tu non idem sentires quod de me vulgo prædicares,
sed istum nimium tuum impetum non abs re sufflamine quo-
dam cohibendum duxi, quo intra mediocritatis metas consi-
stens, neque mihi majorem opinionem quam sustinere queam,
excitares, & tibi facilius fidem conciliares. Nolim quæso
quæ nuper scripsi liberius, occasionem tibi præbere, vel
quod de tuo non satis sincere sentiam, dolendi. Proinde ne
forte ejus rei replicatione novam tibi conquærendi materiam
præbeam, paucis te rogo, ut nos amare pergas, ac, quan-
do me tua prædicatione non potes non ornare, id tamen
modestè facias. Nam meministi qualem aliquando Prælatum
nimio nostri studio offenderis. Ei quod de græcis Institu-
tionibus a nobis editis, Commentariisque nostris nuncias,
plane contrarium scribit *Probenius*. Nam Commentariorum
exempla pene omnia distraxit, & ea rursus fertur *Sebastianus
Gryphius* Lugduni excudere. Græcæ verò Institutiones
non æquè emptorem reperiunt. Porro aliud argumentum,
ob

EPIST. SELECTÆ AD DIVERSOS. 167

ob testamentorum apud vos defuetudinem, ad quod me hortaris, haud gravatè susciperem, si eadem esset occasio quæ fuit Patavii. Auditorium enim publicum industriam docentis magnopere excitat. In his verò negotiorum procellis, forensibusque occupationibus, ~~videtur~~ ipse de me sperare ausim. Nec tamen animus meus ab profitendi munere abhorreret, si votis meis conditio aliqua responderet. Scripsit ad me Academia Dolana (1) & salarium non contemnendum obtulit. Scripsit & Lantgravius Hassiæ (2) ac ad meum etiam Antistitem unâ literas dedit, quò me pateretur in suam venire Academiam, hoc est Marpurgensem; & professorem, Judiciiue Assessorem creare voluit. Sed nec Antistes meus discedere me passus est, neque vel Burgundica, vel Hessica conditio placere penitus potuit. Itaque adhuc Principis mei Monasteriensis fortunam quantumvis dubiam sequor, quæ si posset prosperum habere exitum, haud me præsentis muneris nimium poeniteret. Nam & ille me charum habet, & facile posset me beare, siquando tempestas hæc sedaretur, quum tribus Episcopatibus præsit. Et salarium nostrum, ut est apud eum mediocre, ita hactenus adhuc certum fuit. Mechliniæ utinam tam ego placerem, quàm illa mihi: verum assuetus alienis impensis, non lubenter eò me confero, ubi de meo mihi fuerit vivendum sub longa eaque dubia spe, magna competitorum multitudine, quorum aliquibus sim eruditione fortassis par, at omnibus pene inferior in cæteris, quæ illic solent ad fortunam parandam adjumento esse. De studiis, institutoque tuo, optabam, ut prolixius aliquid scripsisses. Tantum enim te significasti apud Grapheum Flandren-

sis

(1) *Academia Dolana*] Cui rescripsit, serius ad se allatam eorum postulationem, acceptatâ jam Monasteriensi conditione. *V. Vitam n. XXIX. & in Nois.*

(2) *Scripsit & Lantgravius Hassiæ*] Causam, quam hic retinet recusationis suæ, totam politicam, *Hieronymo Frobenio* sic expressit: „Marpurgum nuper me invitavit Lantgravius, sed „scis erga illum principem, Cæsarem non satis amico esse „animo, sub cujus ditione cum parentes mei vivant, ac „qualecumque patrimonium possideam, subvereor, ne quid „inde detrimenti vel illis, vel mihi possit accidere.” *Tom. 2. p. 286.*

168 VIGLI AB AYTTA ZUICHEMI

sis iudicii habitare. Scio nullum esse locum magis idoneum ad praxim forensensem perdiscendam: cum illic omnes partium controversiæ, iudicumque sententiæ deponantur, describanturque, ut tibi ex variorum actorum inspectione facile liceat colligere, quæ aliis longo usu sunt observanda: sed non addidisti, an eo consilio illic habitares. Quamobrem cum iterum ad me scribes, rogo ne gravere prolixius mihi tuum institutum exponere: & si illi praxi operam das, quæso, ut de stilo vestro nonnunquam aliquid scribas, id est, quem habeatis ordinem in causarum actione, an peculiarem, an plane Francicum: quomodo contumaces compellatis, quomodo possessionum iurgia disceptetis, interdictisne secundum Romanas leges, an sequestris, an alio pacto? litemne contestemini verbis conceptis, sive expressis, & deinde per positiones, articulofque actionem repetatis, an nihil horum? Item illud etiam indicato scriptone compræsentum habeatis Judicarium ordinem, an usu, & more inductum simpliciter sequamini? Ecquid tibi cum *Bartholo, Baldo, Paulo, Alexandro, Fasone*que nunc convenit? nam his olim solebas gnaviter incumbere. Ego in hac tempestate minimum habeo otii quod illis Heroibus impendam: quorum lectionem tibi soleo commendare: & spero te illos ne nunc quidem plane negligere. Vale. *Dulmanæ Calendis Decembribus anno 1534.*

Ex To-
mo II.
fol. 263.

EPISTOLA LVI.

GEORGIO CORENBECHIO.

1534. *Quod Praga bonarum literarum doctoribus careat, religionis diffidio adscribit. Queris de statu rerum Bohemicarum. Amico consilium aperit de subsequenti ætatis instituto. De fortuna sua.*

PRagam te concessisse, Georgi doctissime, ex *Georgii Hermannii* communis patroni literis dudum intellexi. Et tibi gratulor, quod tandem ex animi sententia vivendi conditionem, cujus te pertœdebat, permutaveris. Quanquam mi-

minime arbitrabar, tam celebrem urbem bonarum literarum (id quod scribis) doctoribus carere. Verum eam (ni fallor) calamitatem, solitudinemque omnibus pene Academiis religionis dissidium intulit: quod illic primum exortum, in Germanicam nationem paulatim irrepsit, ac nunc in hac nostra plaga acerbos excitavit tumultus, postquam cum Anabaptistica secta errorum exundavit pelagus, quæ nobis nunc barbariem quandam, disciplinarumque omnium excidium minitatur: nisi Deus opt. Max. eam pestem averterit. Valde autem scire aveo, quisnam per Bohæmiam Reipublicæ nunc status sit post *Hussitas* illas procellas. Et miror, si adeo diversa de religione credentes, vel ipsi in Reipublicæ administratione consentire, vel Regem Catholicum ferre possint. Rogo autem te, mi *Corenbechi*, ut si quando otium tibi sit, & si res Bohæmicas exploratas habes, de ipsis ad me scribas. Unde, quis olim forte apud nos status futurus sit, conjiciam, si nostrates Bohæmorum exemplo, aut illis etiam furiosius tumultuari forte pergant. *Georgius Hermannus* crebro ad me scribit, magnamque ejus erga me humanitatem quotidie experior: unde intelligis, te ob simile officium non vanum reportaturum præmium. Ego verò, si quid te mea commendatione apud illum adjuvare potero, minime per occasionem id negligam. Tu vicissim cura, ut adolescentes tuos in mei amore retineas, apud quos ego vicissim parentum causa vehementer afficior. Illud porro, mi *Georgi*, subvereor nonnunquam ne, quæ ego aliquando te de eo studio, quod ipse profiteor, hortatus sum, non sit tibi exequendi occasio. Cogitare tamen te interdum velim de subsequenti ætatis certo aliquo instituto, quo in tempore studia tua applices. Multi in rebus civilibus, publicisque, etiam citra legum cognitionem illam exactam, periti sunt, ad quas tu quoque mihi visus es ingenium habere propensum. Proinde, si non potes Jureconsultorum subtiles & laboriosas traditiones perdiscere, memento tamen per occasionem, ad aliquod publicum munus te idoneum reddere. Ad quod consequendum adjumento tibi erunt illi, quorum tu liberos erudis, viri omnes cum summæ auctoritatis, tum & humanitatis. Mihi mea fortuna nondum adeo placet, ut de ea multa tibi scribere possim. Interea tamen publicis negotiis, &

170 VIGLII AB AYTТА ZUICHEMI

hujus juridicæ nostræ disciplinæ praxi paulatim assuesco. Fungor enim Judicis munere, olim quidem satis amplo, nunc verò valde inquieto & turbulento, ea tamen spe, fore aliquando, ut post tantas tempestates optata sit reditura serenitas. Vale, amice optime. Dulmanix in Westphalia Calendis Decembribus an. 1534.

Ex To-
mo II.
fol. 267.

EPISTOLA LVII.

KEMPONI A MARTENA (1).

1534. *Quantus vir Kempo. De obsidione Monasteriensis.
De statu officii sui.*

PErgratum mihi fuit, Clarissime Doctor, quod me tuis literis fueris dignatus, quæ amplissimum mihi testimonium perhibent, non modò scribendi ad te officium meum non displicere, sed te etiam meæ fortunæ ex animo favere. Quamobrem dabo operam ut hoc obsequii genere te mihi magis atque

(1) *Kemponi a Martena*) Suff. Petri de script. Frisix dec. XI. cap. 3. scribit, eum virum fuisse primariæ nobilitatis, & summis naturæ ac fortunæ dotibus ornatum, quem vide, nec non *Bibl. Belg.* Carolus V. *Imp.* Hispaniarum tunc princeps tantummodo, cùm Frisix dominium consequeretur a Saxone, provinciæ administrationem commisit octoviris, quorum quatuor post inaugurationem creavit Equites. Inter hos & illos locum habuit noster *Kempo*. Nomina & ordinem inveni in mss. Frisix Annalibus apud *D. Joannem de Wist* ærarii Cæsarei Bruxellis consiliarium ac commissarium lib. 12. p. 4.

Rectores Frisix.	{	2 Hesselus Martena	} Equites 1515. (<i>Vigili patrui.</i>)
		3 Kempo a Martena Doctor	
		5 Tyrardus a Burmannia	
		6 Tzalingus Botnya	
		1 Bernardus Bucho ab Aytta	
		4 Godscalcus a Jougema	
		7 Renicus Camminga	
		8 Geroldus Herema.	

que magis quotidie demerear. Benevolentiam etenim tanti viri, & quo non alium nostro tempore communis patriæ habet plurimis predictum ornamentis, non possum non plurimi facere. Sperabam verò læto aliquo argumento, fœlicisque exitus hujus obsidionis nuncio, mei apud te memoriam me renovaturum: sed præter omnium expectationem hæc Martis alea cecidit, cujus non dubito rumorem, reipsa etiam graviorem, multò ad te antea permanasse. Nam pridie Calend. Septembris omni apparatu atque vi constitutum erat urbem * oppugnare, & miles videbatur ad id opus satis esse animatus ac promptus, verum levi clade repulsus, a pugna statim destitit, Principemque nostrum & cæteros, quorum communi consilio hoc bellum hætenus gestum ac sustentatum fuit potiundæ urbis spe pene destituerunt. In id tandem consensum est a proceribus, propugnacula quæ vulgo *Blockbuisen* appellamus, circa urbem collocare, præsidiumque singulis imponere peditum 2000., equitumque 300. Ac isthac manu confidunt posse se prohibere ne quisquam quicquam importet, aut ne qui intra urbem sunt temere excurrant, quod quantum sit profuturum, tempus ipsum docebit. Machinas vero bellicas majores numero 45., jam in vicinas arces cœpere transferre. Sed periculum est, ne cæteræ urbes & pagi, ita ut sit, Monasteriensium victoriam sequentes iisdemque jam dudum infecti opinionibus, ad ipsos desciscant, clerumque & nobilitatem ejiciant, funditusque evertant. Eo certe loco res posita esse videtur, ut non amplius humanis consiliis sedari possit, planèque divino nobis numine opus sit. Ego quid hoc loci faciam ambigo, Princeps me humanitate sua ita devincit, ut parum mihi sit integrum ab eo recedere. Nec habeo quicquam quod de eo conquerar, tantum mihi molestum est, res ei nimium esse adversas. Hætenus certè me minimum conditionis hujusce pœnivit, nam Jurisdictionis munus quod sustineo, olim fuit amplissimum ac cumprimis honorificum, etsi nunc cum fortuna Præfulis succumbere videatur: forensis certè praxis magnum usum adfert. Et hoc tempore bellicorum consiliorum qualisqualis experientia accessit. Certè statum & situm hujusce regionis probè perdidici, quod usui aliquando mihi esse poterit, & nunc non mediocri est voluptati. Denique hæc

* Monasterien-
sem. Vid.
Not. ad
Vitam
N. xxix.

172 VIGLII AB AYTTA ZUICHEMI

adhuc citra meum sum damnum, quapropter non est cur me exacti hic temporis pœniteat, sed futuri metus compellit, ut aliò respiciam, ac in sedatiore regione fortunam quæram. Quo me tamen potissimum hac tempestate convertam, haud satis video. Habeo enim quos fugiam, quos sequar non habeo, ut ille dixit: quando hi fatales quidam sunt tumultus, quibus tota hæc nostra orbis plaga concutitur. Attamen hic perdurare certum est quoad per hostiles impetus licebit. Ostendet autem Deus forsitan aliquem finem, aut aliqua obtinget melior conditio, ad quam tuus mihi favor non leve isthic suffragium ferre potest. Quamobrem tuam Amplitudinem etiam atque etiam rogo, ut nostri per occasionem memineris. Bene vale. Ex Dulmania v. Decembris anno 1534.

Ex Tomo II.
fol. 268.
vfo.

EPISTOLA LVIII.

UDALRICO LANGEMANTEL (1)

1534. *Elegantibus verbis expetis Ulrici amicitiam. Hanc sapienter depingit. Cicero quo modo imitandus.*

EQuidem, ornatissime *Ulrice*, candorem tuum non ignoro, &, qua erga me semper fueris benevolentia, satis me-
mini, quæ mihi eo fuit gratior, quo te in familiaritatem pau-
ciores

(1) *Udalrico Langemantel*] Is patricius Augustanus, sodalis *Viglii* fuit in Patavio. Hic dicitur Suevus. Cum ejus fratre *Leonardo* fuit illi longa consuetudo in Gallia sub præceptore *Alciato*, amicitiaque, communi studiorum occasione, arctissima inter eos intercessit, qui ad forum & negotia translatus, in Ducis Baviaræ consilium adscitus fuit. *Tom. 2. p. 204. vfo.* Nec *Ulricum* minoris fecit, quem ad *Henricum* illum, de quo hic, scribens, his verbis salutat: *Noster Ulrichus Langemantelus, ipsissimus amicitiae candor, quid agit, quid valet, an potest mei oblivisci?* Ibid. p. 243. Qui hos fratres propius nosse volet, videat *Corbinianum Kbayn in Hierarch. August. part. 1. p. 334.* Vide quoque de quodam *Ulrico Langemantelio*, hujus patre aut patruo, *Freberum rer. Germ. tom. 3. p. 218. in not. edit. an. 1717.*

ciores admittere sciam. Vulgares enim amicitias perpetuò contempsisti, delegisti tibi paucos, sed quos ex animo amares. In quo numero ego semper esse cupivi, & fuisse me hactenus videor, atque ut me in posterum habeas, etiam atque etiam rōgo. Et quanquam corporibus longè fortassis distiti erimus, animis tamen simus conjuncti. Tuque sive apud Italos habitabis, sive apud Suevos tuos redieris, cogita te ad extremam Oceani oram, & apud barbaros Frisios habere tui amantissimum *Vigilium*. Plerique ex utilitate, commoditateque solent amicos metiri, quæ quidem nulla unquam tibi ex me esse poterit. At cum te in rerum bonarum malarumque discrimine magno judicio præstare semper cognoverim: nihil vereor, ne vulgaris ille hominum affectus, nostram familiaritatem corrumpat. Abunde magnus est fructus ipsa sibi amicitia, ac ea mihi semper mens fuit, ut ex recollectione amicorum magnam acciperem consolationem, præfertim si mutua charitas ortum suum ab iis initiis duxerit, quæ nos principio conjunxerunt. Nam tuum multis in rebus erga me studium perspexi, cui accessit consuetudo primum familiaris, post etiam domestica, quam summa animorum consensio jucundissimam nobis reddidit, ut me nunc ipsa adhuc memoria non mediocriter oblectet, quæ non modò tuis literis renovata est, sed sua etiam sponte animo meo crebro recurrit. Miror verò si te adhuc Patavium habet: nisi unus forte *Lazarus* * tanti tibi est, quem ego quidem nunquam contempsisti: sed te ramen malim in Jurisprudentiâ idoneum sectari magistrum. Nam in literis ita mihi profecisse videris, ut ipse tibi deinceps magister esse possis. Nec *Cicero* ille tuus in quo exercere te soles; ita obscurus est, ut tibi eo intelligendo, interprete sit opus. Imitandi vero studium, non tam auscultatione quàm scriptione, multaue commentatione, qua optimam quandam formam stylus recipit, perficitur. Ejusmodi verò imitationem nunquam reprehendi, nec eam damnat *Erasmus*. Et ipse non recusassem operam in eo diligentem ponere, nisi aliis, me Hercle, studiis occupatus semper fuisset. Papiæ tibi ad scribendum satis argumenti suppeditare potest. Proinde si memor adhuc es nostri, & si illuc adveneris, quæso ut intelligam ex te ea, quæ me scire velle cognovisti. *Hedoris* † mei consue-

* Bonamicus..

† Hoxviril.

174 VIGLII AB AYTТА ZUICHEMI

do tibi non displicebit. Si eo uleris familiarius, cognosces eum & eruditione, & integritate, & omnibus virtutibus ornatissimum esse. *Rechlingeros* rogo, ut in eodem tecum studiorum cursu retineas. Magni mea interesse puto, ut illi ad frugem evadant, quæ mihi sane semper de eis spes fuit. De meis rebus ad *Henricum* scribere soleo. Quamobrem si quid est quod earum scire requiras, est a quo petas. Vale. Dulmaniae 1534.

Ex To-
mo II.
fol. 271.

EPISTOLA LIX.

HENRICO RECHLINGERO (1).

1535. *Henricum discipulum olim suum instruit quo modo forensē sibi praxim acquirat. Stylus exercendus. De bibliotheca sua, quæ Patavii, curanda. Cujus gentis vitium sit zelotypia.*

G*Georgius Hermannus* qui mihi significarat te mense Julio ex Italia revocatum in Germaniam, idem nuper scripsit, Spiram te ablegatum, quod ut tibi fælix aut faustum sit, pro mea erga te pietate atque amore, ex animo comprecor. Etenim voto, mi *Henrice*, opus est, non minus ut fæliciter praxis fundamenta jacias, quàm olim ut Jurisprudentiæ mysteriis recte erudireris. Nunc verò eo etiam te magis sollicitum esse decet, quod in eo præteritorum annorum, totiusque superioris ætatis studii fructus tibi existimatio vertitur. Quàm vellem autem ut quantum cupivi studuique in Juris disciplina olim te proficere, tantum nunc etiam possem in ea, quam ingressus es via, tibi quasi fidelis sive monstrator sive magister præeundo prodesse. Verùm cum in eandem palæstram ipse nuper primum descenderim, quod munere de quo aliquando ad te scripsi, propter bellicam istam tempestatem, veteri more auctoritateque mihi fungi non liceat: non habeo, ut quantum opto, te adjuvare & præceptis meis instruere possim. Te tamen spero jam per te satis sapere: quæ-

(1) *Henrico Rechlingero*] V. Notas ad Vitam N. XX.

EPIST. SELECTÆ AD DIVERSOS. 175

quæque tibi usui sunt futura animadvertere, ac in eadem te omni conatu incubitutum non dubito. Illud autem nonnullos remorari solet, qui ex Academiis veniunt, atque perniciosum quendam fastum inde fere adferunt: ut quæ nesciunt, discere eos omnino pudeat: cum tamen ea talia sint, quæ ex libris percipi non satis queant, sed in foro tum cum sæpius videntur, rectius intelligantur. Proinde illi optime sibi consulunt, quos nescire magis quam discere pudet, quique se veteranis fori actoribus patronisque applicant, quo eorum experientiam ipsi in usus suos convertant. Illud verò te meminisse *Henrice* velim, non aliud esse praxis discendæ verius compendium, quam si te diligenter sponteque negotiis offeras: principio tamen temet peritioribus adjungas, deinde paulatim ipse aliquid negotii tentes, & sine cortice natare discas. Cum verò magna vis styli sit, cum non latina tantum, sed & vernacula legendo scribendoque exercere, perquam utile esse comperies. Hæc non dubito quin frustra te moneam, quum ætas tibi tua præsensque institutum satis ostendat, quam cura & industria opus sit, ut aliquem studiorum fructum assequare opinionemque quam excitasti tueare. Verum ego cum te amem ex animo, nolo te meum officium tametsi supervacuum desiderare. Et me apud te semper aliquid authoritatis habere voluisti, quam adhuc me retinere arbitror, etiamsi longo tuo silentio non modicum offendor, eo quidem justiore de causa, quod ipse meis te literis toties interpellarim, ac de re quæ mihi maxime cordi est, hoc est, libris meis tam tuam operam fidemque rogaverim. Nam ego toto proximo anno trigesimo quarto a te scriptam epistolam nullam accepi. *Georgius* tamen *Hermannus* nuper suam obtulit operam in bibliotheca curanda, eamque nihilominus in te positam fiduciam habeo, minime videlicet te charissimam mihi suppellectilem interea neglexisse. Ego adhuc dubiam Antistitis mei conditionem sequor, quam tolerabiliorem facit ejusdem erga me benevolentia, expeditaque salarii solutio, etiam hoc difficillimo tempore. Unde melioris fortunæ spem suscipio, si modo Deus nos tandem patietur Anabaptisticam colluviem e medio tollere. Urbs autem munitissima ab ea secta occupata vi capi nequit, sed coquos cellariosque spes est finem tandem eorum impio Regno

176 VIGLII AB AYTTA ZUICHEMI

gno imposituros. Ego omnino decrevi finem hujusce tragædiæ videre, neque conditionem hanc primam temerè deferere. Landtgravius Hassiæ ad Marpurgensem Academiam me invitavit, facturus & professorem & Judicii sui Assessorem, eaque de re ad meum Principem scripsit, verùm id ab eo impetrare non potuit, ut me dimitteret, & ego propter multas causas (2) quas intelligis, non satis in eam conditionem inclinatus fui. Ages tamen *Agninis* (3) communibus amicis gratias, qui ei rei occasionem præbuisse mihi videntur, nam *Joannem Megobacchum* Medicum Marpurgensem impulerunt ut apud Principem suum Academiamque eam rem agerent. *Peutingerum* (4) veterem maritum, arbitror novum jam patrem factum esse. Utrunque si ita est, meo nomine ei gratulaberis, si modo te sibi adeo familiarem esse patitur, quàm olim fuisti. Multas enim amicitias matrimonium, atque omnis in unam translatus amoris affectus, dissolvit. Zelotypiam non arbitror in eum cadere, cùm hoc vitium Italicum sit, quorum ille gentem universam execrari solet. Vale. Dulmanix 4. Januarii 1535.

EPISTOLA LX.

FRANCISCO CRANEVELDIO.

*Ob tardius redditas Francisco literas suas nugatur.
De Institutionibus Græcis Latine vertendis consilium dat.*

BELLE tu quidem, doctissime *Craneveldi*, hibernis frigidibus imputas, quod meæ literæ tardius redditæ fuerint. Sed

(2) *Propter multas causas*] inter quas fuit differentia religionis, quæ impedivit quoque ne Electori Brandenburgico operam suam locaret. V. ead. Notas N. XXXVIII.

(3) *Agninis*] quorum unus *Hieronymus*, vir valde eruditus, & apud Spiram causarum patronus; a *Viglio* pro munere advocati filii commendatus fuit *Joanni Ferenbergero* Regis Romanorum Ferdinandi secretario. V. tom. 3. 101. Alteri nomen erat *Marcus*.

(4) *Peutingerum*] *Claudius Peutingerus* Augustæ uxorem duxit perquam opulentam. Hujus pater *Conradus* cum Maximiliano L. Imp. cujus erat Consiliarius, sæpe in Belgio fuit. Tom. 2. p. 365.

Sed pro *Lucretianis* accipe non dissimilem, barbaram tamen, fabulam: solent certi anni tempore e longinquo negotiatores mercium permutandarum causa ad utrasque Borysthenis ripas convenire, & colloqui. Accidit hyeme, ut quamquam gelu duratum flumen accessum permetteret, ipsi tamen, vel quia ita consueverant, vel quia non satis fidebant, in inimicorum regnorum limitibus propius non congregarentur. Cum difficile verò hinc inde exaudirentur, propter fluminis latè exundantis spatium, quidam barbaris indicavit causam esse, quod in tanto frigore voces priusquam ad alteram ripam pervenirent, congelascerent. Itaque ignem in media glacie frustra ridiculeque tentarunt. Ego verò per mercatores illas meas literas curaram, qui hic fecere quod fere solent, ut sua curantes negotia, aliena negligant. *Mulardum* non dubitavi ad mea commoda promovenda esse propensissimum, idque ex proximis ejus literis abundè intellexi. Quanquam autem hic difficile me extricare valeam, attamen nihil non tentabo, quo vobis propius jungar. Quod *Theophilum* a me editum tuis laboribus dignum duxeris (1) mihi multo gratissimum est. Nec te id quæso ab incepto opere avertat, quod Gallus quispiam (2) eandem sibi operam sumpserit. Etenim tua versio non modo melior erit, sed etiam magis gratiosa, multis de causis, quas hic tibi in os referre supersedeo. Illud tamen te latere nolim, me græcum exemplum rursus relegisse, contulisse, emendasseque, atque id te in tua versione sequi malim, quam quod editum est. Communicabo autem libenter cum propius accessero. Id tamen nolim spargi,

(1) *Tuis laboribus dignum duxeris*] Franciscus Craneveldius, qui fuit Noviomagus Gelder, equestris dignitatis vir, & senator in Parlamento Mechliniensi ab anno 1522. dicitur (*in bibl. Belg. Val. Andree*) sexagenario major græcas literas didicisse, tanto cum successu, ut latina de græcis faceret. Argumentum habes ex hac versione. Cum *Mulardo*, de quo hic, sive *Gerardo Mulert* amicitiam coluit, qualem *Orestes* cum *Pilade*, inquit *Viglius*.

(2) *Gallus quispiam*] Jacobus Curtius. Inde nata est conjectatio literaria cum *Petro Nannio* de qua *Viglius* doluit, uti videbimus in epistola ad *Petrum Bousanum* an. 1537.

178 VIGLII AB AYTТА ZUICHEMI

gi, ne *Frobenio* damno sit (3) qui sua exemplaria nondum omnino distraxit. De *Theodorico* sublatam occasionem gratificandi amico, doleo. Sed tamen recte fecisti qui id quamprimum mihi significaris, ne illum diu suspensum teneam. Si quando propius habitabimus, atque nuntiorum erit copia, spero nobis crebriorem majoremque literarum usum fore. Bene vale doctissime, amantissimeque *Craneveldi*. *Dulmaniae* 5. Februarii anno 1535.

Ex Tomo II.
fol. 283.
vfo.

EPISTOLA LXI.

ERASMO ROTERODAMO.

1535. *De Anabaptistarum fanaticis conatibus. Significat se Monasteriensis Episcopi nomine ad Comitum Wormatiensium profecturum.*

Non arbitror te ignorare, *Erasme* doctissime, fatales hujusce inferioris Germaniæ nostræ tumultus ex Anabaptisticis dogmatis excitatos, de quibus & prioribus meis literis aliqua ad te scripsi. Et quotidie tam multa passim nova, miranda, horrendaque accidere commemorantur, ut literis compræhendi cuncta nequeant. Crebrius tamen de ipsis ad te scripturus essem, si modo tabellarii mihi ad manum essent, quo hac saltem occasione & meo erga te officio satisfacere, & veterem tuam in me benevolentiam conservare possem. Cujus tamen spero majorem mihi aliquando oportunitatem fore, neque enim arbitramur Deum Opt. Max. perpetuò hanc tempestatem sævire, & tam crassis erroribus humanas mentes fluctuare passurum. Certè si Monasterium munitissimum Anabaptistarum receptaculum in nostram potestatem redactum esset, magnam totius negotii partem confectam habere-

(3) *Ne Frobenio damno sit*] Alibi ipsimet *Frobenio* imputat quod eas distahere nequiverit, qui nimia festinatione illas incommendatius excudit: quamquam damno ei fuit, quod *Cursus* paraphrases *Rescius* ediderit.

EPIST. SELECTÆ AD DIVERSOS. 179

beramus. Ea autem urbs armis expugnari difficulter poterit, sed aliqua spes manet, ut fames propediem finem eorum ferociae imponat. Interea tamen obsessi minime quiescunt, sed nefanda per Emissarios quotidie moluntur, praesertim in Hollandia & Frisia, ubi omnia hisce sectis misere turbata sunt. Vesaliae quoque & Daventriae in clerum, magistratus, & patricos crudelia consilia Anabaptisticae * ibi delitescentes inierant, sed ea tamen in tempore non sine divina providentia detecta sunt. In Groningensi verò agro, initio praesentis anni, Anabaptista quidam homo idiota, sed linguarum dono coelitus (uti credebatur) afflatus, & ad miraculum rusticae plebis judicio facundus, & in sacris literis exercitatus, quum plurimos in suam traxisset sententiam ac rebaptisasset, tandem hac fretus autoritate, ad novum quoddam prodigiosumque doctrinae genus declinavit. Nam Christum negabat verum fuisse Messiam, sed tantum praecursorem. Cum verò is nondum venisset, & omnino venturus esset, viam praeparandam esse. Huic ignis non nunquam circumfulgere videbatur, & in altum, tertiumque (ut ajebat) coelum attollebatur, mirandaque tum loquebatur, tum faciebat. Nonnullos verò cum vitae periculo circumcidit, Judaicaeque holocaustomata instaurare coepit, eoque paulatim est progressus, ut seipsum Messiam esse diceret, tot seculis promissum & expectatum, jamque adorari volebat. Hic intellecta est impostura, diabolicumque commentum. Groningenses vero cives, magna manu ad comprehendendum Messiam egressi, totam eam scholam impietatis disturbarunt. Dum verò capiunt, ligant, ducuntque novum Messiam, horribilis in aëre strepitus auditus est, compertumque tandem demonibus fuisse eum obsessum. Expiravit autem haud multo post in carcere. Multa de eo vulgus affingit, sed quae naravi, fide dignorum hominum relatione didici. Ex hac autem Anabaptistarum secta, nova opinionum portenta quotidie exoriuntur. Quae si progressum habuerint, religionis, literarum, omnisque humanitatis certum imminet excidium. Principes autem constanter adhuc suppetias Antistiti meo ferunt. Et post Pascha Vormatiae indicta sunt Comitia, ea potissimum de causa ut Anabaptistarum motibus occurratur. Credo & me illuc Praefulis mei nomine cum caeteris legatis

* *Lege:*
Anabap-
tisticae.

180 VIGLII AB AYTТА ZUICHEMI

profectorum. Id si contigerit, non omitam quin inde ad te scribam. Tantum illud sine me vicissim a te impetrare, ut tuis interdum literis fruar, quibus diu non sine magna animi molestia & dolore carui. Bene vale. Dulmanix 28. Februarii anno 1535.

Ex To-
mo II.
fol. 287.

EPISTOLA LXII. HECTORI HOXVYRIO.

1535. *Graviter queritur de iniquo tempore ob religionis periculum. De rebus suis Hectorem edocet, & de lucubrationibus suis interrogat.*

HÆc tempora, *Hector* ornatissime, quæ semper in deterius vergunt, bonarumque omnium rerum & artium apud nostrates exitium, & Schyticam quandam barbariem minantur, non finunt, ut ex gratulatione tua solidam veramque lætitiā animo concipere possim. Quanquam illud tuum quod mihi adscribendum duxisti eulogium, non tam pro meo merito quā tuo studio non possit me non delectare, gaudēque me dignum a te ea conditione reputari: attamen non modo hujus muneris mei dignitatem præsens tempestas obnubilat, verū melioris conditionis spem pene intercipit. Nam cū hic semper mea consilia instituissē, ut inde qualemqualem facultatem commodius futuram traducendi ætatem consequerer, nunc ipso usu comperio hominum nostratium mentes ab disciplinis honestisque studiis quotidie alieniores fieri, & prætextu Evangelii omnem religionem abdicare, humanaque & divina Jura pro nihilo æstimare. Nisi autem nobis adversus hanc ingruentem barbariem Deus auxilio sit, quid est, mi *Hector*, quod nos literas didicisse juvet? Verū his querimoniis supersedere satius dūco, ne nimium mea responsio a tua dissonet epistola, atque pro gratulatione lamentationem occinam. Nam & quæ sit ista Hydra, quod habeat capita, quomodoque uno reciso plura quotidie resurgant, quā late dominetur, quāque penitus vulgi animis insideat, epistola non capit. Et ut in summa tibi statum

EPIST. SELECTÆ AD DIVERSOS. 181

tum nostræ patriæ vicinarumque regionum indicem, nisi Principes omnes communibus consiliis adversus eam niterentur, haud ulla esset amplius tanti mali excidendi extirpandive spes. Interea illud habeo inde commodi, quod hac rerum tempestate & patientiam disco, & nonnullo rerum usu erudior, instruorque. Ago autem adhuc in Westphalia, Principis & Præfulis mei quantumvis dubiam conditionem sequens, qui jam annum totum Monasterium Anabaptistarum receptaculum sola spe fame eos edomandi obsidet. Mihi interea salarium prompte solvitur, Præfulque me sibi cumprimis charum habet, cujus fortuna si ex his emergere periculis poterit, non erit cur me valde pœnitere hujus conditionis debeat. Valde aveo scire ecquid tantæ expectationi Clarissimi præceptoris nostri *Alciati* meæ lucubrationes responderint: quod tu te scripturum recepisti, & ut exacte fideliterque facias, etiam atque etiam te rogo. Ego hinc & antea ad te literas dedi, & id sæpius facere non gravarer, si ullam haberem rectam rationem eas ad te transmittendi. Nunc hæc Anabaptistica perfidia vix in Frisiam tutò nostras literas pervenire finit, nec ignoras quantum inde iter in Italiam sit. Et ego quotidianis occupationibus, peregrinationibusque sic fatigor, ut meo animo in amicorum officiis veteri more satisfacere nequeam. Nunc rursus ad Vormatiensia Comitia me apparo, ubi ex communis Imperii & Principum Germaniæ sententia de auxiliis contra Anabaptistas decernendis agetur. Bene vale & fac nos tuis interdum frui literis. Dulmanæ 27. Februarii 1535.

EPISTOLA LXIII.

FRANCISCO RUPILIO.

Ex Tomo II.
fol. 293.
vfo.

Quibus facientibus ad munus Assessoris Camera Imperialis Spirensis promotus sit. 1735.

UTinam, charissime *Rupili*, tantam tibi vicissim ex mea amicitia utilitatem præbere possem, quantam ego & antea percepi, & quotidie ex te percipio. Quanquam au-

182 VIGLII AB AYTTA ZUICHEMI

* *Legē* :
præsen-
tatio-
nem.

tem nostra familiaritas communes illas gratiarum actionis formulas non admittit, ego tamen non puto grati hominis esse apud eum, a quo bonum aliquod proficiscitur, id ipsum dissimulare. Gestis forte audire quidnam id sit, expediam paucis. Cæsar nuper ad fratrem *Ferdinandum* de me ad Assessorium munus in Camera Imperiali promovendo, cum locus vacaret, nomine domus Burgundicæ scripsit. Cumque literæ ex Hispania venirent, forte Viennæ fuit *Georgius Hermannus*, vir mei uti scis amantissimus, qui diligentissime egit ut præsentatio * (sic enim vocant diploma quo iudex & assessores novum Assessorem recipere jubentur) Regia M. expediri decerneret, eamque expeditam in meliori (uti vos *Curtisani* loquimini) ad me misit. Commodum verò accidit sub idem tempus quo præsentatio ad me venit, ut ego ab R^{mo} Præsule meo Monasteriense Vormatiam mitterer ad Comitia illic adversus Anabaptistas indicta. Itaque dum consultatur deliberaturque magna maturitate, hoc est more Germanico, de suppetiis, ego *Spiram* ivi, nec gravate illic ad eam conditionem admissus sum, & præterea impetravi, ut mihi ad aliquot adhuc hebdomadas abesse liceret, cum ut Principi renunciarem hujus conventus decreta, missionemque ab eo impetrarem, tum ut & meas res componerem. Itaque *Viglius* tuus, mi *Rupili*, ex Officiali factus est Imperialis Judicii Assessor. Hæc vero non aliunde mihi proficiscitur quàm ab eo cujus benevolentiam tu mihi conciliasti, hoc est Doctore *Matthia* Heroë. A quo ego quidem nunquam tantum beneficium sperare ausus fuisset: sed tu non levis fuisti commendator & patronus apud illum mihi. Quamobrem utrique vestram, cum multis aliis nominibus, tum hoc potissimum, plurimum me debere semper fatebor. Te verò, charissime *Rupili*, id etiam atque etiam rogo, ut cum primum opportunitatem scribendi ad Doctorem *Matthiam* nactus fueris, me illi gratias agere non graveris. Idem ego jam antea feci, verum cum ille me suis beneficiis devinciendo tibi quoque gratificari (uti scis) inprimis studuerit, oro mi *Rupili*, ut ex tuis literis & me tibi atque illi gratias agere, & tibi quoque quod ille in tuam maxime gratiam mihi benigne fecit, voluptati esse cognoscat. Vale, 25. Aprilis 1535.

EPI.

EPIST. SELECTÆ AD DIVERSOS. 183

EPISTOLA LXIV.

HAYONI HERMANNO.

Ex To-
mo II.
fol. 297
vfo.

Gaudet de acceptis ab Hayone literis. De studiis suis rationem reddit. Ob quid Commentaria sibi sua displiceant. Viglius in Hayonis fortunæ societatem vocatus. De suis Isagogicis libris. Poscit Hayonis opus de Republica ordinanda. Urbs Monasteriensis recuperata. 1535-

SCripti ad te nuper vehementer occupatus, sarcinulis scilicet meis colligendis, & ex Vestphalia transferendis. Nam in ipso pene puncto discessus mei, tuus tabellarius adfuit, qui hoc solo opportuno advenit, quod meum abitum præcurrit, quanquam sane literis tuis nihil mihi gratius potuit accidere, non solum quod tanti viri amicitiam accessisse mihi gauderem, verum etiam quod tam honesta eruditissimi viri de meo ingenio studiisque censura esset. Si tamen ista censura dicenda est, & non potius exardentis amoris in me tui significatio, testificatioque. Qua quasdam fortassis virtutum species, quas aliena fere fide, commendationeque de nobis concepisti, ita benigne amiceque interpretaris, ut eo magis ad tuas effusas laudes erubescam, quo me eis inferior rem esse sentis. Omitto enim reliquas dotes quas mihi adscribis, de doctrina tantum paucis respondebo, qua tu quasi allectus in mei amorem esse videris. Ea vero adeo est exigua, ut ne in eo quidem mihi satisfaciat, quomodo videlicet epistolæ tuæ summa elegantia, multisque ornamentis expositæ & excultæ, ita respondeam, ne eam quam de me concepisse videre opinionem, confestim tibi excuriam. Quid enim nos simile tibi discere potuimus, qui aliorum magis studiis quam nostris semper inservire coacti sumus, privataque institutione, priusquam ipsi quantum satis erat didicissemus, ita semper occupati fuimus, ut libero literarum otio frui nunquam potuerimus? Id quod *Commentaria* nostra facile testantur. Quæ non modò ipsi mihi, ut alia taceam,

ab

184 VIGLII AB AYT TA ZUICHEMI

ob id displicent, quod ad scholasticam docendi consuetudinem nimium me adstrinxerim, verum quod aliis negotiis impeditus rem publice legendam multo certe negligentius ac decebat tractaverim. Quæ cum te animadvertisse non dubitem, & tamen laborem nostrum tantopere extollas, quæ de causa alia id te facere iudicem, quam ut id quod agis efficias, hoc est ut amorem, quem ex tua parte mihi offers, gratiorem mihi facias? Ego verò tanto tuæ amicitiae cupidior fui, quanto te semper pluris feci. Ac prior etiam eadem de causa ad te scripsi, quanquam tuæ literæ nullam mearum mentionem faciant, ut aut intercedisse eas tabellariorum perfidia, aut serius redditas esse credam. Nam quod ideo subticueris, ut videre nobis in hoc conciliandæ amicitiae officio prævertisse, quanquam est ille non omnino malus dolus, tamen ego de te id suspicari non possum. Quod verò in tuæ fortunæ cum primis lautæ societatem me vocas, id re ipsa quidem quam magnum sit atque etiam rarum, non equidem ignoro. Sed id multo pluris facio, quod in interiorum pectoris partem me recipere, pretiosissimamque suppellectilis tuæ partem, hoc est ingenii tui præclara monumenta, communicare nobis non dedignere. Quanquam conditionem adjecisti, si ego *Isagogicos* libros ad te misero, de quibus nuper copiosius me responsurum sum pollicitus. Tractavi quidem olim in Gallia hoc argumentum succisivis horis, quomodo videlicet Jureconsultus institui deberet. Et ipse tum privatim adolescentes aliquot in Jure instituebam, unde occasionem scribendi capiebam, tribusque libris delinearam aliquam instituendi formam, rudem quidem & imperfectam, eo consilio ut cum tempore accedente iudicio, quo maxime ea in re opus esse videbam, corrigerem, mutarem, adderem, quæ posteriores darent cogitationes. Ubi veni in Italiam, atque omnino aliud docendi genus ab illo Gallico esse observavi, variaque multorum doctorum iudicia sum perscrutatus, ita de omnibus pene mutavi sententiam, ut totum opus mihi retexendum ducerem. Ac tunc quoque visum mihi est, quæ antea continua orationis serie exponebam, in *dialogismum* commutare. Non modo quoniam hoc aufert tedium lectori, verum quoniam sic commodius diversæ eadem de re sententiæ proponuntur, de quibus lectori libe-

EPIST. SELECTÆ AD DIVERSOS. 185

liberum iudicium relinquitur. Cœperam autem hoc facere in primo libro, & pene perfeceram, cùm publica mihi professio demandata fuit, quæ ita me totum sibi vendicavit, ut prius institutum plane seponere cogerer. Eo vero munere defunctus, profectus sum statim in patriam, ac nescio quo fato appulsus sum ad Præsulem Monasteriensem, apud quem ita fuit impacata inquietaque mea conditio, ut de studiis literisque ne cogitare quidem licuerit. Nunc vero apud Spiram spero mihi licere rursus cum Musis & literis in gratiam redire, & ea quæ animo concepi excolere. Quæ ubi perfecta absolutaque fuerint ad te statim mittentur, & ne tuam petitionem longius differam, primo quoque tempore, quo me otio & quieti reddidero, primum librum prope completum describendum dabo, tibi que communicabo. Habes de meis *Isagogicis*, nunc de tuo opere *de Republica ordinanda*, ut vicissim quod polliceris præstes rogo. Nolim tamen in eo censoris partes mihi a te delegari: quando ego (uti scis) haud ea sum prudentia præditus, ut de tam excelsis argumento judicare possim. Sed discere potius id cupio atque aveo, quod de tanta re tam prudens generosumque ingenium tuum sentiat. Ego post unum alterumve diem hinc Spiram abiturus sum, ut conditioni ab Cæsarea M. oblatæ deserviam. Si quid ad me voles, poteris literis Coloniam ad Doct. Joannem * mittere: idem ego faciam quoties erit ad te scribendi argumentum. Monasterium tandem ab Præsule meo occupatum esse, quanquam hic nunc novum sit, puto tamen eandem famam ante literas meas ad vos perventuram; qua nihil nostro orbi salutaris contingere potuit. Utinam modo Deus sanum consilium Præsuli meo in mentem mittat, quo tam expectata victoria recte utatur: Vale ex Viridum 28. Junii 1535.

* Docu-
mentum.

Ex To-
mo II.
fol. 304.

EPISTOLA LXV.

JOANNI FERENBERGIO. *

Agit gratias super decreto sibi assessoratu Camerae Imperialis, intercessore Georgio Hermann.

Quanta sit amicitiae vis atque utilitas, vir clarissime, non tam literarum monumentis veterumque testimoniis erudi-

Tom. II.

Aa

mur,

1535.

* Alias
Feren-
bergerus
Ferdinandi
Regis
Rom.
Secreta-
rius.

186 VIGLII AB AYTTA ZUICHEMI

mur, quàm quotidianis experimur exemplis. Ecce enim illo nostro *Georgio Hermann* tibi, mihiq̃e communi amico, quid fingi potuit melius, syncerius, humanius, aut suavius? Quidnam est quod considerari in eo queat officii? in quo quidem ille non amici modò voluntatem quomodocunque cognitam sedulo exequi, sed praevenire etiam cupiat, cum ipsas gratificandi amico occasiones quærat studiosè, & perspectas aut oblatas fideliter arripiat, atque provehat. Tibi quidem cum ipso major rerum usus intercedit, nec dubito quin tu eum melius penitusque noscas quàm ego, sed de me hoc tantum dicam, ubi semel ab illo in amicitiam receptus sum, familiaritatemque mutuam crebra literarum communicatio constabilivit, non vulgarem me animo cœpisse voluptatem, Deoque Opt. gratias egisse, qui talis viri amicitia me bearit. Omitto enim commemorare innumera alia ejus in me merita, illud ut recens ita maximum est, quod non modò conditionem pridem mihi ab Cæsarea M^{te} in Imperiali judicio oblatam, summo studio & fide, Regio decreto confirmari curaverit, verùm tuum etiam favorem ad meam fortunam promovendam inclinavit. Nam quantum eundem in eo negotio adjuveris, qua me commendatione apud Regiam M. cæterosque in quorum manu & potestate ea res erat, ornaveris, non passus est me latere *Georgius* ille noster *Hermannus*. Quamobrem ego tibi de facie quidem ignotus, illo verò beneficio in me tuo non notus tantùm tibi, sed etiam devinctus: minime potui omittere, quin literis meis, istum tuum favorem ac animum agnoscerem, ac ingentes tibi gratias agerem, meamque tenuem opellam, si qua unquam in re ejus tibi usus esse queat, vicissim tibi offerrem. Ego verò nihil malim, quàm aliquam mihi offerri occasionem, qua tibi animi mei promptitudinem, & quantopere tuæ beneficentiæ mutuo respondere studio cupiam, demonstrare queam. Accipe ergo in bonam partem, vir clarissime, quod tibi non aliter notus scribere tamen sum ausus, & hoc certò tibi persuade, in memorem gratumque hominem te illud nuperrimum beneficium collocasse, pro quo etsi tibi nunc paria referre non possum, attamen, ubi modo facultas detur, velle intelliges. Interea verò pro hoc debito fidejussor atque expromissor erit *Georgius Hermannus*, qui ut tuam amicitiam mihi conciliavit, ita eodem auctore eandem conservatam iri spero. Ego jam
pri-

EPIST. SELECTÆ AD DIVERSOS. 187

pridem cupiebam Spiram commigrare, sed ægre a Principe, cui hæcenus servii, veniam, missionemque impetrare potui, quam ea tandem ille lege concessit, ut cæteris ejusdem legis in hisce Comitibus Vornatiæ adesset, atque inde Spiram me conferrem. Quod equidem Principi optimè de me merito negare non potui. Cujus tandem fortuna multis diu agitata procellis, capto Rege, recuperataque urbe Monasterio, in tranquilliorē rediisse portum videtur. Quid hisce autem Comitibus agatur scribere non possum, quando ea nondum cœpta sunt, & cum pauci admodum huc adveniant, verendum est, ne nihil agatur, id quod in conventibus Imperialibus scis non esse novam. Deus Opt. Max. vir clarissime & de me optime merite, incolumem te tueatur. Datum Vornatiæ 16. Julii anno 1535.

EPISTOLA LXVI.

FLORENTIO GREBOUALLIO.

Ex Tomo II.
fol. 313.

Contestatur ei amicitiam suam, & suadet ut doctorem lauream suscipiat. Extollit Collegium Aفسessorium Spirense. Quo salario ibi gaudeat. 1535.

Cum tandem me ab priore conditione explicassem, ac in superiorem Germaniam iter adornarem, forte tuam accepi epistolam, *Florenti* charissime, atque ornatissime, qua totam vitæ tuæ studiorumque rationem perquam diserte exponis. De quibus ego antea sollicitus fueram, veritus ne nostra illa mutua familiaritas forte ipso tempore refrigesceret, si vinculum illud communium studiorum dissolveretur. Quum verò intelligam non modò te quasi perpetuum quoddam nomen Philosophiæ & literis dedisse: sed & tanta eis diligentia incumbere, institutumque tam accurate exequi: non me Hercle, mi *Florenti*, gaudio afficio, & nescio qui fiat ut ego existimem, magnum incrementum nostram amicitiam accepisse, tametsi antea amantissime semper vixerimus. Est certè quædam naturalis ratio, ut arctius eos complectamur, quos perpetuò nobis amicos fore credimus. Nam tempora-

* *Deest:*
medio-
cri, exi-
guo, aut
simile ad-
jectivum.

ria illa benevolentia haud altas radices agere potest. Non inficior potuisse etiam inter nos mutuum consistere amorem; etiamsi tu te in aulam aliquam contulisses. Sed cum nostra amicitia originem ducat ex eandem literarum studiis, non dubium est quin, si ea causa quæ nos primum conciliavit, duraverit, indissolubiliore nexu nos invicem fore conjunctos, concatenatosque. An autem expectas, mi *Florenti*, ut ego tibi aliud suadeam quàm ut hocce tam egregium propositum qua possis sedulitate persequaris? Ex quo quidem ego hoc in primis habeo commodi, quod te mihi multo amiciores autumem fore, quàm si ad Aulam te contulisses. Quando autem ad eam jam accedis ætatem quæ serviat honori, quæque non te patitur in imo subsellio semper sistere: cogitandum tibi est, ut in aliquo senatu patriæ tuæ locum tuis votis studiisque congruum obtineas. Quam ad rem non dubium est quin multos sis habiturus patronos, ac uti nunc loquimur promotores. Fortassis dices ætatem tibi ob stare, sed eam supplebit doctrinæ gradus, quem te tamen nobilem & opulentum contemnere nolim. Addit enim annis & eruditioni aliquam opinionem, & ad consulare senatoriumque munus gèrendum non modicam adfert dignitatem. Quamobrem tu, ubi ea quæ ad forensem usum pertinent, didiceris, viderisque eo te rem perduxisse, ut de tali aliquo munere impetrando certus sis, suadeo ut in aliquam Academiam paulisper secedas, ut inde dignitate aliqua auctus ad publicum munus transeas. Id ubi semel susceperis, omnino confido, te pro ingenii tui dexteritate quotidie connixurum, ut ad altiore gradum honoris voceris. Ego vero varia Principis mei fortuna antea jactatus, quæ tamen ipsa lætum tandem exitum consecuta est, huc me quasi in tutum tranquillumque quendam portum recepi. Ac ea conditio ita mihi adhuc placet, ut non aliud desiderem quàm ut eâ mihi perpetuò uti liceat. Est nobilissimum selectissimumque collegium, constans ex Comitibus, nobilibus, & Doctoribus. Judicis autem locum vacantem nuper suscepit Dux *Joannes*, Bavarie, quo Præside non parvum ornamentum huic nostro Iudicio accedet. Et salarium annuum est supra 700. vestrares aureos Carolinos. Talem conditionem quando tandem apud vos impetrare potuissem? Itaque vides me non

EPIST. SELECTÆ AD DIVERSOS. 189

omnino errasse, qui ad Germaniam superiorem oculum
semper flexerim. Bene vale. Spiræ 21. Augusti anno
1535.

EPISTOLA LXVII.

SERAPIONI HANYA (1).

Ex To-
mo II.
fol. 326.
vfo.

Spondet operam, ut ei conditio aliqua contingat. 1535.
Quæ medicorum in Italia praxis discendi.

Nihil opus fuit tot verbis, consobrine charissime, meam
erga te benevolentiam extollere, teque hoc nomine
mihi obstrictum fateri, cum ego, si quid modo præstare pos-
sim, id arctissimæ sanguinis copulæ qua invicem conjuncti
sumus, debere me sciam. Hoc verò certò tibi persuasum
habe, me tuis commodis provehendis fideliter inserviturum,
si modò consilium meum in vitæ studiorumque tuorum insti-
tutione sequi non gravaberis. De conditione agam sedulò:
quod si tamen ea non statim obtigerit, moram æquo animo
ferre debebis. Malo enim te per occasionem commendare,
quàm importunè operam tuam ingerere. Interea ad seria
Medicinæ studia bonarum literarum lectionem adjungito: sin
ea expectatio longius te sustinuerit, ego in sumptus tuos
aliquid conferam. (2). Cum verò, mi Cognate, jam du-
dum

(1) Serapioni Hanya] V. dicta ad N. XII. Vitæ.

(2) In sumptus tuos aliquid conferam] Plura generosæ munifi-
centiæ exempla notavi in epistolis. Anno 1540. Joanni Holt-
manno Ahufeni hæc verba misit: si pecuniæ aut aliterius cusp-
sumque rei indigebis, fac ut sciam, nam nihil tam charum habeo,
quod non & tuis quoque usibus pro nostræ amicitie jure inservire
cupiam. Tom. 3. p. 185. vfa. Eodem anno parenti suo, a quo
nullum, dum peregrè ageret, subsidium tulit, ducentos floren-
nos Rhenenses dedit in ædificium quoddam in Zuichem.
(Ibid p. 229.) & sequenti anno alios centum addidit: (p. 251.)
ac rem familiarem ampliavit proprio ære. p. 286. & seqq.
Quin imo, cum Ingolstadii ageret, duos ibi aluit conterrane-
os, adeo ut quidquid potuit comparcere, id totum, hi alii-

190 VIGLII AB AYT TA ZUICHEMI

dum rei Medicæ studium fueris amplexus, atque ex eo futuræ ætatis commeatum ac viaticum quæras, cogitandum tibi est, ut maturè ea quæ didicisti, ad usum commodare incipias. Et ut nos in foris ac tribunalibus legum nostrarum praxim discere oportet, sic vos habetis Apothecariorum tabernas. In Italia, qui Medicinæ studia prope ad metam perduxere, majorem diei partem assumunt in affectandis Doctoribus cum quibus ad valetudinariorum domos circumeunt. Et hoc sibi honori ducunt Doctores, neque ægre ferunt ægroti, quasi illis adhibitis testibus major in curando Medici futura sit diligentia. Certe in omni arte non leve momentum habet, quod quis unum aliquem Doctorem deligat, quem comitetur, cujus praxim observet, paulatimque ipse quæ didicit quasi illo Duce minore cum periculo conferre incipiat. Ea mea quoque in Jure discendo consuetudo fuit, cum egi in Gallia atque Italia, multaque sic didici, quæ ex libris serò equidem percipere potuissem. Et cuncti fere quarumvis artium Magistri quædam quasi sua & propria habent, quæ ipsi scilicet experientia, crebroque usu comprobata magis certa & vera judicant. Non puto defore tibi eandem occasionem Coloniz, tantum ea in re vide ne quid te *Aurania* remoretur: ac memento ejus, quod arbitror *Plutarchum* scribere de *Diogene*, qui

que abstulerint. p. 250. 251. Nihilominus a muneribus semper cum abhorruisse comperi, & singulare est, quod ad *Hypolitum Persinum* senatus *Ultrajectini* præsidem anno 1557. scripsit: *Donum quod offers, quodque tantopere ne asperner flagitas, magnum mihi offundit pudorem, non ideo tantum quod nihil tale abs te sim meritis, sed quod ingratitudinis notam contraberem, qui id secretum emptionisque titulo obvelatum susciperem, quasi tuam liberalitatem profiteri non ausus. Certe simulationem animus meus non admittit, nec ea inter nos opus est. Quis enim nos de peccato redarguet, si vel tu quidquam mihi donaveris, vel ego abs te acceperim. Qua de causa quoque venditionis schedulam ad te remitto. Porro nec donationis titulum antea te expedire velim, quam partitio cum *De-kamano* fuerit peracta, ac ego aliquando *Frisiam* invisens, cognovero, prædiolo meo *Zuichemano* eam terram quam D. T. donare mihi instituit, esse accommodam. Tantisper igitur queso effectum hujus liberalitatis tue suspende. Et ego sane, etiamsi is numquam consequatur, non minus tamen me tibi debere agnoscam.* Tom. 4. p. 189.

EPIST. SELECTÆ AD DIVERSOS. 191

qui adeo molestus *Antistheni* (3) affecit fuit, ut ac baculo quidem se abigi passus sit. Bene vale, & fac crebro ad me scribas. Datum Spiræ 12. Novembr. 1535.

EPISTOLA LXVIII. JOANNI HERVAGIO.

Ex Te-
mo II.
fol. 327.
vfo.

*Excusat se apud hunc typographum de promissa 1335.
elucubratione de Ciceronianis legibus, suadetque
ut exemplis Gallorum & Italarum libros Juris
emittat. Ad Amerbachium remittit.*

Literas tuas, mi *Hervagi*, quas ex Argentorato ad me dedisti dudum accepi. Quibus equidem citius respondi-
sem, si quid indicare potuissem, quod e re tua fuisset. De Ciceronianis enim legibus rogo te ut me ea, qua tibi obstrictus sum, promissione absolvas. Pauca enim & valde exilia sunt quæ in eas annotavi, quæque nec mihi honori, nec tibi lucro esse queant. Porro quod Juris Civilis autores excudere statuisti, adeo mihi non displicet, ut credam eam rem minime tibi damnosam fore. Quando Juris Civilis scientia in omnibus Academiis & apud omnes nationes præcipue & fere hodie colatur sola. Ego autem nullum habeo ejus artis auctorem ita a me exornatum, ut vel ipse meam operam palam audeam profiteri, vel tibi eo nomine magis venalis esse possit. Neque opus est, mi *Hervagi*, per se bonis libris talem appendere hederam. An non vides veteres quosque

(3) *Antistheni*] Antisthenes philosophus, princeps fuit Cynicæ sectæ, qui ad audiendum *Socratem* quotidie ibat ex Pyrræo, quadraginta stadiis emensis, acutus magis, quam eruditus præceptor *Diogenis*. De quo scribitur, quod cum nullum discipulorum recipere, & perseverantem *Diogenem* remove-
re non posset, novissime clava minatus est, nisi abiret. Cui ille subjecisse dicitur caput, atque dixisse, Nullus tam durus baculus erit, qui me a tuo possit obsequio separare. *Car. Steph. in Diæ.*

192 VIGLII AB AYTTA ZUICHEMI

que authores latinos propter se emi? Crede mihi, non quæ-
runtur a nostris Jureconsultis, si *Bartholum* aut *Baldum* eme-
re volunt, liminaria illa præconia, modo & eleganter impres-
si, & a mendis allegationum repurgati sint. Gallici sane ac
Italici typographi potissimum quæstum ex libris Juris faciunt,
quem miror vos illic non odorari. Sed forte deterrent vos
impensæ propter magna volumina Juris: at eadem apud
Gallos, Italosque ratio est. Nec dubito si vos elegantiore li-
tera Juris Civilis libros imprefferitis, quin magis sint vena-
les futuri, quàm Gallici, qui satis quoque carè comparan-
tur. Sed unum tamen maxime libros Juris commendat, sci-
licet quod in allegationibus legum, ne quid erretur, diligens
adhibeatur cura. Quamobrem pene opus esset proprio Cor-
rectore, non omnino rudi Juris Civilis. Quod si tibi est
animus hoc propositum persequi, habes ad manum doctissi-
mum virum *D. Bonifacium Amerbachium*, qui melius consule-
re ea in re, ac unde tibi incipiendum sit, ostendere poterit.
Ego credidero non damnosum tibi fore *Axonem*, quem no-
stri lucernam Juris vocant, & qui a pueris senibusque legi-
tur ac relegitur. Et emendatum exemplar facile tibi com-
modabit aut demonstrabit idem *Amerbachius*. Vale. Spiræ
17. Novembris anno 1535.

Ex To-
mo II.
fol. 332.

EPISTOLA LXIX.

ANDREÆ ALCIATO.

4535. *Deplorat Germanorum in nova dogmata propensio-
nem. Amplissimas Alciato laudes scribit, & ad
edendas Lucubrationes quasdam exstimulat.*

SÆpe ad te volui scribere, præceptor excellentissime, ve-
rùm non tam occupationibus ac occasione hætenus im-
peditus fui, quàm quod & publicæ res Germaniæ nostræ
tales essent, ut citra magnam (proh dolor) nationis nostræ,
furiosè in nova dogmata insanientis, infamiam scribi possent,
& privatæ meæ fortunæ, in hac communi patriæ calamitate,
haud

haud is successus esset, quem vetus tua erga me benevolentia audire forsitan desideraret. Tandem tamen illa Anabaptistarum tempestas videtur aliquantum confedisse. Et ego nuper ad Affessorium munus in Imperiali Judicio, Cæsaris ipsius spontaneo favore provectus, paulò melius de studiis meis sperare cœpi. Hoc forsitan te non passi sunt latere *Hector* contrerraneus meus, & *Franciscus Rupilius*, quorum uterque tui observantissimus, ac mei etiam amantissimus semper fuit. Proinde mihi persuasum habeo, ut quanto magis discipuli ejus, qui tui fuit semper studiosissimus, successu gavilurus sis, tanto illi minus id te celare potuerint. Ex meo autem animo, colendissime præceptor, & tuum judico. Puto enim, cum ego te præcipue amem ac venerer, me tuum vicissim amorem promereri. Illud verò majorem in modum gaudeo, ac studiis Jurisprudentiæ, eo quoque nomine gratulor, quod non contentus ea gloria, quam tibi per præclara monumenta celeberrimæque prælectiones dudum comparasti, pulcherrimum institutum summa cum laude prosequi pergas, nec tantum ad veram Jurisprudentiam ætatis nostræ ingenia traducas, ac viva quotidianaque voce formes, verum etiam cum nobis auditoribus olim tuis, qui Lectione scriptorum tuorum satiari nunquam possumus, tum cunctis quaque terrarum commorantibus qui Juris sunt studiosi, posteris denique omnibus novarum lucubrationum fructus impertiri mediteris. Et quanquam id sciam te facere sedulo, quæ mea tamen est privata tuorum scriptorum aviditas, non possum omittere, quin te exhorter ac obsecrem, ut ea maturius exire sinas, ne quid te novæ istius hæresis, quæ in Italia pridem exorta est, insimulemus, videlicet, ut quod *Horatius* Poëtis præscripsit, ut novum opus novum prematur in annum, id illi illic omne genus scribendi trahant. Cum hoc uno se præstare *Protogeni Apelles* diceret, quòd manum ille de tabula nesciret tollere. Quando ergo tu τὴν πύρερρα defines ἐργάζεσθαι? ubi τὴν σμερδαλίαν latent, ubi de rebus creditis, & de verborum obligationibus commentarii? vide, mi *Alciate*, quot te nominibus litterariæ Reipub. obstrictum putemus: neque te appellari ægre ferre debes, sed adscribes id summo tui librorumque tuorum desiderio, quibus ego inter hæc forensium causarum negotiosas disceptationes

194 VIGLII AB AYTТА ZUICHEMI

nihil profecto legam libentius. Bene vale excellentissime præceptor. Spiræ. 27. Novembris an. 1535.

Ex A.
Scurio
in Epist.
fasciculo.
p. 328.

EPISTOLA LXX. ANDREÆ ALCIATI.

Clarissimo Jureconsulto & Cæs. Consiliario, domino Viglio Zuichemo, amico optimo.

Spiræ.

1536. *Ad proxime præcedentem epistolam respondet. Quibus ex capitibus Viglii sibi literæ gratæ sint. Applaudit, quod ejus promotio virtuti non favori debeatur. Cur reliquas lucubrationes suas edere non festinet, rationes adfert. De adversario quodam suo ac de J. F. a Ripa. Unus sibi Viglius instar omnium est.*

Hisce Saturnalibus allatæ ad me sunt literæ tuæ, quas alius fortè loco xenii accepisset, ego verò non aliter ac thesaurum quendam amplexatus sum, quem cum primis diebus tamquam pompam circumtulissem, amicisque cum nostris communicassem, diutiusque in fagi folliculo habuissem, reposui tandem in sanctiore larario, ut ibi inter *m. i. d. m.* servaretur. Nihil certe potuit mihi jucundius gratiusque hisce diebus contingere, non tam quod elegantissimæ quodve humanissimæ essent hæ literæ, etenim hæc virtus tibi cum plerisque est communis, quàm quod duplici alia commendabatur ratione. Altera quod amicitiaæ mecum initæ memorem te, quamvis tanto terrarum intervallo videbam. Altera quod eum, quem amicum mihi sciebam, ad altiores dignitatum gradus evehi lætabar. Merito ergo talem ego epistolam plurimi, ut debebam, feci: tibi que hoc nomine maximam habeo gratiam, qui cum cælo amorem non mutaveris, quique *Alciati* tui etiam in optima fortuna fueris memor. Conquestus quandoque sum, nimis sæpe fieri, ut Principes

EPIST. SELECTÆ AD DIVERSOS. 195

cipes dignitates & magistratus, procerum suorum potius quam virtutis commendatione conferant: imò viros doctos plerumque averſentur, nec velint agnoſcere. Revoco jam calculum, & querimoniam finem facio. Unus mihi *Vigilius* inſtar multorum eſt: qui Cæſaris ipſius ſpontaneo favore promorus eſt. Subintelleſeram hac de re neſcio quid ab *Hectore* (1) verum tuæ literæ omnia copioſius, apertius, elegantius explicarunt. *Rupilius* (2) cum paucos dies hîc fuiſſet Patavium reverſus eſt. Veritus, opinor, eſt, ne morte Ducis *Sfortis* aliquis tumultus ſuboriretur: cum tamen pacatiſſima ſint omnia. Hinc factum, ut ab eo nihil de dignitatis tuæ acceſſione potuerim intelligere. Quod mihi ſuades, ut cæteras lucubrationes meas edam, neve ejus hæreſeos exemplum imiter, quæ in nonum annum premit, quamque pridem in Italia exortam eſſe ais. Ego certe hanc hæreſim, ſi qua eſt, non magni facio: qui abortiva quædam etiam ediderim, qualia ſunt quæ imberbi excidère. Cur ergo, inquires, tamdiu nobis invides τὴ Πάρεργα? Non una eſt ratio. Illa tamen potiſſima, quod a me in angulum rejecta atque ſepoſita, reſumi in manus nequiverunt: quod occupationibus tribuendum, quæ mihi hic longè ſunt majores, quàm trans Alpes erant. Adde quod vereor, ne ſi adverſus *Agathonis* præceptum faciamus, illudque dixerimus: τὸ μὲν πᾶρεργον ἔργον ὡς πικνύμεθα: conſequens quoque illud ſit ut dicamus, τὸ δ' ἔργον ὡς πᾶρεργον ἐκπνύμεθα. Quod ſi a me fieret, haudquaquam recte cum auditoribus meis agetur: eſſetque lectio mea σμεδαλία, non qualiter tu accipis, ſed qualiter in ludicro *Virgilii* eſt. De rebus vero creditis, Verborumque obligationibus, alia quoque ratio me deterret, ne Antiphiftis tela adverſus me præbeam: ne ſenectuti, ſi quæ ventura eſt, quietem otiumque auferam: ne, cum omnia publica effecero, nihil ipſe privatim habeam: ne juvenibus, qui ex ſeniorum invidia gloriolam aucupantur, & vipera- rum more parentibus exitioſi ſunt, dem quo genuinum frangant:

(1) *Hectore*] Hoxvirio, de quo alibi, & ſignanter in not. ad Vitam N. XLI.

(2) *Rupilius*] Franciſcus, de quo pariter ſæpius. V. ad Vitam N. XVII. ad 4. tom. 1. pag. 74.

196 VIGLII AB AYT TA ZUICHEMI

gant: quos inter ille qui hîc profitetur, quem adolescentem nosti in Biturigibus, qui a me domi susceptus, altus, ornatus, eruditus, promotus, hanc praeceptori gratiam retulit, ut cum primùm *Ripa* (3) huc appulit, cum eo conspirarit, omnes schedas meas communicaverit, ambiguas voces in vulgum sparserit; breviter tanta me injuriâ affecerit, ut parum abfuerit, quin dolore & indignatione percitus, legalis sapientiæ libris Loripedi deo commendatis, compedes Saturno suspenderem, & me ruri conderem, ut dicerent præterientes, *Hic fitus Alcivatus* 't. Sed Dii meliora. Potius *Ripa* ipse situs est. Incidit in *μαρίαν*, unde concessit fato. (4) Nec dubito fore, quin & iste quandoque similiter afficiatur: est enim *φύσσι φρενυπληξ*, conciliaveratque eos *ἀμοιότησια*. Sed quid ego hæc in sinum tuum effundo, qui gravioribus negotiis occupatus, haud otium habes hujusmodi auscultandi? Et possum paucis te absolvere, si simpliciter dicam, multis me causis moveri, ut editionem premam. Ne tamen tibi omnem spem hujus rei præcidam, hæc me rationes ita movebunt, si tu eas approbaveris. Alioquin dabo manus, & si nam aliquid exire: quale est de *Verborum obligationibus*. Nosti enim

(3) *Ripa*] Joannes Franciscus à. Jurisconsultus primi nominis. V. ad vitam eod. N. XVI. ad 5. p. 72.

(4) *Unde concessit fato*] Anno nempe 1534. Mortis genus ignoratum fuit hætenus. Hîc discis eum amentem obiisse. Apud *Franc. Sweetium in sel. orbis deliciis* p. 180. hanc habes inscriptionem ceu epitaphium inter Ticinensia: *Joan. Francisco de S. Nazario a Ripa. F. C. primi nominis senatori, Dux, Com. Palat. Helena Genilis uxor, & VI. liberi.*

Hoc, hospes, potes æstimare saxo,
Humani nihil esse non caducum.

Si quid lectorem offendit, aut certe remoratur in hac inscriptione, sciat apud *Sweetium* vitiosa esse multa valde, quæ ne *Œdipus* quidem divinet. Sed ecce, opportunum accidit quod apud amicum forte fortuna inspexi editionem anni 1625. Utor nempe editione anni 1608. In illa igitur ita: *Senatori Duc. Com. Palatino*. Quod est: *Senatori Ducali, Comiti Palatino*. Fuerit nempe senator Papiæ sive Ticini. Qui ibi Senatores, hi a Duce Venetorum deputantur.

EPIST. SELECTÆ AD DIVERSOS. 197.

enim tu, quanti judicium tuum semper fecerim. Ego & illud quoque, quàm hoc merito fecerim: qui benevolentia, humanitate, candore tuo, adeo mihi places, ut jam nihili ingratos omnes pendam. *Scelera ista, nefasque Hac mercede placent.* Unus mihi *Viglius* instar omnium est, ut dixi. Vale. Ticini, v. kal. Februar. M. D. xxxvi.

ANDREAS ALCIATUS.

EPISTOLA LXXI.

Ex Tomo II.
fol. 335.

CLAUDIO CANTIUNCULÆ (1).

Excusationes adfert ex ratione officii assessorii, quod ad Claudium literas non dederit; daturum se spondet. 1535.

EQuidem hætenus, clarissime doctissimeque *Cantiuncula*, minime ad te scribere distulissem, si idoneum habuissem argumentum, quo hoc officium auspicarer. Nam, aut de novis, aut publicis rebus, non poterit non videri absurdum atque ineptum, si quid ego ad te scripsero. Pristina autem studia mea forte aliquid suggerere possent, unde scribendi inter-

(1) *Claudio Cantiuncula*] Is fuit Metensis, primi nominis jurisconsultus, editis libris clarus, qui postquam aliquot annos Regiæ Majestati (*Ferdinandi*) a consiliis fuit, aulicarum occupationum tædio ad quietem se composuit an. 1538. uti scribit *Viglius* tom. 3. p. 82. *vsa*. Quo anno natus aut mortuus sit, pariter ignoratur. *Paul. Freberus* in *theat.* ejus lucubrationes recensens, hoc ei scribit elogium: *In quo hoc eximium fuit, quod jurisprudentiam ac philosophiæ cognitionem eloquentiæ conciliavit, copulavitque. Basileæ primum id fecit, summosque in Jure titulos & honores est consecutus. Postea philosophorum veterum exemplo, peregrinationibus judicium confirmavit, ingenique doctrinam adauxit. Ab Austriacis itaque vocatus Enstibemii in regio judicio designatus est Cancellarius, variisque legationibus cum fidei dexteritate & industriæ laude perfunctus est. Fatigis concessit admodum senex.*

198 VIGLII AB AYT TA ZUICHEMI

terdum ad te occasio esset, ni assessorii hujus muneris novus ac infuetas labor, dum simul & Germanicam linguam, & forensem praxim exactius discere, officiique mei pensa sedulo absolvere conor, nihil omnino vacui temporis ad alia legenda aut agenda relinqueret. Qua in re studium meum ea etiam ratio non mediocriter excitat, quod major ex presenti conditione discendi occasio suppetit, ea hodie ipsa minus stabilis esse videatur. Nam hoc Cæsareum Judicium cui vacamus, quàm tenui filo pendeat, minime te latere puto. Proinde etiamsi fortassis aliquid temporis ordinariis legitimisque operis succidere mihi liceat, attamen dum considero forte hanc opportunitatem, quæ non modicam Juris Civilis peritiam. & luculentum inprimis Judiciorum usum præbet, brevi effluxuram: cæteris omnibus studiis intermissis in id unum tota intentione incumbendum duxi, ut quandam Juris praxim mihi comparem, quæ post hanc finitam conditionem, sive privato, sive ad aliquod munus rursus vocato, non contemnendum operæ pretium, rebusque deinceps gerendis non leve adminiculum, adferat. Ita fit, mi *Cantiuncula*, non quidem ut non vacet ad te scribere, absit enim ut tantum virum non pluris faciam quàm tantillum temporis quo id perfici potest: sed ut minus idoneum ad te scribendi argumentum habeam, id quod non esset defuturum, si pristinis studiis indulgere liceret, videlicet ut aliquando vel discendi causa locum aliquem Juris ad te deferrem, & vicissim ex Græcis Commentariis in Jus Civile, quæ ex Italia mecum attuli, tibi aliquid impartirem. Quamobrem, doctissime *Cantiuncula*, ignosce, quæso, quod hætenus nihil ad te scripsimus, idque non oblivione, sed ea sola de causa factum puta, quod nihil dignum, quod ad te scribi posset, hætenus habuerim. Nam otiosis ac vulgari-
bus nugis scribendi officium non esse auspicandum existima-
vi. Cujus tamen etiam nunc a te veniam rogare cogor, qui
literarum primordia non magis apto argumento celebrem.
Cum verò *Falcomontanus* (2) noster tuo jussu meam fidem ap-
pellaret, & taciturnitas mea tuæ benevolentiae jacturam alla-
tura

(2) *Falcomontanus*] Henricus, Collega *Viglii* in Assessoratu
Spiræ, qui olim Biturigibus nepotum archiepiscopi Treviren-
sis præceptor fuerat. Tom. 2. p. 307.

EPIST. SELECTÆ AD DIVERSOS 199

tura videretur, & ad scribendum non satis idoneam habere materiam: in hanc peccare partem malui, quàm nuper initam amicitiam repente, propria culpa ac silentio, dirimere. Quod si verò tu aut argumentum dederis, aut potestatem de quibuscumque ad te scribendi feceris, ne mihi deinceps de materiæ defectu laborandum fuerit, nihil Hercle lubentius fecero, quàm ut crebrò literarum usu tuam amicitiam, quam plurimi facio, constabiliam. Bene vale vir clarissime. Spiræ x. Decembr. 1535.

EPISTOLA LXXII. GEORGIO HERMANNÒ.

Ex Tomo II.
fol. 337.

De Erasmo Basileam regresso. De Udalrico Zasio defuncto. De filio Georgii apud præcuratorem praxeos ediscendæ gratia collocato. Viglii ad eum consilia hortamentaue. Deplorat duorum amicorum totidemque patronorum amissionem. 1535.

NOvissime ad te scripsi, præstantissime D. Georgi, per eum qui filium tuum Joannem Georgium huc duxit, interea verò abs te nihil literarum accepi. Epistolam ad D. Erasmus tibi mitto, ex tempore a me conscriptam, quæ si tibi displicuerit, tuum erit mandare ut eam retexam atque accuratius componam. Mihi cum eo vetus duras familiaritas, atque scribendi consuetudo, & ille non modò meum officium gratum habet, verumetiam crebrò rescribit. Agit rursus Basileæ apud Frobenium, nec facile eum arbitror Friburgum repetiturum, nam Basileense cœlum semper prætulit Friburgensi, quod nuper nobis celeberrimum doctorem, ac mei amantissimum, Udalricum scilicet Zasium (1) sustulit. Joannes

(1) Udalricum Zasium] de quo dixi ad vitam N. XVIII. 2. pag. 75. Hic apponendum ex Sweertio in sel. orb. delit. quòd Friburgi Brisgolæ exstat epitaphium: HULDRICHO ZASIO. J. C. suorum temporum toto orbe celeberrimo: hujus Academiæ ornamento.

**Edibus.* *nes Georgius* in iisdem mecum * adhuc habitat. Omne autem studium discendæ praxi gnaviter se impenfurum pollicetur, & ego fundamenta forensis usus monstrare illi cæpi, atque inprimis ordinationes Imperiales legendas ei proposui, in quibus fere consuetudo & stilius Germanicorum Judiciorum, & hujus potissimum tribunalis continetur. Cum *Reiffioch* per occasionem rursus agam, ut eum in suas ædes admittat. Id si denegabitur, saltem impetraturum me spero, ut ingredi ei ad aliquem liceat, ac apud eum acta evolvere, & Protocollum (uti nos vocamus) inspicere, idemque ut materiam aliquam, interdum præbeat, in qua ipse se exerceat. Certè discendi occasio hîc illi deesse non potest, modò ipse sibi deesse non velit. Hoc autem tute per te satis sapere ac intelligere potes, quàm sit procuratorum istorum, multis variisque negotiis occupatorum, fastidiosum genus hominum. Nam docendi certè molestiam minime sustinent, & valde se alicui gratificari videri volunt, si ad causarum suarum secreta quempiam admiserint, & discendi facultatem concefferint. Itaque qui apud eos proficere aliquid volet, necesse habet, ut ipse omnem occasionem observet, non calcaria expectet, sed sua sponte currat; non ducem monstratoremque quærat, sed aliorum vestigia ipse per se studiosè perscrutetur. Denique opus est, rem ut hic suam agi cogitet. Idem ego nonnumquam *Joanni Georgio* inculco, ut si velit diligentiae specimen edere, & fidem tibi datam præstare, quod & ætas ejusdem monet atque postulat, ne aliena justa atque præscripta expectanda sibi ducat, sed ipse aliorum consilia, actiones, rationesque observet; non intellecta notet, per occasionem ultro quærat; ac earum rerum, quarum in foro usus est, quasi commentarium aliquem conficiat, &, ut nunc loquimur, formulare; quæque in quotidianum Judiciorum usum incurrere videt, ad Legum

textus

mento singulari: Et Reip. Friburg. in restaurando jure municipali jam olim strenuam operam navanti, aliisque multis nominibus de se bene merito: Magistratus officii memor fieri jussit. Concessit naturæ anno Salut. CIO. IO. XXXV. VIII. Calend. Decembr.

Zafius hic situs est: cujus schola (in) jure peritos.

Tot dedit, armatos Tros quot equus Danaos.

EPIST. SELECTÆ AD DIVERSOS. 201

textus ac rationes expendat. Mihi profectò nihil poterit esse gratus, quàm si eum sponte id conari videro, nam omne discendi fastidium & molestiam discantis aufert cupiditas, ut contra molestissimum est eum docere, qui rogandus est atque compellendus, ut velit discere, præsertim si in ea ætate constitutus sit, quæ ab præceptoris metu soluta est. Proinde non alia ratione magis *Jo. Georgius* noster proficere poterit, quàm si id ipse conetur. Nam discendi profectò maximam hinc occasionem facultatemque habet, modò voluntas prompta adfuerit, quam & ego quotidiana cohortatione excito, & quo tua apud eum major est autoritas, eo sæpius id te facere, non abs re fuerit. De *Christophoro Hagero* (2) nimis fuere vera quæ nunciasti, nam & illum in fata concessisse, ab aliis nobis postea relatum est. Quotidianus autem hic amicorum casus graviter me commovet, inanibus tamen lamentationibus apud te supersedebo, ne quid doloris tibi de mea tristitia aspergam, hoc præsertim tempore (si modo verum est, quod hinc nobis nunciatum est, atque utinam non sit verum) cum tuus recenti vulnere concussus animus, consolatione magis refocillandus, quàm aliis querelis exacerbandus sit. Et ego sane duorum amicorum *D. Wolfgangi*, & *Christophori Hageri*, tum duorum patronorum *D. Zastii* & *Raymundi* obitu (3) ita fracto dejectoque sum animo, ut præ ægritudine plura scribere non possim. Tu verò etiamsi dolorem penitus cohibere non potes, quod neque ipse possum, valetudinem tamen tuam cura diligenter, ut tot mihi repente ereptis amicis, te unum sal-

(2) *De Christophoro Hagero*] dixi ad Epistolam. *Gaspard Ursino Velio* inscriptam, datamque ex Patavio VII. Cal. Aprilis 1532. V. Sup. ad Epistolam XXIV.

(3) *Raymundi obitu*] *D. Wolfgangum* qui proxime præcedit, divinare non potui, quod *Viglius* inter amicos numerarit. *Wolfgangos* plures, uti *Beringerum*, *Hungerum*, *Andream Remum* &c. *Raymundum* porro detexi, nempe *Fuggerum*, denatum 3 Decembris 1535. ætat. 47. Vide genealogiam *Fuggerorum* Germanico idiomate, adjunctisque singulorum iconibus æri incisis, publicatam Augustæ Vindelicorum anno 1619. in fol. pag. 8.

202 VIGLII AB AYTTA ZUICHEMI

saltem superstitem ac salvum habeam. Datum Spiræ. XI. Decembris an. 1535. Conjunxi epistolam ad D. Joannem Ferenberger, eam cum opportunum erit, illi reddes, meque iterum atque iterum commendabis.

Ex To-
mo II.
fol. 342.

EPISTOLA LXXIII. JOANNI CHOLERO.

1535. *Excusat apud eum silentium suum seseque commenda-
dat. De conditione Monasteriensi quam laudat.
De Anabaptistarum rege oblesso.*

Veterem ad te scribendi consuetudinem, Præposite clarissime, gravissimis difficillimisque, hisce temporibus & negotiis, in quæ malo aliquo meo genio pertrusus sum, interceptam esse non potero non dolere: si tua in me benevolentia, meum silentium aliquid detraxisse sensero. Ego enim quancopere fuerim tuæ amicitiae studiosus multæ meæ e Paravio ad te datæ literæ documento esse possunt. Nec affectum vel mutavi vel dimisi, etsi scribendi officium a me intermissum sit. Quanquam autem Georgium Hermannum nonnunquam de meis rebus certiore feci, attamen tibi veritus sum ea scribere, quod me, cum susceptæ inconsultæ conditionis pudor impediret, tum etiam læti exitus hujusce tragediæ expectatio sustineret. Verum cum res hæc in longum extrahatur, & ne quid tuus affectus meæ taciturnitatis culpa labefacteretur, timeam, occasionem scribendi natum, mei apud te memoriam renovandam duxi. Rogo itaque, mi Cholere, ut Nigium veterem apud te locum retinere patriaris, qui tui est quantum unquam amantissimus. Si quando verò cum Joanne Georgio fuisti, puto te intellexisse ubi, quidve agam, & quàm dubiam sequar conditionem Antistitis Monasteriensis, qui idem Osnaburgensem, Mindensemque Ecclesiam simul administrat, jamque pene totum annum in oppugnanda potissima Westphaliæ urbe Monasterio, ab sceleratis Anabaptistis occupata, laborat. Quæ res totam inscientem Germaniam magno metu concussit, omnesque Prin-

cipes in statuum suorum conservationem excitavit, quum illa secta non religionem modò, sed dominia regnaque omnia bene ac legitime constituta, evertere molliatur. Cum autem multum impendii in oppugnanda obsidendaque urbe, Antistes meus, vicinorum Principum ope atque auxilio adjutus, frustra fecisset, tandem amissa pene ejus per vim potiundæ spe, obsidionisque genere mutato, eò spectatur, ut fame edomentur, qui ferro vinci non possunt. Principesque vicini ac Electores nuper etiam apud Consuetudinem hanc perditissimam sectam collatis viribus extirpare decreverunt. Et, si vera referunt qui ex urbe vel capiuntur vel fugiunt, propediem eorum ferociam fames compefcet, jam enim ajunt equinis cum carnibus vesci, magnaue vulgum laborare inopia, tametsi rex ille novus, qui antea sartor erat, prophetæque & authores impiissimæ hæresis, splendide interea victitent, severoque imperio cæteram turbam nequid adversus eos audeat, coerceant. Verùm de hac tragedia plura aliquando, si modò Deus felicem optatumque finem imponere dignabitur. Quod quidem si fiat, minimè me hujusce conditionis pœnitebit. Nam salarium non contemnendum Princeps addixit, quod etiam nunc bona fide atque prompte exolvitur. Cupio intelligere ecquid tu valeas, & anne vestri cives alienis periculis cautiores sedatioresque fiant. Literas licebit *Georgio Hermanno* committere, qui ad me veteri more scribere pergit. Vale, & si quando erit opportunum præstantissimis *Fuggeris* me etiam atque etiam commenda. *Dulmanæ.* Die Epiphaniæ domini. 1535.

EPISTOLA LXXIV.

JOANNI CHOLERO.

Ex Te-
mo II.
fol. 344.

*Excusat silentium suum. Quo consilio suscepit munus 1535.
officialis. De tumultibus Anabaptisticis, obseſſo
Monasterio, & Waerendorpio recuperato.*

Vereor, *Cholere* clarissime, ne tibi meum silentium finis-
stram aliquam suspensionem excitarit, cum tam longum

elapsum sit tempus, quod literarum nulla inter nos fuerit vicissitudo. Cujus equidem culpa ad me propius pertinet, quod ego incertis constitutus regionibus, haecenus fuerim, tu verò celebri opportunoque destinandis literis loco moram trahas. Verum, mi *Cholere*, illa mihi non minima hujus scilicet silentii causa fuit, quod cum periculosa memet provinciae mancipassem pudebat apud te consilii mei, quod quidem, si ad te aliquid scripsissem, celare minimè me debere considerabam, & sperabam faeliciorē semper ejus successum exitumque, quò inde minus reprobares. Verum quando vetus proverbium vult, etiam tempore, & silentio praescribi amicitiae, malo institutum meum a te reprehendi quàm amicitiam, *διὰ τῆς ἀπεργασίας* periclitari. Quanquam arbitror, si quando illic fuit *Georgius Hermannus*, vir multis modis praestantissimus, nostrique amicissimus, ab illo te, quae mea nunc sit conditio & fortuna, intellexisse, cum creberrime copiosissimeque ad illum scripserim. Ego autem (uti scis) id diu habui propositi, ut me ad forum aliquod transferrem, ac Juris qualiquali scientiae praxim adjungerem. Quod equidem ut mihi propius vobis contingeret optaram, sed voto illic meo non succedente, cum communicassem consilium Coloniae cum quodam conterraneo meo, Doctore *Joanne a Dockum*, viro gravi & prudenti, quique multis annis Assessorio munere functus fuit: non defuit is me cohortari, ut munus quod tunc vacabat, & cui ipse jussus erat idoneum aliquem deligere, susciperem: id erat ut Officialis fierem Episcopi Monasteriensis. Nondum eruperat hoc Anabaptisticum ulcus, & honorarium non erat minimum, occasio ampla, ut quod cupiebam in foro memet exercere commode posse viderer. Haud multo postquam in id munus consensi, dum adhuc apud parentes ago, oboritur Monasterii tumultus ille fatalis, in quo, exactis omnibus bonis civibus per Anabaptistas urbs occupatur, cujus rei famam arbitror ad vos etiam permanasse, nam Episcopum nostrum Principes vicini omnes adjuvant, quò hanc Lernam expugnet atque expurget. Sed Urbs ab Martino usque mense obsessa, aliquotiesque tentata capi haecenus non potuit. Cum verò per aestatem, proxime mœnia exercitus eam obsideret, nunc mutatum est obsidii genus, missisque cæteris militibus retenti sunt 35000., qui praesidiis
impo-

EPIST. SELECTÆ AD DIVERSOS. 205

impositi prohibeant ne urbe Anabaptistæ excurrant, commeatumque hostes inferant. Nam propugnacula septem in hoc diligentissime munita sunt. Dum verò obsessi vident propositum esse fame eos edomare, alia tentarunt consilia, nam XIII. Mensis Octobris in vicinis urbibus Groningæ, Daventriæ, Susati, Osnabrugæ, Coesfeldiæ, Varendorpii, multisque aliis locis apparere emissarii illorum singulis locis 6. aut octo qui illic occupatis templis cœpere phanatico more inclamare, ut pœnitentiam homines agerent, sese a patre missos, ut annuncient imminere subitum periculum ni sese convertant, multaque alia plane insana. Dum verò jubentur silere, urbeque excedere, contemnentes jussum Magistratum, compræhenso pene sunt omnes. Id dum vident, in singulis sodalitiis unus prophetam mentiens, nummum aureum octo florenis æstimabilem in testimonium contempti ab illis Evangelii abjecit. Varendorpii pene illis successerat conatus, id est oppidum Monasteriensis ditionis, adjacens Amaso fluvio, tribus miliaribus distans a Monasterio, septem a Padeborna, nam ex Monasterio Padebornam illuc iter est. Ejus autem urbis cives jamdudum intenti fuerant in rerum novationem, & hanc nacti occasionem, parabant ab Episcopo desciscere. Verum is contracto repente milite, collectisque agrestibus, primum Amasum fluvium ab illis avertit, post ingentes ante urbem machinas ducit. Itaque contreritis oppidanis, nonnulli eorum quibus displicebant mala consilia, Emissarios comprehendunt, ac Episcopo portas aperiunt. Immissus Princeps talia illic edidit exempla, ut arbitremur haud facile alios idem factum imitatueros. Ego autem his turbis initio commotus quærebam quo pacto me ab hac conditione extricarem; sed Princeps id non est passus, jussitque me bono esse animo, & locum interea tranquillum designavit, ubi Judio. Et ne quid quererem, de salario hætenus providit, nec me adhuc multum pœniter hujus muneris. Quod te ignorare nolui, cum sciam te pro tua erga me benevolentia obdiuturnum meum silentium, nonnulla de me sollicitudine angere. Bene vale, præstantissime, colendissimeque Domine Præpositæ. Dulmaniz in Westphalia. Nonis Januarii anno 1535.

EPISTOLA LXXV.

Ex To-
mo II.
fol. 348.

JOANNI CHRYSOSTOMO ZANCHO.

1536. *Laudat Zanchum ob panegyricum Cæsaris. De Institutionibus græcis excusis. De assessorio munere. Dolet literarum studia pessumire ob nova dogmata. Extollit Matthiam Heldt.*

Singularis tua eruditio & humanitas ita me sæpenumero coram me affecit, ut & discedentem te Patavio Raven-
nam, gravi interruptæ mutæ consuetudinis dolore perse-
querer, & nunc etiam subinde tui desiderium recurrat. Ubi
verò tuam reperi epistolam, junctam literis D. Matthiæ Pro-
cancellarii, dici me Hercle non potest, quanta sim voluptate
perfusus, quòd nondum apud te *Viglii* memoriam abolitam, &
te vivere valereque & desiderato studiorum otio frui, ex illis
certò cognoscerem. Meæ autem res ita uti ex *Logo*, atque
D. *Matthia* intellexisti, sunt in mediocri statu. Nam hæc
functio, quæ Cæsaris beneficio hic mihi obtigit, in Germa-
nia nostra cumprimis honorata ac compendiosa censetur. De
Panegyrico te laudo, qui studia tua ad Cæsarem ornandum
contuleris. Neque te ejus operæ pœnitebit, sed occasio ex-
pectanda, ac etiam aliquid quærendum quod Cæsar tibi ro-
ganti citra suam jacturam donare possit. Est enim propria
quædam in Regum, Cæsariumque aulis liberalitatis species,
ut non nummos, sed honores ac quæ vocant beneficia do-
nent. *Petrei* Epigrammata nondum mihi hic videre licuit.
Institutiones Græcas, quas *Bembus* mihi communicarat, *Fro-
benio* edendas tradidi, & post eum Lutetiæ quidam denuo
eas excudit, ac in Germania, Galliaque ab studiosis cum
plausu receptæ sunt. *Bembo* eas meritò acceptas tuli, neque
enim ingenui animi fuisset, tanti beneficii authorem dissimu-
lare. Alia quæ tua opera nactus sum, curabo ut aliquando
quoque lucem videant. Nunc autem in has curas actionesque
forenses, pulcherrimas illas quidem sed permolestas, primum
ingressus pristina studia ad tempus intermittere cogor. *Eraf-*

mus

EPIST. SELECTÆ AD DIVERSOS. 207

nam adhuc vivit & valet, superiore æstate Basilæam remigravit, ac nuper de ratione concionandi libros quatuor emisit. Studia autem literarum, quantâ antea contentione in Germania surgebant, tantâ nunc rursus pessumeunt, cum per nova dogmata, lingua latina apud vulgum simul cum veteri religione in summum contemptum deducta sit. Notum est autem illud, *bonos alit artes*. Et cum antea ex Ecclesiarum proventibus præclara ingenia ad discendas literas, liberalesque artes enutrita fuerint, nunc illis passim prophanatis, direptis ac compilatis, sumptus ad persequenda studia defunt. Quod D. Mathiam salutaveris, recte a te factum est, nam is profectò vir, non integritate tantum, sed omnigenis quoque disciplinis præstantissimus, & aulæ Cæsareæ præcipuum deus habetur. Cui tu te satis commendatum esse puta, si des operam, ut te propius noscat, quum doctorum virorum sua sponte amantissimus sit. Vale. Ex Spira 4. Calend. Mart. anno 1536.

EPISTOLA LXXVI

GEORGIO FUGGERO.

Ex Tomo II.
fol. 349.
vrb.

Commemorat dolorem suum quod Georgius parentem simul & præceptorem amiserit, eumque hortatur, ut studiorum cursum non interrumpat. 1536.

Cum essem jam defunctus, charissime Georgi, periculosa illa permolestaque provincia apud Præsulem Monasteriensem, atque ad Assessorium munus Spiram vocatus, quietem tandem sperarem, ita multis principio curis, novisque & inconfuetis laboribus fui obrutus, ut optati otii fructus nondum mihi obtigerit. Eis tamen literis quas Philippus a Phenningen ab D. Christophoro * attulerat, aliisque a vobis antea ad me datis respondere parabam. Sed cum accepissem nuncium de illius obitu, sublata fuit scribendi causa, & ad vos aliud literarum successit argumentum, triste profectò, & a quo iusto commotus dolore, ob optimi amici præmaturum fatum, abhorruì. Interea verò alius secutus est:

* Hagero,
Georgii
præceptor.

END.

208 VIGLII AB AYTTA ZUICHEMI

† Ray-
mundi
Fuggeri.

nuncius mihi profectò æque acerbus, vobis dubio procul omnium tristissimus, de parentis † è vita discessu. Cùm itaque hisce casibus futurum existimarem, ut studiorum consiliorumque vestrorum instituta aliò flecterentur, nova fuit non scribendi ad vos mihi causa. Sed tamen jam aliquo effluxo tempore quod & dolorem vestrum lenire debuit, & quo jam in posterum vivendi rationem constituere potuistis, officium a vobis meum diutius desiderari non sustinui. Non lubet autem tibi, mi *Georgi*, meum nunc ex utriusque obitu susceptum dolorem exponere, aut tuum verbis mitigare. Serum enim atque intempestivum hoc meum officium fuerit, ad quod ita uti decet tractandum non satis sum idoneus. Sed quanquam nihil putem opus esse, id tamen pro veteri nostra familiaritate te volui hortari, ut quando ita Deo visum fuit, ut utroque vitæ rectore parente simul atque præceptore oraberis, tu ipse tuam intueare ætatem. Quæ jam ad Adolescentiæ metam pertingens, virilem a te propediem animum requirit, scilicet ut tuæ ipse modum serves, tuis ipse negotiis commodisque intendas, & sine cortice (quod dicitur) natare assuescas. Pulcherrimum autem istum studiorum cursum nullo casu interrumpi patere, cùm eos jam progressus feceris, ut privata institutione haud adeo multum tibi sit opus, publicis vero Doctoribus Italica Gymnasia abundant. Hæreditatem verò ita amplam crevisti, ut & librorum ditissima suppellectile instruere te valeas, cæterique literarii sumptus uberrime suppetant. Nec desunt interea legitimi curatores patrimonii tui, qui ei augendo diligentius quàm tu ipse queas invigilent. Quorum si te fortasse voluntas ab literis revocarit; tu tamen da operam, mi *Georgi*, ne tot annorum studia tibi deperiant. Latine autem loquendo scribendoque parata facultas utcunque retineri potest. Neque ullus erit dies, cui tu non queas, quantumcumque aliis intentus negotiis, horulam decerpere, quam alicui egregio scriptori legendo impendas. Lectio autem etsi non multa, attenta tamen, plurimum stilum adjuvat. Bene vale & me ama. Ita autem me a te amari intelligam, si de reliquæ vitæ tuæ proposito aliquid ad me scripseris. Datum Spiræ. Calendis Martiis anno 1536.

EPL

EPISTOLA LXXVII.

JOANNI JACOBO FUGGERO.

Ex To-
mo II.
fol. 351.
vfo.

*Excusat silentium suum. Mortem plurium amicorum 1536.
& patronorum dolet. Hortatur ad non omitten-
da prorsus studia, latineque scribendum.*

TAm longum fuisse mearum ad te literarum intervallum, ne sis admiratus, mi *Jacobe*, nam ego sanè antea apud Præsulem Monasteriensem variis legationibus, multisque & difficillimis negotiis, uti ipse æstimare potes, impeditus, ad privata amicorum obeunda officia non satis habui temporis, otique. Ubi verò molesta illa ac laboriosa me explicasssem provincia, succedere nova migrationis incommoda, & curæ actionesque forenses, & inconfueti Judiciorum strepitus, quibus denuo scribendi officium interceptum aut certe dilatum fuit. Ubi illis quoque utcumque defunctus essem, ecce mihi tristissimus adfertur nuncius, primùm de morte Doct. *Wolfgangi Beringeri* apud Patavium, mox alius de morte *D. Christophori Hageri*, ac deinde de *D. Zasii*, parentisque tui obitu. Quibus repentinis coacervatisque optimorum amicorum patronorumque casibus ita fui perculsus animi, ut ad scribendum non satis me componere possem. Et quanquam is dolor propius te tetigerit, quippe qui uno prope tempore & præceptorem eruditissimum, fidelissimumque, & parentem virum præstantissimum, amiseris, consolationisque officium nos tibi debuerimus: ego tamen, mi *Jacobe*, partim proprii doloris impatientia, partim quod vererer, ne mœroris tui magnitudo nostræ orationis imperitia non tam cohiberetur, quàm incitaretur, hætenus nihil scripsi. Nunc cum ipsum tempus illis vulneribus cicatricem obduxerit, & te paternorum negotiorum moles ad alias cogitationes vocet: non putavi mihi committendum, ut veterem nostram familiaritatem taciturnitas exstingueret. Neque tamen triste illud scribendi argumentum tractare possum, sed id malo agere, ut te admoneam, nostram principio amicitiam ex stu-

210 VIGLII AB AYTTA ZUICHEMI

diis ortam liberalibus eisdem quoque maxime retineri posse. Scis id jam accidisse quod ego dudum sum veritus, scilicet ut patrimonii administratio maturius te ab literis revocaret. Sed tu, mi *Jacobe*, qui non contemnendum in disciplinis profectum fecisti, sic tecum animo reputare debes, literas non ad solas Scholas & Gymnasia pertinere, sed omnem locum studiis idoneum esse. Et quanquam non omni tempore orium discendi suppetit, studiis tamen semper aliquid literis decidere licet. Illud verò inprimis suadeo, ut cum latinè loquendi facultatem tibi paraveris, eam quodocunque tibi doctorum virorum copia est, sedula exercitatione conserves. Etenim non tantum hac ratione, quæ in literis didicisti, fidelius memoriæ hærebunt, sed existimationem tibi non modicam conciliabis. Quando istius tuæ splendidæ fortunæ nullum majus ornamentum ipsis literis esse potest. Stylo autem, hoc est, latinis scribendis literis, non modò istam linguæ latinæ facultatem facile retinebis, sed locupletiores etiam reddes. Quamobrem noli omittere quin æqualium tuorum, quos vel in Gallia vel Italia novisti, amicitias scribendis literis latinis retineas. Hand alius me Hercle in hac vita jucundior ulla ex re fructus est, quàm ex absentium amicorum epistolis. Voluptatem verò augere debet utilitas, quum multo stylo vires & incrementum, doctrina accipiat. Ignosces libertati meæ qui te moneam familiaris. Cum enim ita erga me semper affectus fueris, ut meis aliquid consiliis tribueris: in hoc ætatis tuæ studiorumque fluxu, quo ab literis ad patrimonium administrandum vocaris, ut aliquem saltem earum fructum retineres, de istis te commonefaciendum duxi. Scripseram aliquando ad te de Civitatum Italiæ statutis. Cupio scire ecquid a te effectum sit. Quod si cum tuis libris aliquid ejus generis ex Italia attuleris, eoque me impertiri volueris, non erit difficile committere alicui eorum, qui vestra Augustæ negotia gerunt, ut inde id huc mittatur. Curabitur autem id a me diligenter, ne hoc tibi beneficium pereat. Bene vale, & patrum tuum D. *Antonium* plurima meo nomine salute imperti. Darum Spiræ. Calendia Martiis anno 1536.

EPIST. SELECTÆ AD DIVERSOS. 211

EPISTOLA LXXVIII

Ex To-
mo II.
fol. 393.

HADRIANO MARIO (1).

*Ejus Laconismum castigat. Joannis Secundi basia
laudat. Cum Germanis sibi bene posse convenire,
si de religione dissidia ponerentur, declarat.* 1536.

Bellè me Hercle diluis quæ objeceram. Omnino arbitror te in foro isto vestro hoc desidiæ patrociniū didicisse. Atque, mi *Hadriane*, cur tu te tandem ad garrulam istam rabularum societatem contulisti, si adeo tibi placet *οἱ βραχυλογεῖν καὶ μοιουμαβεῖν* Dignus profectò mihi videris cum ista tua Laconica brevitate, qui in imo sed eas subsellio, a nemine advoceris, ac egregie tandem esurias. Nam quid istud tuum in foro faciat breviloquium? Apage ad *Arenopagitas*, nam si hic velis causas dicere, memineris *Catoniani* quod olim unà didicimus: *Foro te para*. Si epistolas quoque nihil vis esse, nisi gravium ac seriarum rerum indices, jam secundum te omnis inter amicos scribendi consuetudo abolenda erit, quum inter eos vix centesima pagina quicquam ferii contineat: & in hoc solum amici mutuo scribunt, ut amicitiam quam plerumque *ἡ ἀφροσύνη* dirimit, isthoc officio retineant. Quæso te, an non putas longas posse literas scribi, nisi continuo novis commenticiisq; rebus infarciantur? Ignoscerem si quis ex populo sic se excusaret. At non pudet te qui omnem ætatem in literis consumpsisti, ac locupletissimum optimarum disciplinarum penum comparasti, tam parcum esse literarum promum, ac queri, res tibi ad scribendum deesse? Nolo equidem ego, o bone *Lacon*, Iliada. Atqui etiam non conveniunt epistolis nuda, solaque apothegmata: nolo indices istos tuos, epistolas volo, aut prolixiores aut crebriores, de familiaribus rebus, deque studiis quæ a puero conjuncta, in ulteriorem ætatem proferre tua communicatione literarum nos addecet. Sed desunt tibi scili-

(1) *Hadriano Mario*] V. Not. ad Vitam N. XLI.

212 VIGLII AB AYT TA ZUICHEMI

scilicet isthic tabellarii, cū hic publici currus mansio sit, & quotquot vel in superiorem Germaniam vel in Italiam proficiscantur, sive ad Cæsaream, sive ad Regiam M. hāc transire necesse habeant. Quamobrem tu aut alias dicito causas, aut deinceps prolixius crebriusve scribito. Risisti meum *Archilochum*, age verò, si pedibus parum possum, equis in planiciem descendam, & si *Archilochus* (2) esse non possum, fiam *Hipponax*. (3) An tu sola carmina mordere putas? Atqui orationi non deesse dentes, *Ciceronis*, aliorumque invectivæ ostendunt. Sed minarum satis. *Basia* fratris tui (4). magna cum voluptate legi, miratusque in eis maxime sum cū copiam inventionemque, tum venustatem atque ipsam Venerem, quam ille profectò bene propitiam habere debuit, ut tantam & tam suavem ei basiandi materiam suggereret. Habeo autem multam pro eis gratiam, & referre etiam per occasionem studebo. Gaudeo fratres salvos ex Hispania rediisse. Quàm velim tibi Frisia mea ita adlubesceret, ut perpetuo illic morari animum induceres. Ex eo enim inter nos & scribendi, & conveniendi major esset oportunitas, cū ego illic parentem adhuc utrumque in vivis habeam. Functionem hic, mi *Hadriano*, nactus sum cum primis splendidam, nec quicquam deest, nisi quod non sit perpetua, alioqui de alia ne cogitare quidem unquam velim. Reddit tamen me interea idoneum, ut ubi opus erit, aliam conditionem facilius invenire queam. Cum superioris autem Germaniæ ingeniis satis mihi convenire posset, si ista aliquando de religione dissidia ponerentur: quanquam certe inferior natio nostra non minus gravi *Anabaptistarum* secta concutitur.

Bene

(2) *Archilochus*] Poëta græcus, primus inter eos, qui Jambos scripsere, in quibus summa vis, elegantia ac vibrantes sententiæ. *Car. Steph.*

(3) *Hipponax*] Poëta Ephesius, qui in pictores quosdam, quod deformem suam ac foedam faciem publicè exposuissent deridendam, tam acriter invecus est, ut aliquot ex illis ad suspendium adegerit. *Idem.*

(4) *Basia fratris tui*] Joannis Secundi *Basiorum* librum intelligit, in quo plurima lasciva ac obscœna legi, notatur in *Bibl. Belg. Val. Andree*. Quæ *basia* tamen mirifice extollit Viglius in Epist. quæ est ordine CXIX, ad Joannem Jacobum Fuggerum.

EPIST. SELECTÆ AD DIVERSOS. 213

Bene vale, *Adriane* amicissime, & fratres tuos meo nomine resaluta diligenter. Spirm. XII. Martii. 1536.

EPISTOLA LXXIX. BONIFACIO AMERBACHIO.

Ex To-
mo II.
fol. 358.

Commendat ei Udalrici Zasii ineditas elucubrationes. De vulgato sub Alciati nomine alieno fetu. 1536.
Vota pro Erasmi incolumitate.

AMicè facis, doctissime *Amerbachi*, qui tuis me literis per occasionem impertias. Ut *Zasii* mortem doleo, ita memoriæ ejus gratulor, quæ elegant Epitaphio *Erasmus* celebravit. Illud autem tuum est officium, mi *Amerbachi*, ut ejus viri, quem viventem observasti, monumenta, quæ ille propter ætatem atque occupationes in lucem emittere distulit, ab interitu conserves, vindicesque. Cum enim usque ad extremam provectamque senectutem studiorum labores indefesse continuaverit, non dubito quin plura annotarit congesteritque studiosorum lectione digna. Ego dum in hoc judicio versatus sum, apud plerasque causas, quibus ille patrocinarus est, præclara aliquot ejus consilia legi. Quæ si colligerentur ederenturque, dubio procul non leve momentum ad forensium actionum usum atque peritiam conferrent. Prodiit his nundinis ex Colonia liber qui *Processus Judiciarius Alciati* inscribitur, quem de fronte conspectum confestim subditiolum esse animadverti: nihil enim unquam *Aktatum* tale meditari cognovi. Ubi verò peritius inspexi, comperi non aliud esse quam quandam speculatoris nostri Epitomen, atque *Alciatum* etiam illic citari. Adeo nihil pudet typographos cum aliena fama ludere, & quæstus sui gratia, falsis titulis studiosis imponere. *Alciato* ne quid rursus adferat incommodi hoc bellum quod apud Insubres renovatur, valde vereor: ac exitus docet, consultius eum fuisse facturum si in Patavinam Academiam ad quam a *Bembo* aliisque, magnis stipendiis invitabatur, sese contulisset. D. *Erasmum* convalescere gaudeo. Et ut diu vivat valeatque faxit Deus Opt.

Dd 3

Max.

214 VIGLII AB AYTTA ZUICHEMI

Max. Si quando apud eum opportunum erit, rogo ut de meliore nota me ei commendes. Bene vale Eruditissime *Amurbachi*. Spiræ. Pridiæ Paschæ anno 1536.

Ex Tomo II.
fol. 361.

EPISTOLA LXXX.

MATHIÆ HELD.

1536. *Commendat Doct. Joannem Fichardum. Pollicetur responsum super oblata sibi affinitate Mathiæ.*

SCripsit ad me ex Francofordia Doct. *Joannes Fichardus* (1) constituisse se Cæsaris aulam accedere, &, ut eum mea commendatione apud te adjuvarem, petiit. Quod equidem officium, clarissime *D. Mathia*, non potui ei denegare. Quamquam enim ille scribat: *Quem cui commendes etiam atque etiam aspice*; id tamen aliorum apud me de ipso eulogium antecessit, ut de eruditione & probitate certe eum tibi laudare possim. Ad eas autem dotes accedit quædam animi alacritas, ut, quantum ingenio ac literis præstat, tantum se rebus agendis accommodare connitatur. Quippe, ea qua vides ætate præditus, ad aliquod tempus Spiræ procuratorio munere functus est, deinde verò Francofordiæ non contemnendam habuit conditionem. Sed ingenium, majoribus splendidioribus-

(1) *Joannes Fichardus*] Is Francofurti ad Moenum natus anno 1511. Juri operam dedit sub *Zafio*, a quo unà cum *Joanne Sichardo* J. U. lauream consecutus, Cameræ Spirensis assessor primùm, tum Juris professor Patavii ac Bononiæ, obiit Francofurti anno 1581. *V. Paul. Fieber. in theat. p. 884.* „Recentiorum Jurisconsultorum, qui post restauratam primùm „Jurisprudentiam vixerunt, vitas descripsit *Joannes Fichardus*, „ab *Irnerio* usque ad *Zafium*, Patavii 1565. 4. Hunc secutus „est *Marcus Mansua*, aliàs *Benavidius* in epitome virorum illustrium cum *Fichardo* edita. Sed utrique nimium sunt brevses; „inquit *Struvius Introd. ad not. rei litterar. edit. 1715. p. 366.*

EPIST. SELECTÆ AD DIVERSOS. 215

abusque rebus natum, in his gradibus consistere nequit. Et dignus profecto est, qui te Mæcenatem habeat, quemque tuo favore subleves, adjuvesque. Magnam illi de te spem fecit obvia illa tua bonitas, & in promovendam studiosorum fortunam propensio, cujus in me tuo favore ad hunc locum evecto luculentum specimen vidit. Quamobrem, Clarissime D. Matbia, si modò mihi, tot propriis tibi obstricto nominibus, pro alio apud te intercedere liceat, etiam atque etiam te rogo, ut tua humanitate eum tibi obliges: ac cum plurimorum aliorum commendationibus apud te nitatur, propter eam tamen quæ mihi cum eo est, amicitiam, gratiorem eum tibi fore ostendas. De negotio (2) quod inter nos agitur, omnino proximis literis & ad constitutum tempus certi aliquid ad te rescribam. Quod equidem sperabam ut dudum mihi licuisset, nam mora mihi perquam gravis est. Sed si parentum responsum cum animi mei desiderio convenit: hæc expectatio non modico gaudio pensabitur. Bene vale. Dñe & patrone incomparabilis. Spiræ. 7. Aprilis anno 1536.

EPISTOLA LXXXI.

FLORENTIO GREBOUALLIO.

Ex Tomo II.
fol. 363a.

Laudat ejus eloquentiam styli. Institutiones Græcas Lovanii denuo a Rutgero Rescio excusas improbat. Quis Claudius Peutingerus? 1536.

INjuste quereris, Florenti ornatissime, orationis facultatem, qua antea polluisti, tibi exaruisse; cum novissima tua epistola satis mihi ostenderit (id quod ego valde gavisus sum) non.

(2) De negotio quod &c. Matbias obtulit Viglio affinitatem suam, offerendo, & instantissime dein urgendo, filiam ut suam notham, uxorem acciperet. Cunctatus diu Viglius, tandem hominem delusit, nolens uxorem ab illa manu. V. Not. ad Vitum. N. XXV.

216 VIGLIJ AB AYTTA ZUICHEMI

non modò cum aetate veterem illum tuum in literas amorem incrementum accipere. Sed facis tuo more, ut dissimulatione duplicatam laudem merearis & doctrinæ & modestiæ. Quamobrem etsi alias nihil non lubens tibi donem, quo magis tamen hæc ultima tua epistola mihi placuit, eo me rariore ab te literas accipere gravius fero. Merito autem tuo vicissim te amo, & id me non civiliter, sed ex animo dicere tu quando voles experire. Non dedignatum te esse nomen tuum in nostris profiteri numeris, eo magis laudo, quò tu rectius judicas quomodo sapientiæ titulus tuendus sit. Eam verò sententiam tuam, doctissimi clarissimi-que viri *D. Francisci Crasveldii* confirmabit consuetudo. Maltum enim refert cum quibus verferis. Ideoque *Cicero* scribit *P. Rutilii* adolescentiam Jurisprudentiæ opinionem *P. Mutii* domum commendasse. De Institutionum græcarum versione olim ille ad me in Westphalia scripsit, ac tum ego illi emendatum exemplar communicaturum me obtuli, sed ille hætenus nihil respondit. Et audio eas de novo ab *Rescio* excusas, quod ab eo prætermisum maluissem, non tam *Frobenii* causa, cui ea re incommodavit, quàm quod ego cupierim, ipsas emendatiores rursus edere. De *Mulardi* humanitate nihil novi scribis. Et cum præter illum neminem habeam patronum in inferiore Germania, ille tamen unus multorum mihi est instar. *Stephanum Montanum* mei adhuc meminisse gaudeo. Etenim *Bicurigibus* cum illo arcta mihi familiaritas intercessit. Et ei omnia læta sanisque precor. *Claudius Peutingerus* dudum Augustæ uxorem duxit perquam opulentam, atque ibidem habet ab suis civibus non contemnendum honorarium, quod vos illic pensionem vocatis. Hujus pater *Conradus* (1) vocatur, sed non arbitror eum

nu-

(1) *Conradus*] *Niceronius* si consulas tom. 13. non reperies, eum *Maximiliano* Imp. adfuisse in Belgio, uti *Viglius* asserit, sed illo e vivis erepto, missum fuisse *Brugas* ad gratulandam novo Imperatori *Carolo V.* Iustruxerat numerosam bibliothecam, in ejus familia conservatam usque ad an. 1715. quæ

EPIST. SELECTÆ AD DIVERSOS. 217

nuper Bruxellæ fuisse: cùm jam senium eum domi contineret. Olim verò cum *Maximiliano* Cæsare, cujus erat consiliarius, sæpe isthuc fuit. Quæ in Italia geruntur non gravarer ad te scribere, si spes mihi esset, ut celeriter meæ literæ ad te deferrentur, nunc quid est opus ea significare, quæ tu ex vulgo multo citius isthuc cognoscere poteris? Vale. Spiræ xv. Junii 1536.

EPISTOLA LXXXII.

Ex Tomo II.
fol. 373.

GEORGIO HERMANNO.

De Erasmi morte se inaudivisse scribit, ejusque breve eulogium addit. Suadet munus mitti Doct. Ludovico Ziegler, cui Georgii filius cohabitabat praxeos ediscendæ causa. 1536.

EX Friburgo mihi significatum est, *Erasum* Roterodamum in fata concessisse. Utinam falsum hoc sit nuncium. Scio eum proxima hyeme, ac verno quoque tempore graviter decubuisse, sed mense Junio *Frobenius* ad me scripsit, virum eum convalescere, & totum esse in Origine castigando, cui præclaro operi immortalis est (si tamen verum est, mortuum esse) Hoc viro extincto, magnum literarum lumen Germania nostra amisit, quod ipso ævo, & posito sæculi nostri livore, apud posteritatem magis atque magis splendescet. Haud fuit quidem immatura illius mors, si communem naturæ legem inspiciamus; septuagesimum enim annum excesserat. Sed si quid hominum in hac re vota possent, optandum a Deo fuisset, ut talis vir perpetuò vixisset. Quamquam sane ita ejus memoria literarum monumentis constabilita est, ut per gloriam in doctorum virorum ore perpetuis flo-

quæ cessit Jesuitis in Augusta Vindelicorum, dum morte *Desiderii Ignatii*, *Peusingerorum* extinctum est nomen. *Niceron. ibid.* Obiit *Conradus* 28. Dec. 1547. ætat 82. Videri meretur *Niceron. tom. 20. p. 66.*

Tom. II.

E c

218 VIGLII AB AYT TA ZUICHEMI

floritura sit seculis. De genere mortis, ultimaque ejus voluntate ac rerum dispositione, nondum quicquam mihi explorare licuit, arbitrator tamen *Bonifacium Amerbachium*, virum optimum & eruditissimum, ac *Hieronymum Frobenium* in aliquot unciiis hæredes esse scriptos. Doctori *Ludovico Ziegler* tantum silentium excusavi, sed tamen id tuæ literæ aptius efficiant. Est vir cum primis honestus & praxis bene expertus, apud quem filio discendi occasio minime deerit. Eoque nomine ei agenda est gratia, quam si tu aliquando referre volueris, mea opinione, appositum munus erit magis poculum, quàm cathena. Ea enim ut sit spectabilis, plufculum auri requirit. Poculum verò ex argento factum, plus habet in specie & minus in pretio, jucundamque mensis memoriam excitat eorum, qui donaverunt. Et licet quoque aliquid inculpere quod memoriam donatoris refricet. Bene vale. Datum Spiræ ultima Julii anno 1536.

Ex Tomo II.
fol. 374.

EPISTOLA LXXXIII.

JOANNI CHOLERO.

1536. *Scribendi occasionem arripit a morte Erasmi pie, Christianèque, uti acceperat, defuncti. Breve rursus ejus elogium addit, & ultimam voluntatem in pias causas narrat, ac illius & Uldarici Zassi jacturam non reparandam dolet.*

Non tulit hætenus oportunitas, *Cholere* charissime, ut ad te aliquid literarum darem, nam ego aliquamdiu, nescio qua conditione, ita occupatus fui, ut neque luberet neque liceret ad amicos scribere. Ubi verò ad hoc forense etiam me contuli, novæ rursus occupationes obortæ sunt, quæ me tamen haud ita remoratae fuissent, ut ad te scribere omissem, si modò ejus idonea aliqua occasio oblata fuisset. Nam a te ab anno tricesimo tertio nullas literas accepi, atque ego post tantum silentium, aptum aliquid scribendi argumentum captabam, quod nunc minime deesset, si id stili
mei.

mei tenuitas ferre posset. Nam illud totius eruditionis ac omnium bonarum artium unicum decus, *Erasmus* inquam Roterodamus, qui mutuae inter vos benevolentiae ac familiaritatis praecipuus autor fuit, in fata concessit. Cujus acerbum fatum luctuosumque desiderium, materiae quidem satis ad scribendum suppeditaret, si & noster calamus tanti viri Næmiam digne concinere posset, & nisi ego magis lætum ad te scribendi argumentum post tantum intervallum quærerem. Piè autem Christianèque quinto Idus Julii mortuus esse fertur, ac in majori Ecclesia Basileensi sepultus. Testamento * hæredem scripsit in certa parte *Bonifacium Amerbachium* reliquum amicis pauperibusque Scholaribus & virginibus in studia ac dotes legavit. Ab longa ægritudine ubi aliquantum convaluerat, totus erat in *Origine*, cujus vitam conscripserat, & commentaria in eum ceperat, ac etiam coronidem contra *Originis* calumniatores parabat: sed tam præclaro operi immortalis est. Hæc ego de ejus extremo vitæ actu intellexi. Sed *Bonifacium Amerbachium*, virum optimum ac eruditissimum, non dubito ejus mortem digna oratione profecuturum. Junxit ille nos, mi *Cholere*, dum viveret, ac alterum alteri conciliavit. Quamobrem luctum etiam nostrum communicandum arbitratus sum. Hic certe annus studiis valde perniciosus fuit. Sustulit primo *Zasium*, ac nunc *Erasmum*, duo solidissima Germaniæ nostræ ingenia, qualia nec habuimus antea, nec habemus, ac (ut nunc sunt tempora) ne spes quidem ulla (est) ut posteritas similia producat. De meis rebus puto te ex amicis communibus certiorum factum: de tuis longo tempore nihil audiivi. Quæso autem te, ut si per valetudinem liceat, aliquod tuum epistolum videam. Nam tui, me *Hercle*, minime sum oblitus, cujus in me animum ac humanitatem tot epistolis olim testatam habeo. Bene vale Domine & amice optime. Ex Spira pridie Calendas Augusti anno 1536.

* *V. Erasmus vitam in nova edit. Operum ejus. Et annal. typogr. tom. 2. part 1. pag. 371.*

Ex Tom.
mo II.
fol. 376.

EPISTOLA LXXXIV.

HAYONI HERMANNO.

1536. *Primum dialogorum suorum librum de Institutione Jurisconsulti, mittit soli interlocutori Rupilio communicandum, de quo Hayonis judicium exquirat. Addit de rebus Frisicis nonnulla.*

EX Italia, clarissime Hayo, unicas tantum literas abs te accepi. Ad quas postridie nonarum Novembris respondi: ac dialogorum meorum *de Institutione Jurisconsulti* primum librum, dudum a me tibi promissum, cum primum idoneum nuncium nactus essem, missurum me ad te esse scripsi. Cum verò nemo diu offerretur cui eum committere possem: & vererer, ne te mea mora offenderet: non aliam invenire rationem potui, quàm ut *Rupilio* inscriptum per Dominum *Joannem Paungarinerum* Augustensem, Patavium transmitti curarem. Reddet itaque tibi eum *Rupilius*, vir doctissimus ac mihi conjunctissimus, quem in eo ipso dialogo mecum colloquentem introduxi, ut hac occasione illum non modo ex meis istis nugis, sed præsenti alloquio notum haberes. Permissi autem ut ille aperiret, videretque num satis fideliter ejus sententias retulissem. Præter hunc unum, mi *Hermanne*, nulli mortalium istas meas nugas communicare te velim. Imperfectas enim & impolitas ex schedis meis ipse indiligentius descripsi: cum nec eliminandi otium haberem, nec tuam expectationem longius sustinere auderem. Quamobrem ut fructum aliquem obsequii mei a te consequar, te etiam atque etiam, eruditissime Hayo, rogo: ut de iis rebus, quas primò hoc dialogo compræhendi, judicium tuum mihi impartiri non graveris, eaque quæ te vel in rebus vel in verbis offenderent, fideliter atque amicè, quò tempestive corrigere queam, indices. Scis enim hoc antiquissimum esse verorum amicorum officium, eo magis in hoc argumenti genere necessarium, quò ad plurium utilitatem ipsum a me sedulo susceptum est. Ex Frisia nostra satis
prospera

EPIST. SELECTÆ AD DIVERSOS. 221

prospera nuntiantur. Dominus a Tautenborg * Covordiam
superiore mense vi occupavit. Arx Lingen ad Amasim,
& alia aliquot castella ultro se dediderunt: ac nunc Diepen-
hem obsidere dicitur. Utinam ei hæc perpetua sit victoria.
Bene vale clarissime *Hermanns*. Et fac ut ex literis tuis in-
telligam, libellum meum redditum tibi esse. Spiræ 16. Sep-
tembris 1536.

* *Geor-
gius
Schenck.*

EPISTOLA LXXXV. BONIFACIO AMERBACHIO.

Ex To-
mo II.
fol. 38r.
vfo.

*Erasmi heredem eum scriptum esse probat, dolet
verò famam ejus odiosis quibusdam carminibus
gravari. Alciati parerga, ut a Frobenio excudan-
tur, commendat.* 1536.

AB Hieronymo Frobenio de Erasmi nostri morte & ultima
ejus voluntate plenius edoctus, hoc minus viri doctif-
simi factum doleo, quò mihi rebus suis post mortem sa-
pientius consuluisse videtur. Nam omnium, qui te noscunt,
mi *Amerbachi*, judicio, dignus haberi, qui talis viri, hæ-
reditatem cernas, non modò quia tua virtus vel eruditio
vel majoribus digna est præmiis, verum etiam quod fidem &
integritatem tuam exequendæ doctissimi viri piissimæ volun-
tati maximè omnes idoneam censeant. Illud verò mihi val-
de dolet, quod *Hieronimus* retulit, famam ejus odiosis qui-
busdam, carminibus gravari, quæ cujus sint *Hieronymo* osten-
di, neque ipsi eorum authori id summè displicuisse, cum
ejus frater ex Mechlinia 21. Augusti datis ad me literis, idip-
sum carmen (1) miserit, quem tunc ignorasse in lucem id
edi-

Idipsum carmen] Quod quale fuerit, ex *Viglii* ad *Hadrianum*
Marium epistola accipe: „Gaudeo id tandem me importuni-
tate mea tibi extorsisse, ut literis tuis crebrius fruam. Bi-
nas enim nuper accepi, quarum posterioribus fratris car-
men in mortem *Mori* conjunctum erat, quod paulò post
sub *Erasmi* nomine Haganoæ cum ineptis quibusdam *Hiero-*
nymi Gebuilleri glossematis excusum est. Qua de re apud

222 VIGLII AB AYTTA ZUICHEMI

editum esse, certò affirmare ausim. Ex Francfordia nihil adhuc allatum est. *Alciatus* noster *parerga* edere constituit, eaque cuidam Baroni, mihi perquam familiari nuncupavit, & missurum se scripsit, ut is in Germania excudi curet. Ego autem suasi, ut *Frobenio* committat, quod se facturum promisit. Si quid ad te *Alciatus* ea de re scripserit, da unà operam, mi *Amerbachii*, pro veteri tuo erga *Frobenianam* officinam favore, ut nullus alius id præripiat. Bene vale, *Amerbachii* clarissime. Datum Spiræ 21. Septembris anno 1536.

Ex Tomo II.
fol. 383.

EPISTOLA LXXXVI

JOANNI CHOLERO PRÆPOSITO CURIENSI.

1536. *De Erasmi morte ut referat, remittit ad Beati Rhenani præfationem in Originem: de ultima autem ejus voluntate refert ex Frobenii relatione.*

* Episcopi
Brixien-
sis
Secreta-
rius.

Heri literas tuas mihi reddidit, *Cholere* clarissime, *Daniel Mauchius* * homo non ineruditus & perhumanus. Quamobrem gratias tibi ago, quod mutus inter illum & me amicitie proxenetam te obtuleris. Neque opus fuit, mi *Cholere*, tua illa tam accurata commendatione, cum ipse in se philtrum habeat ad conciliandas amicitias præsentissimum. De *Erasmi* rebus non alia de causa ad te scribere distuli, quam quod *Frobenius* ipsam testamenti formulam, ad me missurum se esse promisit. Ac quoniam mihi cum illo non datum fuit pluribus colloqui, quod ille, (qui negotiatorum mos est) abire festinaret, recepit tamen vel se de omnibus copio-

„ me questus est *Frobenius*, metuens ne quid inde invidie *Erasmi* nomini, ejusdemque operibus apud Anglicanam gentem confletur, quod sibi quoque detrimento sit. Non dubito autem fratri hoc æque displicere, & unde ille litterator nactus sit miror.” *Tom. 2. p. 384. vfo.*

pius scripturum, vel effecturum ut id ipse *Bonifacius Amerbachius*, *Erasmi* hæres faciat. Quoniam autem nihil adhuc ex Basilea accepi, ac tu longiorem moram non sustines, ea lubens communicabo quæ ex *Frobenio* coram mihi expiscari licuit. De morte ac extrema ejus opera quam *Origini* infundabat, *Beati Rhenani* † præfatio in *Origenem*, in *Frobeniana* officina excusum, satis diserte exponit. Testamenta tria reliquit, sed prioribus duobus ultimo derogavit. Primum continebat mille aureorum (si bene memini) *Frobenio*, aut si ille recusaret, alii typographo, factum, ut omnia ipsius opera luculenta forma ederet. Sed de eo in posteriore voluntate tacuit, in qua *Bonifacium Amerbachium* fiduciarium hæredem fecit, videlicet, ut retento hæreditatis quadrante, quod reliquum esset una cum *Frobenio* in dotes pauperularum virginum, & studia inopum scholarium dispensaret. Suppellestem *Frobenio* legavit. Bibliothecam ex contractu *Joanni a Lasco* † cedit, si numeratis antea ducentis florenis alteros ducentos addiderit. Amiculis quibusdam pocula quædam donavit. Legatum pecuniarium non excedit sexcentos florenos, nisi quod *Conrado Goclenio* latinarum linguarum professori apud Lovanium, mille aureos dispensandos commiserit. Detractis autem legatis & portione hæredi debita, tantum audio superesse, ut trecentorum aureorum annuus census constitui possit. Quod & facere executores decreverunt, quo hoc ejus beneficium in posteros magis perpetuum fiat. Ex censu autem duas quotannis puellas dotare, reliquum studiosis expendere decreverunt. Ex his autem tibi facile licebit assem hæreditatis supputare. Hæc habui quæ de ejus testamento ac fortunis impræsentiarum tibi communicarem. Quod si quid *Frobenius* indicarit, ejus quoque te participem reddam. Vale *Cholere* clarissime, & *Vigilio* tuo, si quid aliud voles, imperato. Spiræ 18. Octobris anno 1536.

Signum Sacramentarium & magnam Poloniæ pestem appellat. Obiit. an. cit. *V. ad. an. 1558. n. 7.*

† *Seleth-*
dienfis. V.

Erasmi
epistolas.

Et Spond.
ad an.

1547.

quando
banc vi-

tam liquit
20. Maii

Argenti-
nae. 62.

† *Poloniæ*
Baro,

præposi-
tus Gne-

nenfis. V.
Erasmi

epistolas.
Et Du

Pin Bi-
bliot. des

auteurs
du 17.

siècle. tom.
1. part.

2. p. 586.
in 8.

Spond. ad
an. 1560.

n. 31.
eum in-

Ex To-
mo II.
fol. 387.
vfo.

EPISTOLA LXXXVII.

MATHIÆ HELDT.

1536. *Gratulatur ei reditum ab expeditione Gallica. Statum Camerae Imp. commendat, & significat obitum Collegæ unius, De Erasmi morte & ultima voluntate. De Angustiis Assessorum Camerae Imp. Ut in inferiore Germania obtineat senatoris locum, Matthiæ se commendat.*

SI tu Magnifice Procancellarie ab expeditione Gallica sal-
vus ac incolumis rediisti, est quod vehementer gaudeamus. Nostræ res (de quibus ob occupationes, quas te isto bello maximas sustinere scio, privatis meis literis D. tuam distingere nolo) quemadmodum ex omnibus collegii nostri literis percipies, in eo sunt statu, ut nisi tuo patrocinio sustineantur, longius stare vix queant. Nos ex Collegis nostris rursus nuper unum extulimus virum bene eruditum *Christophorum Backenbuschium* Lubecensem qui erat Doctoris *Francisci* Ingolstadiensis professoris gener. *Erasmi* Roterodami mortem etsi antea tibi cognitam esse nihil dubitem, te tamen percelebris doctrinæ virum, doctorumque omnium patronum, haud illubenter lecturum arbitror, si de illius extremo vitæ actu aliquid ad te scripsero. Proximo vere longa ægitudine prope exhaustus, vix tandem convaluerat, ac in *Originem* Commentaria moliebatur, jamque ejus vitam descripserat, & pleraque ad eundem authorem annotarat, cum sub Calendas Julias in morbum recidit, qui eum Basileæ apud *Hieronymum Frobenium* decumbentem XI ejusdem mensis die extinxit. Senatus ei Basiliensis honorificentius, quam ejus sectæ novus mos est, in primaria æde sepulchrum assignavit. Multa testamenta scripsit, sed ultimum eodem anno, impetratis ne quisquam contra tabulas agere posset, Pontificis, Cæsaris, ac Basileensis Reipub. diplomatis. Hæredem instituit Doctorem *Bonifacium Amerbachium* adjecto fidei-
commisso, ut retenta parte ex senatusconsulto Trebelliano
debita,

debita, reliqua omnia in usus pauperum potissimum verò
 εἰς τὸ σπουδαίον καὶ φεικτὸν distribuerat, quo ex studiis provenien-
 tia ad studiosos redirent. Amicis charioribus pocula quædam
 atque annulos, tenuioribus aliquid pecuniæ nominatim lega-
 vit. Porro assem hæreditatis octo florenorum plus minus
 milibus censi intelligo. Operis vero post mortem edendi
 nihil compertum est, nisi imperfectæ lucubrationes in *Ori-*
ginem, quibus est immortalis. Sic superiore anno *Udalricum*
Zasum: isthuc, *Erasimum* Roterodamum, duo maxima Ger-
 manicæ decora amisimus. De salario iudicii nostri apud Re-
 giam Majestatem frustra egimus. Et nisi Regia M. huic rei
 clementius provideat, eam video iudicis ac Collegarum esse
 deliberationem, ut ista nobis provincia deferenda sit. Cum
 te autem ego, propitio Deo, fortunæ meæ authorem patro-
 numque nactus sim, hoc te obtestor, ne tuo me favore
 consilioque destituas. Fuere mihi, interea dum hic ago,
 oblatae occasiones quædam, si hoc iudicium dissolveretur,
 non contemnendæ: sive in Academia aliqua Juris professio-
 nem suscipere, sive Principi operam meam forte impendere
 vellem. Sed parentum meumque votum eo magis tendit, ut
 ad inferiorem Germaniam aliquando cum honore redire pos-
 sim. Nam in eum etiam usum Gallicam linguam olim didici.
 Et si Bruxellæ aut Mechliniæ locum aliquem obtinere possem,
 non solum eum omnibus aliis conditionibus lubens præfer-
 rem, sed nullam quidem splendidiorum fortunam optarem.
 Quia igitur tu optime videre potes, quid de hoc nostro Ju-
 dicio futurum sit, tuaque commendatio plurimum etiam in
 illo juvare me potest: obsecro te ut quid facere me debere
 censeas, tuum consilium fideliter impertias. Et si forsitan
 eo perveniendi nullam mihi spem esse putaveris, hoc ipsum
 saltem indices, quo rebus meis alibi in tempore consulam.
 Cum nihil verò sit honestius, clarissime Procancellarie, quàm
 de plurimis bene mereri, cum id possis: tum eos quos semel
 in tuam susceperis tutelam & clientelam, quique de tuo pa-
 trocinio penitus pendent, te sustinere, multo piissimum lau-
 datissimumque habetur. Deus te nobis diu incolumem con-
 servet, Patrone incomparabilis. Spiræ pridie Calend. No-
 vembr. 1536.

EPISTOLA LXXXVIII.
HENRICO RECHLINGER.

1536. *Varia cum Henrico amicitiae officia implet. Narrat
ridiculum modum quo vini dolium in Spiram op-
pidum invexit sagittariorum ibi collegium.*

Heri tuæ mihi sunt redditæ literæ, Henrico charissime, quibus te huc non esse rediturum significasti. Etsi autem mihi nihil possit accidere gratius, quam te præsentem coram frui, cum tamen simul fortunæ tuæ cumprimis semper faverim, minus mihi absentia tua molesta erit, si recte te valere prosperoque rerum successu uti intellexero. Amorem tuum nihil opus est te mihi verbis testari, cum mihi jam dudum persuasum habeam, te mihi non amicum sed fratrem esse. Ac me vicissim, si quando usus tuus tulerit, non aliter utitor ac fratre, neque enim me patiar unquam a te in statu amicitiae officio vinci. Cum Hospita rationem nominetuo confeci, ac ita se ea habet, ut a te perscriptum est. Famulus meus res tuas conscribit ac componit, easque cum primo Auriga Augustam mittemus, qua in re operam D. Conradi Regii requisivi, isque se obstat indicaturum cum primum aliquis auriga oblatas fuerit. Quidquid fuerit impendendum in libris tuis compingendis, id ego libens exolvam, cum tu Patavii multo plus in meis expenderis: ac id solum quod Hospita pro te exolvere me iussisti, non alias quam cum tibi opportunum erit ad me mittere. Tantum de rebus tuis, de quibus ego ac famulus meus latius ad te scribemus, cum eo per quem eas ad te mittemus. In *Packhuschii* locum, fama est *Langemantellum* aliquem successurum. Utinam is sit *Ulrichus* noster quem pridem in expeditione Gallica gravi morbo correptum esse dolenter accepi. Casus Hispaniam trajecisse fertur. Doctor *Martinus* Held ad Regiam M. ad Principes Germaniæ legatus proficiscitur. Nos hic præterea nihil novi habemus, nisi quod nuper nobilis quidam, vini dolium sagittariorum collegio ea conditione donavit, ut:

idi

EPIST. SELECTÆ AD DIVERSOS. 227

id ab ipsis nescio ex quo vico Spiram traheretur. Placuit conditio maxime persuadente id cæteris sagittariis Ill.^{mo} Duce &c. Exceptis autem paucissimis cæteri coacti sunt jugum subire, quibus quidem currum jumentorum more aperto die in urbem maximo totius populi concursu trahentibus, Dux aurigatus est. Fuit id ridiculum omnino spectaculum, quali Bacchanalia veteres celebrare consueverunt. Vale & parentibus tuis me plurimum commenda, salutemque meo nomine dicito. Spiræ XVI. Novémbris anno 1536.

EPISTOLA LXXXIX.

HADRIANO MARIO.

Ex Tomo II.
fol. 393.

Est consolatoria de morte Joannis Secundi, Nicolai, Marii fratris. 1535.

Consolationis officium, *Hadriane* doctissime, proprius dolor intercipit: nam *Secundi* fratris tui immaturum factum, tanto ipse animi mœrore accepi, ut si fratrem amisissem, ejus obitum acerbius ferre non potuerim. In fratre unica sanguinis est necessitudo: at cum illo ab teneris unguiculis, & ex studiorum contubernio contracta familiaritas, eò meum animum quotidie magis devinciebat, inflammabatque, quò literarum fundamenta, quæ eodem in ludo, sub eodem tecto, eisdemque præceptoribus jeceramus, majore gloria ab eo exædificari, & in pulcherrimum consurgere fastigium cernebam. Cujus quidem rei præclara monumenta reliquit, quæ mea opinione perpetuum victura sunt. Unde etiam qui nunc noster privatus est luctus, publicus fiet. Nam si hi ipsius lusus, quibus venam ad majus graviusque aliquod argumentum præparabat, tantam præ se ferunt indolem: anne justus studiosos omnes dolor afficiat, ita repente illum, quasi spectabilis & eximie pulchritudinis florem, calamitosa tempestate perculsum, & antea ereptum nobis esse, quàm legitimos ex divino illius ingenio fructus carperemus? Tuam vero, ornatissime *Mari*, pietatem laudo, qui doctissimi fratris memoriam ab interitu vindicare studeas,

228 VIGLII AB AYTTA ZUICHEMI

deas, ac Carmina, quæ ille juvenis plurima elegantissima-
que lufit, in unum volumen colligas typisque excudenda
committere statueris. Scripsit ad me ex Biturigibus, in cla-
rissimi parentis vestri mortem multo doctissimum carmen:
id si inter ejus schedas non repereris, perlubenter ad te mit-
tam, nolim enim ejus quicquam perire. De Epitaphio *Mori*
antea ad te scripsi. Nænam tuam rogo ut communices.
Utinam verò simile aliquid ejus manibus per me præstari
posset. Quod cum illa nostra familiaritas, quæ mihi cum
vivo fuit, requirit, tum mortui amici minus mihi triste de-
siderium redderet, si eo videlicet modo debitæ erga defun-
ctum pietati satisfecisse, justaque me ei persolvissè persua-
dere mihi possem. Bene vale *Mari* charissime. Spiræ 20.
Novembris 1536.

Ex To-
mo II.
fol. 399.
vfo.

EPISTOLA XC.

LUDOVICO CARINO (1).

1536. *Pauci bonarum literarum professores Lovanii. Con-
radi Goclenii docendi rationem probat. Pro
instituendo Matthæo Hermannò consilium suum
aperit.*

BInas abs te, *Carine* doctissime, literas accepi eodem tem-
pore, & quanquam non opus erat apud me ista tam
anxia silentii tui excusatione? cum tamen pro unis literis
iisque

(1) *Ludovico Carino*] Erat „ Helvetius natione, ac patria
„ Lucernas, ubi olim obtinuit canonicatum. Sed quoniam
„ visus est novis sectis, quas illa Resp. non admittit, addictior
„ esse, audivi hoc beneficio eum fuisse privatum. *Erasmo* olim
„ fuit charus, sed sex sunt anni, quod gravissima intercessit
„ inimicitia. Causam eam esse intellexi, quod *Carinus*, *Neseno*,
„ cujus ipse fuerat discipulus, graviter ferebat ab *Erasmo* non-
„ nihil culpæ ascribi circa *Senecæ* emendationem, quam *Ne-*
„ *senus* ab *Erasmo* commissam indiligentius præstitisse diceba-
„ tur.

EPIST. SELECTÆ AD DIVERSOS. 229

iisque brevibus, binas & bene prolixas reddideris, non modo non habeo quod de te conquerar, sed gratias etiam tibi pro isto fœnore ago. Cœli te Lovaniensis inclementia vexari doleo: sed tamen puto te ista febricula quæ advenientem excepit, cum morbo te decidisse: qua cum sis jam defunctus, futuræ sanitatis non leve argumentum habes, quando cœli malignitas naturæ tuæ tamquam victrici cecidisse videtur. Professores isthic bonarum literarum tam paucos esse miror. Iudicio tuo de *Goclenio* cæterisque fere ætatis nostræ Lectoribus, haud multum, mi *Carine*, dissentirem, si auditorium ex solis doctis constaret, apud quos neque eadem semper, neque trita illa & vulgata toties inculcanda sunt. Pueris tamen

„ tur. Tantula autem res ita *Carinum* commovit, ut ubique
 „ *Erasmo* obloqueretur. Ac ego aliquando Dolæ nonnullam
 „ habens cum *Carino* consuetudinem, hanc ejus obtrectatio-
 „ nem non satis sanè æquis auribus audiui. Postea verò ini-
 „ micitia ea sive similtas in apertum erupit odium. Audi,
 „ si lubet, rem ridiculam. Erat Basileæ in officina *Frobeniana*
 „ quidam, cui *Erasmus* nomen indidit *Polyphemus*. Hic aliquan-
 „ do perferre libros solet iis, quibus erant ab illo dedicati.
 „ Ac postea, nescio an ex *Erasmi* commendatione, an quo
 „ fretus suffragio, factus est regius satelles. Arbitror te “
 „ (*scribit ad Georgium Hermannum*) „ illum in *Ferdinandi* aula
 „ vidisse. Erat homo prælongus, loquax, mendax, bibax,
 „ pugnax, & quem ipse *Erasmus* in *Colloquiis* elegantur depin-
 „ git. Audio, eum tandem laqueo vitam finivisse in Moravia,
 „ nescio an Polonia in episcopi cujusdam aula. Ut redeam
 „ ad rem: Hoc propter negotium aliquod ab *Erasmo* Dolam
 „ dimisso, fortè tum *Carinus* in vicina civitate Vefontione
 „ moram trahebat. Compotatum est uti solet fieri ab conter-
 „ raneis si quando occurrunt in aliena & peregrina regione.
 „ Fortè ubi *Carinus* coepisset nescio quæ adversus *Erasmum*
 „ dicere, ac *Polyphemus* quasi quidam hyperaspistes *Erasmi*,
 „ mero incalescens indignè id ferret, coepit *Carino* cingulum
 „ suum pro laqueo minari. *Carinus* ad prætorem urbis accur-
 „ rit; *Polyphemus* fugit Basileam; insecutusque eum *Carinus*
 „ coepit nonnullam velle adversus *Erasmum* litem intendere:
 „ sed *Polyphemo* ablegato res fuit sopita. Sed tamen nondum
 „ eum rediisse in *Erasmi* gratiam scio. Est tamen ipse *Ludo-*
 „ „ *vicus Carinus* non indoctus utriusque literaturæ &c.” Ita *Vi-*
glius in tomo ms. VII. a p. 151.

men & indoctioribus, quorum multo maxima est pars, minuta illa nonnunquam explicanda sunt, & difficiliora repetenda sæpius, quo & melius percipiant, & fidelius retineant. Illa sane ecphrasi, qua *Goclenius* eorum quæ prælegebat, sensum apertioribus verbis ante ipsam expositionem singularum partium reddere solet, multum sæpe delectatus sum. Et quanquam plusculum in eo temporis absumitur, multum tamen momenti ad intellectum eorum quæ præleguntur adfert. Nam aliis verbis eadem res explicata, exhibet etiam quoddam copię exemplum auditoribus, ad quam quotidiana assuesfacti consuetudine, necesse est ut & ipsi profectus quædam incrementa sentiant. Cum verò potissimum officium literas docentis in explicanda verborum proprietate consistat, neminem sanè ego usquam audiui, qui ea id faciat diligentia atque doctrina, qua *Goclenius*. Quem cum quadriennium audiverim, vix ullum fuit tam obscurum verbum, cujus non illum originem, etymon, proprietatemque intra id tempus explicavisse meminerim. Quamobrem adolescentibus tuis tanti viri audiendi occasio neutiquam negligenda esse videtur. Privata tua institutio non potest mihi displicere, mi *Carine*, tantum illud velim interdum cogites, cum *Georgius Hermannus* nondum secum constituerit, si ne semper filium * apud studia relicturus, atque ut post latinæ linguæ rudimenta didicita graviorem aliquam disciplinam, Juris scilicet, aut alterius artis, persequatur: illud mihi maxime adolescentis studiis conducere in omnem eventum videri, ut grammatices rudimentis perfectè imbuatur. Quo illam saltem ex scholis utilitatem adferat, quod latinam linguam ita didicerit, ut in omni fortuna, ac in omnem ætatem & hæreat usuique existat. Quamobrem suaserim, ut id tempus quod Astronomiæ cæterisque artibus deputasti, in grammatica legendisque latinis auctoribus, & audiendis, impendere eum sinas: unde pure loquendi & scribendi latine usum sibi comparet. Hæc ita tamen, mi *Carine*, scribo, non quod tuis consiliis rationibusque modum præscribere velim, sed ut meam ad te perscribendo sententiam, honestissimi mihi que amicissimi *Georgii Hermanni* voluntati obsequar. *Joannes Georgius* pristinae sanitati restitutus, a parente revocatus est, nec eum arbitror huc rediturum esse. Ad hilaria se adfuturum

* *Mit-
theum
Herman-
num.*

EPIST. SELECTÆ AD DIVERSOS. 231

urum Doctor *Erius* Medicus scripsit. Dabimus autem una operam ut aliquam ei puellam inveniamus, cœlibatum enim diutius ferre nequit. Salutat te marrona mea & tota familia. Bene vale, *Carine* doctissime. Ex Spira 17. Decembris anno 1536.

EPISTOLA XCI. PETRO BAUSANO.

Ex Tomo III.
fol. I.

*De Jacobi Curtii Versione Institutionum græcarum, 1537.
a Frobenio inemendatiùs excusarum. In ea Vi-
git nusquam meminit.*

EPistola tua, *Bausane* ornatissime, post longam scribendi intermissionem gratissima mihi fuit. Valdè enim gavissum post tantum intervallum te nostræ adhuc consuetudinis meminisse, & amicam erga me voluntatem gerere. Quamobrem tu frustra sollicitus es, ne isto jucundissimo officio tuo quicquam offendar. Neque ulla profecto tam graves occupationes sustineo, quæ me ab rescribendo impedian. De *Institutionibus Theophili* ad me missis multum te amo, nec possum non probare * *Curtii* tui operam in illis transferendis, non infeliciter, quantum mihi de prima facie judicare licuit, insudatam. Nam totum opus relegere, & ad Græcum exemplar conferre ob quotidianas occupationes Affessorii muneris, quo hîc fangor, nondum potui. Quod si ego illum id molire tempestivè cognovissem, haud mediocre auxilium adferre potuissem. *Frobenius* enim edendi ejus operis festinatione in causa fuit, ut inemendatiùs exiret, quod ego postea ad Græcum exemplar diligenter rursus contuli, mendaque accuratè expunxi. Nec dubito si *Curtius* recognitum a nobis exemplar habuisset, quin iste labor multo ei levior fuisset, quanquam sanè ille non infeliciter multa divinavit. Ceperam & ego id opus aliquando transferre, sed postea ab Clarissimo viro *D. Francisco Craneveldio* admonitus, idem illi conari, incepto destiti, doctissimoque viro eam provinciam haud illabenter cessi. Qui tamen, uti ego existimo, haud

* *Jacobi.*

232 VIGLII AB AYT TA ZUICHEMI

haud indigne feret eam gloriam a *Curtio* sibi præreptam esse, & se impedito maturius illum id opus studiosis communicasse. Quidam meus amicus, non sat candidè ab illo factum putat, quod mei nusquam meminerit. Sed ego interpretor illum mendis fortassis primæ editionis offensum, de mea opera, quam laudare non potuit, tacere maluisse. Me sanè ejus silentium nihil offendit, sed publico potius nomine gratias ago, qui Græcæ Linguæ ignaris inventum a me opus commune fecerit, & a me prædicatas ejus dotes confirmaverit. Bene vale. Ex Spira 10. Januarii anno 1537.

Ex To-
mo III.
fol. 4.

EPISTOLA XCII. GEORGIO HERMANNO.

1537. *De Protestantium decretis adversus Clerum Augustanum, deque diversis opinionibus ac censuris.*

QUæ Augustæ proximis diebus adversus Clerum decreta (1) atque acta sunt, ex aliorum litteris ac libellis satis comperta habui. Mirum verò istos homines adeo im-

(1) *Adversus Clerum decreta*] Explicatius hæc scripsit ad filium *Joannem Georgium*: „Augustenses vestri, quantum fama est, sub pietatis & religionis prætextu, in clerum & imagines valde ferociunt. Non difficilis verò illis defensio, quando communem cum tam multis Principibus & civitatibus causam sustinent. Multis tamen bonis viris id factum displicet, qui Senatam illum prudentius modestiusque fatali isti Germaniæ malo in sua Republica consulturum fuisse arbitrabantur. Et est sanè illa non minima, multoque pessima hujus mali pars, quod qui id negotium promovent, consilium non admittunt, ac præcipites eò tantum tendunt, ut quod semel conceperunt, sive jure, sive injuria, exequi studeant. *D. Matthiam* arbitror ad conventum Smal-kaldensem profectum esse. Inde forte ad nos venturus est, utinam tam nobis gratus ejus adventus fiat, quam est expectatus. Quod si ille Protestantibus sufflamen queat injicere, ne tanto impetu in veteris religionis exitium ruant, sem non parvam fecerit, sed ego valde vereor, ne actum
„ agat.”

imperiôsè municipalis potestatis prætextu suam exercere jurisdictionem in non subditos, idque in causâ quæ semper ab ipsorum officio naturâ suâ discreta fuit, cum ipsimet legitime & Cæsares potestatis in se, a quâ ipsorum quoque omnis functio atque autoritas, si rectè rem perpendere libet, dependet, adeo parum meminerint, rationemve habeant. Sed ad hoc illos scilicet Evangelicæ conscientiæ spiritus compellit. Verùm mihi non tam perniciosus videtur error mortalium, in opinionibus semel de Religione aliisve rebus susceptus, quam stulta & arrogans temeritas, ita videlicet animum obfirmare suum, ut nisi quod ipsi sentiunt, nihil rectum putent, suæque dicta & facta sola recta, pia, & divina sint, cæterorum verò non sine magna ratione & autoritate conceptæ opiniones, nihil nisi meri errores, blasphemiæ, & abominations habeantur. Unde mihi videtur, quod vitium illud, quo vetus laborabat Theologorum Monachorum, & Magistrorum nostrorum Schola, ut quicquid illis displiceret, scandalosum, hæreticum, offensivum piarum aurium &c. esset: nunc majore prope temeritate ac tyrannide ab istis usurpetur. Ac si adeo illis certum est, non posse se errare, quid inelamant Concilii determinationem, cui æque non sint obtemperaturi, cum etiam nunc tacitè Concilium detestari videantur, ejusque provocatione ad quandam honestatis speciem utantur? Smalkalda novam rursus parturit tragædiam, ac Judicio Cameræ dira Protestantes minantur, quod ad violenta eorum de Ecclesiasticis rebus spolia connivere hætenus non potuerit. Quorum ita jam increvit conspiratio, ut hisce præsertim temporibus Cæsarem ac Regem Francico, Turcicoque bello impeditos, eorum conatibus cedere prope sit necesse. Quâ in causâ quid efficere valeat *D. Mathiæ* legatio, tu ipse facile conjectare potes. Vale. Spiræ 11. Februarii 1537.

„ agat.” Ex Spira 12. Februarii 1537. *Tom. 3. p. 6. & 7. V.*
inf. Epistolam ad Georgium Hermannum datam 14. Maii 1537.
Et Achillis Firminii Gassari annales Augsburgerse apud Menkenium
Rev. Germ. scrip. tom. 1. col. 1804.

Ex To-
mo III.
fol. 10.

EPISTOLA XCIII.

JOANNI GEORGIO HERMANNO.

1537. *Instruit Juris studiosum circa praxim addiscendam.
Mores componendos monet. Quis Doctoris nomen
mereatur? Qui auctores deligendi.*

EX novissimis tuis litteris, Ornatissime Joannes Georgi, parentis tui de te consilium intellexi; quod an ad tuam suggestionem petitionemque, aut quānam de causā ab ipso institutum sit, haud satis indè colligere potui, cū tu breviter admodum ad me scribas, petasque ut meum tibi consilium in studiorum tuorum institutionem, præsertim circa praxim, impertiam. Quod si tu addidisses quānam de causā in Italiā tibi redeundum parens statuisset, jam ego fortassis magis accommodè de tuis studiis meam tibi sententiam exponere potuissem. Ducor tamen conjecturā, cū Senas te profecturum scribas, illi placere, ut post degustatam forensem praxim, ad Academiā aliquā reversus, extremum illic studiorum tuorum actum feliciter absolvas, Doctoralisque Laureæ insignia suscipias, quod etiam D. Claudium Peutinger, D. Leonardum Langemanuel, aliosque tuos cives fecisse scio. Nec mihi ab re videtur, cū non minima juris scientiæ pars, in usu ac causarum forensium experientiā consistat, non antea Doctoralem suscipere titulum, qui decurso studiorum spatio concedi solet, quā huic quoque parti aliquatenus satisfactum sit. Quod si tu hoc consiliō in Italiā redibis, pro meo erga te amore hoc te inprimis commonendum puto, ut cogites, istum titulum non modò exactam quandam eruditionem, sed vitæ etiam & morum gravitatem atque maturitatem, quæ externum quoddam doctrinæ symbolum est, unde vulgi ferè æstimatio pendet, requirere. Cū enim populus de litteris judicare nequeat, cum demum Doctorem nomini suo respondere existimat, in ejus moribus nihil dissolutum, nihil temerarium, nihil arrogans,

rogans, aut superbum animadvertit, sed cujus interiorum eruditionem, vitæ sobrietas ac modestia, linguæ temperantia ac aptus totius corporis gestus, habitusque testatur. Proinde tu, Mi *Joannes Georgi*, si istius tituli honorem appetis, fac ut ita te componas, non modò ut apud eruditos huic professioni, verùm etiam vulgi de te existimationi, satisfacias. De studiorum porro ratione multa tibi sæpè præcepi, ad præsens verò exequendum institutum, cùm aliquot tantum menses in Italiâ te hæsurum intelligam, pauca duntaxat monebo, sed quæ si tu diligenter secutus fueris, haud te vel mei consilii, vel tui obsequii umquam pœnitebit. Illud non arbitror opus esse, ut Bibliothecam eo tecum devehas, quid enim tam brevi tempore tot libris opus est? sed eo ubi veneris, conduces (uti fieri in Italiâ solet) aut, quia non magno ad id pretio opus est, emes, utriusque Juris, Civilis scilicet & Canonici, corpus. Cui *Bartolum* adjungere poteris, & inprimis summam *Azonis*, quam etiam ut diligenter ac totum perlegeres, hic sæpè te monui. Quod verò per alia negotia hic facere impeditus es, id ibi omnibus modis ad implendum puta. Haud ita magnus est, uti scis, *Azonis* liber, sed qui summam totius Juris Civilis dilucidè ordinatèque continet. Eum igitur ita legito, ut cùm titulum aliquem absolveris, eum deindè semoto libro tecum recenseas, memoriæque mandes, ac omne privatum Juris studium in eo legendo atque ediscendo colles. Scis raras esse in Italiâ publicas Lectiones, nec scio an aliquem eximium Doctorem *Philippo Decio* Senenses surrogaverint. Non dubito tamen, unum aliquem illic futurum, qui audiri dignus sit, & cujus te familiaritati insinues. Quicquid vero ab ejus Lectione vacui temporis habebis, id *Azoni* cæterisque quæ mox dicam impendito. Nam cùm jam ad metam studiorum tendas, quæ præcipuè Jurisprudentiæ impendisti, eaque illâ præcipuè de causâ excolatur, ut aliquando cum laude & emolumento in forum deducatur, sive postulando, sive consulendo, sive judicando, ea potissimè tibi præcipienda putavi, quæ forensium causarum actioni conveniunt. Ad quam maxime mihi idoneus visus est *Azo*, vel teste veteri (si rectè meminimus) Italicorum proverbio, *Qui non hà la somma de Azo, non va in Palazzo*. Ex Germaniâ vero tecum feres Imperialium

236 VIGLII AB AYT TA ZUICHEMI

Ordinationum integrum volumen, cum posterioribus omnibus (uri nos loquimur) Recessibus & Reformationibus, sicut ipsum meministi superiore anno Vornatiae esse excusum. Erit ejus lectio tibi ad multa utilis, primum enim inde Linguam Germanicam expolies, deinde plenam totius Imperii Germanici status cognitionem hauries, utilissimam tibi olim futuram, siue Principi, siue Civitati, siue privatis, clientibus, aut amicis operam tuam accommodare volueris. Juris vero Civilis practicam, quae in hoc Romani Imperii supremo tribunali purissime servatur, haur aliunde melius quam ex isthoc libro percipies. Et quanquam illa non tam lectione quam ipso usu percipitur, tu tamen qui jam aliqua hic vidisti, ita eam facilius comprehendes, si ad istum quem praescribam modum praefatas Imperii Ordinationes legeris. Cum multa videlicet in illis ad Judicii Imperialis Camerae processum, causarumque disceptationem disposita sint, quorum nonnulla temporum successu melius perpensa, mutata, restricta, aucta, declaratave sint: quo eorum omnium pleniorum consequere cognitionem, haud poenitendum meo judicio operae pretium feceris, si ejus libri lectionem a capite exordiendo, ipse tibi locos & certa rerum genera praescribas, ac sub suis titulis suam quamque materiam apte redigas. Ita enim facilius tibi patebit, quid correctum sit, quidve hodie servetur. Exempli gratia quicquid de appellationum formalibus, siue solemnibus, quae super causarum devolutione frequentissime disputantur, ibi dispositum repereris, sub formalium titulo digeras. Sic de banno & poenis pecuniariis, vel Regalium privatione: sic de sententiis diffinitivis: item de interlocutoriis habentibus vim diffinitivae, appellabilibus, & non appellabilibus: de sententiarum executione, & executoribus: de causis & casibus Fiscalibus: quae causae ordinariae, quae extraordinariae: quis in contumaciam procedendi stylus: de substantialibus litium terminis: de Assessorum, Advocatorum, Procuratorumque officio; & caetera quae diligens & exacta lectio atque animadversio facile tibi suggeret. Hanc autem digestionem & res ipsas melius percipies, penitusque perspicies, & memoriae quoque fidelius commendabis. Ad istum modum olim status imperii jussere aliquot Assessores Imperii Ordinationes digerere,

uti

EPIST. SELECTÆ AD DIVERSOS. 237

uti in Reformatione Spirensi anno 1531. legitur; sed nihil effectum est. Quod si istis Latinos aliquos practicos addere volueris, nemo est *Speculatori* præponendus. Post hunc *Forrensi* usui maximè convenit *Papiensis*. Illud præterea in præscriptâ Ordinationum digestionem moneo, ut quicquid alibi legeris, quod ad earum confirmationem declarationemve pertinere senseris, id isthic annotes, & quosdam velut commentarios ad Ordinationes colliges, ad quos quandocunque usus tulerit, recurras. Si quid vero inciderit obscurius, aut undè tu te extricare nequeas, licebit tibi inde scribendi ad me argumentum arripere, me verò candidissime, quicquid desideraveris, quod quidem ego sciam, communicaturum resoluturumque esse cognosces. Latinas ad hæc litteras nolim te negligere; sed semper aliquem authorem manibus verses, unde orationem dictionemque confirmare & expolire valeas. Postremum illud te oro, Charissime *Joannes Georgi*, pro veteri nostrâ familiaritate, ut ætatis tuæ maturitatem, & sanctissimum piissimumque parentum votum animo tecum revolvas, ac in isto virilis ætatis ingressu, Doctoralique jam baltheo cingendus, ita vitam, mores, studiaque tua instituas, ut *Vigilium* tuum, tuum, inquam, *Vigilium*, qui plusquam paternâ te semper sollicitudine prosecutus est, ac honorum & fortunæ tuæ incrementa vel proprio sanguine redimere optet, tandem aliquando desiderij sui compotem efficias, atque istam arctissimam necessitudinem, quæ mihi cum parente tuo viro integerrimo, tuâ potissimam de causâ cœpta, feliciter perdurat, diligentia & virtutum tuarum merito stabiliorem reddas. Vale. Spiræ 8. Martii 1537.

EPISTOLA XCIV.

PETRO BAUSANO.

Ex Tomo III.
fol. 21.
vfo.

De Nannii & Curtii similitudinibus ob versionem Institutionum Græcarum, quæ, quo modo conspici possint, ostendit. 1537.

Nannii in Curtium (1) Apologiam legi non sine animi dolore, nihil enim ægrius fero, quàm homines doctos

(1) Nannii in Curtium] De Petro Nannio & Rugero Resio, Gg 3 Vide

aded teneris esse animis, ut potius, quàm dissimulare aliquid: velint, odia dissidiaque sua non modo publica sed etiam perpetua faciant. Nam privatae offensae, quamdiu latent, amicorum intercessionibus saepenumero ita abolentur, ut ex inimicis amicissimi fiant. At litteris ac typis evulgatae vix solent esse reconciliabiles. Quod si *Rescius* editione Institutionum Græcarum abstinuisset, jam ipse eas rursus prælo dedissem, omnibus mendis quibus illi torquentur expurgatas. Nunc verò *Frobenius* sua nequit distrahere exemplaria, postquam *Rescius* eas imitatus est. Et ego si iterum prælo ipsas commiserò, videbor fortassis *Rescio* dispendium adferre, quem virum uti præceptorem colere me par est. Quod verò attinet ad septem loca marginibus ab *Curtio* annotata, nihil est ille conjectura falsus. Nam *Egnatii* exemplar, quod ego posterius nactus sum, quodque priore multis locis emendatius est, habet πρίων, item πάλυσιν: illa autem verba, χυρί τῷ ἡ διαξενικίου, omnino desunt, superfluoque inserta, nec posterioribus etiam adglutinari debent. Utrumque autem exemplar meum habet ἀκύν, legendum est κανών, & de sportulis nostra editio utrique exemplari scripto conformis est. Legendum item γέναν. De his multisque aliis digladiandi ansam secunda mea editio facile præcidisset, si eam expectare voluissent. Quoniam verò *Curtium* scribis versionem suam eliminare, poteris homini tibi amico & mihi ignoto, meam offerre operam, ut si quid eum alibi in Græcis exemplaribus offenderit, id mihi indicet: neque enim gravabor rem studiosis utilem pro meâ virili unâ promovere, eâ tamen lege, ut ab *Nannio* abstineat. Nam is mihi non indoctus vir esse videtur, & ejus causæ *Rescius* noster, qui de Græcis studiis optimè meritus est, adhæret, & quem omnes fere nostri æquales, quique post nos Græcas Litteras didicerunt, præceptorem habuerunt. Loca ab *Nannio* notata, ctfi

Vide *Bibl. Belg. Vol. Andr.* ad illorum nomina, & *Viglii Zuichemi*. Scripsit *Nannius*, *Annotationes in Institutiones Juris Civilis, Græcè a Theophilo versas*. Lovanii 1536. in 4. Item: *Apologian pro Annotationibus in Institutiones juris Civilis, contra Jacobum Curtium*. Lovanii in 4. Item: in 1. vol. thesauri Critici *Gruveri*. Vide *Niceron. tom. 37.*

EPIST. SELECTÆ AD DIVERSOS. 239

etsi sint haud ita magni momenti, tamen quoniam ingenui est animi non despicere si quis meliora suggesserit, mutare *Curtium* pudere non debet. Ac tribus in præfatione additis verbis, totam istam tragædiam fortassis non malè consopiet, si dicat non fuisse sibi animum, *Nannium* suggillandi, eumque adeò se non contemnere, ut ab eo melius suggesta se-qui non fuerit gravatus: idem se rogare ut faciat *Nannius*, atque ἀπολογεῖν deinceps desinat, quando quod factum est, revocari nequit. Bene vale. 25. Aprilis 1537.

EPISTOLA XCV.

STEPHANO MONTANO (1).

Ex To-
mo III.
fol. 23.

De amicitia servanda præclare sentit, & Montanum jubet esse securum. 1537-

AManter quidem tu, Ornatissime *Montane*, nostræ consuetudinis memoriam refricas, sed tamen non possum non reprehendere, quod adeo sis anxius ne meo animo excideris, neve (quod in amicitia durius est verbum) te ego ex amicorum meorum albo rejecerim. Ut nunquam verò erga amicos morosus fui, ita fidem, candorem, & constantiam non sum passus quenquam in me requirere; cumque mihi cum pluribus familiaritas intercesserit, eadem cum omnibus inviolata in hunc usque diem perdurat. Quamobrem non satis me novisti, si rem omnium maxime pretiosam atque adeo inæstimabilem, hoc est amicitiam, inter nos non levi usu sed sincero affectu fundatam, adeò me temerè abjicere existimes. Litteras abs te aliquas accepisse atque etiam vicissim ad te dedisse memini cum adhuc in Galliâ agerem, atque in hoc genere obligationis haud soleo malum præstare nomen, de pecuniâ creditâ ne cogitavi quidem unquam, neque in crediti genere ponendum puto, quod amico impenditur,

(1) *Stephano Montano*] Quis, qualis, cujus fuerit, non reperi. Fuit *Viglio* cum *Biturigibus* degeret, familiaris. *Tonu. 2. p. 365.*

240 VIGLII AB AYTTA ZUICHEMI

dicor, cum vetus illa lex, *amicorum omnia debere esse communia*, obligationem istam non admittat. Quæso te igitur, ne posthac tantillæ rei memineris, sed majus aliquid indica in quo tibi ostendere queam, te non ex amicorum meorum albo remotum esse. Opinor illam solitudinem malevolorum susurro auribus tuis instillatam esse, sed te mihi plus crede quam talibus, qui cum ipsi nullas fervent amicitias, ex aliorum quoque dissidiis voluptatem percipiant maximam. Jamdudum audiavi te isthic apud Illustrem Comitem à Nassaw honesto loco agere, ac secundis fortunæ ventis navigare, de quæ majorem in modum gaudeo. Ego qui in Patriâ amicos non habeo, quorum me favor sublevet, apud exteros conditiones non omnino infelicitèr hactenus secutus sum, quarum non est quod me adhuc omnino pœniteat, aut tædeat. Bene vale, *Montane* Charissime. 25. Aprilis. Spiræ anno 1537.

Ex Tomo III.
fol. 27.

EPISTOLA CXVI. GEORGIO HERMANNO.

1537. *De senatus Augustensis decretis adversus Clerum quid sentiat, exponit. Apologiam censet necessariam fuisse. De iis quæ Pro-Cancellarius apud Smalkaldam egit.*

LEgi Apologiam Episcopi & Capituli Augustensis adversus Libellum ab senatu Augustensi emissum, nam ad nos ab eisdem aliquot pridem exemplaria missa fuerunt. Quid verò est opus, ut meum de eâ judicium (uti requiris) tibi exponam? cum quid de reipsâ sentiam, ex prioribus meis litteris satis colligere potueris. Irreligiosa religio est, ne quid dicam gravius, sub Evangelicæ doctrinæ prætextu, ab veteri Ecclesiæ usu ad nova dogmata subditos compellere. Illud verò jura humanæ societatis prohibent, ne quis concessæ sibi potestatis jurisdictionisque metam egrediarur, & in alienam (quod dicitur) messem falcem mittat; in eos videlicet

EPIST. SELECTÆ AD DIVERSOS. 241

videlicet illicite jus usurpando, in quos legitimum sibi imperium non competit. Quamobrem non modò mihi ista res non potest probari, sed quantum ex nonnullorum, qui novæ religionis Antistites habentur, scriptis, hætenus intelligere potui: ne illis quidem, quos isti suæ doctrinæ istarumque rerum novandarum authores prætendunt, usurpata in non subditos potestas, tyrannidis speciem præferens, vel placere vel excusari potest. Conturbat enim publicam tranquillitatem, & in vulgum seditionis jactat seminaria, olim magno malo proruptura, resque politicas miserandum in modum dissipat. Haud igitur valde mihi opus fuisse videtur aliqua Apologia. Nam illi qui album album vocant, & nigrum nigrum, rem ex se æstimant, & verborum lenocinio non capiuntur. Alii vero, quos idem fermentum corrumpit, ora habent non aures, & sua tantum fortiter declamant: quæ verò respondentur aut retorquentur, surdis auribus obaudiunt. Quanquam tamen ejusmodi libelli mendaciis plerumque consarciantur, quibus bonorum vita ac mores prosciuntur, omnino necesse est, eos apud bonos viros refellere, ne silentium eorum, qui insimulantur, aliquam eorum conscientiam arguat. In quibus mihi certe isti quoque Apologiæ dentes haud defuisse videntur. Vicissim enim satis acriter mordet, sed provocato facilius, si se ulcisci voluit, veniam jura tribuunt. De iis quæ Cæsaris Vice-cancellarius Smalkaldæ tractavit, ex ipso nonnulla cognovimus, quatenus scilicet aut ad nos pertinuerunt, aut ab ipso publico nomine acta sunt. Multa autem arbitror, re ita ferente, cum illis privatim, hoc est, non legati nomine eum disputasse, a quibus Cæsareæ Majestatis auctoritatem prudenter separaverit. Et cum nostrum Collegium ex variis constet capitibus, relationem ejus negotii ita temperavit, ut omnimodo Cæsareæ Majestati publicam Germaniæ tranquillitatem cordi esse ostenderet, salvâ tamen (sine quâ illa diu consistere nequit) liberâ justitiæ administratione, quâ in re quæ de nobis Protestantes fuerint conquesti, & quæ sit Cæsaris voluntas, clare exposuit. Cum verò sponte communicare ea acta offeras, haud possum refutare * præsertim ut inde cognoscam, si quid amplius in iis contineatur, quam ad nos pervenerit. Quamobrem quæso ut ubi opportunum

Tom. II.

Hh

tibi

* *Legendum videtur: recusare, aut abnuere &c.*

242 VIGLII AB AYT TA ZUICHEMI

tibi fuerit, ea ad me mittas. Cum primum legero, curabo ut ad te ea redeant. Vale 14. Maii anno 1537.

Ex To-
mo III.
fol. 29.

EPISTOLA XCVII JOANNI GEORGIO HERMANNO.

1537. *Rationem instituendi adolescentem præclarissimam præscribit.*

Litteras quas tu 10. Aprilis ad me dedisti, Jo. Georgi Charissime, Calendis Maii primum accepi, cum alias, quas itineri accinctus scripsisti, multo ante mihi fuerint redditæ, quibus & ego quoque pridem respondi. Quoniam verò ex me cupis scire rationem instituendi adolescentem istum * tuas disciplinæ conceditum, quem indolis bonæ esse scribis, undecimum tamen primum egressum annum, & qui Latine adhuc loqui nesciat: haud gravate tuo desiderio obsequar, non modo quoniam me par est, propter nostram necessitudinem, tuæ petitioni morem gerere, verumetiam quòd *Fuggerice* familiæ multo majora debeam. Quanquam jam proximis meis literis (1) quædam ab eâ re non aliena suggererim. Quibus tamen quando ita postulas aliquid adjiciam. Inprimis itaque consulo, ut primum librum *Fabii Quintiliani* semel atque iterum, & accurate legas, qui tibi ad istud munus felicius auspicandum, non minimum adferet auxilium, neque etiam pœnitendum ostendet consilium. Cum verò iste adolescens in eâ adhuc sit ætate quâ tu scribis, non est quod verear, ne tu non satis doctus sis, ut ille a te disce-

* *Ulricum Fuggerum.*

(1) *Proximis meis literis*] Suggesterat hæc inter alia: „ Quoniam recta institutio non tantum in literarum, verumetiam in morum disciplina consistit, illud in primis tibi curandum est, ut ne quid ille in vita tua videat, quod eum imitari indecorum sit. Sis erga adolescentem mitis magis quàm blandus, & comitati adsit aliqua severitas gravitasque. Sæpe laudes quæ recta sunt & virtutis nomine laudeque censentur. Vitiâ verò & peccata execrare. Sic enim a puero, & amara re optima & fugere mala assuescet facilius.” *Tom. 3. p. 24. v. 56.*

discere queat, quantum adhuc ei necesse erit. Sed in eo tuas maximè partes consistere arbitror, ut diligentem te præbeas Magistrum. Pueri enim propter ætatem parùm ipsi de suis studiis solliciti esse solent. Itaque præceptorem oportet quotidie certa quædam præscribere pensa, quibus absolutis, ferias sibi contigisse gaudeant. Sic discunt alacrius, & certa profectûs incrementa melius apparent. Pensa autem ista diurnarum operarum in tres partes distribuenda tibi esse censeo: primum arti dabitur, secundum locutioni, tertium scriptioni. Id est, ante omnia Grammatices præceptis diligenter tibi imbuendus erit, quæ deinde loquendo scribendoque exercent. Grammaticas autem non convenit novas te asciscere, ne & prius didicita obliviscatur, & de novo tibi atque ipsi ista tela retexenda sit. Si quam igitur antea discere cœperit, eam cura ut exactissime perdiscat. Ut lapis sæpe revolutus situm non obducit, sic puerorum tenera ingenia diversis obruta Grammaticis, raro ad fructum perduntur. Suadeo itaque ut priorum præceptorum vestigiis inhæreas, atque id modò des operam, ut quàm perfectissime, quæcumque ea erit Grammatica quam discere cœpit, eandem teneat calleatque: nec contentus esse debes, ut præcepta ordine tibi recitet, sed in authoribus, quos ei tu aliufve prælecturus est, eadem applicare atque examinare necesse erit, ut usum illorum inde percipiat. Authores verò (2) nuper tibi designavi. *Terentius* inter omnes propter familiarum sermonem primas tenet. Ei si adjeceris vel *Vergilii* Bucolica, vel aliquid ex *Cæsare* aut *Cicerone*, fatis pro eâ ætate

(2) *Authores verò nuper tibi designavi*] his nempe verbis:
 „Quotidianum sermonem optimè formabit *Terentius*. Nec
 „tibi curæ sit, quod jam antea ille ab prioribus præceptoribus
 „unam alteramve ejus comœdiam audierit. *Terentii*
 „lectio decies repetita juvabit. Convenitque eam toties re-
 „petere, ut totum authorem in nostrum transformemus ser-
 „monem. Scilum verò ejus, maxime scribendi exercita-
 „tio instruet. Exemplar autem ad quod se exercent, fa-
 „miliares *Ciceronis* epistolas ei propone, & *Julii Cæsaris*
 „commentarios, quo non melior mihi magister videtur, si
 „quis quascumque res brevi puroque sermone perscribere,
 „quo possit discere, docereve, voluerit.” *Ibid* p. 25.

ætate facere mihi videberis. Sed præcipuè *Terentium* tibi commendo, optimum atque amœnissimum loquendi magistrum. Tertio loco scribendi usum atque exercitationem desideravi, unde maximum profectus specimen accipitur. Itaque ea pars institutionis haud tibi negligenda erit. Principio verò, quò unâ eademque operâ Latinam & Italicam Linguam discat, cura ei Italicam aliquem libellum ad ejus idiomatis intellectum prælegi, atque ex eodem eum jube aliquot quotidie versus Latinè tibi reddere. Id quoniam initio illi erit difficile, tu per unum mensem eum adjuva, & quasi natum adhuc nescienti suter & corticem subijce. Verba Latina quæ ignorabit suppedita, ea ipsa in congruum ordinem secundum Grammatices præcepta componere jube, & si id ignorabit, lubenter præmonstra, quò non detereatur ab insolito & difficili labore, & simul scribendi usui assuescat. Muneri certè tuo non omnino male satisfeceris, si per singulos dies præscriptis modis studia ejus formaveris. Tantum ergo in te situm est, ut susceptam provinciam graviter obeas. Si unum duosve dies remiseris, quibus adolescentem tibi commissum feriari siveris: haud ita facile deinceps rursus in viam eum reduxeris. Quamobrem sine intermissione hæc opera tibi continuanda erit. Quod eò facito, mi *Joannes Georgi*, diligentius, quo tibi iste adolescens arctius junctus, atque fidelius commendatus est. Et hic certè labor haud diu tibi incumbet. Quamobrem molestiam injuncti oneris, temporis brevitate ipse apud tuum animum mitiga, eaque de causâ idipsum alacrius diligentiusque sustine & perfice. Quæ de tuis rationibus antea ad te scripti, nihil opus esse existimo hic repetere. Tantum te hortor atque oro, ut meas interdum literas relegas, eaque facias quæ & te digna sunt, & quæ me summis votis exoptare non ignoras. Senties me non vulgarem tibi amicum esse, & me aliquid apud parentem tuum atque alios posse, si modo talem te præstiteris, qualem ego desidero & spero. Valerudinem atque studia tua cura diligenter, & quod sancte pollicitus es præsta, id est frequenter ad me scribe. Saluta *Ulricum* tuum. Spiræ 14. Mail anno 1537.

Excusat silentium & rude epistolium suum. Hortatur ut reliquas lucubrationes suas edat, ne eas alii suffurentur. Libellis alienis Alciati nomine publicatis quomodo occurri possit. 1537.

MULTA ad te cupienti mihi scribere, Excellentissime præceptor, tempus deest. Quanquam enim diuturni silentii mei veniam deprecari statueram, eamque ita me facilius abs te impetraturum arbitrabar, si quod jam dudum me facere decuit, nunc tandem plenius prolixiusque præstarem: Rogerii tamen festinatio accuratè ea quæ volebam ad te scribendi facultatem intercepit. Nec parum me pudet rudi te interpellare jam epistolio, qui aliquando literas meas sacro illo tuo Larario (1) dignatus fueris. Quanquam ego non illis hoc deberi agnovi, sed tuæ humanitati, quâ me semper amplexus es, meritò adscripsi. Quam equidem si integram servare queam, non modò voluptati mihi maximæ, sed etiam ornamento ea fuerit. Tali enim ego præceptor non displicuisse, in bonâ felicitatis meæ parte pono, meam verò erga te observantiam nolim te ex silentio meo æstimare, cum sciam tibi occupatissimo doctissimoque otiosas ac indoctas literas fastidium plerumque adferre. Quales sane meas tibi videri necesse est, qui jam præter forensium Rabularum clamores nihil audio, qui libellis, articulis, testimoniarum dictis legendis, examinandisque omne tempus consumo. Quibus Germanica fere lingua conscriptis Latinæ dictionis quantulacunque facultas facile extinguitur. De *Parergis* nobis generosus adolescens *Otbo a Valspurg* spem non parvam fecerat, deque excellentissimo illo tuo ingenio nimis humiliter teipsum sentire. Times ne obscuro alicui Antisophistæ tela adversus te præbeas? Et tam multorum iudicium unius livo-

(1) *Larario*] Lararium, *genit.* lararii n. *Lamprid.* Oratoire (Lieu dans la maison où les Payens adoroient leurs faux Dieux domestiques, & leur faisoient des offrandes) *Pet. Danetius in Dict. Latino Gallico.*

246 VIGLII AB AYT TA ZUICHEMI

livori postponis, unumque malegratum discipulum, tantæ multitudini te adorantium, expectatum lucubrationum tuarum fructum intercipere finis? Tam multa a te antea in publicum edita sunt, nec ego tamen animadverti unquam inexhaustum illum eruditionis tuæ fontem inarescere, sed quo plura inde depromeres, eo mihi benignius uberiusque fluere semper visus fuit. Tu itaque noli expectare, ut ad suas aliquando cisternas aquas tuas alii deducant, quæque tu pro tuis asservas sibi usurpent, proque iis vicissim tibi nescio quas alias nugas ascribant. Puto enim te non ignorare quid hic superiore anno libelli sub tuo nomine exierit, ejus author tuus olim fuit Biturigibus discipulus, qui mihi sancte confessus est, se inscio editum illum esse. Nomen verò tuum hoc errore accessit, quod illo eodem libro aliquot orationes tuas descripserat, unde chalcographus homo avarus & indoctus lubenter sibi ab quodam ejus libri fure persuaderi passus est, tuum esse opus. Huic verò errori, etsi apud doctos nihil opus est, hoc tamen modo optimè occurreris, si tuum tandem aliquod opus prodire patiaris, sive *Parergorum*, sive de *verb. oblig.* in cujus præfatione eam detestère improbitatem. Minus autem putavero in publica peccatum esse commoda, si sub falsi & non boni libri editione genuinum & insigne aliquod opus abs te extorqueatur. Deus te nobis studiosisque omnibus diu tueatur incolumem. Spiræ 23. Augusti 1537. (2).

Ex epistolis Clarorum Virorum editis a S. A. Gabbema an. 1663. p. 525. 1537.

EPISTOLA XCIX. ANDREAS ALCIATUS VIGLIO ZUICHEMO.

Dicit se tumultuariè scribere, ac Parerga sua prelo data. De alieno fetu suo sub nomine vulgato queritur.

Repentinus Falconis Silesii, qui has literas tibi reddet, discessus effecit, ut tumultuariè ad te scribam, jocandique

(2) Hæc epistola respondet *Alciati* literis ad *Viglium*, datis V. Kal. Februar. 1536. quæ sup. est ordine LXX.

EPIST. SELECTÆ AD DIVERSOS. 247

que materiam tibi præbeam, tamquam gallinæ manu scriptas literas ad te exararim. Sed tamen existimavi satius esse quomodocumque descriptas ad te mittere, quàm prorsus filere, & justam tibi causam conquerendi, quod tuis non responderim, præsertim tam mihi caris atque jucundis, ut vel decies eas legerim atque sim exosculatus. Hortaris ut lucubrationes aliquas edam, & præsertim *Parerga*. At ego jam feci. *Otbo* enim *Wilturgius* (1) sua humanitate atque literis extudit, ut ad se mitterem: quod quidem eram omnino facturum, sed dilationem petebam, ut perfectius consummatiusque opus ederetur. At ille omnis moræ impatiens repræsentari sibi librum voluit; dedi itaque manus, & ad eum misi arbitratu suo edendum. Ego quidem natura cessator *καὶ ἀνακατασκευαστής* sum, nec lubenter crabrones irritum; at alii etiam non mea pro meis edunt, ut iste, quisquis fuerit librarius, qui & nomini meo inuffit notam, fecitque uti *Spiculatoris* (2) Epitomator viderer, & optimo viro *Hendrico Falcomontano* fecit injuriam. Sed ut scribis nemo est scriptorum meorum studiosus, quin imposturam statim non deprehendat: quod ut verum sit, plerique alii decipiuntur, vel potius occasionem calumniandi inde sibi præripiunt, meque lancinant: fero tamen æquo animo, quod indicabit tibi *Parergon* præfatio, in qua de re nullum verbum. *Falconem* ipsum, qui has tibi reddet, obsecro vel mea causa commendatum habe. Et si quid est, quod opera mea præstare tibi possim, impera. Habebis *Alciatum* obsequentissimum. Vale. Ticini. Tertio Non. Septembr. 1537.

(1) *Otbo Wilturgius*] Est hic vitium amanuensis. Legendum *Walspurchius* vel *Walsburghius*. Id non correxit *Gabbema*, quia hominem non novit: qui magnus vir effectus, & in purpuratorum patrum ordinem dein relatus, Cardinalis *Augustanus* dictus est, de quo sæpius. Vide *Ciaccon. tom. 3. col. 692.*

(2) *Spiculatoris*] Et hic est mendum. *Speculator* est nomen unius interpretis juris, cujus epitomator *Alciatus* dici noluit.

Ex To-
mo III.
fol. 51.

EPISTOLA C.

PETRO BAUSANO.

1537. *Nimias a se laudes seriò repellit, ac modestiæ exemplum edit.*

NON aliâ ratione, Ornatissime D. Petre, ab scribendo me magis detertere poterat: quàm quâ nuper usus es. Tot enim in me laudes accumulas, ut neque frontem neque calamum tenere queam. Nimiumque mihi ipse displiceo cùm meipsum intueor, ac video quantum ab illis tuis hyperbolis, quibus nimium me extollis, absūm, & pudet me adeò ejus dissimilem esse, quem tu me in illis literis facis. Certè cùm tu eo nomine literas meas te desiderare scribas, quod inde quandam haurire te posse doctrinam autumes: non modò tibi ipsi imponis, cùm tale nihil a me præstari queat, verùm etiam me sollicitudine quâdam gravas. Nam cùm te ea expectare ex literis meis sciam quæ præstare non possum: si- lere deinde tutissimum esse puto. Aut tu igitur posthac istis laudationibus abstine, aut meas litteras ne expecta. Res au- tem ista postulabat, ut pluribus judicium istud tuum, vel af- fectum potius refellerem, sed habet & hoc ambitionis spe- ciem. Quum verò nos antiquâ juncti simus amicitia, mi Petre, quid opus erat, te tale quærere argumentum? Prio- res sanè litteræ tuæ, quibus veterum amicorum ac sodalium memoriam reficuiisti, multo mihi gratiores fuere istis. Proin- de de istis multo malim te aliquid posthac scribere, quàm de me. De fœdere isto (1) in medio rerum successu pacto valde sumus admirati. Sed vulgus plerumque ignorat. Faxit Deus istas inducias tanto nostris esse utiliores quanto minus honestæ videntur. Ex Italiâ satis læta nunciantur. Turcam
in

(1) De fœdere isto] Intellige de induciis decennialibus inter Carolum V. & Franciscum I. pactis apud Niceam, urbem Pro- vincia, quæ Duci Sabaudia paret. V. Pont. Heut. rer austr. lib. II. cap. 9.

EPIST. SELECTÆ AD DIVERSOS. 249.

in Apuliam videlicet appulisse, sed destitutum comestatu & spe victoriæ, in propria rediisse, Cæsareosque Præfectos Turcicæ classi non levia damna intulisse. Florentia quoque captis cæsisque exulibus ac rebellibus pacata est, & in Lombardia Cæsareus exercitus hætenus victor extitit. Hyema autem propinqua ferias belli indicet. Interea forte aliquis nos respiciet Deus, qui istos mortalium tumultus suo numine compescat. Bene vale, Petre ornatissime. Ex Spirâ 11. Septembris 1537.

EPISTOLA CI.

Ex Te-
mo III.
fol. 53.

GEORGIO SIGISMUNDO SELDIO(1).

*Seldii Commentariolum laudat, ejusque præceptorem
Christophorum Hagerum. Offert officia sua.* 1537.

ITa me affecit, Seldi ornatissime, tuus iste *de Legatis Commen-
tariolus*, ut lectione ejus satiari non potuerim. I bone
quo virtus tua te vocat, i pede fausto, grandia laturus
meritorum præmia. Nam quid aliud tibi meum de ipso judi-
cium requirenti potius respondeam? Cùm præsens istud stu-
diorum tuorum specimen ita mihi omnibus numeris placuerit,
ut te etiam, quo similia multa in posterum elaborares, cohortan-

(1) *Georgio Sigismundo Seldio*] Is Augustæ natus 21. Jan. 1516. cum *Raymundi Fuggeri* filijs Ingolstadii ac Patavii literis operam dedit. Doctor juris effectus, *Henrico* Comiti Palatino, Episcopo tum Frisingensi primùm, dein *Ludovico* Baviariæ Duci, tandem anno 1546. post mortem *Joannis Navii*, *Carolo* V. a consiliis. Anno 1550. ejusdem Imperatoris Vice-Cancellarius, a qua & ad Imperii resignationem Electoribus offerendam Ratisbonam ad Comitia missus est. Anno 1559. Vice-Cancellarius *Ferdinandi* Imperatoris fuit: cui muneri cum renuntiasset privatam vitam duxit, & 26. Maii 1565. nondum quinquagenarius, e curru citatis equis abrepto exiliens obiit. *V. Paul. Fréb. Theatr. pag. 850.* Inter Consiliarios *Caroli* V. Imp. qui eum peregrinantem comitabantur, legitur: *George-Sigismund Seldus, Docteur ès Loix.* Apud *Buskens in Suppl. Tom. 1. p. 108. col. 2. Tom. II.*

250 VIGLII AB AYT TA ZUICHEMI

* Chri-
stophori,
de quo
Sup.

tandum duxerim: quando tua etiam ista exacta cura ita hoc opus absolutum sit, ut quod in melius mutare vel corrigere possim, nihil abs te relictum invenerim. Quid igitur, *Soldi* ornatissime, cum me magno abs te beneficio affectum cognoscam, qui egregias istas studiorum tuorum primitias mihi impertiveris, quid, inquam, ista tua proëpiplexi opus erat? Inter istas sane molestas fori iudiciiue occupationes, quo ipsarum fastidium levarem, obvenire mihi nihil gratius potuit. Gratulor verò *Hageri* * nostri manibus, qui te tali superstite discipulo feliciores mihi esse videntur. Nec scio, an te magis illo præceptore, an ille te discipulo, gaudere debuerit. Amicitiae vero ejus, quæ mihi cum illo intercessit, non minimus fructus esse videtur tua ista erga me affectio: cui si vicissim unquam respondere potero, senties non te falsum omnino tuâ opinione, quam de me tibi fecisti. Cum vero jam instet id tempus, ut tibi ex scholis in forum propediem progrediendum sit, tu ipse cogita, si quid erit in quo mea opera, consiliumve tibi prodesse queat. *Fuggerorum* verò interea erga te favorem quâcumque occasione auctiorem facere non desino. Vale. 21. Septembris 1537.

Ex To-
mo III.
fol. 54.

EPISTOLA CII. KEMPONI A MARTENA.

1537. *Quare relicto Assessoratu Camerae Spirensis, Ingol-
stadium ad Jus Civile profectendum divertat,
candide exponit.*

ITa se rerum mearum tulit conditio, Magnifice Clarissime-
que Domine, ut relictâ Spirâ aliò mihi migrandum sit.
Optaveram autem magnopere propius ad vos accedere: sed
nescio quæ mea fata illam mihi felicitatem hætenus invide-
rint. Parentes non lubenter gravo: (1) & tenuitas patri-
monii

(1) *Parentes non lubenter gravo &c.*] Alibi anxie queritur
de parentibus: „Est mihi animus revifere Friſiam, tenet
„ enim

EPIST. SELECTÆ AD DIVERSOS. 251

monii ipsorum non potest sustinere sumptus quos ego facere assuevi: nisi aliunde successerit subsidium. Quod fortassis etiam isthic si ambivissem non defuisset. Sed ita mea est fortuna ac ingenium, ut oblata suscipere semper maluerim, quàm cum metu repulsæ dubiam subire ambitionem. Ea verò adhuc ætas esse mea videtur, ut fortasse nondum sit tempus, quo me ad quietem componam: sed cum experientia hominum ac rerum, atque in studiorum continuatione disciplinis ac litteris ingenium excolere pergam. Ad quod mihi isthic nec otium, nec æqualis futura esset opportunitas. Amplum ac splendidum in Germaniâ Assessoris munus habetur, sed Cæsare tot bellis turbisque implicito, salarium tarde solvitur: ac religionis interea dissidium magnam huic muneri recte administrando difficultatem adfert. Quapropter cùm Illustrissimus Princeps *Guilielmus* Dux Bavarie conditionem obtulisset, ut in Academiâ Ingolstadiensi jus civile profiterer, promissò salario, quale non putò Germano antea in Germaniâ professionis causâ datum esse, haud difficulter illius voluntati assensum præbui. Itaque propediem hinc in Bavariam abire constitui: quod T. Mag. celare nolui. Vale. Spiræ 22. Novembris. 1537.

„ enim me ipsius patriæ & parentum non leve desiderium,
 „ a quibus decimum tertium annum absū. Nec differre longius reditum possum, ne tanquam *Ulysses* tandem meoram
 „ neminem cognoscam, neve ipse non agnoscar. Absens sane non magnam parentum vel patriæ benevolentiam expectus sum, & fortassis quod omissum est, in reducem congerere studebunt. Nam si præsentem etiam vel negligent vel contemnent, tum animo meo facilius persuasero, ut illic patriam esse mihi fingam, ubi obviam expositamque humanitatem & liberalitatem erga me quotidie experior.” Ita ad *Hectorem Hexvirum* e Patavio 26. Sept. 1532. tom. 2. p. 146. *vsq.* Et anno statim sequente ad hujus fratrem *Ausonium*, „ Ego nec obolum, nec literam proximis hisce duobus mensibus ex patria accepi. Tanta est & meis de me cura. Vix quod ipse ex privatis publicisque salariis accipio, ad muneris mei dignitatem tuendam sufficit.” *Ibid* p. 169. *vsq.* 170.

Ex To-
mo III.
fol. 83.
vfo.

EPISTOLA CIII.

JACOBO OMPHALIO (1).

1538. *Jacobum adversus adversariorum ferociam eleganter solatur. De misso ad se libro gratias agit.*

NUnquam vera virtus improborum hominum insidiis calumniisque vacua fuit, verum quo magis illa premittitur, eo etiam celsior exurgere, stabilioremque sibi in bonorum virorum animis laudem atque gloriam fundare solet. Proinde nihil est quod vos istorum hominum audacia atque libido dejiciat, qui nuper religione proconculcatâ, excussisque omnibus honestatis studiis, nunc etiam in justitiæ oppressionem impotenter feruntur. Neque enim felicius ipsis hi conatus cedent, quàm aliis antea, quorum temporalem momentaneamque ferociam irritus fere, interdum etiam turpis, exitus secutus est. Adversus autem hæc mala, ipsa virtus atque innocentia satis magno præsidio solatioque est. Tibi verò etiam eorum molestiam non modò egregia tua erga Rempublicam voluntas, sed optimarum etiam litterarum, artiumque excellens scientia facile lenire potest. Quum me quoque tuus iste ad Reverendissimum Archiepiscopum Coloniensem conscriptus liber, (2) plenus non modò Philosophiæ & Jurisprudentiæ, verumetiam eloquentiæ ornamentis

ele-

(1) *Jacobo Ompbalio*] Andernaci ad Rhenum oppido, honesto loco natus, cum varias Academias perlustrasset, J. U. D. renuntiatus, *Guilielmo Clivensium* Duci a consiliis fuit. Post Coloniam Agrippinam docuit, & obiit an. 1570. *P. Freb. in thesib. pag. 859.*

(2) *Conscriptus liber*] Scripsit librum de suscipienda Christianæ Reipublicæ propugnatione, & officiis eorum qui urbium gubernacula tenent, Colonia 1538. editum. Item libros duos de officio Principis 1550. in fol. Basileæ publicatos. *Miræus de script. sec. XVI. pag. 154. edit. Fabricii.* Porro archiepiscopus Elector ad quem *Ompbalus* librum suum direxit, est *Hermanus Comes de Weda*, de quo nos *ad vitam Viglii N. XXXII.*

EPIST. SELECTÆ AD DIVERSOS. 253

eleganter exaltus non vulgariter affecerit, allevavitque. Nec facile dixerim, plusne ex eo voluptatis hauserim, an admirationis de te conceperim, cui in tam assiduâ negotiorum forensium occupatione, tam insignes fœtus elucubrare vacet. Quamquam autem nihil habeam quod pro isthoc, quo me etiam privatim devinacire tibi voluisti, referam: hoc tamen abs te rogo, ut in ejusmodi Philologiæ studia incumbere pergas talibusque muneribus, quibus nihil gratius mihi queat contingere, persæpe me beca. Vale. Ingolstadii 10. Junii 1538.

EPISTOLA CIV.

JOANNI JACOBO FUGGERO.

Ex Tomo III.
fol. 84.
vfo.

Cum aquæ potore jocatur.

1538.

OMnino oportet te sub *Aquario* (1) natum esse cui tanta cum aquis res sit. Bibis frigidam, lavis calidis, & *Aponi* etiam fontes (2) ad dolorum remedia sectaris, est morbi causa aqua, eadem rursus in medicinam adhibetur. Opinor tibi *Lycum* (3) patrem, *Vindam* (4) matrem fuisse. Verùm illud etiam tibi curæ fuisse non dubito ut Venetos invifens, in celeberrimâ illâ Neptuni regiâ, aquarum ranarumque patriâ, *Lymphæam* aliquam *Galatæam* tibi conciliares, ex quâ æquoreis aliquot *Neræidibus*, Aquariorum augeres proficiam. Quod sororem brevi matrimonio elocandam significasti,

(1) *Sub Aquario*] Undecimo Zodiaci signo, cujus exortu (qui est XV. Kal. Febr.) imbres plurimi sunt.

(2) *Aponi etiam fontes*] Aponus, vicus ad Euganeos colles in Italia prope Patavium, ubi & aquæ calidæ variis morbis aptæ. Nomen ei, quia contra morbos est, vel quia citra dolorem medetur. *Car. Steph. in dict. bist.*

(3) *Lycus*] fluvius in Germania Rhætos a Vindelicis dirimens, qui in Danubium defluit. Hodie *Lech* nominatur. *Car. Steph. ibid.*

(4) *Vinda*] alterius fluvii nomen: mihi non repertum.

ficasti, gaudeo. Atqui ut juxta proverbium, lis litem ferit, sic & plerumque nuptiæ nuptias generant. Itaque te conciliando huic sororis matrimonio, eidemque peragendo intentum, de propriâ conditione cogitare quoque subinde arbitror. Et fortassis quoniam vereris, ne te *videmur* merobiba quæpiam amare valeat puella: Venetias & *Aponum* nuper revisisti: verum hoc scito, neminem poëtam bonum tibi scripturum esse Epithalamium: cum in altero bicipitis Parnassi vertice *Bacchus* habitet. Apage autem cum istis tuis aquis, aqueisque, pallidulis, exanguibus, & male gratis amoribus, dignis quos omnium poëtarum carmina exagitent, sterileque tibi imprecentur matrimonium, ne aquæ potorum familia, *Apollini*, *Bacchoque* invisa adolescat. Lubet enim in nuptiis cum agas hoc tempore, cumque aliud scribendi argumentum, aut saltem non magis opportunum habeam, liberior tecum joculari. Sed hi joci forsitan seria ducent, & aliquando bonis avibus ipse maritus paterquefamilias fies. Sphæricus annulus ubi ab authore ad me venerit, confestim a me mittetur. Augustam si veneris, nec habebis canicularibus æstivisque diebus quod agas, quæso ne gravare Ingolstadtum excurrere. Iter tutissimum est & breve, & turpe est te, qui Gallicas Italicasque Academias adieris, vicinum Patriæ Gymnasium non incelebre, nunquam vidisse. Invenies & hic quos te vidisse ac novisse juvabit. *Wigileus Hundt* (5) Doctor & Institutionum Professor, Bononiæ tibi quondam familiariter junctus meditatur quoque matrimonium. Doctor *Wolfgangus Bosch*, quem Biturigibus novisti, Illustrissimi Principis *Alberti* Præceptor, nupur uxorem duxit. Huc si venire libuerit, veterum amicorum exempla te quoque ad matrimonium propensiorē efficient. Quamobrem si quando vacabit, tantuli itineris quæso te ne pigeat. Bene vale. Ingolstadii 20. Junii anno 1538.

(5) *Wigileus Hundt*] V. Notas ad vitam N. XXXVII.

EPISTOLA CV.

GEORGIO HERMANNO.

Ex Te-
mo II.
fol. 86.

*De male morato filio, patris dolorem lenire studet, 1538.
& consilia sua aperit.*

QUOD tu antea de *Joanne Georgio* suspicatus es, id nimis verum esse doleo, neque amplius habeo quo illum excusum, vel tuam indignationem prohibeam. Mirum verò quæ hominem agitet stultitia, ut deprehensus antea, in eodem rursus genere peccet. Ego quod in meas litteras commisit, nullam unquam ei significationem dedi quod rescripsissem, ita enim tu voluisti. Sed si me cum eo expostulare passus fuisses, timuisset fortassis deinceps celare se id non posse, neque facile idem rursus committere ausus fuisset. Ego ferè amplius quid dicam, aut consulam, aut consoletur, non habeo; ita dolor ac indignatio animum meum commovent. Citius olim credidissem cælum ruituram, quàm illum eo venturum. Verùm horum omnium mater est ebrietas, quæ mentis cæcitatem adducere solet, & oblivionem litterarum ac bonarum rerum omnium, quæ corpus debilitat, & redundantem in eo choleram, tamquam oleum igni injectum, incendit. Non fuit ille talis dum sub meâ fuit curâ, nec tanto tempore, quo unâ egimus, ullum ejusmodi mentis signum deprehendi. Verùm quod in arboribus, pratisque copioso fructu luxuriantibus subinde accidit, ut vel uredo, vel grando, vel (ut Jureconsulti vocant) vis major, omnes agricolarum spes enervet, id in hominibus nimis quoque verè evenire aliquando animadvertimus: ut de quibus in flore bonam spem concepimus, eos repente vel improborum consuetudo, vel amorum intemperantia, quasi quædam tempestas conquasset, ut nullis unquam monitis erigi possint. Nam iste certe noster hæc vitia * abs te hausit, non a me didicit, sed nuper admodum assumpsit. Quid igitur, inquis, faciam? Dum omnia, mi *Georgi*, mecum excutio, in illud semper relabor, filius est, quem tibi secundum Jus Civile

* *Supple:*
non. Ita
enim vi-
detur, ne
patri ami-
co convi-
tium fa-
ciat.

256 VIGLII AB AYTTA ZUICHEMI

vile abdicare, neque ex hâc causâ exhæredare licet. Patris autem omne officium ac jus in filiorum correptione eò tendere debet, ut meliores efficiantur, ne severitate pœnæ in filium, seipsum affligat, ac majorem sibi dolorem accersat. Etenim cum filius secundum nostros Jureconsultos eadem cum patre persona esse censeatur: quos tam arcta naturæ copula conjunxit, eos pœna alterutri illata non separat, sed mutuo cruciatu afficit. Deus tibi quinque filios largitus est, in hoc fortassis tamquam primogenito, nimium gavissus es aliquando. Ille autem rerum humanarum moderator, secundum *Homerum* duo habet dolia, unum tristium, alterum lætarum rerum, ex quibus variè miscet mortaliū fortunās. Cæteri filii obsequuntur, ac voluptatem tibi magnam adferunt. Sed ille nullum mel sine felle esse sinit, ut meminerimus, nos in humanis non in cœlestibus agere. Hoc igitur incommodum hujus filii tibi quoquomodo ferendum est. Consilium de uxore illi dandâ mihi non displicuit, ut ipse sui juris propriique foci (ut dicimus) factus, te hisce curis exoneret. Cum tam multas illi rursus vias proposueris, vereor ne & ille non queat eligere, ac certi quicquam constituere, neve conetur aliquò elabi. Si ad unam aliquam viam eum urgeres, minus resistere posset. Verùm avidè expecto quidnam ille tibi responsurus sit. Ut Bononiam aut Paduam eum ire cum *Carino* * finas, non suadeo. Reperiturus est utrobique quorum consuetudine fiat deterior. Ut fiat sacerdos non suadeo. Invitum autem ad hoc isto tempore urgere, non est tutum, præsertim quia hoc sæculo, & præsertim Augustæ inde ei quodocunque resiliire licet. Quam verò sit idoneus, ut ipse se suâ arte alat, satis intelligis. Itaque ex quatuor duæ viæ restant. Si negotiis applicabitur, vereor ne hosce mores secum adferat. Ego nuper ad eum amicissime scripsi, idem rursus facio. Quod *Carinus* sibi de eo metuit, idem ne mihi acciderit vereor, & ne qui patronus semper illi apud te fuerim, accusator, & tuæ indignationis instigator esse credar. Sed tu ex omnibus meis epistolis animum & amorem meum erga eum cognovisti, quem perpetuò retinebo etiamsi ille meæ voluntati non respondeat. Quod si ipse secum cogitaret, quantum ex illo dolorem accipiam, & me tantum redamaret quantum a me amatur, aliter

* *Ludovico. Prae-
reptore.*

EPIST. SELECTÆ AD DIVERSOS. 257

aliter forte sentiret, faceretque. Vale. Ingolstadii 25. Junii
anno 1538.

EPISTOLA CVI.

JO. JACOBO FUGGERO.

Ex To-
mo III.
fol. 94-
vfo.

*Vini laudes usumque apud aquæ potorem eleganter
deprædicat.* 1538.

Nondum, uti video, Jo. Jacobe Ornatissime, cum *Baccho*
& Poëtis vis redire in gratiam. Atqui ego proximis
istis sororis tuæ nuptiis, illud veteris legis convivium: *aut*
bibe aut abi, vini tibi tandem excussurum esse fastidium spe-
rabam. Vinum antiqui sacrificiis adhibebant, neque nostræ
religionis mysteria sunt *æova*. Sine vino nec carmina scri-
buntur, nec nuptiæ celebrantur. Et ipsa Italia in vino-
rum bonitate præcipue gloriatur. Quid igitur habes quo
tuam *idpomelias* exornes? Medici vinum potanti certam præ-
dixerunt Podagram. At quanta tibi contrà morborum moles
ex istis tuis aquis impendet? Adferunt secum aliquam solici-
tudinem divitiæ, sed quot contrà malis obnoxia paupertas?
Proinde communi sensu carere creditur, qui propter custo-
diæ curam, opibus egestatem anteponit. Jam rursus quod
majus humanæ mentis delectamentum est, quàm amor? Et
hic tamen sine *Baccho* friget. Quapropter qui aquam poti-
tant, tanti ferè boni dulcedine carent. Denique & ipsa con-
viviva inventa in hoc, ut tristitiam ex negotiis contractam mor-
talibus discutiant, tuo etiam judicio, nisi merum accesserit,
sunt melancholica & plane canina (ut in proverbio est) pran-
dia. Verùm cesso tibi vini laudes recitare, ne magis etiam
fortem tuam dolere incipias, ubi tanta tibi bona naturam
invidisse perpendas. Habes pro aquaticâ epistolâ vina-
ceam, meraciorem tamen futuram, nisi ante prandium scripta
fuisset. Bene igitur vale, *Fuggere* Charissime, si modo sine
vino bene valere potes. Ex Ingolstadio 4. Augusti anno 1538.

Ex To-
mo III.
fol. 108.

EPISTOLA CVII

ANDREÆ ALCIATO.

1538. *Alciatum honorat & extollit, ipse de consule rhetor factus. Parerga illius expetit. Hieronymus Aleander in Germaniam missus.*

DIu quæsitam ad te scribendi oportunitatem, Præceptor incomparabilis, obtulit tandem *Andreas a Kebitz* hujus nostræ scholæ alumnus. Qui cùm ad metam pene Juris Civilis studium non infeliciter duxisset, haud alibi magis speciosum Colophonem imponere se ei posse credidit, quàm in Italiâ, idque Bononiæ sub te Doctore omnium, quos hæc ætas nostra habet, facile præstantissimo. Dicit autem non potest quanto simus gaudio cumulati, quod non modò te ex fatali illâ bellorum procellâ καὶ ἐκ Βελῶν tibi studiisque ac Musis restitutum, verum etiam ad summum literariæ professionis honorem Pontificis Maximi judicio omniumque consensu & applausu evectum esse intelleximus. Et quanquam Bononia omnium Gymnasiorum nostrî temporis facile Regina habeatur, visa est tamen plerisque ejus Majestas nonnihil decrescere, donec nunc per te pristinum honorem ac famam recuperavit, dum videlicet non tantum ex ejus celebritate tua augeri existimatio, quantum ex tuâ illustri gloriâ vicissim ornamenti ac decoris ipsa recipere videtur. Ego autem Illustrissimorum Principum Baviaræ postulatione ad docendi quoque functionem redii, factus (ut mecum ipse jocer) de Consule Rhetor. Et haud illubenter oblatam studiorum quietem, in tantâ apud nos mortalium dissensione, quæ Respublicas non mediocriter labefactat, splendidiore fortunæ & dignitati consulari anteposui. *Parerga* tua hisce nundinis Francfordiensibus expectamus, Basileæ enim excudi, ab *Claudio Cantiuncula* accepimus. Gratissimum autem studiose omnibus fecisti, qui ipsis tandem lucem concesseris: mihi verò eorum lectio hoc erit jucundior, quod cùm ex eis pleraque vel publice vel privatim incredibili voluptate abs te
coram

coram andiverim, nunc eadem scriptis, vivam nobis vocem repræsentantibus explicantibusque, plenius mihi percipere licebit. Nihil fuit adhuc ex præsentibus nundinis Francfordienfibus allatum, alioqui haud eram commiffus ut vacuus hic ad te veniret. Si quid tamen erit librorum in Germania extensum, quod ad te tuti defideres, gaudēbo gratificandi occasionem abs te mihi præberi, Venetiæque & inde Bononiam ad te perferri haud difficulter curabo. Germanicarum rerum vetus est status: Dogmatistæ omni studio sectæ suæ pomeria proferre conantur. Venit autem hisce diebus in Germaniam *Hieronymus Aleander* (1) Cardinalis Brundusius, forte ut Episcopos nostros alto adhuc somno oppressos & de componendo Religionis diffidio minimum sollicitos, Pontificalibus mandatis excitet, ac Concilium quod tandiu vanè vocavimus, ne nunc oblatum recusemus, persuadeat. Bene vale Jureconsultorum incomparabile decus, & *Vigium* tui nominis studiosissimum in tuorum numero permanere permittite. Ac istum, quæso, qui hæc meas tibi litteras reddit, inque excitatus famâ isthuc profectus est, meâ causâ commendatum habere non graveris. Ex Ingolstadtio 10. Septembris anno 1538.

EPISTOLA CVIII.

ANDREAS ALCIATUS.

Clarissimo Jureconsulto, domino Viglio Zuichemo,
amico optimo.

Ingolstadtii.

Significat litteras Vighii sibi redditas: laudatque ejus 1538.
con-

(1) *Hieronymus Aleander*] a Paulo III. Cardinalis creatus est die 20. Decembris 1536. declaratus, seu evulgatus 13. Martii 1538. Dictus est *Brundusius*, quod ejus urbis Archiepiscopus esset. Obiit Romæ an. 1542. ætatis fere 62. annor. Curiosa, & quæ operæ pretium habent, adfert *Ciaconius tom. 3. vol. 603. & seqq.*

consilium, quod foro relicto ad docendi munus redierit. Ipse ex Ticino Bononiam migravit. Laudes a Viglio sibi scriptas modeste declinat.

SI non aliud *Andreas* hic à *Kebits* promeritus de me esset, vel hoc tamen nomine pluribus me nexibus alligavit, quod tuas literas mihi reddidit: quæ mihi tam jucundæ gratæque fuerunt, ut nec *Petrus* quidem tantam ex machæra illa sua alacritatem conceperit. Optabam scire, an *Spiræ* adhuc esses, an consulari munere fungereris: cùm ecce in tempore *Andreas* tuus cum literis. Legi itaque illas avidissimè, idque ter & quater: nec tamen ulla iteratio tedium peperit. Laudo consilium tuum, quod forensibus scribilibus, illitteratisque litteris omisis, ad docendum te transtuleris, atque id in orthodoxa academia; atque etiam luculentum, ut accepi, honorario, & quale nemo ante te in Germania accepit. Volvimus sursum deorsum & nos eundem lapidem, & in eundem scopum collimamus: ut necessariò consilium meum probem, dum tuum laudo. Exegit me urbe Ticino belli metus, & in istam academiam transtulit, in qua omnia sunt quietissima. Sequuti sunt me discedentem quàm plurimi auditores, qui non solum theatrum augent, sed & cæteros conciliant, inter quos Germani tui vel primas partes tenent. Aggrediemur proximis auspiciis sol. mat. & quæ deinceps. Quod fortè & tu es factururus: si tamen Ingolstadiensis academix leges & mores cum nostratibus conveniunt. Quod gratularis mihi exiisse in publicum *Parerga*, more tuo facis, qui semper plurimam amicix nostræ tribuisti. Ego certè tantam laudem non agnosco: nec adeò aut illum librum, aut studia mea probo ut sponte essem editurus. Sed Domini *Othonis* humanitati candorique quicquam denegare neque volui, neque potui. Alioquin eram penes me habiturus, quotidieque aliquid addidissem: est enim argumentum illud, ut scis, latissimum, & quod subinde in dies & horas posset subolescere. Proxima erit aliqua alia fœtura, postquam non sinunt me chalcotypi otiosum esse: qui non solum mea me invito edunt, sed alienis quoque plumis velant. Fero tamen æquo animo, & omnia boni consulo. Quod si aliquos

EPIST. SELECTÆ AD DIVERSOS. 261

quos parum æquos mihi experior, non tamen animum despondeo: sed ad aliorum candorem respiciens, me exhiloro. Vetus est; (1) *Mimnermi* opinor Πρὸ στυγῆ Φρίνα τέρεα, δυσχερέωντα πολυτῶν: ἄλγος ἢ σὲ κακῶς, ἄλγος ἀμείνον ἐστὶ. Quod non dubito quin & tu facias, sicque antisophistas omnes ulciscaris. Si tu vales, ego bene valeo. Bononiæ XI. kal. Novembres. M. D. XXXVIII.

Tui amantissimus ANDREAS
ALCIATUS.

EPISTOLA CIX. JOANNI GEORGIO HERMANNO.

Ex Tomo III.
fol. 148.

Gratulatur Joanni de filiolo sibi nato; Baptismum ritu Catholico collatum probat. 1539.

Binæ tuæ litteræ, Jo. Georgi Charissime, gratissimum mihi de filio tibi nato nuncium attulerunt. Deus autem tibi ac nobis diu illum superstitem esse velit, ac in rectissimâ fide optimisque moribus ac litteris sic adolescere faciat, ut non modò perpetuum istud nostrum sit gaudium, verum quotidie

(1) Μιμνερμος. *Mimnermus*, scribendum arduor. Fuit hic Elegiarum scriptor, quem nonnulli septem illis sapientibus æqualem, alii etiam antiquiorem faciunt. Suidam consule, si quidem rem tanti esse putes. A. Schurius p. 334. Consonat Car. Steph. in dict. bistor. Horum verborum sensus esse videtur: Prius tui ipsius mentem afflictorumque civium oblecta: mæror cur tibi nocet, aut, te affligit? Mæror melius (id est: levamen) queris. Sed tunc pro τὶ lego τὴ, & pro κακῶς, κακῶ; aut καυῶς, (Μαλὲ) retento, suppleo verbum v g. aggreditur, tractat &c. ut sensus sit: cur te malè tractat? Demum pro ἐπὶ, quod hic nullam significationem habere potest, lego ἐν quo Doricè utimur pro ἐπὶ tertia persona Præsentis Indicativi ab ἐπάω, amo, quero. Ego certe nihil præterea elicere valeo. Schurius impressit prout in textu, & nihil sibi sumpsit examinandum. Observatio P. Wilhelmi Smits Ord. FF. Minor. Recoll. Sac. Script. Professoris.

262 VIGLII AB AYTTA ZUICHEMI

die novâ accessione auctius fiat. Optabam filiolum istum, secum mihi communem, propriis manibus suscipere, nec ulla itineris temporisve difficultas mihi obstitisset, si vos tantum, ubi hoc officium præstare potuissim, indicassetis. Quando autem hoc non licuit, quicquid nomine meo gestum est, in meliore formâ ratum habeo. Eoque lubentius susceptoris (1) officium subeo, quod vos veteribus ritibus hoc sacrosanctum mysterium peragi malueritis, quàm novâ isthâc quorundam rei sanctissimæ prophanatione, quum ab ipsis usque Apostolorum temporibus, ubique gentium receptis Ecclesiæ ceremoniis Baptismum administrari, sanctissimorum virorum auctoritas (2) comprobet. Quos & eo nomine hîc te secutum fuisse perplacet, quòd hæc nostra cognatio spiritalis (3) illorum maxime nitatur auctoritate, qui hos ritus nobis tradiderunt. Vulgus autem solet susceptoris officium pretio redimere. Id ego nullo pacto facere possum, cupiens jus quod mihi in tuum competit filiolum, cum per ætatem licebit, exequi, atque unâ operam

(1) *Susceptoris officium*] Id est patrini. *Conc. Trid. Sess. 24. de Reform. matr. cap. 2.* statuit, ut unus tantum, sive vir sive mulier, juxta sacrorum canonum instituta, vel ad summum unus & una baptizatum de baptismo suscipiant. Hodie vocantur *patrinus* & *matrina*: quia dum vigeat mos baptizandi per immersionem, horum officium erat baptizatos *suscipere* & levare de fonte baptismatis.

(2) *Sanctissimorum virorum auctoritas*] V. Tertull. de bap. cap. 18. Pass. S. S. Victor. & Alex. apud Ruinart in actis mart. selec. p. 303. S. August. ep. 98. aliàs 23. ad Bonif. n. 7. S. Dionys. de Eccl. hierarch. cap. 2. S. Joan. Chrysost. in cap. 4. Gen. homil. 21. &c. Singularia porro & accurata de baptismi ritibus suppeditabit *Franc. Amat. Pouget in Inst. Cathol. tom. 1. a pag. 208.* ex quo hæc citationes.

(3) *Cognatio spiritalis*] Contrahitur inter susceptores ac baptizatum ipsum & illius patrem ac matrem, nec non inter baptizantem ac baptizatum, baptizatique patrem ac matrem tantum. *Conc. Trid. Sup.* Cujus cognationis effectus est, ut qui baptizavit, conjungi non possit cum persona baptizata, ejusque parentibus. Si parentes ipsi suum infantem baptizent, quid juris *V. apud S. Thom. in supplem. quest. 56. ars. 1. in corp.*

EPIST. SELECTÆ AB DIVERSOS. 263

ram tecum dare, ut fidem, quam meo nomine pro illis prestari voluistis, omni religione adimpleat. Quod autem ille me agnoscere aliquando lubentius incipiat, ac susceptioris recordetur: exiguum mitto munusculum, marsupium videlicet sericum cum Rosâ nobili & Angelo Anglico. Adjeci & baptisticum numisma, orthodoxas quidem præferens sententias, sed ab authore eo proculsum, cujus infelix exitus commonere omnes debet, ne sacrosanctas Ecclesiæ traditiones humanâ temeritate violent. Id filiolo meo *Hieronymo* dono do, ac matris custodiæ committo, quam meo nomine etiam atque etiam salutabis: Adderem aliud nisi adhuc infra Purificationis festum esset. Quod semel autem Deo auspice bene feliciterque cessit, precor ut sæpe sæpiusque reiterans, numerosâ prole vestram familiam fecundet. Fistulas accepi unâ cum cerâ, tibi que pro sedulo officio gratias ago. Expecto ut *Henricus* noster aliquando huc expatiatur. Idem ut tu faceres rogarem, nisi domestico officio obstrictus esses. Bene vale, Compater charissime. Ex Rainâ 3. Decembris 1539.

EPISTOLA CX.

JOANNI HERVAGIO (1).

Ex Tomo III.
fol. 149
vfo.

Consilium suum depromit super meditata per Hervagium editione librorum Juris Civilis. 1539.

Litteras tuas, *Hervagi* optime, quibus te librorum Juris Civilis editionem meditari scribis, meamque ad id operam

(1) *Joanni Hervagio*] Hic typographus Basileensis, qui *Joannis Frobenii* viduam uxorem habuit, ut nomen sibi aliquod faceret, non cessavit quotidianis *Figlium* urgere epistolis, antea quidem de *Cicerone*, postea de Juris Civilis corpore emendando, ac tandem anno 1540. etiam prætermissa ab *Hobondro* in *Novellis* restitui ab eo desideravit. tom. 3, pag. 223. Porro Corpus Juris Civilis excudit cum aliqua accessione, in qua tamen præcipuum est, quod titulum de *excusationibus* auctorum græcè,

ram rogas, ante aliquot dies ex Frisiâ meâ reversus, & ob pestem apud Ingolstadtum grassantem, abitionem rursus moliens, in mediis occupationibus accepi. Quod tu autem de Juris Corpore edendo constituisti, idem & alios nonnullos haud ita dudum moliri quoque memini, qui meum quoque in eo consilium operamque requisiverunt. Verùm ego operis laborisque magnitudinem animo mecum complectens, tanti impendii autor ipsis esse non potui. Sunt fortassis nonnulli, qui glossas fastidientes, textum tantum desiderant. Sed si in illorum tantum gratiam tot volumina excudere volueris,

græcè, ab *Alciato* sibi communicatum, ediderit. *Ibid. fol. 219. vso. & 220. vso.* Cùm non desineret ille cruda quæque & imperfecta corradere, & a *Viglio* ad *Agninos* remissus esset, tandem ab eo responsum tulit ex *Reina* pridie *D. Michaelis* anno 1540. „ Literas tuas e *Francfordia*, vir ornatissime, accepi, ac gaudeo *Agninos* benigne tibi quæ a me desiderabas obtulisse. Quod autem illi indicarunt me multo „ plura habere, id forte ita est, sed quæ ad *veapæ* non pertinent. In quibus quicquid omnino requiratur, puto apud „ *Agninos* esse, cùm & ipsi ea quæ ego in eo argumento possideo, descripserint. Quamobrem per hunc grammatophorum indicare potes, quæ *Agnini* communicaverint, ut si „ quid plus habuero quod eodem pertineat, ad te mittam. „ Ego tamen valde dubito, consultone facias, qui ista nostra „ fragmenta adjicere editioni tuæ constituisti. Primò enim „ illa sunt inemendata, nec justo judicio satis trutinata, nec „ ego ullo pacto velim, ut meum ipsis nomen prætexas, nam „ repræhensionem magis doctorum ex ea publicatione ve-reor, quàm laudem aliquam sperem. Deinde verò si sic „ edideris, aliquis mox existet, qui abs te separata in suum „ ordinem rediget, & forte in latinum sermonem convertet, „ novamque ac commendabiliorem editionem molietur, non „ sine luculento aliquo damno tuo. Ex me verò nullum erit „ tibi periculum, ne cui videlicet communicem, qui tuos „ labores & sumptus gravet. Itaque si me audires, vel quicquid est hujus rei omitteres, vel eruditi alicujus jureconsulti operam conduceres, qui ex his nostris fragmentis novam „ & integram *Novellarum* editionem repararet, atque hæc quæ „ accedunt latinitati donaret. Mihi autem & scholastico munere & consiliis advocacionibusque occupatissimo minime vacat, ex ejusmodi opere vel laudem vel gratiam studiosorum mereri. Tu tamen facies, quod videbitur &c. *Ibid p. 224.*

ris, ipse cogita, an divendere exemplaria queas. Ego sine glossis jus civile recte disci posse non puto, nec textus nudæ editionem Juris studiosis valde utilem fore arbitror. Quod autem varias Lectiones adjicere decrevisti, id quidem non foret aut inutile aut ingratum studiosis, ii tamen authores quos tu præcipue sequi statuisti, *Alciatus* videlicet & *Budæus* minimum ad id tibi conferrent, cum *Ludovicus Bologninus*, ac alii nonnulli, novissime verò etiam *Gregorius Holoander* multis numeris utrumque superarit, & pene infinita mutarit. *Holoandri* verò editionem si non retexere, in plerisque certe examinare accuratius, necesse foret, qui meo judicio tantus fuerit labor, ut hominè otioso annus vix sufficeret. Ego certe antiquorum exemplarium copiâ destitutus, nihil novi in hoc conferre possum, cum in iis quæ a prioribus mutata sunt, plerumque ipse hæream & subsistam. Itaque, mi *Hervagi*, haud magna dos talium annotatione operi tuo per me accessura esset. Quod si verò *Florentini* exemplar suum communicare vellent, aut aliud quippiam venerandæ vetustatis in lucem prodiret, nec ex istis lacunis, unde quidam antea sua hausserunt, sed ex vero fonte Lectio emendari posset: jam magno cum plausu procul dubio hoc opus emissurus esses. Ex vulgaribus autem, ut dixi, annotationibus haud magnam feres laudem, nisi forte textum ipsum juxta vulgatam Lectionem communis Scholæ Jurisconsultorum edere velles, & singulis deinde capitibus legibusve ea, quæ ab *Holoandro* aliisve mutata sunt, minori caractere subjicere. Sic enim magis ad manam erunt, cum fastidiosum sit ex acervo quæcunque repetere ac quærere. Margini quoque non satis mihi convenire videntur, non solum quod operis majestas illis notis meo judicio deformetur, verum etiam quod plerumque annotationis prolixitatem marginis spaciū non capiat. Ad optima autem seligenda non modo diligentis ac fidelis, verum etiam in Jure non vulgariter eruditi hominis opera requiritur. Quam ego etsi pleno otio fruerer, atque in id proprie conductus essem, intra annum tamen me præstare posse minime considerem. Est enim res non levis momenti, & mei ingenii tenuitatem, ut ingenue fatear, excedit. Itaque suadeo etiam atque etiam cogites, mi *Hervagi*, quid facias, priusquam rem tantam aggrediaris. Illud

266 VIGLII AB AYTTA ZUICHEMI

etiam non potui non mirari, te a me consilium petere, cum *Bonifacius Amerbachius*, vir Doctissimus, multo meliora impertiri valeat, & mihi otii quàm minimum concedatur. Ad id quod de Græcis constitutionibus Codicis denuo a me rogas, jamdudum tibi respondi, nec recusarem profecto tibi, imo studiosis omnibus in ipsis inquirendis operam meam impendere, nisi jam antea coram ipse repulsam passus fuisset, etsi viri cumprimis clari ac celebris *Petri Bembi* patrocinio suffragioque niterer. Bene vale, *Herzogi* Optime. Ex Raina 8. die Decembris anno 1539.

Ex To-
mo III.
fol. 157.

EPISTOLA CXL

LEONARDO AB EGKH.

1539. *De his quæ ad Academiam Ingolstadiensem, in oppidum Reinam ob grassantem pestem, translatam, requisita sunt.*

ACcepi fasciculum cum litteris *D. Mathiæ Held*, Cæsarei Procancellarii, abs te transmissum, eoque nomine magnas tibi gratias ago. Nos hic apud Rainam, non solum cum magno incommodo, verum etiam multo graviore sumptu quàm Ingolstadii consueverimus, cum nostro, tum scholarium, agimus. Ac ea nisi causa obsisteret, scholam haberemus fortassis cum tempore non paulò frequentiore. Advenit & *Caspar Churrerius*, quem nonnulli autorem aliquem Latinum prælegere flagitant, cum cæterorum professorum nemo unus hic adsit. Mihi autem maxime arridet *Horatius*. Proinde cum ille tuæ Magnificentiæ autoritate commonitus, minime id recusare audebit, si ita tibi quoque videbitur, aut ipsimet mandare id potes, aut Rectori injungere, ut tuo nomine ipsum de eo compellet. De *Glareano* * velim te meminisse, & hoc quod coram constituisse videbaris exequi. Magnum quippe scholæ nostræ ornamentum per eum accedet. Est enim non modò eximiâ quâdam eruditione, hac tempestate cumprimis celebris, verum etiam in instituendis adolescentiæ studiis, omnium quos ego unquam

* Hen-
rica.

EPIST. SELECTÆ AD DIVERSOS. 267

quam vidi aut novi φιλοτινότητι. De alio quoque in locum Doct. *Francisci* (1) sufficiendo, tuam voluntatem cognovi.

(1) Doct. *Francisci*] Burckhardi, primarii juris Pontificii professoris, de cuius repentino obitu, ante decem dies ad *Antonium Fuggerum* ita scripserat: „ Quarto hujus mensis die, cum „ filio, filiaque vidua, atque ex ea nepote, Doctor *Franciscus* „ *Burckhardus* nos secutus est, qui non modò salvus ac inco- „ lumis verum etiam solito (uti videbatur) lætior, quasi „ sarcina quotidiani periculi apud Ingolstadtium * levatus, huc „ advenit. Cui sic novum hospitium mox adlubit, ut ux- „ rem cum reliqua familia eodem advocaret, proprio remisso „ ad eam famulo, illo ipso die, quo nos deinde tristissimum „ eidem de inopinato mariti fato nuntium perscribere evenit. „ Ecce enim cum heri † nihil prius conquestus, sed valens „ alacrisque hora nona domum senatoriam, quæ hic ad lectio- „ num usum nobis concessa est, docendi causa primum con- „ scendisset, paulo post, cum verba aliqua fecisset, id se ægre „ habere dixit, quod non assuevisset ex mensa & de plano „ sed ex cathedra, sublimioreque aliquo loco docere. Dein- „ de verò capitis dolore prægravatus, solito maturius finem „ primæ lectioni imposuit. In via tamen adhuc veteri more „ cum auditoribus familiariter collocutus fuit, obvioque sa- „ lutavit. Domum reversus prandio abstinuit, ac lecto in „ vaporarium ‡ translato, in eum se reposuit. Ibi verò pau- „ ca cum filia locutus, morbum se intendere animadvertit, „ ac vix sibi capitis sensum constare dixit. Inde continuò in „ lethalem soporem incidit, a quo dum eum morienti similem „ filia lachrymans excitare conatur, nihil effecit. Rector atque „ ego continuò accurrimus, sacerdotem atque alios advoca- „ mus. Illo autem sacra verba inclamante, nullo edito signo, „ nihilque nobiscum locutus, aut morti reluctatus levissime „ tandem sub horam secundam expiravit. Apoplexiam fuisse „ credimus, nam mortua corporis dimidia pars toto livida „ subnigraque apparuit. Discedens autem Ingolstadio in me- „ dio foro, currus cui insidebat, ejecta rota, fractoque te- „ mone, diffugientibus equis subversus est. Ad quem casum „ populus illic frequens accurrit, amici etiam monuerunt, „ ne omen contemneret, eoque die illic maneret. Verum „ ille refecto mox curru, itineri se rursus commisit, ac apud „ nos non sine lætitia quadam casum eum recensuit, ridens „ præsagium, quod tamen non omnino vanum fuisse, even- „ tus docuit. Nos omni officio ac pietate ut vivum, sic de- „ functum prosecuti sumus, Ingolstadtium deduci curavimus,

* Ubi pe-
stis gra-
vatur.

† 9. Dec.

‡ Hypo-
caustum
significa-
tum opi-
nor quam-
vis vapo-
rarium
proprie
locus sit
qui hypo-
causti su-
mum re-
cipit.

268 VIGLIU AB AYT TA ZUICHEMI

* Jean-
nes, theo-
logus.

gnovi. Verùm de *Simone Pistorio* (2) vereor ne serò agamus, cùm illum Lipsiæ rursus profiteri audiverim. Mihi verò cum illo levis admodum nuper familiaritas intercessit, & quum splendido officio apud Ducem *Georgium* per aliquot (ut fortasse non ignoras) annos, functus sit, meis forte litteris leviter movebitur. Tua verò illum autoritas multo magis excitaret. Forte etiam *Eckius* * commodius cum eo agere posset, cui antea subindicavit, se in nostrâ Academia conditionem aliquam minime recusaturum. Scripsi tamen ad eum uti ex litterarum mearum exemplo cognoscet. Cujus sententia si tuæ Magnificentiae non displicebit, consignatas litteras ad eum perferendas curare poteris. Quod si tamen ille assenserit, teipsum cum illo omnia transigere malim, non modò propter tuam auctoritatem, verum etiam quod timeam, ne quid tale accidat, quale de Doctore *Nicolao* (3)

con-

„ ut illic in præparato a se monumento quiescat. Magnam
„ ex ejus morte Universitas nostra dolorem accepit &c.”
Ex tom. 3. a pag. 152. vfo.

(2) *De Simone Pistorio*] Qui Lipsiæ ex nobili familia anno 1489. natus, in Italia juris studio vacavit & docuit in patria. Anno 1523. a *Georgio Saxoniae* Duce ad Cancellarii munus vocatus, illud usque ad obitum principis administravit. Hoc igitur anno *Viglii* literis Ingolstadtum invitatus in locum *Francisci Burckhardi*, patriam exterae conditioni prætulit, & obiit anno 1562. ætat. 73. *V. Freber. theatr. pag. 846.*

(3) *Doctore Nicolao*] *Everhardo*, Amstelodamensi ut vult *Miræus in bibl. Belg.* ubi scribit, jurisconsultum eum fuisse celeberrimum, qui totam fere ætatem in Germania atque apud Bavaros transegit, qui Assessor Camerae Imperialis ex parte Ducis Bavariae anno 1535. constitutus fuit, & inde anno 1542. in Ingolstadiensi Academia Antecessor, summa ibidem constantia per annos quinque & triginta jura publice interpretatus est. De ejus operibus vide *Miræum*. Porro *Viglius* eum ubique dixit, *Frisium*, hic *conterraneum*. Ed ad *Nicolaum Ruckerm* Moguntinum his verbis scripsit: „Nostra schola ut-
„ cumque resloruit, quanquam Canonistam hætenus disidera-
„ vimus, quem propediem ex Imperiali Judicio expectamus.”
„ *Nicolaum* videlicet *Everbardum* cognomento *Frisium*, qui &
„ antea hic Jus Civile non sine laude professus fuit. Ingol-
„ stadii 25. Febr. an. 1542.” *Ex tom. 4. f. 339. vfo.* Hic duo-

BO-

EPIST. SELECTÆ AD DIVERSOS: 269

contreraneo meo, *Fabius* (4) & de aliis quibusdam *Chaimus* (5) conqueri solebat. Ex illius porro viri celebritate sperarem Academiam nostram non leve incrementum accepturam, atque apud eum bene profiteri, minori invidiæ fore, quàm apud alios antea mihi fuisse videtur, & ne iterum altero illo redeunte accidat nonnihil, subinde vereor. Doctor *Wigileus Hundt* (6) non modicâ gratiâ apud auditores pollet, & profecto non modò eruditione ac diligentia, verùm etiam iudicio præcellit. Qualem virum hujus Academiæ proprium alumnus præmio aliquo obstringere conveniret, ne de aliâ conditione cogitaret, sed publicis studiis inservire pergeret. Quapropter, nisi eximius aliquis Doctor aliunde nobis obtingere posset, ipsum *Wigileum* ad aliam quampiam lectionem promovendum censerem, videlicet uti *Fabio* Doctoris *Francisci* Lectio in jure Pontificio assignaretur, sic enim non illibenter primarium ipsi locum relinquerem juxta statuta, de quo alias ambobus in Jure Civili profitentibus contentio forte suborietur: *Wigileus* autem post meridiem Jus Civile prælegeret. Ad Institutionum deinde Lectionem, si quis desideraretur, nostra schola exhibere aliquem posset. Habeo enim apud me *Seldium* quendam Augustensem, juvenem cumprimis eruditum, qui *Zasium* antea, deinde Bononiæ Italicos Professores præstantissimos auscultavit, & disputando, orando, cæteraque scholastica munia obeundo, lauream omnium suffragiis est promeritus: quam illi etiam tribuere decrevimus cum Ingolstadtum redire licebit. Nisi autem illi in nostrâ scholâ aliqua conditio obrigerit, alteri cuiquam Academiæ eam commendare decrevi, nam mihi ad ejus-

notanda veniunt, unum: quod *Viglius* nec solus fuit, nec ultimus, qui e Consule sponte fieri voluit Rhetor. Alterum, quod *Nicolaus* noster, alius sit a *Nicolao Everardo* præside Parliamenti Mechliniensis. Vide *Miræum in. d. bibl.*

(4) *Fabius*] Romanus. De quo V. ad vitam Viglii N. XXXVII.

(5) *Chaimus*] Marcus Antonius, de quo ibid. Erat nobilis Mediolanensis, qui publicam legum cathedram Ticini consecutus, ab Imp. *Carolo V.* inter Senatores Mediolanenses cooptatus, obiit ibid. anno 1560. V. P. *Freh. theatr.*

(6) *Doctor Wigileus Hundt*] V. Not. ad Vitam. N. XXXVII.

270 VIGLII AB AYTTA ZUICHEMI

ejusmodi aliquod munus cumprimis idoneus esse videtur. Omnino autem suadeo, ut tempestive Magnificentia tua scholæ nostræ provideat, ne quando Doct. quoque *Wigilæ* aliam amplectente conditionem, omne docendi onus in me resideat. Cum nec ego quidem satis adhuc apud me constituerim, si-
ne ultra conditionis meæ tempus huic provinciæ scholasti-
cæ deserviturus. Me enim multis ex causis tædere jam ejus
cœpit, & ne in posterum magis magisque tædeat, vereor:
præsertim cum alibi non desint mihi conditiones, & magis
ex parentum, propinquorumque voluntate & ex re ac uti-
litate meâ. Huic tamen nostræ Ingolstadiensi Academiæ sic
faveo, ut quam ipse florentem videre, efficereque maxime
cupivi, multò florentiorem relinquere desiderem, quò ali-
quod inde mihi aliquando decus adscribere queam, quod
in tali Academiâ & ipse olim fuerim professus. Hæc ego,
Magnifice Domine, pro meo erga te officio obsequioque,
ac erga scholam nostram pietate, ad te scribenda putavi,
etiam atque etiam te rogans, ut Academiæ nostræ quàm
optime consulere, & me in tuorum numero habere non de-
finas. Bene vale, Domine & Patrone Incomparabilis. Da-
tum Rainæ 20. Decembris anno 1539.

Ex To-
mo III.
fol. 160.
vfo.

EPISTOLA CXII.

GEORGIO HERMANNO.

1539. *Rationes ob quas ab uxore ducenda deterreatur,
prolixè exponit.*

MUltum equidem te tuo plurimo merito amo, Amice
præstantissime, qui paterno me semper complexus
affectu, meis commodis, meipso pene magis favere ac pro-
videre non desinis. Unde etiam nuper de certo vitæ genere
instituendo cogitationes meas excitasti. De quo per proxi-
mos aliquot annos haud multum equidem fui sollicitus, quia
parentibus scilicet promiseram, absque ipsorum consilio ac
consensu nihil incipere aut statuere. Fuit autem mihi hæc
libertas, curarum, quas certa vitæ ratio secum adfert, ex-
pers,

pers, non ingrata hactenus, non modò quod mihi interea minus senescere sim visus, dum in adolescentum cælibumque numero manerem, verum etiam quod jucundissimum esse soleat, adhærere assuetis, præsertim cùm persuasum haberem studiis quoque litterarum, quibus ab teneris annis deditus fui, sic mihi commodius vacare licere. Ut & hodie, dum in futuram ætatem, sequentesque annos intueor, & de eo quod tu requisivisti certi aliquid tibi respondere cogito, multæ se mihi non levis momenti causæ offerant, præsentiumque temporum conditio inprimis permoveat, ut non modò suavissimum verum etiam tussissimum fore credam, in eadem vitæ libertate pristinorumque studiorum cursu perseverare. Nam quod plerique vel ob rem domesticam melius dirigendam, vel opes accumulandas, ad certum vitæ ordinem festinant, id me non valde movet. Quum iis quæ Dei benignitas quotidie mihi largitur, non modò facile sim contentus, verum etiam ea spem votumque meum longe vincant atque excedant. Libidinem autem, quæ in multis dominatur, atque ad rem uxoriam maturius amplexandam impellit, quotidiana studia mea, si non omnino in me extinxerunt, ita tamen temperant ac moderantur, ut etsi castitatem tueri supra humanas pene sit vires, ab omni tamen turpitudine, dedecore, ac pravo exemplo incontaminatam hactenus famam Deo propitio conservaverim. Deinde verò præsens hoc profitendi munus, nec est injucundum mihi nec etiam infrugiferum. Honestæ quoque apud posteritatem comparandæ memoriæ, quâ nihil mortalibus dulcius esse solet, satis amplam materiam subministrat. Scribo enim interea & compono quæ mox (ut ille ait) depromere possim. Quod quidem in alio vitæ genere non æque profecto aut liceat aut vacet. Adeo verò hæc vivendi consuetudo animo meo adlubuit, ut prope in naturam conversa sit, sentiamque in meipso quandam inclinationem propensionemque animi, a quâ difficulter me queam expedire. Tentavi tamen id nuper, & quando non proprium semper sequi sensum, sed alienis & præsertim amicorum fidelibus consiliis, obsequi decet, & ad quod tu hortaris idem mihi ab aliis nonnullis suaderetur: illud primum apud parentes effeci, ut pristinam mihi obligationem remiserint, meque emancipaverint, addito etiam prædiolo, ut haberem

berem quod uxori pro dote reponerem. Jam verò & unus tantum mihi superest annus, quo ad præsentem conditionem sim obligatus. Solutis autem duobus hisce potissimis vinculis, paternæ scilicet obligationis, præsentisquæ conditionis, ad aliud vitæ institutum migrandi, atque illud quod tu suades, capeßendi, liberior mihi facultas parata esse videtur. Nec enim naturâ valde ab re quoque uxoriâ abhorreo. Sed tamen illa, quæ supra exposui, remoram faciunt, ad hæc fratres & sorores liberis abundantes, non desinunt me precibus suis in præsentis cœlibatûs statu confirmare, ut quod ego in meo sum expertus beneficentissimo Patruo, id ipsorum proli vicissim exhibeam. Nec parum certe illarum petitione moveor, præsertim cum in ipsis rectæ institutionis pene majorem spem, quàm de propriis concipere liceat. Quando in his cæcus solet esse plerumque affectus, in alienis verò deligere licet. Et video Doctorem liberos, paternæ indoli rarissime respondere, ab matribus autem indulgentia pene omnes corrumpi, interea dum ipsi studia tantum sua curant. Nec illud etiam omnino vanum est, quod vulgo dicitur, Doctorem Uxores Dominas vocari, ac *Socraticæ Xantippæ* exemplo maritis esse molestas. Utriusque documentum satis luculentum Doctor *Joannes Rechlinger* reliquit. Jam verò ego non modò muliebris imperii impatiens fuero, verum non queam omnino in animum inducere meum, ut rei parandæ sim intentior quàm studiis litterarum. Quod tamen non solum uxor requisitura esset, sed etiam liberorum educandorum cura exigeret. Et ut ista etiam similiaque impedimenta tollantur, ille non minimus scrupulus manet, ubi potissimum cum Matrimonii conditionem quærere, tum domicilium mihi tutissimum constituere queam. Etenim si Ingolstadii aut ex Bavariâ uxorem duxero, jam ad hoc præstendi pristinum munus in omnem fere ætatem me obstrinxi. Quod etsi mihi nunc non tantum leve, sed etiam jucundum sit, ingravescent tamen ætas laboribus præstendi allquando forsitan suffectura non esset. Et Principum favor solet leviter mutari, nec eadem semper illis aut eorum successoribus erga Academies & litteratos voluntas manet. Ad ea autem quæ molior in litteris elucubrandâ, octo mihi annos aliquando proposui, quorum jam duo effluxerunt. Cuperem

perem quippe solennem aliquam (uti nos vocamus) Lecturam adornare in Jus Civile. Quo opere perfecto, ad amœniora Philosophiæ scilicet & bonarum litterarum studia, redirem, Juri non plus operæ deinde impensurus, quàm quotidianæ consultationes exigent. Itaque animo meo imprimis adlubescit, ut in aliqua Academia & potissimum ista Ingolstadtensi propositum opus absque ullâ rei uxoriæ alteriusve inquietudine exequi liceret. Quo tempore exacto obtingeret forte tandem id quod a principio desideravi, ut in Brabantia senatoria aliave non inidonea mihi conditio concederetur. Quo non modò Patriæ, parentibusque & propinquis essem vicinior, sed ipsis etiam optatum aliquem ex me studiisque meis fructum præbere possem. Et si aliquando uxor liberique forent, omnia eo loco essent & magis commoda & jucundiora mihi. Apud Augustam sunt magnæ opes, & amplæ dotes, sed tu maxime scis quantus illic in vestitu, in communi victu, in totâ denique Œconomia sit luxus, quantisque opus sit sumptibus ad alendam atque ornandam otiosam Dominam. Si quæ verò etiam plusculum dotis adferunt mei ordinis hominibus, hæ etiam aliquid amplius eo nomine juris sibi præsumunt. Rursus si (quod optimum est in matrimonio contrahendo veterum consilium) æqualem ducam, tenuitas fortunæ utriusque illo loco ad rei familiaris impensas, sumptuosamque uxoris & liberorum educationem minime sufficeret. Deinde ego, ut meum ipse vitium prodam, sic sum affectus, alieno uti ex judicio uxorem ducere nequeam, quantumcunque bona conditio offerretur: cum proprii animi sententiam maxime in eâ causâ prævalere debere putem. Et si ipse mihi aliquam delecturus essem, non valde spectarem opes, quæ isto tamen loco vel maxime spectantur, & sine quibus vita illic duci nequit. Jam si opulenta aliqua cuiuspiam obrigerit, patris illa assueta delitiis atque illecebris usu vel necessitate quandocunque exigente maritum sequi noller. Et quis isto tempore isthic sit rerum status in propatulo est, ut ego hand bene sanus videri possim, si eo loco domicilium quæram, ubi non modo fortunam qualemcunque in gravi periculo reponam, verum etiam fidei ac religionis libertatem deponam. Ac nisi multorum in me odia excitare voluero, sustinereque potuero, non tan-

tum connivere, sed etiam publice assentire horrendis eorum dogmatis cogar. Et hoc genus Concionatorum, aliis litterarum ignaris, quod suæ non acquiescant sententiæ, levius indignantur: in me verò qui aliquod in litteris nomen habeo, expugnando omnem operam studiumque collaturi essent. Quando etiam proximis annis a multis celebribus viris non levem impetum sustinui: adversus quos tamen me semel munivi, decrevique nulli novæ doctrinæ magistro nomen dare, & eam semper sequi Ecclesiam, quæ Antiquissimorum, sanctissimorum, & pariter doctissimorum hominum Orthodoxis autoritatibus suffulta est. Ex his animadvertis haud obscure, mi *Hermanne*, non modò quod meum sit propositum, verùm etiam quid me impediat, quo minus Magnifici Domini & Patroni mei *Antonii Fuggeri* perfrui beneficentiâ queam, aut apud eum aliquam sperare conditionem audeam. Ille enim id fortassis inprimis volet, ut cùm ad ipsius me obsequia obstringam, apud Augustam mihi in reliquam omnem vitam domicilium constituam, uxorem ibi subinde ducam, & Patriæ renunciem. Quod cur facere adhuc nequeam, ex prædictis animadvertisti. Monuit me aliquando obiter *D. Antonius* ipse, ne me temere hîc ad longius tempus obstringerem, cùm se mihi ad meliorem conditionem adjumento fore polliceretur. Sed tamen id quorsum spectet non satis intelligo. Ipsi certe inservire minime unquam recusarim, cùm non ignorem, quid ipsi, quid vobis denique omnibus debeam. Sed illa obstant quæ supra retuli: & ratio mihi inprimis habenda est, ne dum lucrum avidius sectari videar, existimationis jacturam patiar. Functio Assessoria cum primis honesta fuit, & quanquam profitendi quoque publicum munus semper fuit laudabile, plerisque tamen visus sum ab equis (quod dicitur) ad asinos descendisse. Idem ne deinceps magis magisque facere videar, providendum mihi est. Sed quid multis? Si cætera non obtarent, & *D. Antonius* remissâ conditione constituendi illic domicilii, Matrimoniique contrahendi, operam meam requireret, & salarium honestum offerret, facilius quidem in animum meum inducerem, ut de priori proposito continuandæ professionis aliquid remitterem. Ut est porro præsentium temporum conditio, nec ipsi *D. Antonio* semper forsitan Augusta placebit. Et si meâ operâ

EPIST. SELECTÆ AD DIVERSOS. 275

operâ uti vellet, haud paulo melius inservire ei possem liber, quàm uxori & familiæ adstrictus, præterquam quod & expeditius quocunque ille secederet, comitari possem. Quod ille autem forsitan maxime spectat, ne ubi semel meâ uti operâ cœperit, quacunque occasione aut momento ipsum destituam, id aliâ ratione facile posset præcaveri. Commodam quippe & liberalem conditionem meâ sponte lubens retinebo, præsertim si obsequium meum gratum ei esse animadverterem. Deinde posset ille mihi tantum in singulos annos promittere, ut ad certum tempus operam meam illi locare recusaturus non essem. Posset & hinc inde pœna conventioni adjici, si alterum alteri conditionem hanc quandocunque renunciare contingeret. Posset quoque cum tempore ita ea mihi adlubescere, eaque exoriri serenitas, ut meâ sponte matrimonii diuturniorisque domicilii animum essem assumpturus. Habes in omnem partem, Domine & Amice Præstantissime, meam sententiam, quam quia sic voluisti, tibi prolixius aperire gravatus non fui, tuo eam judicio consilioque submittens, ac orans ut per occasionem atque otium rescribas ecquid tibi de meo consilio videatur. Bene vale. Ex Rainâ 23. Decembris anno 1539.

EPISTOLA CXIII. HECTORI HOXVIRIO.

Ex Tomo III.
fol. 177.
vfo.

Frisia Chorographiam in gratiam Petri Appiani Mathematici ab Hectore curandam postulat. 1540.

DUm parentum meorum desiderio, *Hector* Clarissime, inservire studio, accidit subinde, ut & ad te inanes, omnisque vel necessarij vel serij argumenti vacuas litteras, adjungam. Quod te tamen æqui atque boni consulere, spero, cum vel sic illam, quàm Græci vocant *αργοσυπλαι* evitemus. Novissimè autem ad te ex Augustâ scripsi, ubi aliquamdiu Medicorum Chirurgorumque ope sinistram valetudinem curavi. Et jam remittente se apud Ingolstadtum peste, spem redeundi propediem ad vetus Musarum nostrarum

276 VIGLII AB AYT TA ZUICHEMI

rum domicilium, concepimus. Frisiae Chorographiam (1) *Petrus Appianus* (2) insignis apud nos Mathematicus, a me efflagitare non desinit. Instituit enim cum totius Europae, tum praecipue Germaniae situm, novae exactioribusque tabulis in publicum adornare. Frisiae verò nostrae eo magis diligentem descriptionem requirit, quod ea non solum pristinum & comprimis antiquum nomen retineat, verum etiam veteribus adhuc inherere sedibus, & sola fere apud Germanos indigena esse videatur, cum aliunde aliae immigraverint, novaeque domicilia occuparint. Ego verò non modò quòd huic viro gratificari valde cupio, verum etiam quòd hanc Patriae nostrae illustrandae occasionem lubens promoveo, te iterum atque iterum rogo, ut si quando vel ille, quem hanc vobis condixisse operam coram significabas, aliquid effecerit, vel alius quispiam sit isthic, qui ad hoc *Appiani* institutum conferre aliquid queat, id a te nobis impertiat. Desiderat autem ille non nostrae tantum modicae orae, sed totius tractus, qui Frisicae gentis nominae censetur, latissimeque se porrigit, plenam descriptionem. Jam non ignoras, non eam tantum Hollandiae portionem, quam si recte memini Waterlandiam vocant, in qua est Enchusia, Horna, & alia nonnulla oppidula, Frisiis ascribi, verum etiam nonnullos, Trajectum ipsis subicere, a cujus civitatis Episcopis non minima quoque Frisiae portio occupata, nomen antiquum cum imperio commutasse videtur. Jam & Groningae (quam nescio cur *Gauronicam* aliquando *Rodolphus Agricola* vocet)

Dy-

(1) *Frisiae chorographiam*] Qui rem hanc illustratam planamque cupit, adhibeat *Ubbonem Emmium*, *Mensonem Altingium*, *Martinum Hamconium*, *Suffridum Petri de Frisiorum antiquitate & origine*, *Heussenium in prolegomenis ad hist. Episcop. Leovardiens.* & notas *Henrici van Ryn* in editione Belgica tomo 5.

(2) *Petrus Appianus*] *Benevizi* *Leisnicensis* in *Misnia*, inquit *Spondanus ad an. 1552. n. 20.* astronomus & cosmographus celeberrimus, & scriptis ac novorum instrumentorum inventionem illustris; inprimisque Cæsareo illo organo, quod *Carolo V.* Imperatori dicavit, propter quod fuit etiam ab eo dignitate auctus. Obiit *Ingolstadtii*, ubi profitebatur, ex nephritide 21. Aprilis 1552. *Guil. Budeus in Thanatologia* scribit obiisse duodecima die Aprilis.

Dynastia hujus nominis semper fuit. Deinde ea terra, quæ est ultra Amasum amnem, ac partim nuper in titulum Comitatus orientalis cecidit, partim *Omkonis* proli, & Dominabus ab *Feueren*, ac nescio quibus aliis Regulis paret, in cujus tractu est Emeda urbs, Norda, & Esena, & locus antiquis Frisiorum conventibus celebratus, Aurika, * citra controversiam ejusdem est gentis. Quinimo Emslandiam juris nunc Monasteriensis, quemadmodum antiquissimum Comitatum Oldenburgensem, nonnullos Frisiæ ascribere video. Jam & qui his succedunt ad Visurgi ostia, ac circum habitantes, quos *Worstfrisios* vocant, Bremensi Ecclesiæ jus sibi in eos vendicanti non satis parentes, Frisiorum quoque nomine & libertate sese venditant. Nescio verò an iidem sint, qui ad Iaderam fluvium habitant Budiadi atque Rustri, quibus ascribitur Blexen vicus Divi *Wilkebadi* morte celebris, & Stadlandia. Sunt deinde, qui *Strandfrisii* vocantur, item ab fluvio Eydorâ Eydorenses, qui *Holsatiæ* Duci sub Præfecturâ Gottorpî parent. Nec satis scio, an id nomen etiam se in ipsam usque Cymbricam Chersonesum extendat. Minores enim Frisii Jutis finitimi sunt ab Oriente, ab Occidente *Ditmarsis*. Unde constat, Frisiam Daniæ contiguam esse, cujus pars videlicet est Jutia. Porro Frisiam hanc minorem, partem *Holsatici* Ducatus, Romani ignoravere, litus, id attingere non ausi. Igitur quò vera gentis nostræ amplitudo splendidius augustiusque innotescat, & in publicas tabulas auctore *Appiano* veniat, valde velim, mi *Hector*, pro communi in Patriam pietate, operam isthic te dare, quo per aliquem, qui harum terrarum situm, nomina, urbes, flumina, lacusque, & sinus, quibus ipsæ abundare videntur, diligenter perlustraverit, observaveritque, honestissimus hic *Appiani* conatus adjuvetur. Jam & illud idem quærit, ubi fuerit *Manarmanis* portus, ubi *Herculis* columnæ, ubi *Flevum* Castellum, lucus *Baduhenna*, & villa *Cryptoricis*, cæteraque ejus generis a *Ptolomæo*, *Cornelio Tacito*, Latinisque Authoribus memoris commendata. Item quæ Frisiorum, Frisibonumque differentia, qui olim Majores & qui Minores, & quibus a *Chaucis*, quorum jam nomen evanuit, limitibus discreti; nec memini hercle omnia quæ ille explicari desiderat. Sed si quis isthic hujus rei studiosus fuerit, ejus

* *Epstala-*
beem. Ita
ad margi-
nem bu-
jus, in
tomo V.
pag. 102.

278 VIGLII AB AYT TA ZUICHEMI

industria facile supplebit, quæ eodem pertinere videbuntur. Quod si autem tabula diligenter singula exprimeret, liceret fortassis aliqua etiam ex veterum Autorum lectione verisimilibus conjecturis consequi. Mirabere fortassis, quod tibi in Republicâ occupato, ejusmodi imponere provinciam audeam, sed huc me *Appiani* amicitia & Patriæ amor compellit. Qui cum mecum tibi sit communis, ac non modò ipse pro summâ tuâ doctrinâ atque peritiâ, plurimum adjumenti ad hanc rem afferre queas, verum etiam autoritate tuâ alios impellere possis, non modò ignoscere te huic meæ non satis invecundæ epistolæ, verum etiam precibus annuere debes. Quod ut lubenti animo facias, & quid spei *Appiano* facere debeam, per occasionem rescribas, etiam atque etiam te rogo. Bene vale, vir Clarissime. Rainæ 12. Februarii 1540.

Ex To-
mo V.
fol. 108.
vfo.

EPISTOLA CXIV. HECTORI HOXVIRIO.

1540. *De Frisorum origine & regionis topographia varie differit.*

Commune id quidem est Frisæ nostræ, *Hector* Clarissime, cum aliis plerisque non infimi nominis nationibus, fatum, magis ut hætenus illic defuerint, qui res præclare gestas litteras commendarent, quàm qui eas facerent. Sed tamen ne sic quidem majorum nostrorum virtus latere omnino potuit, quæ exterorum videlicet historiis sese insinuans, antiquissimum honestissimumque inter cæteros Germanos nomen retinuit. Cujus (ut *Hunibaldi*, *Tritheimique* fabulosas origines, qui nescio quem *Grunum*, *Frisumque*, & alios nobis confinxere conditores, omittam) Romanæ ipsius historiæ restatio, omni exceptione major, plenum nobis præbet suffragium. Ubi verò deinde ad *Aldgili*, *Radbodique* tempora venit, multa passim nostræ nationis commemoratio se offert, non tantum in rerum eo tempore gestarum annalibus, verum & Sanctorum vitis. Et quanquam deinde Danorum incur-

incurſionibus, graviter patria noſtra, finitimique populi vexati fuerunt, vix ulli tamen citius jugum excuſſere, aut priſtinam libertatem ſive defendere fortius, ſive retinere longius. Nec tantum adverſus vicinos, dominandi ambitione, eorum quietem libertatemque turbantes, plurimis ſæpe præliis ſuperiores extiterunt, verum etiam exterorum Principum, in aſſerendo ſibi Patriæ noſtræ dominatu, conatus, clariffimis victoriis irritos fecerunt. Unde ipſo gentium jure fundata eorum libertas, temporumque longævo uſu communita, alio non videtur indigniſſe privilegio, niſi tandem, internis deſatigatos diſcordiis, ipſa rerum temporumque viciffitudo ſub æquum cæſaris imperium eos reduxiſſet. Si quis autem exiſteret, qui hæc ab aliis autoribus partim delibata, partim privatis Patriæ noſtræ monumentis, quæ & Monafteria, & Nobilium antiquæ domus, & ſi quæ uſque ſunt publica archiva, exhibere poſſent, comprehenſa atque conſervata, certo ordine in unum corpus concinnaret, ſpeciem ſaltem aliquam Patriæ hiſtoriæ non ingratham nobis exhiberet. Scripſit aliquando ad me tale aliquid ſe moliri *Gerardus Noviomas*, ſed nescio quid ab homine extero, & eo expectare debeamus. Porro ſæpius optavi mecum, quò tibi ejus rei ſtudium adlubefceret, a qua ſpe cum pene exciderim poſtquam ad Rempub. es reverſus, fratrem tamen tuum *Auſonium* rogavi, ut ſi quæ apud noſtrates ejus generis extarent, ea conquirere, ac mihi impartire non gravaretur. Quo hac videlicet occaſione, vel ipſius ſtudium in eam rem incitarem, vel certè materiam, qua me ipſe ſubinde oblectarem, vel unde aliis res noſtras meliore ſtylo memoriæ tradendas ſuggerere poſſem, acciperem. De locis antiquis, quæ abſte notata ſunt, ſumma cum voluptate legi, cognovique quibus non modo *Appiani* conatum adjuviſti, ſed mihi etiam in rerum patriarum deſiderio ſatiſfecisti. De Friſiæ tamen finibus dubito adhuc, an *Ptolomæi* ſententiæ, qui ab Rheno uſque ad Amasum habitare eos tradidit, ſubſcribere debeamus. Nam *Cornelius Tacitus* duplicem nationem, minorum, majorumque recensuit, & *Saxo Grammaticus* minorem Freſiam (ſic enim & ipſe & Beda, juxta noſtram pronuntiacionem Patriam noſtram vocant) ad Eydoram fluvium collocat,

inter

inter Jutiam & Thietmarsiam, quam adhuc eodem nomine Holfatiæ Ducibus parere sub arcis Gostorpæ Præfectura aliquando audiui. Unde videtur ab Rheno in ipsam usque Cymbricam Chersonesum (quæ hodie omnium consensu est Jutia Danici Regni prima pars) excurrere. Cumque immensos lacus habitare Frisios, *Tacitus* referat, de iis tantum, qui inter Amasum ac Isalæ ostium sunt, intelligere non possum. Eam vero Frisiam, quæ Bremensi Antistiti subijcitur, ad Jaderam, ni fallor, & Visurgum ipsius etiam *Caroli Magni* temporibus, id jam nomen obtinuisse compertum habeo, privilegiaque vetusta ostendunt, ut ei certè, quæ est inter Visurgum & Amasum, multo magis id nomen relinquere debeamus. Citerior autem Frisia, in qua Trajectum & aliqua Hollandiæ pars censetur, præter alios, *Bedam* ipsum habet autorem, quam & *Radbodo* per *Pipinum* ablatam refert. Itaque *Appiano* & mihi videtur novis tabulis ea omnia Frisio nomini tribuere, tametsi ea certe portio, in qua nos editi sumus, citra controversiam Frisium sibi nomen vendicat, quæ & præcipuæ semper dignitatis extitit, & libertatis gloriam quam diutissime tutata est. De *Manarmani* portu valde mihi tua placet sententia, & *Appianus* etiam autorem ostendit, qui & ipse idem innuit, veteris arcis nomen & ruinas extare referens. Flevum tamen, an Phileum *Prolo-* mæo sit, *Appianus* dubitat, quod quidam Groningam interpretantur. Sed de Flevo, tuæ sententiæ *Mela* etiam astipulatur, qui & ipse videtur insulam Fleulandiam agnovisse. Ad sinistram, inquit, amnis etiam tum, & donec effluat Rhenuus, ad dextram primò angustus & sui similis, post ripis longè ac latè recedentibus, jam non amnis, sed ingens lacus, ut campus implevit. Flevo dicitur, ejusdemque nominis insulam complexus, sit iterum arctior, iterumque fluvius emittitur. Quanquam sunt, qui hodie dicant, Isalæ veteribus incognitum fuisse ostium, & *Drusi* adversus Germanos bellantis jussu, fossâ in mare deductâ factum, scilicet, ut illud *Virgilii* constat, de Rheno bicorni. Porro Isala fluvius antiquus est, in eo tractu ad quem oppidulum Weerda, qui deinde ad Castellum Iselborch amnes ab Borlea & Bucholdia, *Monasteriensis* ditionis oppidis profluente recipiens,

cipiens, Anholtum oppidum alluit, & apud Doesbergam
 Rheno sive Drusianæ fossæ commixtus, si recte observa-
 vi, retento nōmine, Zurphaniā decurrit, atque ibi recepto
 Berkela, non ignobili quoque amne, & rursus apud Da-
 ventriam navigabili quoque rivo auctus, in sinum, quem
 nos Meridionalem vocamus, provolvitur. In quem haud
 longè quoque Vechta fluviū, quem Aquam ibi nigram
 vocant, influit. Is autem tribus infra Monasterium miliari-
 bus uti aliquando observavi, apud Schoppingen oritur, ac
 per Comitatum Bentheimensem labens, Dinckulam (quem
Hegius olim celebravit ut patrium sibi amnem) recipit.
 Hunc Vidrum esse Vestphali etiam tecum volunt. Inter
 Isalam autem sive Rhenum, Amasumque, nullus fluviū
 Oceanum influit, præter Lauritiam rivulum qui Groningen-
 sem agrum ab nostro determinat. Verum hæc, mi *Hector*,
 tabula ipsa melius repræsentabit. In qua ut *Appiani* institu-
 tum, quantum ad Frisiam pertinet, adjuves, iterum atque
 iterum te rogo. Non dubito autem, quin is, de quo
 scripsisti, aliquid ei collaturus sit. Tu modo fac ut nobis
 charta aliqua communicetur. Fortè verò aliquem etiam ibi
 invenire tibi licebit, qui de cæteris Frisiis, qui in Orientem
 procurrant, aliquid tibi suggerere possit, quo in unum ali-
 quando tabulæ corpus omnes complexæ, augustiorem spe-
 ciem exhibeant. *Appianus* opus insigne sub prelo habet,
 quod *Cæsareum* inscripsit *Astronomicum*, id si aliquando vi-
 deris, dignum eum judicabis, cujus conatum quoque in no-
 vis ad *Ptolomæum* tabulis adjuves. Apud nos hætenus omnia
 tranquilla sunt. Haganoæ Rex *Ferdinandus*, evocatis non-
 nullis Germaniæ proceribus, de componendo Religionis
 dissidio comitia instituit. De Gelrico negotio confecto læ-
 tum nuper nuntium accepimus, utinam & verum. Sed id
 tuæ forte litteræ brevi nobis certius exponent. Bene vale,
Hector Clarissime. Ex Raina ultimo Maii 1540.

Ex To-
mo VI.
fol. 307.

EPISTOLA CXV.

JOANNES IN GARTEN BEDELLUS
INGOLSTADIENSIS, DOMINO
BERNARDO LACHAMER
PASTORI &c.

2540.

Discooperto vertice S. D. Cùm his dierum interluniis, Plebane novelle, Domine & fautor non postponende, viri omnigena litteratura strophati, ac immensa sagacitate paradoxotati, inprimis verò sacræ Deiloquæ Facultatis Magistri nostri sublimissimi, nec non togatissimi Juris Mastrices, unà cum *Galen* & *Avicennæ* pronepotibus, ac Aristotelistis, in septifariarum artium Encyclopædia exagitatissimis, longo licet locorum intervallo sequestrati, de novo Angelopolitani lycæi Induperatore, suis calculis perpendiculando atque exhibulando in *Collimitium* Rainanum convenissent, ibidem æthereus alitronans non hirsuta pupilla Phœbei gregis bipedantis collimans super eximium, nec non in Heptatechnica sophia resolutissimum, & insuper in Periclea arte spectatissimum *M. Sebastianum Linck*, in præstantificum ejusdem lycæi Rectorem inoculavit, concordantibusque omnium scrupis gloriose sublimavit. Posteaquam verò ego *Joannes in hortis*, Almæ Universitatis Caduceator, Protosceptriger, & Archigrammateus, licet indignus, (quia uti scitis ex vestris Proverbiis: quandoque etiam est olitor verba oportuna locutus. Et hoc per parenthesis) in imis præcordiis insinuavi, quàm benè & domesticè vos semper cum præmentionato Magnifico stetistis: ideo idcirco tanta bona nova vobis intimare cordi habui. Verùmenimvero ne vestram religiosam devotionem, quam effluxis interluniis in novello sacrificatu inpectoravistis, scribiline meâ exhibilem: eapropter Laconica periodo præsens scriptum terminare, & calamum a charta averruncare non omitto. Attamen ut id non stiriatâ nare, sed obviis (ut trita fertur cicuta) brachiis, suscipere dignemini

EPIST. SELECTÆ AD DIVERSOS. 283

mini quæsumus, per omnia sæcula sæculorum, amen. Si-
tis bonarum rerum & valete secundum agnomentum vestrum
tamquam ursus robustus ex Polonia. Datum Collimirii Lec-
danubiani ex Lycofomaris ruinis, Rainæ, secundum novam
Etymologiam vocati. In die Gloriosæ Ascensionis Domini.
anno 1540.

EPISTOLA CXVI. GEORGIO HERMANNO.

Ex To-
mo VII.
fol. 161.

De Erasmo ac Sadoletto, uter alteri præferendus sit. 1540.

SCribis, mi *Hermanne*, incidisse isthic Vobis contentio-
nem, *Erasmusne*, an *Sadoletus* (1) styli elegantia poli-
cieque præcelluerit, eamque litem mea sententia definiri cu-
pis. Atqui cum rectè dictum sit, earum rerum unumquem-
que judicem esse idoneum quarum sit eruditus, nec *Apelles*
futoris censuram ultra crepidam sustinuerit, de tantis viris
Legulejum pronunciare, nefas existimo. Proinde & mihi
tutissimum videtur, ea uti cautione, qua veteres in dubiis
causis solebant, videlicet, ut mihi non liquere jurem. Si
tamen citra ullum præjudicium, quid ego de utroque sen-
tiam, requiras: id tibi exponere non gravabor. Quam-
cumque autem in partem idipsum tibi inclinare videbitur:
nec meo tamen calculo tuam idcirco damnatam causam, nec
rursus eam probatam, existimare debebis: cum quicquid
id sit, de tantis viris nullam rei judicatæ autoritatem ob-
tinere

(1) *Sadoletus*] *Jacobus*, *Mutinenfis*, fuit *Leoni X*, accerrimo
ingenio & gravissimo judicio Pontifici, ab epistolis, quod mu-
nus apud Romanos Pontifices longè honestissimum est. Tum
Episcopus *Carpentoractensis* in Gallia; *Clementi VII.* ab inti-
mis consiliis fuit per triennium. A *Paulo III.* Romam evoca-
tus, S. R. E. presbyter Cardinalis creatur 20. Decemb. 1536.
Obiit 18. Octob. 1547: Vide *Ciacon.* tom. 3. a col. 610. Et præ-
clarum, quamvis breve, elogium lege apud *Spondan.* ad an.
1547. N. XXVII.

tinere velim. *Erasmi* me non ignoras studiosum semper fuisse. *Sadoleti* verò ante annos decem, legi quædam in Psalmos elucubrata, quæ ita tum mihi placuerunt, ut & in Epistolam Divi *Pauli* ad Romanos, scriptos deinde ab eo Commentarios degustarem, posteaquam etià de Laudibus Philosophiæ editos libros avidissime legerem. Quamquam autem ego ipso statim dicendi genere sententiarumque gravitate, ac rerum pondere, plurimum afficerer, *Erasmi* tamen ipsius de illo multo plus tribuebam judicio, quàm meo, cum scilicet ipsum, *Sadoleti* ingenium, sapientiam, facundiamque cumulativè laudare animadverterem. Nec tamen idcirco *Sadoletus* unquam mihi visus est huic velle palmam præripere: sed ipse *Erasmo* semper plurimum detulit. Ea porro cum fuerit alterius de altero sententia: quid est quod nos odiosam moveamus contentionem, quam ipsi modeste declinaverunt, & in qua invicem sibi non illubenter cesserunt? Nec ignoras, mi *Hermanne*, potissimam mortalium partem, affectione in hujusmodi controversiis magis seduci, quàm ex veritate rem perpendere. Germani *Erasmum* veneramus, quibus certè ille decus atque ornamentum in litteris maximum attulit. Ut verò Itali vicissim *Sadoletum* suum, aut quemlibet alium venerentur, ac Galli defunctum nuper *Budæum* piè deplorent, cur invidemus? Id tamen negari nequit, stilo expoliendo majorem curam *Sadoletum* tribuisse, quàm *Erasmum*. Et quod huic ingenii admirabilis vis & facultas suggessit, idem cur non & alterum, adjuvante ingenii dexteritate, studio assequi potuisse concedamus? Præsertim in operibus non ita multis aut magnis. At *Erasmo* quidlibet tractanti, citra ullam stili sollicitudinem aut imitationis anxiam affectationem, sua sponte cuncta profluxere, plane ut divina & inexhausta in ipso ingenii vis atque vena reluxerit, ipsaque ejus, sive suavitas, sive facultas orationis lectorem non minus quàm aliorum expolita atque accurate limata phrasis delectaverit, affeceritque. Ipsum id, ejus plurima, & insignia monumenta, quæ omnis admirabitur posteritas, perpetuò testabuntur. Qualia certe si ab *Sadoleta* aliisve expectare liceret, mundum quemdam, ut ita dicam, doctrinæ cerneremus. Porro, si quid ego judico, ab nullo hujus ætatis quicquam in litteris est editum, quod cum unico

Ada-

EPIST. SELECTÆ AD DIVERSOS 285

Adagiorum opere conferri queat, est enim quasi quædam eruditionis opulentissima penus. Ut cætera verò taceam, an quid in Theologia scripserit *Sadoletus*, quod parem Ecclesiæ utilitatem attulerit, ac Novi Testamenti translatio, alii censeant. In Psalmos uterque quædam scripsit, sed *Erasmus*, animi ab gravioribus operibus redintegrandi (ut ipsemet dicere solebat) gratia, alter verò justo studio ac negotio: ut quod ille aliquot diebus effunderit, hic annum forte totum cuderit. Et tamen, si seriò idem *Erasmus* voluisset, paria meliorane an facere ne potuisset, divinare facile licet. Quanquam uterque modestè sua ferrea, alterius aurea esse, dictitabat. Verùmtamen, jam non de eruditionis excellentia, aut quis meliora, sed quis elegantius scripserit, quære-
re te dices. Atqui si mea hæc lis esset, malim ego opera mea ab utilitate, quàm ab elegantia laudari. Et si elegantiæ est, verbis numerisque *Ciceronianis* astringere orationem, hoc fecit quidem accuratius *Sadoletus*, nec minus tamen puto potuisse *Erasmum*, nisi eam curam sollicitudinemque aliis majore cum fructu impendere maluisset. In summa, uti *Homerusne*, an *Virgilius* magis excellat judicare difficile est, & tamen Latinorum est nemo quin *Virgilium* se esse malit: ita & ego, quantumvis *Sadoleto* elegantiae prærogativam concesserimus, meliorum Germanorum partem, *Erasmi* tamen nomen longè augustius magisque venerandum habere existimo. Bene vale, *Hermanne* Charissime. Ex Ingolstadio. 5. Decembris 1540.

EPISTOLA CXVII.

HENRICO FALCOMONTANO (1).

Ex Tomo III.
fol. 283.
vfo.

Henricum ad scribendum provocat. Refert gravem Ferdinandi Regis orationem ad fratrem Cæsarem Carolum V. 1541.

FRustra ut credo, *Falcomontane* charissime, Doctor *Nicolaus* * meo nomine tuum accusat silentium, quamobrem

*Cognomen
Everhardus.

(1) *Henrico Falcomontano*] qui fuit assessor Camerae Spirensis, ad

visum est mihi pristinam rursus tentare viam, num videlicet meis litteris tuas tandem aliquando queam extorquere. Haud enim mihi persuadere possum, vel omnino te oblitum mei, vel iratum mihi, cum nullius mihi sim culpæ conscius, & summum ipse amoris erga te constantiam in hunc usque diem præ me tulerim, & præstiterim. Quid igitur est causæ quod *Falcomontanus* tam arctæ fraternæque amicitiae jus silentio relaxat? An isthic tibi tanta negotia, tot acta incumbunt? At hoc certè tempore feriæ aguntur. Si rerum publicarum, temporumque nostrorum misratio te excruciat, jam ejusmodi curas non alio remedio facilius, quam amicorum mutuis litteris leniri, non ignoras. Nec arbitror hæreseos alicujus nomen meum delatum apud te esse, ideoque religionis gratiâ vitare te mei commercium, & pristinam scribendi consuetudinem remittere, cum Ingolstadii habitem. Quamobrem cum ego nullam taciturnitatis tuæ causam conjectare queam, dic aliquem sodes, dic *Falcomontane*, colorum, aut ne te excusandi difficultate onerem, tantum litteras fac abs te ut videam, & rursus mutuae amicitiae nostrae sua redierit serenitas. Ego, mi *Henrice*, recte valeo, studiisque ac Musis meis ivaco, securus quid Ratisponæ (2) statuatur. Quanquam tamen subinde non potest meum quoque animum non subire indignatio, quam improborum hominum conatus, ac nimium secundi successus excitant. Cæsar jam parat discessum & militem conscribit, sive quia Italiam non satis confidit, sive quia ex Galliâ forte aliquid olfacit. Interea Rex queribundus frustra implorat auxilia. Fertur etiam nuper in publico conventu nominatim fratri Cæsari supplicasse, ut misereatur fortunæ germani fratris, & communis

ad quam anno 1548. per pragmaticam sanctionem instauratam, ab Imp. *Corolo V.* suggerente & diligente *Viglio*, iterum assumptus fuit. *Tom. 4. pag. 498.*

(2) *Securus quid Ratisponæ statuatur*] Nimirum initio Januarii hujus anni Cæsar e conventu Wormatiano revocato *Granvellano* (disputari enim ibi cœptum erat de Religione inter *Joannem Eckium* ac *Philippum Melancthonem*) e Belgio Metas, Spiram indeque Ratisbonam, ubi Comitia Imperii indixerat, profectus est, eodemque mense Martio Principum Civitatumque legati convenire cœpere. *Pont. Heut. Rer. Austr. lib. II. cap. 15.*

EPIST. SELECTÆ AD DIVERSOS. 287

munis patriæ: & qui Regem Paganum (3) nullo sanguinis aut fœderis nexu devinctum, cum summo discrimine, in propria persona in ipsa Aphrica suis pridem sedibus reposituerit, idem fratrem Principem Christianum, consortem imperii, pro communibus aris & focis periclitantem adjuvet. Sed Deo aliquo opus est, qui corda dura contundat, & surdas aures aperiatur. Vale *Falcomontane* amantissime, ac *D. Huberto*, cæterisque Clarissimis Collegis multam a me salutem dicito. Ex Ingolstadio 16. Julii anno 1541.

EPISTOLA CXVIII.

PHILIPPO MELANCHTONI (1).

Ex Tomo III.
fol. 291.
vfo.

Humanissime rescribit ad Philippi literas quibus quemdam commendarat. Votum pro pace religionis. 1541:

Q Uem ego absentem semper colui ac suspexi, & cujus eruditionem in admiratione habui, mi *Philippe*, præsentem quomodo abhorruisse queam? Et si quid forte fuit, quod in illo tempore culpandum ducam, id exitit inprimis, quod te totum sibi vendicans, tantisque te occupationibus obruens, & sæpius adeundi & plura tecum colloquendi copiam mihi denegaverit. Ego verò ea, quæ ab adolescentiâ ingressus sum studia adhuc persequens, etsi de iis controversiis quæ hodie in religione agitantur judicare nequeam: eam tamen mihi libertatem nullo loco auferri sustinui, ut erga bonos doctosque viros venerationem profiteri non auderem. Me verò

(3) *Regem paganum*] Mulcassem nempe Tuneti Regem. *V. Pont. Heut. Rer. Austr. lib. 10. cap. 1.*

(1) Hæc est unica *Viglii* epistola ad *Melanchtonem*, de quo aliquid adferre superracaneum sit. Consulendi auctores Catholicæ & Lutherani. Auctor cum sit Confessionis Augustanæ V. notas ad Epist. LV. ad *Hopperum*, ubi quid de autographo factum sit, reperies, ignoratum hactenus. Unus omnium instar esse potest *Baylius* in *dict. bist. crit.*

288 VIGLII AB AYTTA ZUICHEMI

verò ea etiam spes alit, fore aliquando, ut plis consiliis in unum consensum de religione ad cæteras disciplinas excolendas promovendasque doctorum sententiæ concurrant, iidemque deinde studia sua conferant. Cujus cùm te animi semper esse ostenderis, tum ut porro esse pergas, etiam atque etiam oro, atque hortor: ne videlicet tantùm de religione bene merearis, verùm etiam cæteræ honestæ disciplinæ in tuo ære constituentur. Quarum quidem cùm ad Rempubli- cam gubernandam ac hominum formandam vitam Juris prudentia maximum adferat momentum, speciali illa favore digna videtur: quo videlicet plures in ejus studium incumbant, & ipsi magistri in eam recte tradendam alacrius annuntantur. *Martino* tuis mihi litteris commendato, cùm sua virtute omnem benevolentiam promerenti, tum propter te maxime, quicquid in me est officii cupidè præstabo: quando tibi in multo etiam majoribus gratum exhibere obsequium inprimis mihi jucundum fuerit. Vale. Ingolstadii. Calendis Augusti. anno 1541.

Ex To-
mo III.
fol. 310.
vfo.

EPISTOLA CXIX. JOANNI JACOBO FUGGERO.

1541. *Mittis commendatque Joannis Secundi basiorum libellum.*

QUærenti mihi aliquam ad te scribendi occasionem, haud ullum magis gratum argumentum, quo meo erga te officio satisfacere possem, jamdiu occurrit, quàm ut *Joannis Secundi* (1). veteris solalis, quocum mihi ab tenero quod dicitur ungue: sub iisdem magistris iisdemque in ædibus permultos annos jucundissima consuetudo, studiorumque fida com-

(1) *Joannis Secundi... monumenta*] sive basiorum libellus, de quo breviter aliquid notavi ad epist. e Spira datam 12. Martii 1536. ad Hadrianum Marium. *V. Bibl. Belg. nova edit. & Sweertium in sel. orb. delict. p. 215.*

EPIST. SELECTÆ AD DIVERSOS. 289

communicatio, & ad extremum vitæ spiritum perducta amicitia intercessit, monumenta tibi legenda offerrem in quibus cum plane divina quædam ingenii vis appareat, tum nihil nostro sæculo eo in genere suavius editum legi. Quod etsi proprium sit basiorum epitheton (unde & ipsa videlicet suaviola, suavitationesque dixisse veteres videntur) hujus tamen mihi melliflua carmina quædam dulcedinis gratia ipsa cum re certare videntur, dubium uti existat, verbane rei an res verbis suavitatem addant? Quid dicam de aliis quæ parem felicitatem præ se ferunt? siquidem amores, dolores, joci pariter ac seria, omnia denique summam indolem ac admirabilem ingenii venam præ se ferunt. Eum verò cum tibi quoque Biturigibus innotuisse arbitror, vel mea, vel illius, vel tua ipsius causa, isthunc quæso libellum perlegere non graveris. Ad cujus ubi perveneris calcem, non modò tantulæ operæ oleique minime te pœnitebit, sed fati etiam iniquitatem mecum accusabis, quod tantum ingenium adeo præmature e vivis nobis sustulerit. Vale. Ex Ingolstadio 14. Octobris 1541.

EPISTOLA CXX.

ANTONIO PERRENOTO EPISCOPO ATREBATENSI

Ex Tomo III.
fol. 316.

*Granvellano civili ac urbano sermone commendat
se admotum jam Reip. Belgica.* 1541.

Quum te, Reverendissime Antistes, eas artes per quas parens tuus ad tam illustrem honorum gradum evectus est, non solum tamquam hæreditarias summo studio amplecti atque excolere, verum etiam earundem studiosos singulari benevolentia favoreque dignari, laudatissimorum hominum prædicatione, testatum, atque etiam ipsemet compertum habeam: merito & eo, & Boissoti (1) veteris amici commendatione

(1) Boissoti] Caroli. De quo ad Vitam N. XLI.
Tom. II. O o

tione indignus videar, si talem patronum nullo ipse officio vicissim observem. Præsertim cum jam illustris parentis tui beneficio, serenissimæ Reginæ, proceribusque inferioris Germaniæ, patriæ meæ, insinuat, quam multis studiorum laboribus peregre fortunam quærebam, in patria tandem obtinere (2) licuerit. Quamobrem cum tu in eadem natione primariam dignitatem sustineas, ac ejusdem Reipublicæ columen aliquando futurus sis, eam, quam coram Ratisponæ mihi benignitatem exhibuisti, litteris conservandam duxi. Non alio nunc usus argumento, quàm ut meum tibi studium obsequiumque offerrem, viamque ad pleniorē hujus operæ exercitationem præstruerem, cum videlicet in Inferiorem me Germaniam contulero, ac quædam Reipublicæ societas crebriorem scribendi materiam suggesserit. Quando autem ego scholis magis quàm foro ac Reipublicæ hæcenus assuefactus, ipsa principia novæ conditionis nonnihil exhorrescam, non alia me adversus ea ratione confirmo, communioque, quàm ipsorum patronorum, qui auctores adiutoresque ad ea mihi extitere, benevolentia. Quam ut & tu continues, ac cum opus fuerit, in eandem parentem incites, teipsum Reverendissime Præsul, obnixissime oratum habeo. De rebus verò Germanicis nihil habeo dignum quod ad T. D. scribam. Turcarum metus, qui hyeme nonnihil conquievit, cum vere renascitur. Auxilia verò contra tantum hostem in hac Principum ac populi dissensione, non modò serò, sed difficulter etiam coeunt. Utinam vero Deus propitius Cæsarem felici celerique expeditione ab Aphricâ in Europam, ad Patriam ab teterrimo hoste vindicandam, nobis remittat. Sub ejus enim solius auspiciis melioris successus spem concipere audemus. Vale. Ingolstadii 10. Novembris anno 1541.

(2) *In patria tandem obtinere &c.*] Non Frisiam dumtaxat suam, sed totam inferiorem Germaniam, patriam suam nominare consuevit. Obtinuit hoc anno locum in Secreto Consilio Bruxellis. V. Vitam N. XL.

EPIST. SELECTÆ AD DIVERSOS. 291

EPISTOLA CXXI

NICOLAO PERRENOTO
GRANDVELLANO.

Ex To-
mo IV.
fol. 421.

*Nicolaum multa urbanitate demulcet, suumque
scriptum in negotio Juliacensi ei mittit.* 1543

Illustris Domine, quum superiore anno commendatione quorundam, præcipuè tamen D. Tuæ, ad Cæsareæ M. servitium ab serenissima Regina Maria (1) accitus fuerim, sæpè aliquam mihi dari occasionem optavi, qua meum erga te obsequium vicissim aliquo officio declararem. Nec omisissim certè interea dum eam expecto, litteris saltem memorem ejus beneficii animum testificari, nisi te gravissimis occupatum negotiis interpellare erubuissim. Verum cum nunc collega datus essem *Baroni a Chrychingen* (2) ut nonnulla hisce commitiis imperii Statibus proponeremus, quæ & bella in inferiore Germania excitata, & alla quædam Cæsareæ M. negotia concernerent, ab *Navio* (3). Vicecancellario, perquam idonea scibendi materia monstrata fuit, videlicet ut de eo quod caput est nostræ legationis, ad illustrem D. T., quam non sine singulari læticia ab Cæsareæ M. in Germaniam missam intellexi, ut rebus turbatis consulat, aliquid scriberem.

Jussu

(1) *Regina Maria*] Ungariæ vidua, Belgii pro Cæsare Carolo V. gubernatrix. V. Notas ad vitam. N. XL.

(2) *Baroni a Chrychingen*] V. ibid ad N. XLVI.

(3) *Navio Vice-Cancellario.*] Joannes ei nomen, de quo apud *Buskens suppl. tom. 1. p. 108.* hæc habes: „*Jean Navius*, „de Luxembourg, Vice-Chancelier de l'Empire, envoyé „d'Ulm à Augsbourg par l'Empereur avec *Antoine Fugger*; „il fut attaqué de la fièvre en chemin, & revint le lendemain a Ulm. La maladie augmentant, malgré les soins des „Medecins, il mourut le 20. Février. * Il a rendu de grands „services a l'Empereur dans les affaires epineuses. & meri- „toit une plus longue vie.” # 1547.

292 VIGLII AB AYT TA ZUICHEMI

Iussi autem sumus causas belli Juliacensis (4). Statibus exponere, ejusque cum Rege Francorum conspirationem detegere, ideoque quæ ad eum finem spectant, in orationem Germanica lingua conceptam redegi. Sed quo eadem Illustris D. V. intelligeret, hisce diebus in Latinam ego linguam utcunque transtuli, eamque versionem nunc Illustri D. V. mitto, ut rem istam non parvi momenti plenius cognoscat, & si quid fortè eidem addendum detrahendumve videatur, nos admoneat. Latius autem quædam explicavi, quàm instructio ad eam rem data præmonstrat, cujus copiam unà mitto, quod & respondendum iis quæ Ducis legati proximis Comitibus in ejus excusationem attulerunt, & alia quædam ab ea re non aliena addenda censerem, prout Regina ut facerem injunxit. Quæ rogo ut Illustris D. V. a me, Cæsareæ M. devotissimo famulo, vestræquæ illustris D. observantissimo cliente, benignè suscipere, ac pro summa sua prudentia & studio, quores omnes Cæsareæ M. dirigit atque provehit, si quid mutandum videbitur admonere non gravetur. Nondum enim Regia M. (5) advenit, & fortè haud ita citò nobis audientia concedetur. Deus Opt. Max. Illustrem D. V. cui meum in omnibus obsequium offero, diu servet incolumem. Datum Nurembergæ 8. Januarii 1543.

(4) *Causas belli Juliacensis*] De hoc negotio Germanice scripsit & Latine. Germanica typis edita fuere mense Februario 1543. quando ejus exemplar in Hispaniam misit ad *Carolus Boisorum*, ut est in *tom. 4. p. 435*. Hoc scriptum vocat abortivum partum, quòd datum sit sibi, & relegendo adversariorum libello & huic concipiendæ confutationi, solam biduum. *Ibid. p. 445*. Scripsit quoque contra Regis Gallie *Francisci I.* apologeticum.

(5) *Regia M.*] nempe *Ferdinandus* Rom. Rex. *Caroli Cæsaris* frater.

EPISTOLA CXXII.

CAROLO BOISOTO.

Ex To-
mo IV.
fol. 423.
vfo.

*De libello suo contra Ducem Clivensem. Quis 1543
ejus successus. Quis solus Duci favet. Prote-
stantes quare a Comitibus Imperii recedere mi-
nentur. De rebus Hungariæ, & Juliacensis.
Ducatus. De Principum Imperii conventu apud
Aquisgranum.*

Quod tanto tempore nihil ad te scripserim, his rerum per-
turbationibus continuisque meis Legationibus, quæ oportu-
nitatem ad te scribendi fustulerunt, imputare necesse ha-
beo. At ubi ex *D. Grandvelli* ac ornatissimi Præfulis Atre-
batenſis præſentia, facultas ad te ſcribendi reddita fuit, non
modo mea ſponte, ſed tuis etiam jucundiſſimis litteris im-
pulfus, officium hoc longius differre nolui. Quæ hîc agan-
tur ex aliorum litteris plenius cognofces. Nos contra Du-
cem Clivensem ex mandato Reginae, ejus diſſimulationem
conſpirationemque cum Rege Francorum, & neceſſariæ defen-
ſionis recuperationiſque acceptorum damnorum cauſas, Im-
perii Ordinibus diligenter expoſuimus, ac in libellum redacta
prælo commiſimus lingua Germanica, uti propoſita ſunt,
deinde in Latinum a me converſa forte ſimiliter excudi cu-
rabimus. Res longa eſt, nec potui hoc tempore ſcriptum
ad te mittere exemplar, ſed brevi impreſſum accipies. Mul-
torum certe animos hac noſtra oratione ab Duce Clivæ aver-
tiſſe videmus. Solus Dux Saxoniae Elector palam illius
partes tuetur, & ſuppeditas ei miſit. Ab Clivenſi Doctore
tantum unus adest, pro cæteris Legatis Dux ab Rege ſal-
vum conductum antea petiit, itaque illi expectantur, ut re-
ſpondeant a nobis objectis. Jaſtant grandia, ſed ſpero no-
ſtram ita fundatam cauſam ut haud facile eam ſubverſuri ſint.
Status Imperii valde perplexi ſunt. Proteſtantes abſitum mi-
nantur, niſi impetrent quæ petunt de judiciî Cam. Imp. re-
formatione, & alia quædam. Bavari cum Catholicis illorum

postulatis repugnant. Angit autem Protestantes processus qui super ejectione Brunsvicensis in judicio Cameræ agitur. Citati autem recusatorium obtulere libellum, sed eo rejecto, in contumaciam proceditur. Rex de continuandis contra Turcas suppitiis sollicitè agit, sed tot quærentur impedimenta, totque undique nectuntur causæ, ut verear ne facile compos fiat. Interea in Ungaria dubius rerum status est. *Alemius Thurso* ac *Agriensis Episcopus de Frangepanibus*, quem *Ratisponæ* cognovisti, vita functi sunt. *Permius Petrus* in nova civitate Austriæ in custodia tenetur, de quo Ungaris Rex judicium permissurus est. Res nostræ in inferiore Germania omnino Cæsareæ M. præsentiam desiderant. *Juliacensem* Ducatum penè totum nostri uno mense subegerant, sed *Dura*, *Juliacum*, ac alia multa in Ducis rediere potestatem. Nostri tamen munitissimum oppidum *Heinsbergam* adhuc tenent, cum alio oppidulo quod sorores sive *Sulsteren* vocant. *Heinsberga* duobus miliaribus ab *Ruremunda* abest, ac ex arce in eam urbem prospectus est, magnaue inde oportunitas *Geldriam* ac *Cliviam* invadendi. *Arenberga* arx munitissima *Eyßliæ* in hostium potestatem venit. Apud *Aquisgranum* Electorum Principum & *Lantgravii* Legati agunt de componendo eo bello; si pacis nequeant invenire rationes, inducias sperant se impetraturos. Quas Dux maximè exoptat, quod pecuniæ inopia prematur, nec vires ad bellum continuandum sufficiant. Si Cæsar cum exercitu tempestivè adesset, facile liceret illum ad æquitatem cogere. Quanquam interea Regina militem colligit, omniaque ad bellum reparandum instaurat, ut non putem eam temere in inducias consensuram. *Roffemius* cum milite ex *Francia* rediit, vicos aliquot in *Luxemburgensi* agro incendit, sed milite stipendia postulante vix illorum manus effugit. Itaque illius quoque copiarum solutæ feruntur. Plurimum accepi voluptatis, quod in aliquam Cæsareæ Majestatis notitiam vestra commendatione venerim. Ego omni fide ac obsequio illam implere conabor. Dominus *Grandvellanus* amanter me quoque hic amplectitur, ac quæ hîc egi probavit. Talis autem patroni benevolentia suffultus æquiore animo hanc inquietudinem, a qua me scis semper abhorruisse, aliquamdiu sustinebo. Hæc ad te hoc tempore habui, scripturus ad te posthac crebrius,

EPIST. SELECTÆ AD DIVERSOS. 295

brins , quo præteriti temporis negligentiam aliquo sanore
compensem. Vale. Nurembergæ 9. Februarii anno 1543.

EPISTOLA CXXIII.

NICOLAO EVERARDO.

Ex To-
mo IV.
fol. 489.

*Jocatur cum amico super deserto ab hoc Assessorio mu-
nere. De indicto Concilio Tridentino, & Episco-
pis Germania. De bello cum Duce Clivenfi.* 1543.

NÆ tu bellus Doctor es, qui pro strenua, quam pro hu-
jus novi auspicio abs te expectabam, nescio quas mihi
tricas moves. Non est autem mihi impræsentiarum otium,
ut iis respondeam. Et ut tibi de eadem moneta satisfaciam,
en tibi libellum mitto, quo te oblectes sed tamen ne nimium
gaudeas, ab illis te tutum ac exemptum conviciis; hæc falso
nomine de te fabula narratur. Ii enim qui Spiræ adhuc sunt,
veri sunt Assessores: hic libellus contra te tuique similes
scriptus est, qui non expectata Ordinum visitatione, indè
vos subduxistis, *das seind die gewesen beitzter*. Nec te sanè
illa quæ nuper prætexuisti negotia excusabunt, quo minus
his comitiis huc venias. Vos enim qui Assessores proximo
quadriennio fuistis, qui novas excogitastis contra novos As-
sessores jurisjurandi formulas, multaque alia novastis, ad
causam dicendam vocabimini: ibi vide ut rectè Calendarium
inspicias, ne de te vicissim triumphem. *D. Franciscus* non-
dum huc rediit, per quem tibi *Henricum a Tuys* commen-
davi: rogo ut juxta meam petitionem juvenem eum ad stu-
dia persequenda, virtutemque ac modestiam colendam su-
binde exhorteris. Quæ Cæsaris sit sententia de indicto Con-
cilio, ex ipsius ad Pontificem responsione puto te jam antea
cognovisse, quam ad te unà mitto. Inde verò tibi conjectu-
ram sumere licet, quid ad Concilii celebrationem Domini
Grandvelli adventus allaturus sit. At verò quid isti Cardi-
nales, Germaniæ Episcopos expectant? An tu ullos nosti
in Germania? Quis enim vel sic se amplius sustinet appel-
lari?

296 VIGLII AB AYT TA ZUICHEMI

lari? Principes sunt, ad suffraganeos ista pertinet nomenclatura: qui nec ipsi videntur venturi, cum ad iter sumptus deficiant. Ex inferiore Germania nihil scriptu dignum habemus, ac hyems, ne quid geri possit, prohibet. Interea & equitum acres delectus Regina habet, & pecunias colligit. Dux Clivensis satis numerosum habet exercitum, sed qui cum hyberno (ut speramus) tempore, atteret, quo futura æstate, ac tum cum opus maximè erit, pecunia ad belli impendia eo citius deficiat: quanquam Gallum ajunt auxilia polliceri. Vale, Domine & Amice amantissime unà cum conjuge suavissimisque liberis. Datum Nurembergæ 9. Januarii 1543.

Ex Tomo IV.
fol. 430.
vfo.

EPISTOLA CXXIV. SEBASTIANO TRUCHSES

1543. *Academias Italiæ Gallicis ac Burgundicis, Germano Juris studio incumbenti, præferendas.*

BInæ iterum mihi abs te, ornatissime *Sebastiane*, litteræ sunt redditæ, eamque tuam diligentiam & probo & amo. De deligendo alio studiorum loco, vix habeo quod tibi consulam. Ego aliquot annis non sine fructu Dolæ egi. Sed tunc & professores illic erant neutiquam contemnendi, & commilitones ejusmodi, ex quorum consuetudine quotidianaque collatione, non minus quàm ex publicis Lectionibus, proficere licebat. At postea omnia ibi refrixerunt. Quanquam nuper novus illuc ex Italia advenisse fertur Professor haud incelebris, sed una, quod dicitur, hirundo ver non facit, & ejus nationis Doctores quo sunt excellentiores, eo subtiliora sectantes, tyronum studiis non satis consulunt. Quamobrem, nisi linguæ discendæ magis quàm Juris percipiendi ratio, parentem ac te moverit, non habeo quod eam Academiam valde vobis commendem. Et quanquam etiam ibi non levis est praxis cognoscendæ facultas, ob judicium ac tribunal cum primis clarum: attamen ea ad Gallicum
ferè

EPIST. SELECTÆ AD DIVERSOS. 297

ferè formata stilum, in Germanica postea versari volenti haud magno usui erit. Adhæc vobis perpendenda est præfens belli tempestas, & quâ illa quoque regio non omnino immunis esse videtur. Quum nulla igitur in Germania sit Academia, quam Ingolstadio facile præferas, & Burgundia, Galliaque bellis implicentur, haud possum suadere ut eo appropere, sed potius ut, quonam hi tumultus evasuri sint, spectes. Ut si vel in Galliam, vel in Burgundiam proficiscendi oportunitas denegabitur: usque ad proximum Autumnum in cæpto Juris studio sedulò isthic incumbere pergas: ut deindè plenius instructus, & tuæ vitæ modum ipse tenere sciens, in Italiam ad Patavinam, Bononiensemque Academiam proficiscare. Ubi & loco celebriore, & ad persequenda studia multò commodiore, cum lingua Italica jus plenius exactiusque discas, tibi (ut mihi quidem videtur) majorem aliquam existimationem compares. Bene vale, juvenis ornatissime, & parenti præceptorique plurimam a me salutem renuncia. Nurembergæ 9. Januarii anno 1543.

EPISTOLA CXXV.

PHILIPPO NIGRI (1).

Ex Tomo IV.
fol. 434.

De Conventu Ordinum Imperii Nurembergæ habito in Causa Clivenfi. Joannis Eckii mors. Qui Cardinales Tridentum convenerint. De Episcopis Germaniæ ad Concilium vocatis. 1543.

Hic omnia lentissimè procedunt, ac adhuc in ipsis hæremus proœmiis, nam Protestantes privata quædam petentes, nisi ea antea impetrent, de publicis consulere cum aliis

(1) *Philippo Nigri*] de quo dixi ad N. LXXX. Vitæ. Labet addere ex *Tom. des bom. illustr. p. 25.* ubi inter Consiliarios Consilii Privati recensetur his verbis: „Messire Philippe Nigri, dit le Noir, natif de Bouloigne, Doyen de S. Gudule
Tom. II. P p

298 VIGLII AB AYTTA ZUICHEMI

aliis recusant. *D. Grandvellanus* publice auditus est. Interea tamen & odia quorundam mitigamus, & favorem quoad possumus nobis conciliamus, ac omni studio in hoc incumbimus, ut tempestatem eam, quam bellum Clivense excitasse videtur, apud quosdam Principes ac ordines Imperii consedemus, incitemusque eos, quò ad æquas condiciones Clivensem impellant. An quid impetraturi simus affirmare non possum. Hoc tamen lucri, uti spero, ex hac Legatione accipiemus, quod pauciores habituri simus hostes, & plures fautores. *Jo. Eckius* (2) Theologus 10. die hujus mensis mortuus est, celeberrimæ famæ futurus si professioni vita, ac dexteritati ingenii diligentia respondisset. Tridenti tres Cardinales tantum adsunt Concilii, unus Jureconsultus, qui Patavii ac Bononiæ diu professus est, ac ex Repetitionibus editis tibi non incognitus est, *Petrus Paulus Parisius* (3) isti certè provinciæ quantum ego hominem novi, parum

a Bruxelles, de S. Pharailde a Gand, & de S. Sauveur a „ Harlebeque, Chancelier de l'ordre du Toison d'or, & premier Evêque denommé d'Anvers par le Roy Philippe II. „ Il mourut en l'an 1562. au mois de Janvier, enterré en „ l'Eglise de S. Gudule, ou il a eu cy-devant son Epitaphe.

„ Candida de Nigris. Isaïæ. I.

„ *Extinctum lugeat tum plebs tum Curia NIGRUM,*
 „ *Consilium hæc ejus, altera sensit opem.*
 „ *Si quid erat Nigri, tamen amplius omne repositum est,*
 „ *Hoc isiboc tumulto, cætera Candor habet.*
 „ *Vive precor Summi Candore, PHILIPPE, beatus,*
 „ *Candida dum fians, quæ modo Nigra jacent.*

Obiit anno M. D. LXII. stylo Brabantiae IV. Januarii.

(2) *Joannes Eckius*] V. quæ dixi ad Vitam N. XXXVII, Quæ hic prodit *Viglius*, occulturn scriptores alii. *Spondanus* ad an. 1543. eum laudat ab ingenio & a victoriis contra *Lusibum* partis. *Miræus* ejus opera jejune recenset. Neuter de vita aut honestate morum loquitur.

(3) *Petrus Paulus Parisius*] De quo pauca dixi sup. ad Epist. e Patavio datam 8. Kal. Jan. 1532. De judicio *Viglii*, an rectum

EPIST. SELECTÆ AD DIVERSOS. 299

parum aptus. Deinde *Reginaldus Polus*, (4) Tertius Mutinensis (5) qui diu Nuntii apud Cæsarem officio functus est. Sed illic omnia frigent. Interea Episcopi Germaniæ Comitiorum istorum excusatione utuntur, ad quæ tamen præter unum *Hildesemensem* (6) civitate sua ejectum nemo hic adest, cui uti antea contra Ducem *Henricum* Brunsvicensem quæstio fuit, ita illo ejecto nunc idem contra civitatem, quæ ab veteri religione descivit, graves querimonias movet. Vale. Nurembergæ 17. Februarii 1543.

rectum an sinistrum sit, non habeo quod pronuntiem. Certe *Spondanus* nihil de *Pariso*. *Ciacconius* ac *Miræus* pauca valde. Ceterum suspensa mox Concilii Tridentini congregatione, ipse numquam præfedit. V. *Bastaglini Istoria Univerf. di tutti i Concilii tom. 2. p. 374.*

(4) *Reginaldus Polus*] Vir princeps & vir magnus, a Catholicis non tantum, sed & a Protestantibus laudatus. Videat, qui eum nosse cupit, *Ciacconium tom. 3. col. 627. Miræum in script. sec. XVI. fol. 163. Spondanum ad annum 1558. quando hac vita defunctus est.*

(5) *Mutinensis*] Joannes Moronus, ab Episcopatu Mutinensi sic dictus, de quo *Ciacconius* citatus col. 680. Obiit an. 1580. Variam ejus fortunam breviter sed accuratè *Spondanus* exarrat locis per indicem faciliè quærendis.

(6) *Hildesemensis*] Hic episcopus est *Valentinus* a *Totleben* prout *Bertius* scribit, vel *Teutleuven*, ut est in *bist. Eccles. Germaniæ* Gallico sermone publicata Bruxellis typis *Francisci Foppens* an. 1724. ubi *tom. 1. p. 152.* dicitur, Doctor theologus, Præpositus *S. Bartholomæi* Francofurtensis fuisse, ac possedisse Canonicatum Moguntiæ, Magdeburgi & Hildeshemiæ, ac an. demum 1537. Episcopus ac princeps Hildeshemiensis, & cathedra pulsus cum ista civitas Confessionem Augustanam admitteret. Obiit Moguntiæ an. 1551.

EPISTOLA CXXVI.

Ex To-
mo IV.
fol. 438.
vfo.

HIERONYMO FROBENIO, ET
NICOLAO EPISCOPIO.

1543. *De suis Commentariis a Frobenio editis, Lucubrationes suas alias perficere intendit. Mittit Joannis Secundi opera excudenda cum nenia in Mori mortem.*

POSTquam ego rursus, Domini & amici charissimi, ab Scholastica quiete ad Reipublicæ negotia retractus sum, ac ad Belgicæ Patriæque meæ servitia redii, non habui oportunitatem ad vos litteras dandi. Et eadem (ni fallor) mutatio conditionis meæ in causa est, quod nec vos ad me quicquam interea scripseritis. Vidi tamen extare apud Bibliopolas Commentarios meos (1) non ineleganter excusos. Quorum fortassis vobis sælicior fuisset divenditio, si scholas non reliquisssem. Constitueram autem aliquid mearum Lucubrationum singulis expolire annis, & vobis imprimendum offerre, nisi muneri celerius opinione mea valedicere coactus fuisssem. Quanquam nec sic quidem ab ea voluntate omnino abduci potuisssem, nisi Belgicæ nostræ repentinum gravissimumque bellum incidisset, quod me sanè multis molestissimisque Legationibus distrinxit, atque adhuc hic occupat. Verum sedata hac fatali tempestate, redeunteque serenitate, non sinam interire superiorum annorum labores. (2) Et aliquid uti spero ad eam rem otii con-

(1) *Commentarios meos*] nempe in Titulos X. Libri II. Instit. de Testamentis, Lovanii dein & alibi excusos.

(2) *Superiorum annorum labores*] sivit interire, non obstante hujus suæ voluntatis declaratione, quod reip. negotiis immersus, & succedentibus belli Belgici calamitatibus, non vacaverit publicare quicquam. Ab ejus tamen morte edita fuere nonnulla: uti *ad tit. ff. de reb. cred. & ad Tit. Cod. de Editio D. Adriani tollendo.*

EPIST. SELECTÆ AD DIVERSOS. 301

concedetur, præsertim cùm Regina, ubi me Aulæ satietas cœperit, locum mihi in Mechliniensi Senatu deputarit. Atque ibi sanè me studiorum tranquillitati reddere omninò cogito. Mitto autem impræsentiarum ad vos *Jo. Secundi* opera (3) qui Itatorum Doctòrumque omnium quos ego audiui, iudicio, primam aut certè cum primis inter Germanicos Poëtas laudem meruit. Filius is fuit Præsidis ejus (4) cujus extant *Legalia Topica*. (5) Antea autem pauca duntaxat exemplaria, nec satis eleganter excusa fuerant, passimque nunc a doctis disiderantur. Communicare ea mihi fratres emendata, & adjici cupiunt Næmiam in *Mori* mortem, quæ simpliciter inter funera omiſſa epistola locari poterit. Rogo autem si vobis est animus ea excudere, ut quàm elegantissimo charactere id faciatis, optimoque Poëtæ aliquam gratiam ex ipsa littera addatis. Etiamſi verò hoc genus scripti non solet admodum esse venale, tamen tale vobis esse assero, quod ætatem ferat. Nam ut vina sic etiam carmina bona vetustate probari solent. Et hic liber (si quid judicare ipse possum) & genium habet, & victurus est. Nec *Gelenii* (6) a meo dissensurum spero iudicium. Si vos omninò suscipere nolueritis, permitto ut alii concedatis, dummodo & eleganter & emendatè imprimantur. Si neutrum placet, facile ut ad me liber redeat, ac e Francofordia, si licebit, rescribite, quid hac in re expectare debeam. Valete fœliciter, & *D. Amerbachio* ac *Gelenio* plurimam a me salutem dicite. Nurembergæ poſtridie Calendas Martias anno 1543.

(3) *Jo. Secundi Opera*] poëtica, a *Frobenio* excusa, nec *Miræus*, nec *Valerius Andreas* loquuntur.

(4) *Præsidis ejus*] nempe *Nicolai Everardi* præsidis Mechliniensis filius secundo genitus. V. *Miræum* & *Val. Andr.*

(5) *Legalia Topica*] *Topica Juris*, seu loci argumentorum legales, Lovanii 1516. fol.

(6) *Gelenii*] *Sigismundi*, qui typorum apud *Frobenium* corrector erat.

EPISTOLA CXXVII.

NICOLAO NICOLAI GRUDIO (1).

1543. *Mittit versionem latinam Scripti sui contra Ducem Clivensem. De editione operum Jo. Secundi.*

Mitto ad te, *Nicolae* amantissime, versionem ejus actionis (2) quam hic in Clivensem Germanicè habuimus. Non affectavi autem in ea ullam elegantiam, quam, siquando olim præstare potui, ea tamen jam dudum tota Juris studio exaruit, verùm id sedulo annixus sum, ut causam probarem. Haud eram verò in publicum editurus, nisi ita *Grandvellanus* voluisset. Nec enim ignoro, quantam mihi invidiam isthac opera sim concitaturus, quantoque me objecturus periculo. Sed id omne pensabit, uti spero, aliquando Cæsareæ, Reginalisque Majestatis clementia, excitante eam Clarissimi Præsidis (3) aliorumque commendatione. Ducis Clivensis Legatio adhuc expectatur, responsura iis quæ per nos objecta sunt, & multò (ut quidam jactant) graviora allatura. Quamobrem si quid vos isthic habetis, quod ad eandem causam pertinet, id quæso suggerite, ac vacuum jam mihi pharetram telis rursus implete. Ex Francofordiensibus nundinis intelligam, quæ sit Basiliensis

(1) *Nicolao Nicolai Grudio*] De quo V. Notas ad Vitam Viglii N. XLI. & de illo ac duobus fratribus Joanne Secundo ac Adriano Mario, *Miræum de script. Sec. XVI. p. 142. in edit. Fabricii.*

(2) *Versionem ejus actionis, quam &c.*] Indicat versionem latinam Scripti Germanici a se editi contra Ducem Clivensem in causa belli Juliacensis, quod Scriptum, hunc præfert titulum: *Justificatio rationum, ob quas Regina Hungariæ, Belgii Gubernatrix contra Ducem Cliviæ arma sumpsit. Anrv. 1543. 8. V. Val. Andr. biblioth. Belg. novæ edit. an. 1739.*

(3) *Clarissimi præsidis*] Ludovici a Schora, de quo ad N. LVIII. Vita.

EPIST. SELECTÆ AD DIVERSOS. 303

fis Typographi (4) voluntas de fratris imprimendis carminibus. Quid Cursor ab Cæsare attulerit, tu Secretiorum conficius ex *Grandvelli* litteris facile cognosces. *Cameraarius* tuus Lipsiæ proficitur. Si quid novi hæc dabunt nundinæ, mittam suo tempore. Vale, ac *Hadriano* (5) plurimam quæso a me salutem nuncia. Nurembergæ. Calendis Martii anno 1543.

EPISTOLA CXXVIII. LUDOVICO A PRATO (1).

Ex Tomo IV.
fol. 441r

De libello suo contra Ducem Clivensem, & de rebus Germanicis. 1543

ET si hætenus in his Reipublicæ negotiis, quorum multò maxima pars in tua prudentia virtuteque recumbit, non ausus fuerim litteris te meis interpellare: cum tamen olim gustum aliquem ejus, quod adversus Clivensem Ducem Imperii Ordinibus exponendum videbatur, exhibuerim, atque id postea ex iis quæ per Præsidem præscripta instructaque fuere, accuratius elaboraverim, jubenteque D. *Grandvellano* prælo commiserim, non potui facere, quin ejus ad te missurus exemplar, aliquid litterarum conjungerem, quo ea occasione tuam humanitatem in aliquam mei commendationem apud Reginam excitarem. Non potui autem hac in re multum adferre eloquentiæ, a cujus videlicet studio jamdudum me Juris professio abduxit, sed tamen hæc ipsa simplicitas, qua hoc argumentum in lingua Germanica principio tractavi, in qua non potui non solæcisare, utpote Frisius, multorum animos, ut de causa nostra melius sentirent, permovit. Ab adversariis nihil hætenus responsum est, nec adhuc

(4) *Basiliensis Typographi*] Hieronymi Frobenii.

(5) *Hadriano*] Mario, fratri Nicolai Grudii. V. ad N. XLI. Vitæ.

(1) *Ludovico a Prato*] de quo fuscè tractavi in Notis ad *Vitam* N. XLV.

304 VIGLII AB AYTТА ZUICHEMI

huc advenere ii, pro quibus Dux securitatem petiit. Reliquarum autem rerum, deliberationem hisce Comitibus Protestantium postulata remorantur, quibus etsi per Regem (2) satis responsum videbatur, illi tamen urgere non desinunt, omnemque lapidem movent, quo iudicium Camerae Imperialis submoveant, id unum quippè consiliis suis maximè obstare arbitrantur, metumque non parvum incussit, quod Dux Brunsvicensis exul de pœna banni eos illic accusat. Deus te nobis Reique Publicae diu servet incolumem. Nurembergæ postridie Calendas Martias. 1543.

Ex Tomo IV.
fol. 448.
vfo.

EPISTOLA CXXIX.

GERARDO A VELTWYCK (1).

1543. *Profitetur se Gerardo debere ob causæ suæ progressum. Comitibus Imperialia ad exitum vergunt, nulla re cum Protestantibus, aut in causâ Clivenfi confecta. Queritur de pecuniæ inopia.*

Cum brevi te advolaturum in tuis litteris pollicearis, non putavi prolixè ac id fortassis frustra, ad te hoc tempore scribendum. Multum autem tibi debere me agnosco, qui

(2) *Per Regem*] Ferdinandum.

(1) *Gerardo a Veltsky*] qui fuit Ravesteinensis, aut, ut alii volunt, Ultrajectinus, Lovanii quondam primus in scholis Artium. Ab Hebraicæ, Chaldaicæque linguæ cognitione laudatur in *Bibl. Belg. novæ edit.* ubi dicitur paucissimos sui similes habuisse. Reip. admotus, *Carolo V.* a secretis rerum Belgicarum fuit, ejusque lateri adhæsit. Post in Consilium Privatum assumptus, anno 1546. legationem Constantinopoli obiit, & ex ea rediit Augustam apud Imperatorem 12. Aug. 1547. *V. suppl. Buskens tom. 1. p. 108.* Fuit quoque thesaurarius Ordinis aurei velleris, & toparcha de Bouchout ut est in libello *Tomb. des bom. illustr. p. 38.* & apud *Val. Andr.* qui locum, annum, mensem ac diem obitus ignoravit. In novæ editione scribitur: *In fata concessit Viennæ in Austria anno 1555.* Sed audi *Vigilium ad Philippum Cobelium tom. 4. pag. 563.*
„ Hic

qui meam causam tam fideliter diligenterque promoveris: de qua bonam etiam spem Præsidis mihi litteræ annuntiarunt. *Grandvoellanus* ab hoc instituto (2) me dehortatur, nec ignoro haud defore etiam alios qui meum consilium improbaturi sunt. Verum ipse optimè scio qua me parte calceus premar, novique ego tenuitatem meam, utcumque tu meam isthic sapientiam deprædicaris. Comitia hæc ad exitum decurrere videntur, Rege abitionem parante. Eorum, quæ tam diu controversa sunt cum Protestantibus, penè nihil ad finem optatum deductum est. Multa quoque in causa Clivenfi componenda, sed non magno cum fructu, tentata sunt. Dominus a *Crebangiis* hic adhuc hæret. De pecunia ne gry quidem quisquam respondit. Et quanquam Præses viam aliquam ostenderat, tamen & ei objectum est repagulum ab nostris Quæstoribus. Necesse tamen est, ut hinc quoquo pacto nos expediamus: haud decet enim hic nos hædere reliquis discedentibus. Utinam te antea videamus, aut saltem in via jungamur. Vale, Domine & Amice selectissime. Nurembergæ 20. Aprilis anno 1543.

„ Hic nocte præterita cum magno nostro dolore *Veltwykium*
 „ nostrum amisimus. Initium morbi cœpit ab calculo, con-
 „ fluentibusque aliis multis accidentibus, ubi aliquot dies de-
 „ cubuisset, animam Deo reddidit. In quo viro cum mul-
 „ tum omnes amiserimus, tum mihi accessit laborum cumu-
 „ lus: qui illum si non oppressit, multum certe perculit. Et
 „ mihi metum adfert, nisi alius detur mox successor (*in Con-*
 „ *silio Privato*) ne idem fatum sequi cogar. Vale mi *Cobeli*.
 „ Die Epiphaniæ. a. 1555.” Obiit igitur an. 1555. mensis Ja-
 „ nuarii die 5. vel 6. Non Viennæ in Austria, ubi *Viglius* num-
 „ quam visus fuit, sed Bruxellis, ubi Consilii Privati Præses
 „ constanter moratus est.

(2) *Ab hoc instituto &c.*] Senatoris Parlamenti Mechlinien-
 sis. Legationum nempe pertæsus, motoriam conditionem
 Consiliarii in Privato Consilio, mutari rogarat, juxta Reginæ
Mariæ promissum, in stabilem Senatoris Mechliniensis: exem-
 plum imitatus *Gerardi Mulert*, aliorumque.

EPISTOLA CXXX.

EPISCOPO ATREBATENSI

1543. *De invasione Gallorum in Belgium uti trepidatum, ita de Cæsaris nuntiato adventu significat respiratum. De apologetica Regis epistola. Commendat se Episcopo ejusque parenti.*

Longa mora, falsisque rumoribus de Cæsarea Majestate populus noster penè consternatus, tandem certo nuntio adventus ejus, mirum quàm respirare cœperit. Etsi enim undique cingamur hostilibus copiis, ac anceps prælium rursus ob Heinsbergam subeundum sit: attramen & animi non parum accessit, & si quid secus evenerit, infortunio nostro facilius mederi posse speramus, modò tamen ad nos iter acceleretis. Permultum enim momenti in tempore situm est, cùm hostium commune consilium studiumque esse videatur, ut antequam Cæsar advenerit, ea in Belgica nostra occupent, in quorum recuperatione vires deindè ille suas consumat. Quod si verò rebus hic salvis integrisque, suas copias nostris maturè jungere queat, Clivense bellum citò confectum iri spero, & eo quoque Angli alacriores erunt. Apologetica illa Regis (1) epistola tot conferta convitiis, eo tempore mihi oblata est legenda, quo id in latinum redigebam, quod ab illustri Domino (2) de violatis induciis conceptum est. Itaque non potui temperare, quin & in illum stilus excurre- ret. Id autem Præsidem (3) Antverpiam prælo excudendum misisse puto. De cæteris publicis privatisque rebus latius ad Navium (4) scripsi, cum quo Reverendissimæ D. V. omnia communia esse solent. Itaque nihil est opus prolixioribus litteris

(1) Regis] Galliarum Francisci I.

(2) Illustri Domino] nempe Nicolao Perrenotto Granvellano, Episcopi parente.

(3) Præsidem] Consilii Privati, Ludovicum a Schora.

(4) Navium] Joannem, Cæsaris Vice-Cancellarium.

EPIST. SELECTÆ AD DIVERSOS. 307

litteris R. D. V. detinere, quæ me, quæso, in suorum famulorum numero perpetuò retinere, ac illustri parenti commendare dignetur. Vale. e Bruxella 10. Junii 1543.

EPISTOLA CXXXI.

GERARDO VELTWYKIO.

Ex Te-
mo IV.
fol. 451.
vfo.

Significat se Mechliniam migrasse, nempe in Parliamentum. De invasione Gallorum in Artesiam ac Hannoniam. Cæsar expectatur. De Victoria apud Heinsbergam. 1543.

Ame si rarius litteras accipis, *Gerarde* doctissime, causam esse puta, quod Mechliniam commigravi, amplexus videlicet ibi quietem, ad quam jam pridem aspiravi. Porro belli tempestas novas subinde sollicitudines nobis generat. Nam postquam Comes *a Roelx* (1) Boloniensem agrum vastavisset, Galli Arthesiam ingressi, Baupamas (2) obsidere velle videbantur; sed oppidulo à nostris succenso, arx hostium impetum fortiter expectavit. Indè verò per Cameracensem agrum Hannoniam ingressi, Landrechiam (3) Emmeriam (4) ac Marbeugiam (5) ad Sambram fluvium occuparunt. Ac jam ad Bintiū (6) Montisque (7) portas excurrentes, non tantum Hannoniam in periculo posuere, verum etiam Bruxellæ trepidari cœptum fuit, donec accepto nuntio de re fœliciter apud Heins-

(1) *Comes a Roelx*] Jean de Croy chevalier de l'ordre de la Toison d'or.

(2) *Baupamas*] Bapaume, ville en Artois.

(3) *Landrechiam*] Landrecy, petite ville en Haynaut.

(4) *Emmeriam*] Miræo *Aimeriacum*. Pont. Heutero *Aimeria*. Est municipium in Hannonia.

(5) *Marbeugiam*] Malbodium hodie, vulgo *Maubeuge* oppidum Hannoniæ quatuor ferè milliaribus a Montibus.

(6) *Bintiū*] Binchium, vulgo *Binche*, ejusdem provinciæ oppidum, tribus milliaribus a Montibus.

(7) *Montisque portas*] Montes Hannoniæ, vulgo *Mons*, Flandris *Bergben*, Comitatus Hannoniæ metropolis.

308 VIGLII AB AYTTA ZUICHEMI

Heinsbergam (8) gesta, nostrisque copiis inde reductis, quo Gallorum progressum impedirent, sponte ii rursus in sua stativa retrocessere. Cæsar si maturè adveniret, omnia melius successura speraremus, cujus te *πρόδρομος* expectamus, nec enim in comitatu te hæsuram arbitramur. *Pratenfis* (9) in proxima expeditione Heinsbergenfi multam laudem prudentiæ retulit, ac ex eo sanè eventu salus harum Provinciarum penè pendeat, cum si res secus cecidisset, undique in nos hostes impressionem facturi viderentur. Vale, mi *Gerarde*. Calendis Julii anno 1543.

Ex To-
mo IV.
fol. 455.

EPISTOLA CXXXII. CHRISTOPHORO SELDIO (1).

1543. *Significat se Mechliniæ in Supremum Senatum cooptatum esse, quam urbem laudat. De bello Clivenfi, Gallorumque invasione. Querit de statu Judici Camera Imperialis Spirensis.*

Quod ego nihil ad te tam longo tempore, charissime Seldi, nescio qua mea negligentia accidit, nam otii certè, præsertim proximis aliquot diebus, satis habui, quum beneficio Reginæ concessum mihi fuerit, ut me Mechliniam conferrem, ubi in Supremum Senatum cooptatus domicilium reliquæ ætatis constitui, cum aulicæ vitæ inquietudinem semper oderim. Ea autem & functio est hominis studiosi ac litterati longè his provinciis honestissima (qua etiam *Mulardus* (2) meus vivensungebatur) & urbs omnium, quas unquam vidi, mundissima, elegantissimaque, pari spatio, quatuor videlicet

(8) *Heinsbergam*] Est urbs Ducatus Juliacensis.

(9) *Pratenfis*] Ludovicus de Flandria, Dominus de Praet &c. V. Not. ad Vitam N. XLV.

(1) *Christophoro Seldio*] J. U. D. & Advocato apud Cameram Imperialem Spirensis.

(2) *Mulardus*] Gerardus Mulert. V. Not. ad Vitam N. XXIX.

delicet horarum itinere; ab Bruxella, Antverpia, Lovanio, tribus maximis urbibus, Emporio, Curia, ac Academia celebribus distans. Quamobrem etsi mihi aliquando ad aulam recurrendum sit, haud longè tamen ibi domo abero. Nos hic a meo reditu graves hostium impressiones sustinuimus. Dum nostri autem in Julia de Heinsbergæ obsidione solvenda copias conjunxerant, Galli Hannoniam ingressi, magnam miseris agricolis calamitatem intulerunt. Verum brevi his malis finem Cæsar uti speramus imponet. Supellectilem meam librariam, quæ Augustæ hætenus hæsit, hic quotidie expecto. Cupio scire ecquid vestra visitatio reformatioque succedat, & quomodo judicio isti cum Protestantibus conveniat. Comitia si successerint fortè vos invisam: quod hoc tempore etiam mihi licuisset, nisi causarum quæ ibi mihi agendæ fuissent invidiam declinare maluissem. Vos isthic ni fallor brevi Imperatorem videbitis, cujus adventum nostra Belgica jam dudum miserè efflagitat. Vale, & amicis communibus multam a me salutem dicito. Mechliniæ 8. Julii 1543.

EPISTOLA CXXXIII.

STEPHANO MONTANO.

Ex Tomo IV.
fol. 459a

De munere Cancellarii Geldriæ sibi oblato.

1543.

CUM ea de re (1) quam tuis ad me litteris perscripisti, Amantissime *Montane*, ex nemine antea quicquam audivissem, non potui satis mecum admirari, ex cujusnam suggestione Illustrissimus Princeps *Auraicensis* (2) in eam de me

(1) *Cum ea de re*] quam explicat in epistola data ad eundem die 25 hujus mensis Octobris, quæ est in tom. IV. fol. 462. vfo. „Miratus sum iteratò te de Geldrico Cancellariatu „ad me scribere, cum is jam alteri, consignatis ut audio rebus, concessus, confirmatusque sit: homini meo judicio, „& integro, & ad talem provinciam multis sane aliis præstanti.“

(2) *Princeps Auraicensis*] Renatus Nassovius, gubernator Geldriæ,

310 VIGLII AB AYT TA ZUICHEMI

me opinionem venisset. Et hic quidem aliquis antea rumor fuit de *Jodoco Sasboute* (3) deinde etiam de *Hermanno Knopper*, qui apud Ducem defunctum hoc munere functus fuit. Sed tu pergratum mihi fecisti quod de eo me certiores feceris, quo tempestivè scilicet mecum statuere possim, si quid tale forte offeratur, quid respondere debeam. Nam cum multa illinc me deterreant, tum huc velut in portum quendam ex tempestate delatus, non facile animum inducere possum, ut denuò me negotiorum publicorum procellis exponam. Vale, *Montane* Ornatissime. Mechliniæ 10. Octobris 1543.

Ex To-
mo IV.
fol. 459.
vfo.

EPISTOLA CXXXIV.

JOANNI SINAPIO MEDICO.

1543. *De Sinapii negotio. De sua conditione mutata. De
Versione Latina Medeæ Euripidis. Petreum
Tiara in Italiam euntem commendat.*

QUOD a me jamdudum nullas litteras acceperis, *Sinapi* Doctissime, cum discessio mea ab Ingolstadio, tum crebræ occupationes Legationesque, impedimento fuere. Et de illo quidem negotio (1) de quo ultro citroque crebrò egimus,

riæ, cui tali ex titulo jus fuerit personas idoneas ad Cancellarii munus proponendi, seu ut hodie loquimur, *nominandi*, Cæsari ut Geldriæ Duci.

(3) *Jodoco Sasboute*] qui primùm Senator in Consilio provinciali Hollandiæ, cedente *Adriano Mario* Cancellarius Geldriæ factus est, obiitque Arnheimii anno 1546. æt. 59. Reliquit filium *Arnoldum Sasbout*, qui & ipse Cancellarius Geldriæ post patrem fuit, donec Bruxellas evocaretur ad Consilium Privatum. Duos hosce Cancellarios non novit *Jo. Knippenberg* in *bist. eccles. Ducat. Geld. p. 287. V. Simon. Leeuwium in Bat. illust. p. 1107.*

(1) *De illo quidem negotio &c.*] Invitatus fuit *Sinapius* honorario annuo trecentorum florenorum, ut in Academia Ingolstadiensi medicinam profiteretur.

EPIST. SELECTÆ AD DIVERSOS. 311

egimus, non habui quod ad te scriberem. Nec enim volui longius suadere tibi, ut eò proficiscereris, undè ipse abieram, nec rursus id dissuadere, cujus tibi author antea fueram, præsertim cùm illius favorem (2) refrigerescere erga utrumque nostrum viderem, qui me multis pollicitis isthuc allexerat. Accidit tamen, ut proximis comitiis Nurembergæ utrique Legati ageremus, ego nomine Reginæ Mariæ Provinciaeque Belgicæ, ille Ducis *Wilhelmi* (3). Ac ibi cùm nos negotia subindè conjungerent, de te aliquando injeci mentionem, ad quam ille *adit* ut nos dicimus *περί τούτου*. Quod si aliquam cupiditatis in te aurulam tum sensissem, consobrinum tuum illic agentem impulsissem, ut eam rem prosequutus fuisset. Ego de mea conditione mutata nihil habeo quod querar, gloriæve. Etenim si Respublica nostra compacata foret, reliquum ætatis in servitio proprii Principis, Cæsaris, non longè ab mea patria jucundè traducturus essem. Nunc tamen post multam inquietudinem non satis firmo sum corpore, & lectionis scriptionisque molestiam fugitans, non potui tamen doctissimo juveni (4) hæc ad te litteras ferenti, commendationem ad te meam denegare. Qui nobis hîc superiore anno insigne eruditionis specimen exhibuit, traducta in Latinam *Euripidis Medea*, ita eleganter, ut te ipsum nostratis hominis sub duro sydere nati venam admiraturum esse putem. Ea autem fiducia duntaxat in Italiam iter instituit, quod speret illic reperire conditionem aliquam, quò aliquamdiu ibi vitam sustentare possit, & Medicinæ, cujus perquam studiosus, neque imperitus est, dare operam. Ejus

in-

(2) *Illius favorem*] nempe *Leonardi ab Egkb* Cancellarii Ducis Bavaricæ, qui Academici Ingolstadtensis curator erat.

(3) *Ducis Wilhelmi*] Bavaricæ.

(4) *Doctissimi juvenis*] quem infra *Petreum* vocat. Est autem *Petrijus Tiara Frisius*, qui vertit ex *Euripide Medeam*, quam Ultrajecti excudit Hermannus Borculous an. 1543. Adolescens vidit Germaniam, Galliam, Italiam, sedem dein fixit Lovanii, post Duacum migravit, inde Franekeram in Frisia ubi & consulatum urbis aliquamdiu gessit. Tandem Lugdunum Batavorum se contulit, ubi & mortuus est an. 1586. V. *Suffr. Petri de script. Frisicæ dec. 13. cap. 7. & Val. Andr. in Bibl. Belg.*

312 VIGLII AB AYT TA ZUICHEMI

industriam, si possem, sedulò cuperem adjuvare, modò mihi eadem apud Italos esset vel noticia vel gratia, ut mea ei commendatio prodesse posset. Nunc quod proximum est, id ei videbor præstitisse, quod per te præstabo. Quare te rogo, ut qui ejusmodi opibus isthic abundas, hunc *Petrum* meum alicui ita commendare velis, ut intelligam apud te non valuisse solùm aliquid nostram commendationem, sed gratiam etiam esse docti juvenis. Certè *Ferraria de Rodolpho Agricola* (5) Conterraneo nostro olim optimè merita est, & hic id nunc de se specimen edidit, ut ipse lecto opere judicaturus sis, non eum indignum esse simili favore. Da igitur, quæso, operam, ut in hoc veterem perpetuamque tuam erga me benevolentiam agnoscam. Vale. Mechliniæ 16. Octobris anno 1543.

Ex To-
mo IV.
fol. 464.

EPISTOLA CXXXV.

ANTONIO FUGGERO.

1543. *Gesta ab exercitibus Cæsaris & Regis Galliarum in Hannonia ac Cameracensi.*

Scribebam novissimè sub finem mensis Octobris, convenisse copias Cæsaris ac Regis Galliarum, atque ita tum eas junctas fuisse, ut omninò ad prælium res ventura videretur. Vix autem litteras dimiseram, cùm nuncius adferretur rei gestæ, haud satis gratus, acceptusve. Ut autem ordine

(5) *Rodolphus Agricola* J Philosophiæ, Theologiæ, ceterisque liberalibus disciplinis in patria plurimum: mox cultioribus studiis Latinæ Græcæque linguæ in Italia operam summam dedit; Hebrææ postremò etiam cognitionem habuit. Musicæ quoque atque Picturæ apprime studiosus fuit. In singulis quoque disciplinis supra quàm credibile est, profecit. Obiit dum ex urbe patriam repetit, anno Christi 1485. quinto Calend. Novem. Vixit annos 42. Ita *Sigismundus Fulginas* secretarius Innocentii VIII. Apud *Suffr. Petri*. *Erasmus* multa de eo sparsim V. *Suffr. Petri de script. Fris. dec. 8. cap. 5. & Val. Andr. in bibl. Belg.*

ordine quid, quomodo, quove tempore actum sit intelligas, paucis dierum aliquot historiam perstringam. Die 28. Octobris innumeris ictibus Bombardarum, nostri extremum experiri volentes, oppidum Landrechiam concusserunt. Sub finem autem è propinquo Gallicus exercitus, adventus sui signum obsessis per Bombardas ignesque edidit. Unde visa est repente magna oboriri intra urbem læticia. Jamque passim fama ferebatur, Regem ideo venire, ut prælio cum nostris decerneret. Quapropter qui diversis partibus urbem cingebant, medio fluminae Sabi (quem Sambram vocant) in unum se locum recepere, Bombardasque eo reduxere. Galli sequenti die in conspectum nostrorum venerunt. Sed altero qui fuit penultimus propius admotis castris procurrere aliquot Equitum catervæ, levisque pugna commissa fuit, in qua ex Gallis captus Comes *de Bouffy*. Postera luce, quæ erat ultima Octobris, rursus instructæ utrinque acies fuere, ac Galli justam pugnae copiam facturi videbantur. Dum verò noster exercitus eo totus spectat, ecce altero fluvii latere pars hostilium copiarum urbem ingreditur, ac multis nonnullum commeatum importat. Id siue nostri serius animadverterint, siue ob fluvium medium, viasque profundissimas ac penè invias prohibere non potuerint, siue in prælii committendi eventu summam rei constituentes id neglexerint, incertum habetur. Rex sanè postquam commeatum sine aliquo detrimento illatum vidit, quasi jam id explevisset quod constituerat, reducendum sibi exercitum putavit. Cæsar interea ex Avennis Quesnoiam transit, nec latuit Gallos ad castra illum venturum. Itaque aliquot Equitum millia in proxima sylva insidias struxerunt, qui illum pauco comitatu pro more euntem interciperent, verùm foeliciter accidit, quod eo die Cæsar Quesnoia manserit. Sic Galli sese elufos cernentes, agrum circa Quesnoiam eo die, qui erat omnium Sanctorum, depopulati sunt; ac passim ædificia villasque incenderunt. Postridie qui fuit *animarum* càm constitutum esset omnino a nostris cum Gallis prælio decernere, placuit ipsos persequi, itaque castris motis ad unum miliare parvum nostri sese Gallis junxere. Die deindè tertio Novembris Cæsar ipse præsens cohortatus est Duces, militesque, quos omnes alacres promptosque invenit. Itaque

314 VIGILII AB AYTTA ZUICHEMI

instructa acie in conspectum hostium progressus est, qui & ipsi aciem loco communito & proclivi (undè facile exercitus nostri magnitudinem contemplari poterant) explicarant. Ipsi verò mox aliquot extra septa emiserunt, cum quibus a nostris fortiter dimicatum est, cæsis tamen captisque ex eis plurimis, reliqui sese in castra retulerunt. Itaque Cæsar omni parte exercitum suum illis conspiciendum exhibuit. Verùm conspecta militum nostrorum alacritate, ipsi sese continuerunt, tantumque eminus Bombardis nostros impetiverunt. Cùm nox igitur appeteret, Cæsar haud longè ab eo loco castra metatus est, Galli sese in oppidulum vicinum quod Castellum Cameracensium vocant, ad Episcopum Cameracensem pertinens, contulerunt, modicusque inter utrumque exercitum amnis interfuit. Die Dominica utriusque stationes satis quietæ fuerant. Cæsar circa noctem ad hostem prosequendum pontem fieri curavit, quo intellecto Galli de abitione consilium sumpserunt. Itaque prima noctis vigilia ipse Rex itineri seu potius fugæ sese accinxit, quæ omni studio ita instituta fuit, ne a nostris ullo pacto intelligeretur, nam Mulis tintinnabula præcisa sunt, nullus Tubicen auditus, undè sero ad nostrum exercitum fama ejus pervenit. Postridie intellecta fuga, Cæsar milit qui fugientes insequerentur, qui bonam impedimentorum partem consequuti sunt. Sed sylva inter Castellam urbem, Bohaniumque interjacens, insidiisque apta, ne longius nostri excurrere auderent, prohibuit. Cæsar habito consilio comperit abs re fore ea anni parte cum exercitu longius prosequi. Quapropter Castellum oppidulum, deinde Cameracum civitatem, quæ sub neutrabilitatis prætextu Gallos commeatu, eorumque quæ in nostris castris agebantur * adjuverat, in suam potestatem recepit, militemque ibidem reliquit, ac Cameracum ipse profectus, præsidium ei urbi imposuit, ac montem arcis idoneum comperiens communiri iussit, quæ plebem ob vicinitatem ac commercia Gallicis faventem partibus infide officioque contineat. Urbs autem ea inter Imperiales civitates habetur: licet ei sub Ducis; circumjacentique territorio (quod Cameracensium vocant) sub Comitis titulo, quasi Imperii Princeps Episcopus dominetur. Deindè quæque vicinum oppidulum Gallicæ ditionis, quod Crevecœur

*Secretis nuntiis. Id enim vel quid simili deest, uti intelligere videor ex Pont. Hist. lib. 18. cap. 1. sub init.

VOS-

EPIST. SELECTÆ AD DIVERSOS. 315

vocant, occupari mandavit. Ei ad unum milliare adjacet arx Goy quam Gallus præcedentibus annis diligenter communiri curavit. Sic etſi Landrechia in hoſtium poteſtate manet, attamen ab obſidione non multum differt, præſidio noſtro in vicino ad duas leucas oppido Caſtello Cameraceſii exiſtente. Ac ſic quidem prælii oportunitas amiſſa eſt, ad quod ſi pervenire licuiſſet ipſo Cæſare Regeque præſente, alterius fortaſſe caſu crudeliſſimum hoc bellum finem accepiſſet. Undè nos ſanè hic aliquamdiu inter ſpem metumque ſuſpenſi fuimus, dum & de Cæſaris ſalute ſolicitudo nos tenuit, ac de hoſte victoriam expectabamus. Germanum militem Cæſar ad Luxemburgenſem Ducatum dimiſit, ut ibi Luxemburgum recuperare tentent. Arluna oppidum ac arx montis S. Joli recuperata ſunt a noſtris. Credimus autem Cæſarem propediem Gandavum, ac indè Bruxellam venturum, ubi Provincialium conventum indixit. Comitia Imperii Coloniam tranſlata videntur, quo ipſe Cæſar rebus hîc ordinatis ire decrevit. Vale. 15. Novembris anno 1543.

EPISTOLA CXXXVI

ANDRÆ ALCIATO.

Ex Te-
mo IV.
fol. 471.

*Silentium ſuum apud Alciatum excuſare non valens, 1544.
culpam agnoſcit, ac præceptorem ſuum perpetud
ſe colere proſitetur. Juvenem in Italiam euntem
commendat. Apud quos Alciatus deprædicetur.
De conventu Spirenſi Ordinum Imperii.*

NE prolixa epiſtola, clariffime ac incomparabilis Præceptor, ſilentium excuſare neceſſe habeam, culpam ingenuè fateri malo, quod videlicet tanto tempore nullam amoris gratitudiniſque ſignificationem ſive litterarum ſive quo alio officio erga te ediderim. Fuit tamen illa major præcedentium annorum, quibus in Academia adhuc verſabar, quàm hujus temporis, quo ad Rempublicam ex illo ſcholæſtico otio retractus, in alienum ſeu publicum jus, penitus

R r 2

mihî

mihî traductus videor, ut nulla penè mihî privatis inservien-
di officiis relicta sit facultas. Verùm non potui huic juveni
in Italiam proficiscenti, ac tibi commendari enixè cupienti,
epistolium denegare. Lubenterque ejusmodi sum oportuni-
tatem scribendi amplexus, ne longioris temporis mora om-
nem mihî deindè ad tuam benevolentiam reditum intercludat.
Quem nunc spero non gravatè concedes, meamque in te
perpetuò amando ac colendo conscientiam tua humanitate
solvabis. Tui, mi *Alciate*, hic nobis jucunda pariter ac
crebra est memoria. Non tantùm apud istum communem
doctorum populum, qui te omnes magistrum agnoscunt:
verum etiam majores istos Deos, *Grandvellanum*, Episcopum
Atrebatensem, *Augustensem* (1) ejusdemque generis Heroes.
Gratulanturque studiis communibus, ad quæ promovenda
fovendaque totus incumbis, nec indè te ullis oblectamentis
abstrahi unquam es passus, quæ nos aliàs transversum ab
instituto litterarum abripiunt. Juvenia autem hic *Jodocus*
Betsius qui tibi commendari cupit, patre viro honestissimo
& benè erudito præmaturè orbatu, plus animi quàm facul-
tatis ad persequenda studia adfert. Quapropter optaret
isthic sibi conditionem obtingere, qua fortunæ tenuitatem
apud litteratum quempiam virum, sive studiis operam navan-
tem, famulatu, levare posset. Qua in re si tua eum com-
mendatione juvare poteris, magno illum beneficio affeceris:
pro quo & ego me debitorem tuum lubenter fatebor, para-
tumque vicissim me offero, si qua majore in re inservire tibi
queam, summa id promptitudine præstare. Hic in frequenti
Principum conventu (2) Cæsar de bellis externis propellen-
dis, constituendaque domestica pace Germaniæ consulta, *

* Videtur
legen-
dum: con-
sultat.

Ordinumque Imperii in ejus desideria hætenus satis propen-
sos

(1) *Augustensem*] Othonem Truchesium de Waltburg, Epi-
scopum & principem Augustanum, & hoc ipso anno S. R. E.
presbyterum Cardinalem, de quo V. Ciaccon. tom. 3. col. 692.
Corbinian. Kbam Hierarch. August. part. 1. p. 338. Bert. rer. Germ.
lib. 3. 471.

(2) *In frequenti principum conventu*] nempe Spiræ congregato,
„ adfuere, quod raro est visum, Septemviri omnes, ac totius
„ Germaniæ præcipui Principes, ipseque Clivius „ inquit
Pont. Heut. lib. 12. cap. 1. ad an. 1544.

EPIST. SELECTÆ AD DIVERSOS. 317

sq; animos sensimus. Rogandus est nobis Deus, ut in communis Reipublicæ bonum eorum propositum promoveat. Vale, vir incomparabilis, ac Domine in majoribus observande. Spiræ 20. Martii 1544.

EPISTOLA CXXXVII. SIGISMUNDO GELENIO.

Ex Tomo IV.
fol. 474.
vfo.

*Agit gratias pro nuncupato sibi Contareni libro. Mittit 1544
vicissim munusculum, majusque promittit. Significat se ab Academia ad Remp. translatum, uxorem duxisse, veteresque amicos bene valere jubet.*

ACcepi, Sigismunde doctissime, Contareni (1) librum de Republica Veneta abs te mihi nuper dedicatum, eumque sanè legi perlubenter, multosque alios in ejusdem excitavi lectionem. Cum verò antea Italica pariter ac Latina lingua descriptus, privatim ab nonnullis possideretur, gavisus sum tua industria publici tandem juris eum factum esse. Ego autem multas tibi gratias merito ago qui ejus nuncupationis honore me dignatus fueris, cupiebamque ipse aliquid pro meo munere tibi rependere. Verùm hoc tempore peregrè mihi agenti nihil ad manum fuit, quod te dignum existimarem. Donec tamèn ejus æris dissolvendi oportunitas offerretur, quæso interea ne contempnas quæ inclusi. Etsi enim inter numismata haberi nequeant, desitque eis & vetustas & pretium, aliquid tamen est in ipsis, quod proximam ætatem commendet. Ab Academia, mi Geleni, ad patriam retractus, sperabam me conditionem nactum, in qua conquiescerem:
verùm

(1) Contareni] Gasparis, S. R. E. Cardinalis; qui biennio ante mortalitatem expleverat. De quo qui cognoscere cupit, adeat Ciacon. tom. 3. col. 578. ubi multa. Vel Miræum de script. sec. XVI. p. 146. in edit. Fabricii ubi pauca. Ejus epitaphium in æde S. Petronii Bononiæ, habet Sweetius in sel. orb. delictis sub Bononiensibus.

318 VIGLII AB AYT TA ZUICHEMI

verum fatalia hæc bella nihil otii relinquunt, non modò ad Litterarum studia perfequenda, verum nec ad rem domesticam componendam, in cujus tamen majorem curam marit jam officium impellit. Nam tandem & ego capistrum accepi. Quid ni? cum jam *Difus* noster habeat, apud quem tu tui memoriam scito gratissimam perdurare. Vale, mi *Geleni*, & *Frobenio*, *Episcopo*, ac omnibus qui ex veteri sodalicio adfunt, multam a me salutem dicito. Spiræ 12. Aprilis anno 1544.

Ex Tomo IV.
fol. 475.
vfo.

EPISTOLA CXXXVIII. CORNELIO SCEPPERO (1).

1544. *De quæstione cum Ordinibus Imperii super contributionibus quas Trajectenses Imperio debent, a qui.*

[1] *Cornelio Sceppero*] *Tomb. des homm. illustr. p. 26.* hæc habet ad dignoscendum virum plus satis. „Messire Cornille „Schepperus, Chevalier, Seigneur d'Eecke sur l'Escaut, il „fust des Conseils d'Etat & Privé de l'Empereur Charles V. „& mourut en cette dignité le 28. de Mars 1554. Son corps „recevant sepulture en l'Eglise parochiale de la Seigneurie „d'Eecke, d'ou j'ai tiré l'Epitaphe.

D. O. M. Sacrum.

„Nobili atque amplissimo Viro *Cornelio Sceppero*, Equiti aurato, „Eecke ad Schaldim Domino, qui Joanne Fland. Vice-admiralo oriundus, doctrina, eloquentia, & industria eximius, „a Christiano II. Daniæ, Nortuegiæ ac Sweciæ Rege Vice- „cancellarii dignitate, Regii Ordinis torque, & ditionis Zelandiæ Dominatu cohonestatus, mox & a Carolo quinto „Imperatore, in Privati ac Statûs Consiliarium adlectus, atque „ab eodem ejusque fratre Rege Ferdinando, ad varios Reges, „omnesque fere Christianos principes, & bis Constantinopolim ad Solimannum Turcarum Imperatorem legatus, pace „propemodum desperata potitus, omnibus denique honorum „munis, summa cum fide atque integritate perfunctus, tandem XXVIII. Martii anno M. D. LIV. ætatis verò suæ LII. „imature defunctus, hic unâ cum nobili & lectissima Matrona Elisabetha Doncha, dulcissima conjuge sua quiescens, „futuræ resurrectionis gratiam expectat.“

quibus immunitatem prætendunt. Contributio in Turcas quanta. Eam hæreditariæ ditiones non Imperio sed Cæsari debent.

ERAM litteris tuis quibus de contributione Trajecto inferiori * indicta, meam requisivisti sententiam maturius respondurus, nisi illæ abs te Calendis scriptæ, Nonis mihi primum redditæ fuissent. Porro ad quæsitum sic paucis accipe. Proximis Comitibus Spiræ, ii qui ab communibus Imperii Ordinibus ad rem pecuniariam, veteraque Imperii debita expedienda deputati fuere, petivere semel ac iterum, ut Cæsar ad ipsos mitteret, qui de Trajecto rationem redderet. Missus ad ipsos ego, de Turcicis suppetiis, deque aliis quibusdam prætensis debitis non solutis, eorum querelam accipi. Contra quæ ex sententia Domini *Graudovellani* ea respondi, quæ *Nurenbergæ* antea proposueram, videlicet, eam Cæsaris voluntatem esse, ut Trajectenses id Imperio præstent, quod sub Præsulibus consueverunt. Verum subditos ab huiusmodi contributionibus libertatem immunitatemque prætere. Adhæc quod ipsis incognitum non esset, domi eos gravissimos, Turcicæ expeditionis tempore, sumptus fecisse, in propriorum finium tuitione; primum ab eo milite qui *Brabantiam* depopulatus fuit, deinde ab eodem *Martino a Rossem* duce, qui *Amersfortiam*, unam ex præcipuis ejus territorii oppidis, cæpit expilavitque. Cum verò illi has rationes non admitterent, nec posse se omittere dicerent, quin Fiscali mandarent, ut contra Trajectenses procederet: respondi, haud arbitrari me communes Status excusationem tam justam, causa non cognita, rejecturos fuisse: proinde rogare me ne quid temere statuant, & ne dum iniquum exigunt, faciant, ut post æquum non accipiant. Porro cum certum, ut scis numerum Equitum Peditumque Ordines Imperii proximis Comitibus adversus Regem Gallorum Cæsari addixerint: in eodem numero etiam Episcopatus Trajectensi indicta contributio censetur. Ideoque intelligis, quod Trajectenses non solvunt, Cæsareæ Majestati decedere. Cum verò Trajectenses Transilvanique hætenus parum admodum in necessitatem præsentis belli contulisse ferantur, non vi-

* Id est:
Ultra-
jecto.

dece

320 VIGLII AB AYT TA ZUICHEMI

deo cur illi minus faciant, quàm cæteri Germani, sola Imperii ratione Cæsareæ M. devincti. Quod immunitatem prætendunt, id ipsi viderint quàm sit fundatum. Mihi sæpius objectum fuit, quod *Henricus* Comes Palatinus, quondam Episcopus, adhuc in vivis existens, dicatur asserere, se omnia Imperii ordinaria onera obedienter agnovisse: idem prædicant de Prædecessoribus. Verùm utcunque id se habet, etiamsi Imperii intuitu nolunt cum cæteris Statibus contribuere, non tamen possunt se erga Imperatorem excusare, quo minus saltem paria cum extraneis faciant. Quod verò pertinet ad expeditionem Turcicam, quam vocant subsidium defensivum Imperii, in eo cum sit derogatum omnibus & quibuscunque privilegiis & immunitatibus, quod justum creditum sit, ut omnes Germani patriæ ac Religionis hostem adunatis viribus propulsent: puto & ego Cæsaris mentem esse, ut illi quoque unà contribuant. Est autem expressè dictum in proximo recessu Spirensi, quod subsidia hæreditariarum ditionum ad Imperium pertinentium, Cæsar sibi pro alendo proprio exercitu in Hungaria possit ac debeat reservare. De Trajectensibus nihil expressum est, sed tamen sub hac generalitate & eos contineri arbitror, ideoque non Imperio, sed Cæsari meo iudicio illæ contributiones cessuræ sunt. Porro subsidii contra Gallum certa est summa, sed id quod in Turcas colligitur incertum est, cum placuerit rursus Statibus ut fiat contributio decimi denarii annuorum proventuum. Quod si Trajectenses difficultatem in eo allegaverint, poterunt cum Cæsare de certa summa ejus loco pacisci. Videtur autem mihi ad magnam aliquam summam ascensura ea collectio, quum nullis exceptis sine discrimine omnes teneantur tam de publicis, quàm privatis facultatibus conferre. Et scis non vulgares esse opes quarundam Transsylvanicarum civitatum. Antea verò excusant Trajectenses, quod soliti essent de talibus communem cum Transsylvanicis habere deliberationem. Non video autem cur non & id ipsis permittatur, certè sic non habebunt ullam tergiversandi occasionem. Nam quod dicunt se, postquam subditi sunt Domni Burgundiæ, amplius ad extraneas contributiones non teneri, eadem ratione Saxones, Clivenses, cæterique excusare se poterunt, qui & Principum suorum

EPIST. SELECTÆ AD DIVERSOS. 321

rum exactiones graves, & publica omnia Imperii onera sustinent. Habes, Magnifice Domine *Sceppere*, & quid Spire actum sit, & quid mihi videatur de contributionibus Imperii, ad quas Trajectenses vocantur. Posset tamen Cæsar desuper consuli, an ejus sit intentio, ut ab Trajectensibus indicta contributio per Status Imperii, ad utilitatem Majestati suæ contra Gallum exigatur. Item an Majestati quoque suæ placeat decimum denarium ab eisdem petere, sive desuper transigere ratione exercitus, quem Cæsar in Hungaria proximo anno alere promisit, cum dictum sit in recessu, quod quæ ab hæreditariis ditionibus debentur, non in communis Imperii usum, sed Cæsaris cessura sint. Vale, mi *Sceppere*. Datum Mechliniæ 8. Septembris anno 1544.

EPISTOLA CXXXIX.

PAULO III. PONTIFICI MAXIMO.
FRANCISCUS EPISCOPUS
MONASTERIENSIS.

Ex Tomo VI.
fol. 123.
vfo.

De miserabili facie Urbis Monasteriensis Westphaliæ, ab Anabaptistis oppressæ. 1534.

INtempestivum videri posset, Beatissime Pater, felicia Maximi Pontificatus Tui auspicia, acerbis querimoniis, de fatalibus hisce malis calamitatibusque nostris interpellare, nisi, extrema rerum necessitas, hoc tempore, omni prope humana nos ope destitutos, nostrisque jam dudum penè in universum consumptis & exhaustis viribus, ad Tuam Sanctitatem veluti ad sacram anchoram confugere, compelleret: quod ea nunc Religionem Christianam Rempublicamque nostram, detestabilium nefandorumque errorum procellis pene obrutam & demersam, ab tristissimo isthoc naufragio liberet ac conservet. Dabis itaque veniam, Beatissime Pater: & huic ultimæ necessitati, gravissimisque periculis & ar-

Tom. II.

S,

mnis,

ais, in quibus miserè fluctuamus, ascribes, quod pro consueto gratulationis officio, miserabili Religionis & Reipub. nostræ casu, serena & tranquilla Pontificatus tui initia inquietare ausi sumus. In hisce porrò difficillimis periculissimisque negotiis, quibus ab initio nostræ administrationis variè jactati fuimus, non minimo Nobis fuit solatio & gaudio quod te ab Amplissimo Cardinalium Collegio Pontificem Max. nunciatum fuisse (1) intelleximus. Quo non alius scilicet hac tempestate tanto apici dignitatisque fastigio magis dignus magisque idoneus, qui tot tamque gravium errorum procellis fluctuantem Germaniæ Rempub. restituat, atque in tranquillum tandem portum reducat, creari potuit. Quam quidem opinionem toti orbi maximæ tuæ dotes jam dudum excitaverunt: quas hic referre non injucundum equidem Nobis foret, nisi rerum nostrarum lamentabilis tristisque fortuna, adeò nos permoveret urgeretque, ut omnis nostræ impræsentiarum cura atque cogitatio ad investigandum salutis nostræ remedium præsidiumque nos revocaret. In hac autem rerum nostrarum calamitate, eximæ bonitatis, maximarumque virtutum tuarum fama præconioque excitati, non modicam concepimus fiduciam, ut Tuæ Beatitudini miserabilem Monasteriensis Ecclesiæ casum indicare, eidemque supplicare auderemus, ut ipsa nobis de Beatitudinis suæ gremio, & eximæ prudentiæ pectore, opem consiliaque communicare non dedignaretur. Quo hanc amarissimam tempestatem, quæ fatale toti orbi exitium minatur, avertere valeamus. Quanquam verò non est apud Nos dubium, quam ob periculi nostri diuturnitatem gravitatemque tum verò ob execrabilium errorum novitatem, ad Tuam Sanctitatem jam antea aliquam rerum nostrarum famam delatam esse: quo tamen ipsam hujusce negotii veritatem S. T. intelligat: cum rerum gestarum, tum detestabilium errorum capita breviter percurreremus. Tertius nunc agitur annus, quod

(1) *Te Pontificem Max. nunciatum &c.*] Paulus III. antea *Alexander Farnesius* S. R. E. Cardinalis, Episcopus Ostiensis, Decanus, post duos a Comitiorum (seu Conclavis) ingressu dies, renunciatus summus Pontifex, die 12. Octobris 1549. sedit annos quindecim, & obiit 10. Nov. 1549.

quod Nos Monasteriensis Ecclesiæ administrationem, Dei, Apostolicæque Sedis gratia suscepimus. Jam tum autem publicum statum, non minimis illic dissidiis, Religionis causa pridem obortis, perturbatum comperimus: nihilque statim potius habuimus: quàm ut gliscientes illic seditiones compo-
neremus: intestinaque odia, quæ intra Monasterium, Civitatem celeberrimam, atque antè facile florentissimam totius Westphaliæ, excitata animadvertimus, consopiremus: mutuaque concordiam inter clerum, nobilitatem, & cives restitueremus. Quod equidem Nobis quantumvis sedulò conantibus, ea tamen maxime de causa, perficere non licuit, quod populi vulgique ad tumultum nimis propensi animi, omnibus rectis quietisque consiliis reluctarentur, atque adeò jam plebeia vis potentiaque increvisset, ut neque consilio regi, neque imperio nostro compesci deinceps posset. Deum quippe Opt. Max. testamur, nihil nos intentatum reliquisse, omnesque vias & rationes expertos fuisse, quo præsentem hanc dirissimam ærumnam averteremus. Quiaimo aliquando iniquas condiciones subivimus, quo publico eos fœdere obstringeremus, ne quid ulterius novarent, odiisque suis modum ponerent. Verùm ubi cœpere Anabaptisticæ sectæ nefanda dogmata paulatim suppululascere, veteribusque erroribus novi accrescere, omnia, proh dolor, humana divinaque jura improbissimorum impiissimorumque hominum coluvies, suæ cupiditati insanixque postponens, præsentem Nobis acerbissimam excitavit tragœdiam. Cœpere autem rebaptizare sub anni 34. supra millesimum quingentesimum, initium: innumerofque subinde protulere errores sacrilegi hujus sectæ authores, quibus rebaptizatos obstringerent. Non eos tantummodo, quos cæteri Anabaptistæ jam dudum fuere commenti: videlicet de communicandis facultatibus, aliosque ejusdem generis, jam antea piorum doctorumque scriptis proditos & confutatos: verùm novas inauditasque excogitavere hæreses: scilicet ut Religionem Christianam totam semel obruerent, & confunderent. Nam peccantibus pœnitentiam concedi: ipsum etiam Redemptorem nostrum Christum ex Diva Virgine carnaliter natum, inficiari sunt ausi. Exstiteretque inter eos novi quidam Prophetæ, cum Deo sibi secreta fingentes colloquia, vanissimisque re-

sponsis & oraculis simplicem plebem miserè Indificantes. Libris verò & omnibus scriptoribus, tam veteribus quàm novis, linguis item atque litteris omnem fidem authoritatemque abrogavere: & ne aliqua vetustatis memoria apud eos remaneret, omnia semel litterarum monumenta concremare: palam ac clarè professi, Christianæ fidei lucem veritatemque post ipsa statim Apostolorum tempora per homines doctos obscuratam fuisse, eandemque nunc Deum per imperitos simplicesque restituere velle. Infinitos verò alios errores quos principio proferre non sunt ausi, cum temporis progressu invexerunt. Initio tamen, cum hæc secta exoriretur, nonnullam innocentiae speciem præ se ferebat: quæ simplici plebi vafri scelestique authores facile imposuere. Etenim qui eorum dogmatis nomen dabant, suas facultates sponte in communem usum conferre, vestitus omnem ornatum deponere, nullis sese humanis commerciis miscere, & perfectam quandam vitam ducere jubebantur: donec statim crescente ipsorum numero, simulata innocentia detegit cœpit: secretisque conspirationibus & consiliis eò rem perduxere, ut armis civitatem, frustra ac serò renitentibus bonis quibusque civibus, occuparent. Nec id fuit satis: sacras ilico omnes ædes violarunt spoliaveruntque: suburbanum templum vetustissimum incenderunt: quotquot nollent in eorum concedere sectam, urbe exegerunt. Quo nullum profectò potuit esse tristius spectaculum: neque enim vel ætati vel sexui vel ordini ulli pepercerunt, miserèque ab focis & Laribus quotquot rebaptizari nollent expulerunt. Qua quidem indignitate rei, Nos (uti par erat) graviter commoti, eum certò provideremus, hunc eorum furorem non constiturum intra unius illius civitatis mœnia, cumque in vicinis oppidis & vicis, atque etiam regionibus, scintillæ magnæ ejusdem incendii jam volitarent, qua potuimus celeritate militem contraximus: Urbem circiter Calendas Martias anno 1534. obsidere cœpimus: ac nihil omisimus, quo tantum periculum tantamque vastitatem ab Ecclesia nostra averteremus. Quo illud quidem effecimus, ut impiissimam scelestissimamque sectam longius latiusque grassari prohiberemus. Capere verò vel expugnare urbem, cum aliquoties magnis viribus justoque prælio tentassemus, propter ipsius tamen

iacre-

incredibilem munitionem, desperatorumque hominum diligentissimam defensionem, spe nostra frustrati sumus. Itaque mutato obsidionis genere, majorem exercitus partem exau-
thoravimus, complura propugnacula & munimenta erexi-
mus, eisque præsidia ter mille Peditum, Equitum vero tre-
centorum imposuimus, fossaque & aggere propugnacula ipsâ
circum urbem junximus, ut omnem commeatus importandi,
vel excurrendi facultatem hostibus inhiberemus. Et hic in
præsenti obsidionis status durat. Anabaptistarum verò qui
intra urbem agunt incredibiles errores, abominandaque facta
& consilia, quæ vel ex eorum libris, vel ex captivorum
transfugarumque confessionibus, quæstionibusque explorata
habemus, nimis fuerit longum perscribere. Illud tamen non
est prætereundum, quod tametsi vulgò hæc secta ab iterato
Baptismi Sacramento cognomen habeat, multas tamen alias
sceleratissimas planeque detestabiles sub se hæreses compre-
hendat. Qualis est illa, caput fere totius eorum doctrinæ,
quod tradunt, Christum in terris adhuc regnum sibi a pa-
tre promissum suscepturum: debuisse autem antea, omnia
quæ ad Christi doctrinam pertinent, collabi: & collapsâ
esse haud multo post Apostolorum tempora, ad hunc usque
diem. Nunc verò adesse tempora restitutionis, quibus sci-
licet Regnum Israël restitui debet, in quo, excisis impiis,
foli pii & justî victuri sunt, id quod ex subnotatis fere sa-
cræ scripturæ locis astruunt: Actor. 3. ibi: Pœnitementi &c.
usque ad tempora restitutionis &c. Matt. 13. item Matt.
21. 25. Luc. 19. Actor. 1. Rom. 11. 2. Thessalon. 1.
Actor. 3. Actor. 15. Esaiæ 3. 4. 33. 40. 49. 51. 52. 54.
61. 62. 65. 66. Hierem. 3. Dan. 2. 7. Oseæ 2. Joel 2. 3.
Amos 9. Mich. 4. Aggæi 2. Zach. 8. Malach. 4. Psal. 9.
17. 20. 21. 22. 26. 45. 46. Itaque Propheta quispiam su-
periore Autumno inter eos surrexit, a Deo revelatum sibi
affirmans, ut Regem denunciaret, qui viam Domini præ-
pararet, qui impios, quos omnes eos esse censent, qui
ipsorum erroribus non concedunt, gladio persequatur & ex-
tinguat. Designatus autem est ab eo Rex, sacror quis-
piam, homo juvenis viginti sex plus minus annos natus.
Qui a populo receptus, ilico facultates in communem an-
tea deperatas usum, sibi usurpavit, Regium Diadema cæ-

326 VIGLII AB AYTTA ZUICHEMI

teraque insignia & ornamenta pretiosissime fieri curavit, familiamque & comitatum sibi mira magnificentia & fastu delegit, & plane tyrannicum quoddam imperium superbissime arripuit. Certò asserens se a Deo Regem esse ordinatum, ut totum sibi orbem subjiciat, omnemque humanam potestatem, omnia regna & leges abroget, & evertat, regnumque Israël restituat, in quo soli justī, æquali omnes conditione & libertate, summa felicitate & pace fruantur. Ea-que opinio editis libris & per emissarios, & quos Prophetas vocant, passim denunciata, ita credulæ plebi persuasa est, ut omnino in sceleratissimam ejus factionem, maxime vulgi animi, jam inclinati sint. Multisque in urbibus jam tentavere nonnulli ad hunc tyrannum desciscere: qui magnos profectò motus excitassent, nisi in tempore Deus impia consilia detexisset. Obsidionis porro tempore, secleratissimis opinionibus aliud etiam fœdissimum dogma ab hujus Sectæ autoribus adjectum est. Quo Sacrosancti Matrimonii fides, non uno quidem, simplici modo sed errore errori accumulato penitus contaminata est. Nam cum gravidam uxorem attingere capitale ducant, uxorum tamen numerum liberum esse volunt. Itaque & ipse Rex multas habet conjugum titulo sibi copulatas fæminas: & cum ducta displicet, non dimittitur, sed impune alia assumitur. Quo quidem velamento, belle scilicet adulteria sua, spurcissimasque fornicationes tegi arbitrantur. Infinita vero alia sunt horum Anabaptistarum, non errorum aut hæresum nomine digna, sed talia paradoxa, ut omnino Antichristo venturo viam sternere, omnia legitima imperia, bonas leges, Orthodoxam Religionem subvertere, probitatem ac virtutem e vita humana tollere, naturalia, divina, civiliaque jura semel confundere velle videantur. Quorum si conatus processerit, quæ rursus barbaries, quanta immanitas ignorantiaque, & qualenam sit futurum hujus orbis chaos, Sanctitatis Tuæ insignis prudentia ipsa per se perpendere potest. Cœpit autem hoc malum apud nos, sed tanta ejus est contagio, ut citissime alias regiones nationesque infectura sit, nisi hic semel ab ipsis radicibus excisum fuerit. Nos verò non solum, ut commissum nobis hujus diœcesis ditionisque regimen omni vigilantia obiremus, tantamque pestem ab nostro populo propelleremus, verum
etiam,

etiam, ne hinc ad alios tam grave incendium progrediretur, totis viribus occurrimus, ac ultra officis centena florenorum millia in Anabaptisticum isthoc bellum insumpsimus. Adeoque ejus diuturnitate exhausti sumus, ut ad extremum venerimus, nec in nostra sit potestate, crudelissimum immanissimumque Tyrannum longius diutiusve reprimere. Porro dum mente reputamus, quantum toti Germaniæ, totique Christianæ Ecclesiæ, periculum imminet, si nobis hostilibus furiis cedere coactis, Anabaptisticus Rex, soluta obsidione urbis, per orbem impune grassari cœperit, nihil plane omittere volumus, quo tanto malo occurrere posse speraremus. Saltem ut coram Deo Opt. Max. omnibusque mortalibus vivis ac posteris, quidquid a nobis fieri debuit aut potuit, id summa diligentia sedulitate ac sollicitudine implevisse nos testatum relinquere. Quamobrem principio quidem viciniorum Principum auxilia imploravimus. Deinde apud Confluentiam hujusce communis periculi gravitatem aliquot Imperii Ordinibus exposuimus. Novissimè etiam Serenissimo Regi Romanorum supplicavimus: Vornatiæque apud Imperii pene totius legatos de supplicis nobis communicandis egimus. Qui nostræ miseri calunitatis, communique Reipublicæ & bono consulentes, non minimo præsidio opitulari nobis decrevere. Verùm quum hoc fatale malum magnas indies vires assumat, timendumque sit, ne hæc auxilia adversus tantam vim non sufficiant, Tibi quoque Clementissimo Patri, Maximoque Pontifici, periculi hujusce magnitudinem indicare volumus, atque in extrema nostra necessitate ad te Religionis Christianæ caput confugere. Supplicantes & per Christum Servatorem nostrum obtestantes, ut nostræ calamitatis publicique periculi te misereat: & nunc, dum adhuc procul a Sanctissima Urbe Romana hoc malum abest, devotissimæ tibi, Apostolicæque sedi, Ecclesiæ Monasteriensis, miserabilem casum benignis propitiisque oculis respicias: Beatitudeque tua aliquid in stipendia exercitus quem maximis hætenus impensis contra Anabaptistas sustinimus, conferat. Quem quidem ne adhuc nimium diu sustinere cogamus, vehementer timemus. Non potest autem tua Sanctitas in ullum ullum magis piè glorioseque beneficentiam suam collocare, quàm ut sævissimi, Dei pariter ac totius Christianæ Religio-

nis,

nis, Apostolicæque authoritatis hostes propellantur. Favorabilis fuit semper contra Turcas causa, & Romana fedes, non modò de suo lubens quidquid potuit impendit, ut immanissimam illam nationem Christianæ Religionis inimicam a nostris finibus prohiberet: sed cæteros Europæ Principes sæpe exhortata est commovitque, ut tantæ pesti occurrerunt. Nunc verò quum intestinum pestilentissimumque quoddam malum, in ruinam, & perniciem totius Religionis atque Reipub. Christianæ succrescat: age Beatissime, & nobis in calamitoso afflictoque isthoc rerum statu, tuis opibus, tua auctoritate, tuo consilio, auxilioque succurrere non gravare. De modica pecuniæ impensa agitur: qua nunc adhuc prohiberi hoc malum potest. Quod profectò, nisi nunc semel deprimitur, in commune totius orbis discrimen ac naufragium verget, longeque sævius & crudelius quibufvis Gotthis & Vandalis, sacrilegam hanc Anabaptistarum manum, nisi in tempore repulsa fuerit, per omnes Provincias populabundam ire conspiciemus. Cùm igitur tam late hujus mali periculum pateat, Tuque B. P. caput sis totius Religionis Christianæ, maximam fiduciam extremamque præsidii spem meritò in te reposuimus. Humillimeque tibi supplicamus, ut rei gravitatem mente revolvas, misero populo, labentique Religioni Christianæ succurras: ac cùm ipse de tuis facultatibus aliquid Nobis ad facinorosæ sacrilegæque Sectæ propulsandam vim impertias, tum verò Amplissimo Cardinalium Collegio, Principumque totius Europæ Legatis, qui apud T. S. agunt, extremam necessitatem nostram exponas: quo favore benignitateque sua nostram, imò communem causam, promoveant, atque adjuvent. Quod nos equidem erga S. T.; Amplissimumque Ordinem Cardinalium, cæterosque Europæ Christianos Principes, perpetuis temporibus, omnibus vicissim nostris facultatibus, ipsaque vita promereri paratissimi sumus. Christus generis humani Servator Tuam Beatitudinem diu ac feliciter suum gregem protegere regereque faciat. Datum in castris ante Monasterium in fine anni 1534. (2).

(2) *In fine anni 1544*] Manifestus error in numeris; legendumque 1534. Quod cùm serius a nobis observatum fuerit, non potuit hæc epistola suo loco collocari.

EPISTOLA CXL.

Ex To-
mo IV.
fol. 484.

D. LUDOVICO A SCHORA.

De negotio Daventriensium Reginae Mariae, Hungariae viduae, ac Belgii gubernatricis nomine apud Electorem Palatinum peragendo sententiam suam exponit, actionem dissuadendo; quod Elector ministris Cæsareis insensus sit; quod Protestantibus se junxerit, & quod sibi desint instructiones. 1545.

A Ccepi, Magnifice Præses, Domine Colendissime, Serenissimæ Reginae litteras, quibus mandat, ut apud Comitem Palatinum Electorem negotium Daventriensium agam. Id equidem ea qua debui diligentia exequi paratus sum. Verum hoc tempore hic non adest Palatinus, sed valetudinis curandæ prætextu, in thermas quasdam secessit. Quum igitur Regina scribat, ut habita oportunitate cum Palatino agam: non visa est id mihi velle Regina, ut ad absentem proficiscerer. Non possum autem D. V. celare, quæ ipse eo in negotio considerem. Primum enim magna ejus conficiundi erit difficultas, quod Palatinus nobis, Cæsareæ Majestatis ministris, graviter est offensus, seu rectius dicam insensus ac iratus. Indicium ejus clarissimum accepimus, quod cum hic antè hebdomadas sex venisset, rogatus a Rege, ut propositioni adesset, primum quidem D. *Grandvillanum* ad salutationem colloquiumque admittere dedignatus est: *Boisoto* quoque & mihi oportunitatem, nostram ei reverentiam testificandi ex *Huberto* quærentibus, obliquè responsum est. Dum vero nos nihilominus occasionem ejus officii captamus: ipse Palatinus, ipso etiam Rege inscio ac insalutato, hinc se subduxit. Ex *Navio* autem, qui in aliqua apud eum gratia remansit, intelligimus potissimum eum contra *Grandvellanum* ac me indignari, cum in genere ob fœdus Danicum, tum ob particularia quædam ejusdem. Ab *Grandvellano* quippe spem sibi Spiræ factam, in eo tractatu jura sua conjugisque illæsa fore: cum tamen nescio quæ in eo contineri criminetur alia, quam

Tonn. II. T t existi-

330 VIGLII AB AYTTA ZUICHEMI

existimarat. Jam quoque Daventriense negotium cum excruciat, me ejus articuli auctorem arguens, ac a me dictatas illas epistolas suspicans, quæ ad eum ea de re paulo, ut ipsi videtur, acrius sunt scriptæ. Cùm tamen in his nulla omnino sit culpa erga eum mea: nam quod attinet ad articulum de deposito Daventriensi, eum nos ex Reginalis Majestatis mandato tractatui inferuimus, magis (ut nobis tunc videbatur) in ipsius commodum quàm præjudicium, ne videlicet Daventrienses amplius haberent causam quare ea bona Palatino non darent. Quod autem ad litteras pertinet ad eum scriptas, novit D. V. me illis manum non apposuisse: quanquam ex D. Scheppero aliquando intellexerim, ipsum Comitem earum satis magnam suis scriptis occasionem præbuisse. Nec mirari satis queo, cur hoc negotium tam importunè urgeat. Sed *Datum Datum* vereor, qui sibi jam nescio quos spiritus concepit: si quando me hic vidit, Domini similis, obtortis me est oculis intuitus. Itaque, Magnifice Domine, vereor ne non satis grata ipsis futura sit actio mea in eodem negotio, quum ita sint exacerbatis non in nos tantum, sed in ipsum uti videtur Cæsarem animis, ut eos in publicis etiam hujus Imperialis conventus negociis non celent. Nam in iis quæ Cæsareæ Majestatis nomine de Religione, deque Concilio proposita erant, ipse ad Protestantium partes sese adjunxit. Jamque in Regis ac Cæsaris conspectu meditatur Sacrorum Religionisque in sua ditione mutationem, adscito ex Argentina primario ibi Concionatore cui nomen *Caspar Hedio*, qui Heidelbergæ illi nunc ovo incubat. Hæc quorsum tendant conjicere satis licet. Magnum certè vulnus Catholica Ecclesia indè accipiet. Ac uti magna dum ruunt ædificia, minora, quæ adjacent, conquassant: ita timendum ne hæc Palatini defectio multos vicinos in eandem trahat ruinam. Sed ad rem redeo. Ego, Magnifice Domine, Reginæ mandatum qua potero dexteritate exequar, cùm primum huc Palatinus venerit, nam ad Cæsarem eum venturum arbitror. Erat fortè opus Credentialibus, sed earum loco utar Reginæ litteris ad me scriptis, cùm in iis nihil mihi videatur, quod illum celare sit opus. Scio enim ea me auditurum, quæ jam antea litteris ultro citroque missis commutata sunt, quorum quidem ego nihil scio. Quæ si

EPIST. SELECTÆ AD DIVERSOS. 331

si ad me mitterentur, effem paulo ad hoc certamen instructior: Nam quod nunc Daventrienses offerunt, puto & antea Palatino oblatum fuisse. Sed cur ille non acceptarit, & quid ad ejus causas respondendum sit; voluisssem mihi expositum fuisset. Nam jacula prævifa minus nocent, & ne quid ego aliud dicam, quàm jam dictum est. Cum Consiliariis ipsius qui hic sunt, commodius forsitan agerem, & liberius loqui liceret, cum senex dicatur paulo esse iracundior, & habeat qui in hoc negotio oleum addat camino. Sed hoc nescio an Regina placeat. Quod si verò in eo mihi *Navius* adjunctus esset, illius gratia, quæ adhuc apud senem est integra, forsitan illius vehementiam temperare posset. Verùm totam hanc rem, Colendissime Domine, V. D. prudentiæ relinquo, ut, si ita videbitur, aliquid de ea cum Regina loquatur, & priori mandato aliquid addat, vel ad plenorem negotii instructionem facilioremque ejus executionem aliquid vel mitat, vel jubeat. Quodsi aliud non accepero, juxta priores Reginalis Majestatis litteras cum omni diligentia procedam, & hoc faciam quod potero. Vale, Domine Colendissime. Vornatiæ 3. Maii 1545.

EPISTOLA CXLI. CONRADO BRUNO (1).

Ex Tomo IV.
fol. 488.

Hortatur ut librum suum de Legationibus in publicum emittat. 1546

REm plane tua ista multijuga eruditione lectioneque dignam, ac studiosis hominibus inprimis gratam fecisti, *Brune* Doctissime, qui fœtum illum præclarum, cujus mihi aliquando Spiræ specimen edidisti, ad maturitatem perduxeris. Capita ipsa & rerum ordo fidem mihi faciunt, hoc te scilicet

(1) *Conrado Bruno*] Is Jurisconsultus, in publicis Imperii conventibus Augustæ, Spire, Wormatiæ & Ratisbonæ habitis emicuit. Plura scripsit, quæ emarus *Muraus* de script. sec. XVI. Hic agitur de libris quinque de *Legationibus*. Obiit Canonicius Augustæ Vindelicorum anno 1563.

332 VIGLII AB AYTTA ZUICHEMI

scilicet probe observasse quod tum sus quod dicitur Miner-
vam monebam, non tantum ut res ejus argumenti ad usum
publicum accommodas diligenter deligeres, sed ipsas quo-
que sic distribueres, ut ipsa tractatio gratiam aliquam operi
apponeret. Cum enim propter Legationum quotidianum
usum, multi id opus, ubi in publicum exiverit, expeti-
turi sint, multorumque subiturum censuram, ac eorum
ferè hominum, qui in Republica prudentiæ opinione excel-
lunt, hoc magis conandum est, ut plenum eorum mereare
suffragium. Quod te quidem consecuturum esse, non ex
isto tantum ad me misso Elencho, sed ex plurimis certissi-
mis documentis in illo venerando incorruptoque Senatu,
qui nos melioribus florentioribusque annis Collegas habuit,
percipiebam quotidie. Quamobrem ut istius tuæ operæ pre-
tium gratiamque ab bonis & eruditis hominibus vivis acci-
pias, nonnullisque quorum invidiam tua excitavit virtus ob-
jicias in quo frangant genuinum, fac ut typis id opus ex-
cudatur, tuoque isto præclaro labore multi mecum per-
frui possint. Vale. Ex castris Cæsaris inter Lauringam,
Dilingamque, postridie Calendas Novembris anno 1546.

*Ex episto-
lis claro-
rum Vi-
rorum
publicatis
a S. A.
Gabbema
an. 1663.
pag. 527.
1547.*

EPISTOLA CXLII.

ANDREAS ALCIATUS VIGLIO
ZUICHEMO.

*Commendat P. F. Chalcum, quem depingit. Con-
queritur se Ferrariâ relictâ, apud Papiam pro-
fiteri debere cum damno suo ac honorarii peri-
culo, cupitque sibi licere aliam conditionem qua-
rere.*

QUI has tibi reddet literas, Petrus Franciscus Chalcus,
juvenis est tuo favore dignus, quem ego hoc anno ad
doctorem lauream evexi. Est nepos Bartholomæi Chalci,
cujus

EPIST. SELECTÆ AD DIVERSOS. 333

cujus in epistolis *Politiani* (1) plurima mentio. Etenim avus ejus cum a secretis *Sfortiadum* Ducum esset, prolixam in

(1) *Politiani*] Angeli. Hic multarum literarum vir a multis celebratur. *V. Tribem. de script. eccles. n. seu cap. 911. Spondan. ad an. 1494.* quo anno ponitur obiisse, & rectè quidem. Unde vitiosa est correctio, quæ exstat in notis ad *Tribemium* in *Fabricii* editione, ubi ponitur e vivis eum excessisse Florentiæ an. 1509. & citatur testis *Mabillonius* in *Museo Italico* tom. I. p. 178. dictum oportuit p. 176. En verba: *E regione (Joannis Pici a Mirandula) sepultus est, sed sine inscriptione, Angelus Politianus, Johannis amicus, qui obiit anno M. CCCC. XCIV.* Discrepat tamen *Sweertius* in *sel. orb. del.* ubi inter *Florentina*, pag. mihi 242. binas adfert inscriptiones, quarum uni apponitur annus 1498. En tibi ambas:

POLITIANUS in hoc tumulo jacet ANGELUS, unum.

Qui caput, & linguas (res nova) tres habuit.

Obiit anno M. CCCC. XCIIX. Septemb. XXIV. Ætat. XLIV.

PAULUS CRINITUS amico pos.

Sed observa hanc inscriptionem non exstare in æde S. Marci Florentina, ut ut id *Sweertius* affirmet. Testis namque & ocularis & recens satis, *Mabillonius* est: eum ibi esse sepultum sine inscriptione. *Paulus Crinitus* ei tribuit annos vitæ 44. *Jovium* secutus; quo facto necesse fuit prorogare quoque annum mortis. Verum tamen constat utrumque; obiisse nempe *Angelum* anno 1494. ætat. 40. Probat hæc *Baylius* in *Diff. verbo: POLITIEN.* Ubi miror hunc, eundem ex *Mabillonio* male citato errasse errorem cum notatore *Tribemii*. Appongo alteram ex *Sweertio* inscriptionem quod obvia non sit.

Hic hic, viator paululum gradum siste:

Vatem potentis spiritus vides clarum:

Qui mente promptus acri, & arduum spirans,

Ac summa quæque & alia consequi suetus:

Is ille ego ANGELUS POLITIANUS sum

Fovit benigno me sinu Flora, & illic

In fata cessi: Parthenopæos Reges

Quum Gallica arma irruerent minabunda.

Tu vale, & hoc sis meriti memor nostri.

T t 3

Ad

in se eorum munificentiam expertus, multa privilegia, plurimas immunitates est consequutus; cuperet nunc hic mens ea omnia autoritate Cæsareæ Majestatis confirmari. Obsecro te, mi *Vigli*, ut hominem, quantum potes, adjuves, & ad nos voti compotem remittas. Quidquid in eum beneficii collatum collocaris, id omne, proinde ac mihi collatum interpretabor. Ea est mihi cum *Chalcis* istis conjunctio ac familiaritas, ut omnia illorum causa velim. Commendo itaque tibi illos de meliore nota. Anno superiore ad te scripsi, & conditionis meæ admonui, auxiliumque & opem tuam imploravi, cum tamen nullam a te responsum acceperim; seu meæ ad te perlatæ non sint, seu tu aliis gravioribus rebus occupatus, ad hæc nostratia cognoscenda descendere nequiveris. Nuperrime cum mense Septembri Ferraria Mediolanum reversus essem, Illustrissimus *D. Ferdinandus Gonzaga*, nomine Cæsareæ Majestatis mihi imperavit, ut conditionem Ferrariensem relinquerem, & Papiam profitendi causa irem, idque ἀντιλήπτως. Coactus itaque tam dura jussione accessi. Durties in eo est, quod ad 100. annua amitto, quæ in consiliis seu responsis in Italia inferiore lucri facio, cum Papia semidiruta bellis novissimis civitate, nullus sit obolus, quem extra ordinem possim conficere. Præterea alibi mihi in promptu præstantur honoraria, hic promittitur quidem, sed non solventur. Præfecti pecuniæ Cæsareæ omne id perditum ducunt, quod præstat. Doctoribus; tanquam ex animo triumphant, cum me illudunt: quæ res me senescentem, & articularibus morbis, subjectum ad incitas redigit. Rogo te, mi *Vigli*, pro mutua nostra necessitudine, ne me deferas. Cuperem a Cæsareæ Majestate impetrare, ut si isti constitutum mihi salarium sua die non repræsentent, liceat mihi aliam conditionem quærere: nec ideo possint isti in bona mea sævire. Si hoc mihi impetratum reddideris, seu tu, seu Reverendissimus *Atrebas* jam isti facilius solvent, meque maxima animi molestia liberaveris. Quid in hac re obtri-

Ad horum intelligentiam consequendam consulendus est *Baylius*, cui assentior, neutram inscriptionem e dignitate esse tanti viri. Quæ *Guil. Budeus* in thanatologia adfert, nihil addunt lucis.

obtinere possis, oblecto ne graveris me adimplere, vel per
amantissimum tam, si aliter per occupationes tua non liceat.
Vale. Nicini, seu Bapic. Aditus. Februar. 1547.

EPISTOLA CXLIII.

NICOLAOPERRENOTO.

Ex To-
mo IV.
fol. 49a.

*Commendat Joannem Colinum in Secretum Consi-
lium adscriptum. Ipse in aula hæret, ad Navii
locum postulatus. Statuit nihil vel suscipere, vel
detrectare, nisi Perrenotto auctore.* 1547.

CUM in curiam professionem institueret Jo. Colirius (1)
in Boisori quondam nostri locum ab Regina surrogatus,
atque is nullorum omnino notitia familiaritateve fultus, in-
primis ad Illustrē D. V. aliquem sibi aditum patefieri cu-
peret, measque in id litteras postulasset; haud potui de-
buive hoc illi negare, quod uti nos olim in Italia commu-
nia studia conjunxerant: ita postea in idem Mechliniæ coo-
perati collegium, mutuum semper amorem invicem colueri-
mus. Vir est certè non vulgariter doctus, adhæc apertus,
& sincerus, sed Aulam valde reformidat, publicorum ne-
gotiorum atque vitæ illius motorie infuetus. Verum si
Illustris D. V. suâ eum gratia favoreque dignabitur, animum
eo lubentius componet. Ego, cum occasione Colonienſis
Legationis, tum præcipuè ope atque auxilio Illustris D. V.
domum redeundi impetrata facultate; in Reginæ Aula fere
hæste-

(1) Joannes Colinus] Colins vel Collins. Ita diversimode scri-
ptum reperi in catalogis Consilii Privati, & summi Senatus
Mechliniæ sedentis. In hoc catalogo dicitur anno 1543. ad
Parlamentum admissus, in illo, notatur annus 1541. Ex hac
Viglii epistola liquet eum hoc demum anno 1547. in Consi-
lium Privatum ascendisse. Obiit anno 1572. terræ datus cum
conjugē suā N. Van den Eede in parochiali æde S. Petri
Mechliniæ.

hactenus hæsi. Licet post *Navii* vestri mortem parum abfuisse intelligo, ne ad curiam castrensemque molestiam retraherer. Scripsit enim ad me Reverendissimus Episcopus A-trebatensis, atque alii nonnulli, de me in *Navii* locum suffi-ciendo. (2) Sed uti ego tantæ provinciæ me nunquam vel parem vel idoneum existimavi, ita alia quoque multa me hactenus suspensum tenuerunt, ne videlicet me temerè con-jicerem, undè pedem referre, cum vellem, nequirem. At-que ita quidem in animum induxi meum, citra Illustris D. V. quæ paterno me semper affectu complexa est, authori-tatem, nihil vel suscipere vel detrectare. Quæ ubi coram aliquando meas rationes perceperit, id quod optimum erit, consulere, uti spero, haud dedignabitur. Benè vale. Binchii 6. die Julii anno 1547.

Ex To-
mo V.
fol. 38.

EPISTOLA CXLIV.

JOANNI GROPPERO (1).

1547. *Commendat Jacobum Horsium ad præbendam S. Gereonis Coloniae, a Cæsare, uti Gelriae Du-
ce, collatam.*

HAud fuit mihi hactenus, Clarissime Groppere, ulla ad te scribendi occasio, sed tamen post id quo Colonia dis-
cessi,

(2) *In Navii locum*] De *Viglio* in *Joannis Navii* Vice-can-
cellarii Cæsaris locum suffi-ciendo, dixi alibi, plus vice sim-
plicl. V. in fine *Notarum ad Vitam*.

(1) *Joanni Groppero*] ex *Sufato* Westphaliæ oppido. Qui fuit J. U. & sacrae Theologiæ doctor Coloniensis eximius, elo-
quentia admirabili, & rara eruditione instructus. Erat præ-
positus ecclesiæ SS. *Cassii & Florentii* oppidi Bonnenfis, eaque
qualitate per diocesim Coloniensem Archidiaconus, nec non
ad S. *Gerconem* Coloniae Canonicus & Scholasticus. Qui cum
a *Paulo IV.* anno 1555. in S. R. E. Cardinalium numerum,
absens ab Urbe, & nihil simile cogitans, aggregatus fuisset,
raro humilitatis exemplo dignitatem recusavit. De hoc facto
fi

cessi, non levis me tenuit sollicitudo ac desiderium, quo id quod me isthic agente cœptum erat, ad felicem exitum perduceretur. Gavissusque sum subinde, cùm intelligerem sine turba zizaniam paulatim extirpari, novatoresque istos, qui Ecclesiæ oppressionem moliebantur, alias sedes quærere. Nunc verò in ista Cæsareæ Majestatis prosperitate cuncta haud difficulter in suum reditura statum speramus. Ego interea ferè in Reginæ nostræ Curia egi, licet mortuo *Natio*, ad ejus subeundam provinciam multis mandatis litterisque evocatus fuero. Verùm non potui animum inducere, ut iterum me castrensibus molestiis objicerem, aut onus susciperem, cui ferendo vires pares non essent. Sed cùm jam Cæsar bellum absolverit, haud possum recusare, quo minus eam quam consuevi operam Majestati suæ impendam: itaque brevi in Germaniam rursus iter institui. (2) Meministi me Coloniae cùm essem, privata quadam de re aliquid exposuisse, ea fuit quod ad Cæsareæ Majestatis notitiam nuper deductum fuit, ad Prædecessorum suorum Geldriæ Ducum intercessionem personæ alicui ipsis gratæ Canonica Præbendam a Capitulo Ecclesiæ S. Gereonis conferri solitam. Aliis autem nonnullis eam gratiam apud Cæsaream Majestatem ambientibus, prælatus est quidam, pro quo ego preces interposueram, *M. Jacobus Comans Horstensis*, sacræ Theologiæ Baccalaureus, vitæ probitate non minus, quàm doctrina commendabilis, qui me quidem privato quodam officio demeruit, quod conjugis meæ fratres annis aliquot in litteris Lovanii, ac nunc Lutetiæ instituit. Spero autem vestrum

si dubitas, Vide *Spondam. ad an. 1559. N. XXXIV. & Ciaconium, tom. 3. col. 851.* Obiit Romæ prid. Idus Maji an. 1559. æt. 58. cùm in urbem vocatus fuisset a Pontifice, tum ad purpuram, si vellet, accipiendam, tum ad communicandum cum eo de rebus & scriptis circa controversiam religionis. Ubi honorifice exceptus, paulo post decessit, sepultusque est in æde Germanorum, quam *desP* anima vocant, ad pedes *Adriani VI.* cum epitaphio, quod habes apud *Ciacon.* cit. & in *biblioth. Belg. novæ edit.*

(2) *iter institui*] Legendum: *instituam.* Nam paulo post a Cæsare post Saxoniam victoriam Augustam evocatus est ad Comitium Imperii Kal. Septembribus hoc eodem anno celebrata. *V. Vitam Viglii N. LVI.*

338 VIGLII AB AYT TA ZUICHEMI

vestrum collegium, quod veteribus Geldriæ Ducibus concesserit, Cæsari legitimo ejus successor, & Ecclesiarum protectori, non denegaturum. Ad hæc forte meæ in communem Ecclesiam Coloniensem devotionis memoria aliqua isthic remansit, apud te præsertim, qui eam proprius cognovisti. Quamobrem rogo ut tua autoritate, quæ in illa Ecclesia haud immerito magna est, desiderium nostrum adjuves. Mihi Cæsaris litteras ad Doctorem *Hubertum*, quo is eas Capitulo ex tuo consilio per oportunitatem offerret. Cum boni autem viri intersit, ne longa aut inani spe ducatur, magni beneficii loco ducam, si impetrare desuper certum responsum a Capitulo liceat: & ut videatur Cæsarearum precum aliqua habita ratio, quando jam quadriennium agitur, quo Majestas sua Geldriæ Ducatui inaugurata fuit, speramus hunc cæteris, qui alio jure nituntur, prælatum iri. Vicissim si qua in re mei usus inciderit, in mea diligentia aut voluntate nihil vos desiderare sinam. Vale Domine & Amice cum primis observande. Binchii 8. Julii 1547.

Ex Tomo IV.
fol. 493.

EPISTOLA CXLV. LUDOVICO SCHORANO.

1548. *De Religionis negotio in Comitibus Augustanis directo per Interim Caroli Cæsaris, & per constitutum de cleri reformatione. A quibus susceptum Interim. De Episcopi Lubecensis successore. De Belgicis cum Imperio questionibus ad Reginam remittit. Optat redire domum.*

Comitiorum finis tandem hic ultima die Junii factus est, quæ Calendis Septembribus cœperant. Religionis negotium omnium difficillimum utcunque directum est duabus constitutionibus, seu potius consultationibus, quarum uni *Interim* (1) vulgo nomen inditum est, cujus exemplar Latinum

(1) *Interim*] De hoc famoso Edicto Caroli V. historici passim.

EPIST. SELECTÆ AD DIVERSOS. 339

tinum D. V. mitto. Altera Cleri reformationem continet, sed ea ordini Ecclesiastico non usquequaque placet. Attamen saniores ex iis promiserunt operam se omnem daturus, quo in Clero suo nihil desideretur. Venit autem huc post Recessum lectum Nuncius Apostolicus, Episcopus Fanensis (2) Dominicanæ professionis, sed, ut in proverbio est, post festum. Is fertur super iis, quæ per Cæsarem in Religionis negotio acta sunt, satis propensum Pontificis animum polliceri, modò Placentia (3) antea reddatur. Ita ut verum sit proverbium, plures Placentiam, quàm Veronam tendere. Et sic illud etiam ex Scholis nostris adducitur, quod spoliatus ante omnia restituendus sit; post scilicet de Religione ac Concilio quæretur. Augustensis hæc civitas *Interim* suscepit, sed metu magis, quàm sponte. *Musculus* quidam Apostata (4) qui hujus urbis Heresiarcha erat, eo cognito, mox aufugit. Heri cœpere alii Concionatores ad veterem morem conciones instituere, & habuere materiam satis aptam ex historia Evangelica de Visitatione *Mariæ*. Quæ-

sim. Ejus auctores sunt *Julius Pflugius* Episcopus Naumburgensis; *Michael Heldingus*, Episcopus Sidoniensis in partibus, & Archiepiscopi Electoris Moguntini Suffraganeus, post Episcopus Mersburgensis; ac *Joannes Agricola*, Illebius, qui a Protestantibus redierat ad Catholicos. Vide *Spondanum ad annum 1548. a. n. IV.* & confer quæ *Surius* habet ad eundem annum.

(2) *Episcopus Fanensis*] Non unum, sed tres Nuncios apostolicos adfert *Spondan.* quem Vide *ad an. 1548. n. XI. & ad an. 1549. n. IV.*

(3) *Placentia*] De controversia inter Cæsarem & *Paulum III.* PP. ob urbem Placentinam, vide *Tbuanum*, *Spondanum*, aliosq.

(4) *Musculus quidam apostata*] *Wolfgangus*, natione Lotharingus, monachus Benedictinus cœnobii Lixheimiensis in Palatinatu, abjecto habitu religioso, ductaque uxore Argentoratum secessit. Post Augustam vocatus, prædicationi se dedit, & in negotiis seu colloquiis religionis adhibitus, post publicatum Edictum Cæsaris, de quo hic, abire compulsus, in Helvetiam se contulit, ubi & obiit anno 1563. Plura scripsit, transtulitque. Vide *Du Pin Bibl. des aut. Jéparez de la Commun. de l'Eglise Rom. du 16. siècle tom. 1. part. 2. in 8. p. 399.*

340 VIGLII AB AYT TA ZUICHEMI

Quædam urbes adhuc tergiversantur, sed interim Hispanum militem formidant. Saxonica civitates nondum Cæsari responderunt, an *Interim* parere velint, quanquam Dux Brunsvicensis scripsit decrevisse eas id non recipere. Verum Deo propicio meliora sequentur consilia. Episcopo Lubecensi dudum in carceribus latrunculatoris cuiusdam defuncto: *Judocus Hoetfelder* (5) Curtisanus, D. V. non incognitus, qui nunc Pontificis est Cubicularius, in ejus locum susceptus dicitur ex electione Capitularium, qui veteri Religioni hætenus adhæserunt. De nostrarum provinciarum concordia cum Statibus Imperii D. V. superioribus litteris meis latè scripsi: Et quum ea quæ postea secuta sunt, Reginæ hoc eodem tempore significem, nihil puto opus esse ea hîc repetere. Cùm domum rediero, cætera quæ calamo explicari nequeunt, coram referam. Hic tot hac hebdomada negotiis obrutus sum, ut translationi tractatus totius vacare non potuerim. Concepi autem privilegia quæ desideratis, sed puer meus aliis describendis occupatus, nequit

(5) *Judocus Hoetfelder*] seu *Montfilter*, ut est apud *Guil. Budæum in Thanaolog.* ubi dicitur, Osnabrugensis, Episcopus Lubecensis, & obiisse anno 1551. æt. 51. Porro quis ille Episcopus Lubecensis dudum in carceribus latrunculatoris cuiusdam defunctus? Hunc frustra quæsi. Nec ad manum erat *Chronicon Episcoporum Lubecensium*, a *Meibomio* vulgatum. Et ut fuisset, docuit me *Oudinus de script. Eccles. tom. 3. col. 2683.* quod Chronicon illud perveniat ad an. dumtaxat 1465. continuatumque sit usque ad an. tantummodo 1505. In *Historia ecclesiastica Germaniæ*, Gallicè edita Bruxellis duobus voluminibus in 8. exstat catalogus seu synopsis dictorum Episcoporum, ubi trigesimus nonus Episcopus appellatur *Henricus Bockholt*, qui ultimus ejusdem Ecclesiæ Episcopus catholicus fuerit. En verba: *Henri Bockholt, Docteur ès Droits eut le malheur de voir introduire le Lutheranisme dans son Diocese; il ne négligea rien pour l'étouffer dans sa naissance: il mourut en 1535. Hist. Ecclesiastique d'Allemagne, à Bruxelles chez Foppens 1724. tom. 2. p. 339.* Et apud *Guil. Budæum* cit. ita lego ad an. 1535. „*Henricus Bockholtus, Episcopus Lubecensis, Præpositus Hamburgensis, Hamburgæ die Lunæ post Judica.*” Catholici norunt, Dominicam diem *Judica*, esse Dominicam Passionis.

EPIST. SELECTÆ AD DIVERSOS. 341

quit omnia eodem tempore conficere. Mihi autem ut omnia semper, quæ ad nostram Provinciam pertinuerunt, curæ fuerunt, ita ista etiam erunt, nec discedam nisi eis confectis. Absolutis autem jam Comitibus id summo studio contendendo, quo mihi redeundi licentia concedatur, quam uti spero impetrabo, licet quidam hîc me vehementer retinere cupiant ob nonnullos processus, qui coram Aulæ consistorio vertuntur. Verùm me tædet illius Virgiliani; *sic vos non vobis*, & loculi exhausti amplius me hîc morari non sinunt. *Gerardus Veltwyckius* ait se missionem impetrasse, & itineri jam se parat. Benè vale, Domine Colendissime. Augustæ 3. Julii 1548.

EPISTOLA CXLVI.

LUDOVICO SCHORANO.

Ex Tomo IV.
fol. 495.

Queritur se publicis negotiis defunctum, ob privata detineri. De tractatu cum Statibus Imperii. De restaurando judicio Camerae Imperialis. Cum Bremensibus concordia inita. Chantonejus ex Hispania redux, quo Archidux contendit. 1548.

Absolutis jam pridem comitiis publicisque negotiis, privatorum hîc adhuc distinemur supplicationibus, processibusque nonnullis valdè odiosis & molestis, absque ulla feriarum contemplatione, quas in curia Principis locum habere nolunt. Translationem tractatûs nostri cum Statibus (1) Imperii ad Reginam mitto. Expectamus autem ut vestro suffragio nostri labores comprobentur, qui certè non exigui fuere, priusquam eo res deduci potuit. Opus autem mihi videtur, ut futuro judicio Camerae, tractatus hicce ritè insinuetur. Judicem novum ac Assessores Cæsar nondum de-

(1) *Tractatus nostri cum Statibus*] Nempe illo tractatu effectum est, ut inferior Germania a jure Imperii libera reddita sit. *V. Vitam N. LVII.*

342 VIGLII AB AYTTA ZUICHEMI

delegit, (2) sed id faciet proximis diebus, & Calendis Octobris id iudicium rursus incipiet. Multa super institutione processuum ac ordinatione ejus iudicii utiliter hic instituta, & in tres libros distincta sunt, quibus Cæsar, Ordinesque Imperii auctoritatem Pragmaticæ Sanctionis (3) impertiverunt. Cum Brementibus tandem concordatum est, sub ratificatione tamen intra mensis spatium transmittenda. Obtinui autem ut juri suo,

(2) *Cæsar nondum delegit*] nempe *Viglio* delectum permisit, postquam Ordines Imperii ipsi Cæsari reliquissent Cameræ Imperialis Spirensis instaurationem. Ipse verò tredecim Jurisconsultos seu Doctores Cæsari suggestit, quorum aliqui in ordinarium locum missi, alii autem ad triennium dumtaxat adlecti fuere, quos scriptis ad singulos epistolis, missisque Cæsaris literis seu diplomatibus, Spiram ire procuravit; assessores futuros cum veteribus, qui ad idem iudicium revocati sunt, quòd Cæsar numquam eas, quæ contra hos jactatæ fuerant a Protestantibus recusationes, protestationesque comprobasset, sed potius horum integritatem nova ad id munus cooptatione confirmare voluerit. Adde nomina novorum qui a *Viglio* eo invitati fuerunt, ex tom. IV. a pag. 119.

<i>Wigileus Hundt</i>	}	nomine Bavarie
<i>Wolfgangus Hungorus</i>		
<i>Andreas Blumenthal</i>	}	nomine Saxonie
<i>Hieronymus Schurff</i>		
<i>Matthæus Nefer</i> - - -		nomine Moguntie
<i>Felix Hornung</i> - - -		nomine Treviris
<i>Gaspar Koch</i> - - -		nomine Colonie
<i>Bartholomæus Latomus</i> -		nomine Circuli Burgundici.
<i>Doctor Aurelius</i> - - -		triennalis
<i>Andreas Kebitz</i>	}	Et hi videntur fuisse triennales.
<i>Joachim Minsinger</i>		
<i>Joannes Sichardus</i>		
<i>Gaspar Canon</i>		

(3) *Pragmaticæ Sanctionis &c.* Secundum quam hæc Camera constat Senatu & Cancellaria. Qui cognoscere vult de ejus Officiariis, Judice, Assessorebus, procuratore & avvocato Imperialibus, modo procedendi tam in prima instantia, quam in casu appellationis, consulat *De Præd. bist. d'Allemagne chap. 9. a pag. 574.* Ipsa porro *Sanctio* existat apud Goldast. *Const. Imp. tom. 2. a p. 242.*

EPIST. SELECTÆ AD DIVERSOS. 343

fuo , quod in Dominium Esense prætendebant , cesserint , quam totum mensem variis allegationibus ei reluctati fuerint. Cæsar bellè valet. *Chantoneius* (4) ex Hispania rediit. Archidux (5) decimo octavo die hujus mensis creditur Genuæ navim versus Hispaniam conscensurus. Bene vale , Domine Colendissime. Augustæ 10. Julii anno 1548.

EPISTOLA CXLVII

ANTONIO PERRENOTO EPISCO-
PO ATREBATENSI.

Ex Tomo IV.
fol. 505.

*De personis ad Concilium Tridentinum mittendis ,
& de sumptibus , judicium suum exponit. Sub-
jicitur brevis Commentarius de forma celebrandi
Concilii.*

1550.

COgitavi sæpè ac diu de personis idoneis ad Concilium mittendis , ac cum plerisque de eadem re contuli. Verùm tanta hominum est penuria , ut me hujus pene Provinciæ nostræ , quæ olim doctis viris abundare solebat , sup-
pudeat. Mitto autem Catalogum omnium quos exquirere potui alicujus esse nominis & famæ. Sed in eo grege vix invenio quos vobis suggeram pro Curiæ usu. Monachos enim vos velle non puto , & ex Sæcularibus Theologis nescio quos deligam. Judicio autem nonnullorum , cui & ego meum calculum submittere audebo , magis idonei videntur *Franciscus Sonnius* (1) Canonicus Trajectensis , &
Joan-

(4) *Chantonejus*] Thomas Perenottus , Cardinalis Granvel-
lani frater.

(5) *Archidux*] Maximilianus , Ferdinandi I. Imp. filius , qui uxorem duxit *Mariam* Caroli V. patrui sui filiam , ipse postea Imperator ejus nominis II.

(1) *Franciscus Sonnius*] de quo ad Vitam N. LXXIII. Non adscripsi epistaphia , quæ exstant in *Hist. Episc. Antwerp. & in nova edit. bibl. Belg. Val. Andreae* , quod hi libri obvii sint. Dicitur hic Canonicus Trajectensis , quod de Ultrajecto intel-
lige , ubi in Capitulo Majoris ec-
clesiæ præbendam habuit.

344 VIGLII AB AYTTA ZUICHEMI

Joannes Hasletanus, (2) ambo sacrae Theologiae Professores. Quorum ille refedit multos menses in Concilio Tridentino, missus eò per Episcopum Tornacensem: alter in Theologia & linguis feliciter institutus Lovanii diu sacram Pagineam professus est. Quidam his adjiciunt *Hermannum a Gouda* (3) Decanum S. Mariæ Trajectensis: sed ajunt eum plus satis esse cerebrosum. Quod autem pertinet ad personas ad Concilium destinandas, primum locum in his tenent Episcopi, qui tam suo, quàm Pastorum eis subditorum nomine, ipsi ad Concilium ire tenentur. Qui mihi monendi atque hortandi a Cæsarea Majestate videntur, ut dimissa Nobilium turba; assumant secum 3. aut 4. viros in Theologia & Canonibus eximiè doctos. Secundo loco videretur mihi cumprimis convenire, ut Cæsar juberet ex Universitate Lovanienſi mitti quoque duos Theologos cum uno Canonista. Inter quos esset *Ruardus* (4) Cancellarius Universitatis, qui in Scripturis Sacris, Doctoribusque veteribus & novis, omnique materia fidei, hoc nostro sæculo controversa, præ cæteris versatus est. Difficultas autem erit in subministrandis sumptibus, quum Academiæ ærarium ferre eos nequeat. Verùm posset Cæsar requirere Abbates & Prælatos Brabantiae, quo ii pro his tam sanctis ac necessariis impendiis aliquid contribuerent. Tertio loco occurrunt Abbates ac Priores Monasteriorum non Mendicantium. Constant autem ii ferè ex 4. Ordinibus, S. *Benedicti*, S. *Bernardi*, Præmonstrantensis, & S. *Augustini*. Ac cum hic postremus cæteris sit tenuior, possent ei adjici Carthusienses, Vallis Scholarium,

(2) *Joannes Hasletanus*] sive *Joannes Leonardi* cognomento *Van der Eycken*, Hasselensis Eburo, *Hasselius* dictus. Obiit Tridenti 5. Januarii 1552. V. *Faßt. Acad. Lovan. Bibl. Belg. & Miræum*.

(3) *Hermannum a Gouda*] de quo dixi inter decanos B. Mariæ. Vide *Catal. meum præpositor, & decanor. quinq. eccles. Ultraject.*

(4) *Ruardus*] Tappus, Enchufanus Batavus, S. T. Doctor Lovanienſis, Collegii majoris præses, decanus S. Petri, ac Cancellarius Universitatis, de quo satis dici cum non possit, remitto ad *faßt. Acad. Miræum, Biblioth. Belg. ac Spondanum ad an. 1559. n. 35. Obiit 2. Martii 1559. ætat. 71.*

larium, ac Canonici Regulares Reformationis Windesemen-
 sis. Quanquam autem omnes Abbates Mitrati, ratione ju-
 ramenti quod præstant in susceptione dignitatis Abbatialis,
 teneantur adire Concilium Generale, videretur tamen suffi-
 cere, quod ex singulis præfatis Ordinibus unus aut duo Ab-
 bates ex doctioribus mitterentur: quodque unusquisque Ordo
 secum assumeret duos Theologos, & unum Canonistam, ac
 sumptum pro his unusquisque Ordo contribueret. Et ne,
 ut fieri solet, deligant aliquos ad hanc provinciam ineptos,
 vel qui veniant duntaxat ad defendenda privilegia & exem-
 ptiones, expedire videretur, ut Cæsar ab eis peteret dele-
 ctum talium personarum sibi permitti vel ut ipse aliquos eis
 nominaret, qui Majestati suæ cumprimis idonei viderentur.
 Quinto * loco sunt quatuor Ordines Mendicantium, qui
 mihi non videntur a tam sancto negotio excludendi, quum
 plerique docti inter eos sint: & hi ob quotidianum docendi
 ac concionandi munus controversarum opinionum sint peri-
 tiores. His verò maximum præbebit impedimentum pau-
 pertas. Quamobrem si Cæsar juberet his præberi sumptus
 ab Monasteriis Monialium, possent & inde quoque aliquot
 insignes viri assumi, qui ad Concilium mitterentur. Quinto
 loco occurrunt Præpositi & Collegia Canonicorum exempta,
 quæ Episcopis non subsunt, neque aliquid contribuunt: &
 quæ solent ferè in Conciliis exemptiones suas mordicus pro-
 sequi: nec de reformatione Ecclesiæ multum curant. Cùm
 tamen magnam partem bonorum Ecclesiasticorum possideant,
 æquitas ac ratio postulat, ut & ipsa commune onus ferant.
 Posset fortassis his injungi, ut Universitatis Lovaniensis De-
 putatis sumptus præberent: quod Abbates Brabantiae ab cæ-
 teris non separarentur, vel si ita videretur, Mendicantibus
 suppetias ferre possent. De quibus omnibus Cæsar tempe-
 stivè mandare posset, quid fieri veller, & Reginæ aut Con-
 silio Status sententiam suam aperire: quum in tanta capitum
 multitudine, res non caritura sit difficultate. Conveniret
 quoque iis omnibus, qui ex Principis autoritate ad Con-
 cilium proficiscentur, caput aliquod dari ab Cæsare, quod
 eorum actiones dirigat, ac nomine harum provinciarum hæ-
 reditariarum, quæ meritò non postremum in Concilio locum
 tenere debent, Legati munus honoremque sustineat. Ad quam

* lege:
 Quarto.

346 VIGLIAB AYTTA ZUICHEMI

provinciam Cancellarius Ordinis (5) vel *Veltwyckius* noster (6) vel duo simul non inidonei mihi viderentur, si eorum opera hic carere possemus. Verum de his omnibus Reverendissima D. V. melius judicabit. Quæ si quid amplius de ipsis a me requireret, pro mei ingenii parvitate lubens in omnibus obsequar. Deus D. V. incolumem conservet. Datum Bruxellæ 8. Februarii anno 1550.

1. Forma celebrandi Concilii ex antea celebratis accipienda erit. Et quo minus habeant Hæretici quod carpant, optimum erit, eam confirmare potius antiquis, quam novissimis. Hæc esse debet Pontificis & Cardinalium sollicitudo: qui in hoc Prælati aliis ad Concilium venturis viam monstrare debebunt.

2. Antiquissima Concilia ex Episcoporum & Ecclesiasticorum constabant congregatione: quibus Imperatores veteres suam favorem promotionemque impertiri consueverunt. Eorumque ante omnes Reges & Principes Sæculares prima fuit autoritas. Ut sicut Romanus Episcopus omnium Ecclesiarum Primas censetur, sic & Rex sive Imperator Romanorum in suo ordine eadem autoritate perfulgeat.

3. Hæretici conantur autoritatem congregandi Concilii ab Papa ad Imperatorem, & ab Ecclesia ad Sæcularem potestatem transferre. Sed nec jure satis fundata est eorum intentio, nec de facto subsistere poterit: cum Imperii autoritas ad duas tantum nationes restricta sit, Italicam & Germanicam. Nec in hoc Hispanica, Gallica, Anglicana, Hungarica, Polonica, ac Septentrionalium Regnorum nationes Imperatorum sese volent subicere jurisdictioni, & Germanicæ nationi hujusmodi concedere prærogativam.

4. De veterum Conciliorum origine, celebratione, ac authori-

(5) *Cancellarius Ordinis*] Philippus Nigrl. V. Not. ad Vitam N. LXXX.

(6) *Veltwyckius noster*] V. sup. ad Epist. datam 20. Aprilis 1543.

thoritate habetur 15, 16. 17. & sequentibus *distinctionibus* in Decretis.

5. Memini etiam in Conciliis Panormitani de celebratione Concilii ample tractari, & sunt aliquot eadem de re opuscula inter tomos Tractatum juris.

6. Officium Imperatoris est ut exigente necessitate Ecclesiæ unionem promoveat. Id quum veteres Principes piè fecerint, tum novissimè summum fuit in Constantiensis Basileensisque Concilii congregatione studium *Sigismundi* Imp. ac tum quidem summa difficultas ex Pontificum ac Ecclesiasticorum oriebatur dissensione: nunc id conandum videtur, ut contra Sæcularium Principum potestatumque, quibus Hæretici adhærent, conatus in opprimenda Ecclesiæ autoritate, per Cæsaream Majestatem cæterosque pios ac Orthodoxos Reges provideatur. Est enim Cæsaris officium, promovere primò Concilium, ut id legitimè opportunoque loco congregetur. In quo suo jam officio Majestas sua peramplè functa est. Deinde ut tutò possint ex omnibus locis, qui Concilio interesse debent, eoque vocati sunt, eo pervenire. Item ut tutò ibi manere queant, cum Cæsar sit Concilii supremus protector. Quanquam soliti sunt constitui etiam de Concilii autoritate speciales alii protectores: quibus solet committi jurisdictio in casibus qui solent exoriri super causarum criminalium & civilium cognitione. Item ut suggerat Concilio ea, quæ consultationem Patrum requirere videntur pro unitate & concordia Reipublicæ Christianæ. Item ut postea legitimè decreta exequatur.

Quod si autem Cæsarea Majestas ad Concilii initium personaliter adesse nequeat, poterit tamen eo Legatum mittere, qui ea repetat continuetque, quæ per Reverendissimum Episcopum Atrebatensem (7) anno 1543. 9. Januarii coram Deputa-

(7) *Quæ per Reverendiss. Episcopum. Atrebatensem &c.* Is ipse est ad quem hanc epistolam & hunc de forma celebrandi Concilii Commentarium mittit, quem ideo censeo ab alio conscriptum, & a *Viglio* adoptatum, fuisse.

348 VIGLII AB AYTТА SUICHEMI

putatis ab Pontifice Cardinalibus proposita sunt. Excusabatur ibi Cæsar ac Prælati subditi, quod ob belli impedimentum venire non possent: promittebaturque eorum adventus si tempora paterentur. Nunc bello sedato, si non tam tempestivè venerint, causæ dilationis exponi poterunt, promittique Majestatis suæ studium tam in excitandis Prælatis suis eorumque officio & obsequio in Concilii optatum fructum, quàm etiam in aliis, quæ Majestatis suæ partes concernunt.

Ex Tomo IV.
fol. 510.

EPISTOLA CXLVIII. EPISCOPO ATREBATENSI.

1550. *De itinere Reginarum in Cliviam. De Cæsaris Edicto contra Sectas a se mitigato. De Inquisitione, aliisque quæ Edicto objiciuntur. Qui causam Edicto dederint. Severa sibi consilia numquam placuerunt.*

Reverendissime ac Colendissime Domine, nos heri Cliviam appulimus. Occurrit Reginis (1) Dux ad tria milliaria, venationemque in via Dux exhibuit. Sub idem tempus advenit Colonienfis (2) ac Comitissa Palatina cum numeroso puellarum choro. Nostrum autem comitatum honorarunt Comes *ab Roelx*, *ab Ligne*, *ab Hoochstraten*, & *ab Aremberga*. Archiepiscopum nondum salutavi. De Burgundico negotio cum eo agam qua potero solertia. Regina ad Cæsarem scribit de Linchampio in manus Gallorum tradito:
ac

(1) *Reginis*] *Mariæ* Hungariæ viduæ Belgii Gugernatrici, & *Eleonoræ* Franciæ viduæ, sororibus *Caroli V.* occurrit Dux Clivenfis; qui recte venationem exhibuit *Mariæ*, quæ Venatrix vulgò appellabatur, habituque Venatricis expicta fuit, ut testatur *Strada lib. I. dec. 1. ad an. 1530.*

(2) *Colonienfis*] Archiepiscopus Elector, *Adolphus de Schouwenburch*, de quo alia.

ac literis Domini *Pratensis* monita, indicat Antverpiensium formidinem ob novum seu potius renovatum edictum adversus Sectas: ac Turnhouti *Mafius* Pensionarius (3) longa atque acri oratione in id invehitur. Invidia autem omnis in me vertitur. Si quid displicet, jubeor reddere rationem. Quod sanè tanto æquius sustineo, quod nihil in hoc edicto additum sit, nisi cum Consilii deliberatione, & Cæsaris auctoritate. Multaque ut meminit Reverendissima D. V. a me mitigata sunt: ac nonnulla cupivissem ipse Cæsar moderatus fuisset: sed id persuaderi Majestati suæ nequivit. Queruntur autem inprimis, a nobis novam inductam inquisitionem, quam vocant Hispanicam. Quod falsò populo a quibusdam persuaderetur, ut nomine ipso rem odiosam reddant, cum nulla alia ab Cæsare sit instituta inquisitio, quam ea, quæ cum jure scripto scilicet Canonico, convenit, & usitata antea fuit in hac Provincia, juxta sedis Apostolicæ Bullas & commissiones. Et ne ea potestate inquisitores, aliter quàm convenit, uti possent, instructio ipsis ab Cæsare data est. Quæ & ipsa in invidiam trahitur, quasi ea scilicet Hispanicum virum (ut nonnulli loquuntur) contineat. Unde *Mafius* illam quoque publicari desideravit, quo passim sciri possit, quidnam cuique ab inquisitoribus sit metuendum. Quod tamen Reginæ convenire non est visum, arbitrari sufficere, si ejus copia Consiliis fieret, ad quæ exempla jam pridem transmissa sunt. Aliud quoque caput edicti valde exaggerant, quo prohibentur in hac Provincia residere ac habitare homines ignoti, nisi adferant documentum prioris vitæ ac conversationis. Clamant id exteris esse gravissimum: & plerofque originem ducere ex locis infectis: quos tamen hætenus non

(3) *Mafius pensionarius*] Jacobus, Antverpiensis, filius *Joannis & Gommarinæ Van Merle*, Multis annis fuit primarius syndicus, sive consiliarius pensionarius, ut loquimur, Civitatis Antverpiensis, qui nomine Ordinum longam prolixamque orationem habuit ad Cæsarem *Carolus V.* cum anno 1555. regna sua omnia transferret in *Philippum* filium; cujus summam refert *Pont. Heut. rer. Austr. lib. 14. cap. 2.* An. 1556. receptus est senator in supremo Brabantiae Consilio. De ejus præclara prole dixi ad *Epist. XCVII. Vigli ad Hopper.*

350 VIGLII AB AYT TA ZUICHEMI

non solùm Cæsar toleravit: sed bello quoque proximo *Smal-*
haldico securitas eisdem data fuit. Porro de iis qui ad mer-
catum in hanc nostram Provinciam veniant, nunquam in-
quisitum fuit, quam Religionem profiterentur. Verùm in
Hollandiam nonnulli Anabaptistæ ac Sacramentarii habitatum
venientes, causam edicto dederunt. Et mihi sanè non malè
convenire videtur, ut sciamus conditionem eorum qui nobis-
cum habitant: quam ubique tamen ad Curatorum (4) cer-
tificationem adstringendam non arbitror, si modo aliundè co-
gnosci poterit novi incolæ qualitas. Permittere autem passim
omnibus, ut hic vivant in ea Religione qua velint, absque
ulla indagatione, mihi non ad Hæresum extirpationem, sed
plantationem potius pertinere videtur. Quod ad me attinet,
R. D. V. quæ mearum actionum testis est, ita spero totam
hanc rem diriget, ne mihi quicquam immerito imputetur.
Severa nimis ac acerba consilia mihi nunquam placuerunt.
Quoad autem potui, mitigavi, quæ mitiganda videbantur.
Quod si Cæsari in quibusdam aliter visum fuit, non meum
est Majestatis suæ voluntati obistere. Multa autem quidam
nunc cavillantur, quæ jam per viginti annos prioribus edictis
fuere expressa. Quorum meritò ratio ab authoribus, non a
me expectanda est. Prolixius hac de re ad R. D. V. scri-
bo, quo animum meum nonnullorum calumniis cavillationi-
busque commotum exonerem. De reliquis post scribam:
nunc non licuit, in quotidianis diversorum interpellationi-
bus. Benè vale, Domine Observandissime. Clivæ 16. Julii
anno 1550.

Ex To-
mo IV.
fol. 512.
vfo.

EPISTOLA CXLIX. ENGELBERTO CANCELLARIO BRABANTIÆ (1).

1550. *De difficultatibus motis in renovando Editio contra*
hære-

(4) Curatorum] seu, parochorum.

(1) Engelberto Cancellario Brabantiae] cognomento van Daele,
qui fuit Eques, toparcha de Leefdael, & de Wildre, & uno-
rem

EPIST. SELECTÆ AD DIVERSOS. 311

*hæreses. Quæ ratio observata; quæ mitigatio
adhibita. Frustra cupivit Edicti formam Consiliis
antea examinandam dari.*

In edicto contra Hæreses renovando difficile nobis nego-
tium cum ipsomet Cæsare fuit, confessore qui discessit,
aliisque nonnullis pleraque suggerentibus, quæ nimium nobis
acerba exorbitantiaque videbantur cum in illis ipsis quæ an-
tea fuissent edita, a multis bonis viris justitiæque amatoribus
moderamen aliquod desideraretur, suadentibus ut pro modo
transgressionis pœna statueretur. Sed alii uno eodemque jure
omnia perfundentes, adversus omnes rationes nostras id unum
allegabant, gravitate pœnarum absterrendos homines, ut ab
hoc

rem habuit *Franciscam de Sauvaige*. Ambo tumultati sunt in ec-
clesia S. Gudulæ Bruxellis cum epitaphio quod subjicio ex
Buskens Troph. de Brabant tom. 2. p. 370.

D. O. M.

Eruditione juxta ac nobilitate præclaro

D. ENGELBERTO VAN DAELE

Equiti aurato

Qui cum aliquamdiu in supremo Senatu Mechliniensi

Cæsari fuisset a Consiliis;

Ac demum secedim annis

Brabantiae Cancellarius,

Annos natus sexaginta,

Summo relicto sui desiderio

Obiit 21. Decembris anno redemptionis humanæ 1556.

FRANCISCA SILVAGIA

Conjungi amantissimo posuit

Cui ipsa postmodum hoc in loco contumulari voluit.

Obiit autem anno 1572. die 28. mensis Januarii.

Quarteria:

Van den Daele, Kets, Van den Broeck, Wyngaerden,
Sauvaige, Boulogne, Ognies, Herines.

352 VIGLII AB AYTTA ZUICHEMI

hoc Hæresum inquinamento quasi seditionum fomire caveant. Unde in multis apud Cæsarem illorum prævaluit sententia, exemplo potissimum accepto ex prioribus edictis, quorum præjudicium, æquius humaniusque sentientium opinionibus, imprimis obstabat, cum difficile sit Principes ab eo revocare, quod semel persuasum habuerunt. Tertium autem articulum quidam Cæsari suggessere ex edicto per Regem Francorum contra Hæreses edito. Ubi simplex error, ac non obstinata ac malitiosa voluntas ab extremo Hæresis gradu distinguitur. Etsi enim in utroque casu sit dolus, excusator tamen est in uno, quàm in altero. Cum plerumque contingat, mulierculas aliosque imbecillioris judicii homines, levibus persuasionibus in opiniones quasdam induci Hæresim sapientes: ut Confessionem contemnant, Missas negligant, & alia hujusmodi: qui tamen postea saniora monstrantibus non gravatè cedunt. Hos nonnulli judices, in rigorem edictorum priorum incidisse arbitrati, ad pœnas antea rapiebant. Verùm visum fuit aliquatenus id mitigare, relinquendo in hujusmodi errore judicium foro Ecclesiastico, Pœnitentiam admittenti. Sic tamen ut deinceps ab eodem fermento abstineant, sub elapsi * pœna, quæ & prioribus edictis de Hæresi semel convictis imponebatur. Quod pertinet autem ad verbum interpretandi, id ad meliorem declarationem intentionis Cæsareæ Majestatis D. V. per Secretarios adscribi curare poterit. Quod si Cæsar passus fuisset, novi istius edicti formam Consiliis antea examinandam tradere: cum plurium satisfactione in publicum emitti potuisset. Idque sanè ego cumprimis desiderabam. Verùm cum secus Majestati suæ placuerit, danda nobis est unà opera, ut ab ipso statuta moderate exequamur. Benè vale, Domine cumprimis honorande. Ex Clivia 16. Julii anno 1550.

* *Legè:*
relapsi.

EPISTOLA CL.

EPISCOPO ATREBATENSI

Ex To-
mo IV.
fol. 514.

Rescribit quid respondendum videatur Trevirensibus super controversia Luxemburgensi, quæ per tractatum Augustanum anni 1548. dirempta fuit. 1550.

Reverendissime ac observandissime Domine. In gravi negotiorum mole, quæ nobis hic sub Regina discessum affluunt, ad postremas R. D. V. paucis duntaxat respondebo. Ab Luxemburgensi senatu adhuc expectamus responsum in causa Abbatiae S. Maximini, quod tamen brevi adfore spero, cum jampridem a me secundæ jussionis litteræ eo sint missæ. Treverenses verò antiquum observant, qui istum illic scrupulum movent, de cognitione violatæ pacis. In quo sanè cum tractaremus cum Statibus anno 1548. potissima tunc versabatur difficultas. Sed favente numine negotium hoc satis feliciter tunc fuit transactum. Ut videlicet de pace a subditis (uti prætendi posset) violata, judex utrobique rei ac conventi cognitionem haberet, quod tractatus ipsius verba expressè indicant. At contra ipsumque Principem ac Dominum harum terrarum, cui violatio pacis ab aliquo intentari posset, uti non est Imperiali Camera, aut alicui alii attributa cognitio: ita quoque non tradita per eundem tractatum forma, quomodo talis controversia debeat aut possit diffiniri. Ac videri quidem prima facie potest, esse quædam inæqualitas: dum nos contra Imperiales, si pacem adversus nos violent, judicem habemus, coram quo eos accusare possimus: ipsi contra nos non itidem. At ratio differentiae in promptu est, cum illi recognoscant superiorem aliter, quàm nos. Atqui termini possent videri magis pares, si de ipso Imperatore loqueremur quis ejus judex esse debeat, si eum contingeret aliquando pacem violare contra Principem ac Dominum harum terrarum, posito scilicet casu, quod alius esset Imperator, quàm harum terrarum Dominus. Eo verò Imperium obtinente, absurdus

Tom. II.

Yy

est

est quærere, an ratione hujus Provinciæ possit contra ipsum reddi violatæ pacis judicium. Quod si verò regentes ac officii Majestatis suæ, pacem violasse aduersus aliquem dicentur, certè juxta verba ac mentem tractatus Augustensis, relinquenda videtur Majestati suæ cognitio. Verùm fortassis Cæsareæ Majestati non placebit hanc materiam tam profunde cum Statibus disputare: neque mihi quidem opus esse videtur. Sed satius consultiusque existimo ut, si tale aliquid proponatur, quale R. D. V. scribit, respondeatur: tractatum satis clare disponere, cui cognitio in causa violatæ pacis debeat competere. Quod si quis prætendat injuriam sibi illatam, vel pacem violatam a subditis seu Officiis Majestatis suæ, Majestatem suam curaturam desuper administrari justitiam per sua judicia & consilia Provinciæ hujus Belgicæ: uti ab omni ævo fieri consuetum est: vel pro causæ qualitate, si ita requiretur, seipsam cognituram. Non arbitrari autem dedisse ipsummet Cæsarem alicui vicino causam conquerendi, ut jamprimum illud velint in dubium trahere, ubi Majestas sua, tamquam Dominus harum terrarum, juri stare teneatur. Et habere quidem Majestatem suam ratione præfatarum terrarum, concordatâ ferè cum omnibus vicinis, juxta quæ ejusmodi controversiæ debeant, ac soleant determinari: quæ quidem citra ipsorum Statuum hujus Provinciæ consensum alterari nequeunt. Nec posse citra eorum scitum & voluntatem, se successoresque suos alicui jurisdictioni subjicere, qui antea non fuerunt harum terrarum Domini subiecti. Debereque meritò Status Imperii contentos esse iis, quæ per ipsosmet tractata & conclusa fuere anno 1548. quæ cum postea etiam ab Statibus harum terrarum sint ratificata, non convenire, ut sine illis aliquid in eis mutetur. Nec mutari sanè ii consentient, nisi Majestas sua ipsamet coram illis causas sufficientes exponat: quod nunc difficile factu est. Hæc quidem mihi impræsentiarum circa istam quæstionem respondenda occurrunt. Sed cum negotium sit tanti momenti, R. D. V. peritiorum quoque consilium & sententiam requirere poterit: & ipsamet unâ cum Illustri Domino Genitore meliora Cæsareæ Majestati super hac difficultate suggerere, consulereque poterit, quàm mei ingenii parvitas capiat. Benè vale, Domine Reverendissime. Ex Bruxella anno 1550.

EPI.

EPISTOLA CLI.

JOANNI MEPSCHIO (1).

Ex Te-
mo IV.
fol. 518.

*Scribis de bello Germanico Cæsarem inter G^o Hen- 1551.
ricum Galliarum Regem, juncto sibi Mauritio
Saxone. Joannem in Germania subsistere jubet.*

ACcepi, mi *Mepschi*, litteras tuas. Quæ autem abs te nobis per eas nuntiata sunt, aliorum quoque litteris confirmantur. (2) Videmus quidem omnia ad ruinam Imperii tendere, dolemusque vicem Germaniæ. Sumus verò & hic solliciti, ne hæc tempestas aliquando se contra nos vertat: cum jam urbs Mediomatricum Gallos admiserit, iidemque Theonis Villæ obsidionem minitentur. Hoc autem nos consolatur, quod omnino decretum est nostris, non tam turpiter sese dedere, quemadmodum plerique isthic faciunt. Collocata autem sunt in primoribus urbibus Luxemburgensis Ducatus præsidia: ac plerique proceres nostri eis sese adjunxerunt, qui usque ad extremum spiritum eas defendere constituerunt. Cæsar nescio quo consilio aut fato adductus, excitari nequivit, ut maturè arma corripere. Sed quanto lentior tanto gravior solet esse potentium vindicta. Nam si credunt isti conjurati, se ob nonnullarum urbium de-
ditio-

(1) *Joanni Mepschio*] Is ex patricia familia cum primis honesta, filius viri locupletis & primarii Consulis urbis Groningæ, quæ Frisiæ metropolis est (*tom. 4. fol. 383. vfo.*) amissa matre, an. 1541. in Germaniam profectus, ut fortunam sibi faceret, quod pater novem liberos superstites haberet, *Viglio* adhæsit Ingolstadii, a quo aliquot ingenuorum adolescentium institutioni præfectus fuit. Nunc videtur a *Viglio*, jam præside, exploratoris officio adhibitus. Patrem verò anno 1554. ad Cancellariatum Transilvaniæ, ubi novus constitutus fuerat senatus, promovere voluit, uti scribit *sup. fol. 552. vfo.*

(2) Hæc respiciunt bellum Germanicum, de quo videndi historici. Inter Belgas *Pont. Heuter.* inter Gallos *Spondanus.*

356 VIGLII AB AYT TA ZUICHEMI

ditionem ac temporalem populi applausum vicisse, valdè uti spero fallentur. Plerique autem nobis nuntiant, proposuisse Gallos Spiram quoque ac WORMATIAM in suam potestatem redigere: quod si fiet, sentiant earum civitatum incolæ, quantum inter Cæsaris ac Galli Imperium intersit. Te autem isthic cupit subsistere Regina, quamdiu tutò licebit, & quousque annunciando nobis ea quæ isthic aguntur officium liberè præstare poteris. Scripseram tibi proxime de vicinia aliqua urbe adeunda: sed postea cogitavi satius fore, ut Aletzen, aut Crutzenachum concedas: ubi in propinquo habes postas, & undè facilè queas Confluentiam te, si opus est, proripere. Nec de equis debes esse sollicitus, cum Postarios ad manum habeas. Quod si autem Spirâ in aliquem ex prædictis locis concesseris, fac ibi aliquem relinquant, qui rerum statum ad te possit perscribere. Et quum nonnulli ex Assessoribus in vicina loca fortè secessuri sint, cura ut illorum litteris de iis quæ ipsi cognoverint, possis subindè certior reddi. Salaria vestra vereor ne in periculum vocentur. Et si autem cæteri Status non præstabunt fortassis quod debent, ego tamen videbo, si impetrare poterò, ut id quod hæc Provincia contribuere solet, quamdiu Reginae iussa sequeris, tibi persolvatur. Vale. 15. Aprilis 1551.

Ex Tomo IV.
fol. 519.
vfo.

EPISTOLA CLII.

IUSTO VELSIO (1).

1551. *Non excusandum dicit apud Velsium, silentium suum. Gaudet illum mutasse sedem. Non est sibi otium ut Aristotelem legat, aut Simplicii in eum categorias, sibi per Velsium nuncupatas.*

QUæ causa fuerit, Doctissime Velsi, ut ad tam multas tuas litteras, cum insignis tuæ eruditionis, tum pristinæ benevolentia, quæ inter nos ab ineunte ætate exordium

(1) *Iusto Velsio*] vulgò *Welsens*; Erat Hagæcomitanus Batavus, doctor Medicus Lovaniensis. Is „Lovanio profugus,
„ metu

dium fumpfit, lulentas testes, tanto tempore nihil responderim, nec in isto amicitiae officio paria tecum fecerim, haud arbitror nunc explicatu opus esse. (2) Accesserunt autem deinde publici hujus muneris occupationes gravissimæ, quæ me sibi totum vindicant. Verumtamen cum nuper litterario munere me provocaveris, & epistolium unâ a me tantopere exegeris, citra quandam ingratitude notam, rescribendi officium longius differre non potui. Gavisus autem sum inprimis, te mutato relictoque loco (3) qui ob Religionis controversias nostris hominibus suspectum te reddidit, feliciorum meliorisque nominis musarum tuarum sedem tibi delegisse. Nec dubito quin cum tempore, si ibi persistas, haud minora percepturus sis emolumenta, quàm si ad has nostras obi-

„ metu inquisitionis, ob novorum dogmatum, quæ tunc in-
 „ valescere cœperant, suspensionem, deflexit ad Argentinenses,
 „ ubi azylium hæretici habebant: indeque Coloniam venit,
 „ nit, persuadens, quod religionis causa Argentoratum deseru-
 „ risset, ubi in philosophica professione Græcam Latinamque
 „ conjunxit linguam, ad id muneris a senatorio illius urbis
 „ ordine assumptus.” inquit *Val. Andr. in bibl. Belg.* Specialiter
 „ ejus mores ac ingenium expressit *Andr. Schurius in fascic. epist.*
 „ pag. 362. „ Doctor *Justus Velsius*, ut narrat *G. Brandius* Hi-
 „ storiz suæ lib. 12. ad an. 1578. præcipuas quasdam Hol-
 „ landiæ urbes concionando pervagatus, velut a Deo missus
 „ ad reformandum orbem terrarum, etiam prodigia, quibus
 „ sua dogmata stabiliret, pollicebatur: quumquæ cæco lumen,
 „ claudo gressum reddere frustra tentasset, negati successus
 „ causam in ipsorum retulit incredulitatem. Proceres Bata-
 „ volugdunenses, qui eum urbe exegerant, Satanæ tradidit,
 „ literis ad eos datis, quas in hunc subscripsit modum: *Justi*
 „ *vivorum & mortuorum judicis Jesu Christi, cui data est omnis*
 „ *potestas in cælo & in terra, vocatus servus, Justus Velsius Ha-*
 „ *gamus.*”

(2) *Haud arbitror nunc explicatu opus esse.* Nempe sensit *Velsius*, quo loco ob dubiam religionis fidem, apud *Viglium* esset, qui fanaticum hominem noverat. V. inf. Epist. CLXV. ad *Horstium* datam 16. Jan. 1556. Et aliam ipsius *Velsii* ad *Viglium* 1. April 1566. De ejus fanatismo refert *Borrius lib. 13. fol. 81. vso. & seqq.* nempe primæ editionis qua utor.

(3) *Mutato relictoque loco* Argentorato relicto, Coloniam migrarat, ut vidimus ex *Val. Andr.*

358 VIGLII AB AYTTA ZUICHEMI

obitiones immaturius redeas. Quamobrem in hac recenti adhuc rerum præteritarum memoria, consultum mihi videtur, ut isthic te adhuc aliquamdiu contineas, donec id quod amici de tua innocentia sentiunt, idem aliis nonnullis malevolis tempus ipsum persuadeat. Utinam verò ita essem beatus, ut *Aristotelis* similiumque auctorum lectioni aliquid mihi temporis impertiri liceret, tuorumque operum fructu potiri possem. Verùm eam mihi felicitatem seu mea invidere fata, seu studiorum ratio ac institutio eripuit, quæ ab juris disciplina ad publicarum actionum pistrinum me jampridem extruxit. Nec tamen ideo minus mihi gratum fuit studium tuum, quo me dignum judicasti cujus nomen *Simplicii Commentariis* (4) abs te editis præponeretur. Et dabitur, uti spero, aliquando occasio, ut pro eo beneficio tibi tuisve gratias uti cupio referre possim. Benè vale. Ex Bruxella 24. Junii 1551.

Ex Tomo IV.
fol. 522.

EPISTOLA CLIII.

SIMONI PISTORIO JURECONSULTO (1).

1551: *Contra sententiam Imperialis Consilii frustra niti, & post revisionem non licere rursus decertare, rescribit.*

GAudeo, Clarissime *Pistori*, te nobis adhuc saluum superesse, & juxta *Martialis* sententiam, beatè vivere ac valere. Meum autem longè aliud est fatum: quippe qui totus publicis immersus negotiis, otioque litterario privatus,

(4) *Simplicii Commentariis*] Ad *Simplicium* in *Categorias Aristotelis*, Græce editas, præfatus est ad *Viglium Zuichemum* præsidem, inquit *Val. Andr.*

(1) *Simoni Pistorio Jureconsulto*] Is Cancellarius quondam *Georgii Ducis Saxoniae*, *Lipsiæ* non sine laude docuit, & post principis mortem, invitatus ad primariam cathedram *Juris Canonici* in *Academia Ingolstadiensi*, ubi *Viglius* profitebatur, maluit *Lipsiam* reverti. Tom. 3. p. 143. 156. & 157.

tus, studia prioris ætatis penè pro derelicto habere cogar. Ac jam pridem quidem ab Aula Imperiali segregatus, de sententiis ibi latis rationem reddere nequeo. Sed ut etiam iudicio assedissem, non tamen convenire arbitrarer, ut privatum casarum Patronos admonerem, sicubi (ut tu scribis) defecissent. Quamquam enim tua humanitas modestius id forsas ferret? ea tamen sunt ferè hominum ingenia, ut a suis opinionibus agrè se avelli sistant. Nec sapientis esse iudicis dicitur, iudicii sui motum antè sententiam partibus pandere: ut nec post rem iudic. de ejus meritis cum ipsis contendere, suamque quasi litem facere. Et quamquam ego de causa isthac novissimè Augustæ terminata non cognoverim, temerarium tamen videri posset, post Imperialem sententiam, me eam velle telam retexere, meamque interponere censuram. Nec sanè ut id maxime vellem, otium ad id suppeteret. Quamobrem tibi tui responsi exemplum remitto. Quod verò à me scire postulas, an ulla via post revisionem ad ~~revidendum~~ pateat: ego certè exempli nullius memini. Nec Imperatorum *Viri & Antonini* abs te allegata autoritas, juxta communem intellectum, ei suffragari videtur. Nullus certè foret litium finis, si perpetuo liceret ~~revidendum~~. Vale, mi *Pistori*: ac otio quod tibi Deus concessit, in longam senectam feliciter fruire. Datum Bruxellæ 1551.

EPISTOLA CLIV.

Ex Tomo IV.
fol. 531.

HADRIANO MARIO.

De redimendis quibusdam dominiis, & quatenus id Principi liceat. Marium Cancellarium Geldriae commonefacit officii sui. 1552.

Miramur *Cranefeldii* vestri prudentiam, qui rem incerto duntaxat rumore auditam, & tanti, ut isthic a vobis perpenditur, momenti, in vulgus sparserit. Scio equidem jampridem statutam esse, ut dominia ea, quorum tuæ litte-
ræ

360 VIGLII AB AYT TA ZUICHEMI

ræ meminerunt, redimerentur, quod & de aliis in Geldria, Brabantia, cæterisque fit Provinciis, quatenus se ærarii rationes extendunt. Quod autem Brabantiae sint applicanda, mihi quidem cognitum non est. Et quanquam jam aliquot seculis, litteris *jurandi* ut vocant, *Intraids*, a Brabantinis sit id petiturum, adjecta tamen fuit nuper in Principis receptione limitatio, quatenus scilicet id jure Majestas sua facere poterit. Quod quidem non aliter, quam partibus auditis fieri debere, intelligi debet, quamobrem inanem vobis isthic metum *Craneveldius* excitavit. Nec sanè is possessori prodesse debet, quo videlicet hoc prætextu pignus illi relinquatur. Scribit rursus ad vos noster Senatus, cupitque ut negotia vestrae Provinciae cum Duce Clivenfi controversa, isthic excutiantur, nec ea in nos exoneretis, cum hic multitudine aliorum negotiorum obruamur. Et in iis, ut te amanter ac familiariter admoneam, tuam nostri diligentiam requirunt, quam in similibus *Sasboutius* præstare est solitus. Et quanquam isthic Manbournum habetis, attamen in iis quæ ad Principis vel communis Provinciae jura spectant, consilium ac instructio a vobis proficisci debet, nec ad Curiam ea rejici debent, nisi postquam ea a vobis plenè discussa ac examinata sunt, ut tum demum Reginae auctoritate confirmentur. Vale, & conjugii honestissimæ multam a me salutem. Ex Bruxella 14. Aprilis anno 1552.

EPISTOLA XLV.

Ex Tomo IV.
fol. 532.
vfo.

HIPPOLITO PERSYNO PRÆSIDI SENATUS FRISIÆ (1).

1552.

De preparatoriis ut Frisæ succurratur. De Gallis e Germania retractis. De Mauritii Saxonis expeditione adversus Cæsarem, ac de tractatu pacis apud Passavium instituto.

Litteras quas per hunc tabellarium ad Regiam dedistis, accepimus Bruxellæ, jam ad iter accincti. Itaque necessariò

(1) *Hippolito Persyno præf. Sen. Fris.] de quo Suffrid. Petri in append. ad Hedam pag. 2. hæc scribit: „Everardo (Nicolas) Bruxel-*

EPIST. SELECTÆ AD DIVERSOS. 361

Tariò dilata fuit responsio, donec huc veniremus. Neque tamen hic aliud super eo constitui haftenus potuit, quàm quod classe nostra versus Hispaniam nuper digressa, & (ut intelligimus) feliciter Gallicis littoribus, in quibus erat periculum, perlectis: jussit Regina, ut *Bevriensis* quatuor signa Peditum conscriberet, qui ad oræ maritimæ custodiam possint disponi. Ad hæc *D. Sceppero* injunctum est munus consultandi cum peritis rei maritimæ, quonam pacto nostra littora contra Gallorum rapinas injuriasque defendi queant. Brevi quoque ad vos ipse Comes *ab Arcnberg* veniet, qui coram dispicere poterit, an aliquod remedium peculiariter Frisiæ adhiberi queat. Cùm autem hoc tempore non viderem Reginam aliud constituturam, non volui hunc tabellarium longius detinere. Gallus, qui in Germaniam ad Rhenum usque fuerat progressus, cum magna Germanorum consternatione ac verecundia ab nostro exercitu, qui interea Galliam depopulari cœpit, domum retractus est, tentaturus fortassè in confinibus Ducatus Luxemburgensis si quid vi occupare queat. Interea verò Dux *Mauricius* Alpium fauces ad Clausam Erembergensem oppugnans, eis potitus est, & Cæsar cum Rege Romanorum in tutum concessit. Et quanquam pactis induciis quatuordecim dierum, qui 26. Martii cœpere, de componendis controversiis apud Pataviam urbem ad Danubium sitam tractetur: nos tamen haud magnam spem concipere de concordia possumus: Cæsar autem passim in Germania equitem peditemque conscribit. Nec video his malis finem posse imponi, nisi ut ipse omnes vires suas semel explicet. Quod ut feliciter faciat Deus nobis orandus est. Vale, Domine & Amice cumprimis honorande. Datum ex Namurco 4. Junii anno 1552.

„Bruxellas vocato, successit doctor *Hippolytus Persinus*, cujus
 „& ipsius integritatem testatur in melius ac majus gradatim facta promotio, qui primùm ex Hagensi consistorio
 „Præses Frisiæ, & inde Præses Ditionis Ultrajectinæ factus
 „est.” Obiit Ultrajecti anno 1568. V. *Van Leeuwen Bat. illustr. pag. 1262. col. 1. Et Groot Plac. B. Van Utrecht 2. deel. bl. 1048.*

Ex To-
mo IV.
fol. 542.
vfo.

HIPPOLYTO PERSYNO PRÆSIDI FRISIÆ.

1553.

Narrat expugnationem urbis Terouannæ.

Reginæ litteris quibus vos de Terouannæ (1) expeditione certiores facit, hoc meum epistolium adjungendum putavi, quo rei successum, quantum is ex primis nuntiis, qui ex castris ad Cæsarem missi sunt, intelligi potuit, paucis significarem. Non arbitror autem vos ignorare primæ oppugnationis, quæ die 12. hujus mensis tentata fuit, irritum conatum, nec tamen ideo spes ejus urbis potiundæ a nostris deposita fuit, sed actis denuò cuniculis, omnique alio conamine ab toto exercitu laboratum est, ut facilius redderetur ratio mœnia scandendi: & quanquam quorundam negligentia, deceptisque excubiis nostris acciderat, ut interea aliquot centeni milites ab Gallis in eam urbem fuerint immissi, jam tamen eo nostri opera sua produxerant, ut de urbe capienda in certam spem venirent. Cùmque jam conclusum erat die hesternæ bene mane fortunam denuò experiri, ac totus exercitus jam se ad eam rem accingeret, obsessi colloquium expetivere. Missi autem ab eis nobiles duo, cùm deditiōnem certis conditionibus offerrent, ac res in longum pertraheretur, admonentibus nostris qui cum illis tractabant quo maturarent resolvere priusquam nostri milites vim adhiberent, illis dicentibus non esse festinatione opus, quum obsessis animi ac virium satis ad repellendum suppeteret, nostri impetu facto urbem fortiter aggressi, obvios resistentēque facile repulerunt, eaque potiti sunt cæsis plurimis, cæteris in captivitatem redactis, inter quos est filius natu major Conestablii Franciæ Ducis Montmarrancii, cui ejus urbis tutela commissa erat. Nos læti primo hoc victoriæ nuntio,

(1) *Terouannæ*] De hac urbe expugnata, atque hoc ipso anno solo æquata, videndi historici. Hinc illud vulgatum Chronicon: DeLeti Morini. Vide quæ ad epistolam proxime sequentem n. 4.

EPIST. SELECTÆ AD DIVERSOS. 363

tio, vos quoque lætitiæ nostræ participes lubenter reddimus. Brevis vero consequentur qui plenius ejus rei successum referant, perferibentve. Si quid verò percepero scriptum dignum, D. T. non patiar latere. Bene vale, Domine Honorande. Bruxellæ 21. Junii 1553.

EPISTOLA CLVII(1).

Ex Tomo IV.
fol. 520.
vfo.

EPISCOPO ATREBATENSI.

Scribit per Laurentium Blioulum de Morinensi ecclesia; de Indulto Apostolico; de Abbatia Gorzensi, & de translatione ecclesiæ S. Gaugerici Cameraci. 1551.

Quum isthuc reditum pararet *Laurentius Blioulus* (2) officiumque suum in litteris meis ad R. D. V. deferendis obtulisset, non potui omittere, quin epistolium hoc ei committerem. Visum autem fuit Reginæ ac nostris, non neglegendam oportunitatem hujus temporis, ut amicitia, quæ impræsentiarum inter Pontificem (3) ac Cæsarem intercedit, quo-

(1) EPISTOLA CLVII.] Hæc in codice nostro falsam habet notam, nempe annum 1551. Ex textu patet, scriptam fuisse post expugnatam Terouanam, sive Morinensium civitatem principem, quod contigit anno demum 1553. Quare eam hoc loco ponimus.

(2) *Laurentius Blioulus*] filius *Laurentii*, Audientiarum, ut vocant, id est primi secretarii Consilii privati. Hic nullo, quod sciam, speciali munere claruit. Pater, vir magnus, & ad arduas legationes obeundas sæpe datus, obierat an. 1542. quem *Hortensius* laudat *Rer. Ultraj. lib. 7. p. 167.* & de quo *Tomb. des bonnm. illustr.* hæc habet: „M. Laurent de Blyoul, Audientier & premier secretaire, estoit Chevalier, seigneur de „Sart, esleu Grefier de l'Ordre de la toison d'or en l'an „1496. & mourut en l'an 1542.” Idem fere *Buskens Troph. de Brab. tom. 2. p. 189.*

(3) *Pontificem*] *Julium III.* electum anno 1550. qui obiit an. 1555.

quoque fructum aliquem ad has Provincias derivemus. Quod autem in *Morinensi* Ecclesia (4) petimus (quarum dioceses latè patent, ac in varias ditiones earundem se dominia extendunt) similibus ex causis aliquando nostris in animo fuit expetere. Sed tempora non fœre propicia. Certè Italia plerasque habet provincias, in quibus Archiepiscopi, suffraganeorumque dioceses, præfatorum Episcopatum, finibus nihilo sunt ampliores. Indultum vero *Leonis* (5) nunc vereor ne gravatè Pontifex perpetuet, juxta eum præsertim intellectum, quo nos utimur, jus nominationis nobis passim vendicando. Sed si hoc impetrare non possumus, saltem id efflagitandum videtur, ut in eadem forma, qua Cæsari olim concessum fuit, Principi idem non denegetur. Super expeditione

(4) *In Morinensi ecclesia*] Hic deest aliquid, quod ne OEdipus quidem divinet. Non de una hic ecclesia loquitur, sed de pluribus. Adverte: *quarum dioceses*. Et infra, *præfatorum episcopatum*. Porro Morinensis civitas, aliter *Terouana*, vetusta Artesiæ urbs, & illo seculo insigniter munita, dudum fuerat sub potestate Gallorum, sed anno 1553. per Cæsareos milites expugnata, solo fuit æquata, ne ultra foret bellorum dissidiorumque occasio. V. si lubet *Sander. Flandr. illustr. tom. 2. p. 405. novæ edit.* Porro hæc diocesis Morinensis rectè dicitur fuisse lati patens, nam, eodem *Sandero pag. 385.* monstrante, divisa olim fuit in viginti & quinque Decanatus, sub quibus erant octingentæ parochiæ & ultra. *Sander p. 406. & 407.* Quod igitur hic *Viglius* scribit ad *Granvellanum*, respicit novarum in Belgio sedium episcopaliū erectionem, quam *Carolus V.* in animo habuit, & *Philippo* filio commendavit. Vide hic *Siradam decad. 1. lib. 1. ad an. 1550.* quo hac ordinatio novorum episcoporum, tandem effecta fuit.

(5) *Indultum Leonis X.*] Illud ipsum est, quod *Leo X. Pont. Max.* anno 1515. concessit *Carolo* Archiduci Austriæ (dein Hispaniarum Regi atque Imperatori) ad nominandum ad quascumque dignitates seculares ac regulares in Belgio, sublati unà expectativis ac reservationibus, exclusis quoque personis non subditis. Exstat autem hoc diploma *Tomo 3. Oper. diplom. Miræ pag. 459.* Quod indultum cùm esset personale, & ad hæredes *Caroli V.* transmitti non posset, *Philippus* eo uti nequivit: sed jam princeps Belgii futurus necesse habuit rogare Papam, ut illud ad se extenderet, seu perpetuaret, ut *Viglius* loquitur.

EPIST. SELECTÆ AD DIVERSOS. 365

ditione Bullarum pro *Gorzensi* Abbatia (6) Regina providit: prout ex ipso *Blioulo* R. D. V. plenius intelliget. Eidemque commisit negotium de litteris translationem Ecclesiæ *Siberici Cameracensis* (7) concernentibus. Quod autem ad ipsum *Blioulum* pertinet, dedi equidem operam ut ejus diligentiam Regina nostra aliqua munificentia pensaret: quod satis quidem tenuiter factum est. Sed tamen ille quidquid id

(6) *Pro Gorzensi abbatiâ*] Hæc sita est in Ducatu Lotharingæ sub episcopatu Metensi, quarto a Metis lapide. Antiquissimum & Florentissimum olim fuit monachorum Benedictinorum cœnobium, de cujus præsentī statu multa habet liber, dictus: *Voyage littéraire des PP. Benedictins de S. Maur*, in 4. Anno 1542. Abbatiam hanc a Rege Galliæ obtinuerat in commendam *Guillielmus Furstenbergius*, Lutheranus, qui sectam suam illuc introducere molitus, cuncta pessumdedit. Paulo post eandem consecutus est *Carolus* Lotharingæ princeps, Episcopus Metensis: qui Romæ obtinuit Bullas anno 1572. quibus hæc abbatia secularis fieret, executioni mandatas anno 1580. dumtaxat. Subinde proventus Abbatiales uniti fuere dignitati præpositi, seu primati Nancelano, post rursus per Regem Galliæ separati 1661. ac dati Abbati commendatario. Mensa autem conveniualis, & plurium Prioratuum proventus, cesserunt anno 1600. partim Collegio PP. Societatis JESU in universitate Mussipontana, partim Canonicis secularibus *Gorziensibus*, in locum monachorum constitutis. Hæc ex *historia Lotharingæ* auctore *Domina Calmet* in præmio tomi 3. pag. 120.

(7) *Ecclesia Siberici Cameracensis*) Hoc certe mendosum est. Legi debet, Ecclesia *S. Gaugerici* Cameracensis. Est hæc Collegiata in ea metropoli, insigne habens Canonicorum capitulum, quod hodieum subsistit. Stetit hæc ecclesia usque ad annum 1543. dum Imp. *Carolus V.* Cameracum, consentiente Episcopo *Roberto de Croy*, occupavit ibique arcem erexit eodem in loco, quo sita erat *S. Gaugerici* ecclesia, quæ proinde solo æquata fuit, ejusque Canonici sedem transfulerunt in parochialem *S. Vedasti*, hodie *S. Gaugerici* nuncupatam. Atque hæc est translatio illa, cujus hac in epistola fit mentio. De his vide *Gall. Christ. nov. edit. tom. 3. a. col. 73.* Item diploma *Caroli V.* Cæsaris datum anno 1550. (apud *Miræum* tom. 2. pag. 1296.) quo hujus novæ arcis sic erectæ præfecturam, titulo *Byrgraviasis*, *Philippo* filio contulit &c.

366 VIGLII AB AYT TA ZUICHEMI

id fait, boni consaluit, meliora meritis, quæ quando præstare nequimus, optare ei non cessamus. Deus Optimus Maximus R. D. V. fervet incolumem. Ex Bruxella 24. Novembris 1551.

Ex Tomo IV.
fol. 541.

EPISTOLA CLVIII PETRO CRABBE (1).

1553. *Laudat Petri lucubrationem nescio quam, atque ut ea ad limam adhibeatur, hortatur.*

PERcurri, Venerande Pater, bonam partem laborum tuorum, ac summam accepi voluptatem, quod viderem tam multa

(1) *Petro Crabbe*] Is Mechliniensis, ac Ordinis Minorum eximius theologus, atque diligentissimus scriptor, primus post *Jacobum Merlinum* theologum Parisiensem, *Conciliorum* collectionem, e quingentis prope bibliothecis, a se lustratis, edidit typis Colonienfibus anno 1538. Item an. 1551. adjecto tertio volumine. Nec scitur eum aliud quidpiam in lucem edidisse. Porro opus, quod hic per *Vigltum* laudatur, plane diversum est a *Consiliorum* collectione, videturque, esse commentarius de scriptoribus ecclesiasticis, forte de profanis quoque, ac de cujuscvis ordinis viris eruditis, quod lucem non viderit; eodem enim anno, & quatuor post mensibus, cum hæc scriberet *Vigltus*, obiit Mechliniæ *Petrus Crabbius* ætatis an. 83. die vero 30. mensis Augusti 1553. Non exigui pretii esse judicavi inquirere in hoc opus. Verùm *P. Wilhelmus Smits* ejusdem ordinis, Sac. Script. professor, in linguis Græca, Hebraicaque versatissimus ille, ac diligentissimus interpres, mihiq; dudum amicissimus, ex Antverpia mihi recripsit, nullum monumentum ms. *Crabbi* illic reperibile esse; nihil etiam ejusmodi exstare in bibliotheca Lovaniensi, nec quoque in Mechliniensi: hanc enim, cum ibidem profiteretur, diligentissime a se visitatam. Addens, non esse dubitandum, omnia hujus bibliothecæ mss. intercidisse iconoclastarum irruptione, qui anno 1566. totum pene Conventum demoliti sunt, ut habet *Sander. in Chorograph. sac. Brab. tom. 3. nov. edit. p. 171.* Porro *ibid. pag. 181.* annus obitus *Crabbi* statuitur 1554. Similiter *Wadingus*. Uterque duorum tomorum dumtaxat mentionem facit, & de mediis actum illet.

multa præclara ingenia, quæ tenebris obruta sepultaque jacebant, abs te ad lucem ac vitam revocari. Illud desiderabunt multi scire, qui antiquorum scriptorum sunt studiosi, impressane sint eorum opera, & sicubi adhuc extare comperientur. Est autem in Haga Comitum amplissima quædam Bibliotheca ad Cæsarem spectans, nec scio an catalogum librorum qui in ea sunt videris. Solebat autem dicere is qui eam collegit, si quando de aliquo libro interrogabatur: *si est impressus, ego habeo*. Quamobrem si quid adhuc adjici posset huic insigni operi, id priusquam in lucem emitteretur, lubens unà procurarem. Et quo id majore cum auctoritate exire possit, visum est Reverendissimo Episcopo Atrebatensi (qui ejus quoque gustum cœpit) convenire, ut id finas ab aliquo studioso relegi, & limam, si qua indigebit, adhiberi. Cogitabamque, si tuæ Paternitati non displiceret, posse hæc volumina ad *Ruardum* * Decanum Lovaniensem * *Tap-* perum.
 mitti, virum imprimis doctum, & pium, quo is aliquem bene diligentem deligat in ea Academia cui hanc provinciam committat. Super qua re tuam expectabo sententiam, ut sciam ad te hunc fœtum velis remitti, an verò Lovanium ad præfatum Decanum dirigi. Utinam autem Deus Optimus Maximus annos tuos extendat, quo possis horum laborum tuorum colophonem cernere, & speratum percipere fructum. Vale, Pater Honorande, animæque amatæ conjugis eris in tuis precibus subinde memor. Bruxellæ 19. Aprilis 1553.

EPISTOLA CLIX.

RUARDO TAPPER.

Ex Te-
mo IV.
fol. 556.
vfo.

*Censura & privilegium Regium pro edendis libris, 1554.
etiam Doctorum, necessaria.*

LAndo industriam vestram in explicandis articulis (1) per facultatem Theologicam olim editis. Porro edendi licentia

(1) *In explicandis articulis*]. *Apud Val. Andr. in bibl. Belg. lego, Ruardum Tapperum scripsisse: Explicationes in articulos, circa ecclesiastica*

368 VIGLII AB AYTТА ZUICHEMI

centia nunquam solet concedi nisi libro ipso viso. Et quam causa edicti in D. V. cesset, exemplum tamen nobis servit adversus nonnullos minus nobis notos, qui nullius censuram admittunt. Verum ne quid moræ aut difficultatis obo-riatur ex exemplari non satis legibili; poterit Typographus impressionem aggredi, omiſſa primâ paginâ, quæ privilegii mentionem continebit, ac cùm ad finem perduxerit, exemplar huc mittere, cum *Tiletani* (2) approbatione, vel etiam sine ea: cùm Reverendissimus Atrebatensis ipse eas partes supplere possit. Ac tum quidem confestim curabo privilegium expediri. De Coloniensi negotio diligenter Atrebatensi locutus sum. Nec prætermittitur ab Cæsare ullum officium, quod ad conservationem Religionis quoquo pacto conducere poterit. Deus D. V. fervet incolumem. Bruxellæ 30. Octobris anno 1554.

Ex To-
mo IV.
fol. 557.
vfo.

EPISTOLA CLX.

CORNELIO SUYS (1).

1554. *A novis vectigalibus Consiliarios Regios non esse immunes.*

EGi diligenter, Clarissime *Suis*, apud Reginam utriusque Collegii causam super immunitate novi vectigalis. Sed parum certè profeci: quòd illa eadem contra nos proferat argu-

siastica dogmata hoc seculo controversa, a *Facultate theologica Academiæ Lovaniensis*, Caroli V. Imp. jussu collectos. Lovanii 1555. fol. Tomis II.

(2) *Tiletani*] Intellige *Judocum Ravestein*] S. T. D. Lovaniensem, qui a Tileto Flandriæ oppido, *Tiletanus* dictus est V. Not. ad Vitam n. LXXXVI.

(1) *Cornelio Suys*] Consiliario Senatus Provinciæ Hollandiæ. Is anno 1559. Octobr. 21. factus Præses, Hagæ-Comitis sedit, usque ad annum 1572. cùm ob tumultus secessit Ultrajectum cum toto Senatu, uno excepto *Adriano Van der Houf*, ubi substituerunt usque ad pacificationem Gandavensem. Obiit autem Hagæ 19. Sept. 1580. æt. 66. *V. Leeuw. Bat. illustr. p. XIII. & 1473.*

argumenta, quibus nos jamdudum in eamdem traxit condemnationem, cui & seipsam subjecit. Ego certè hic pro singulis vini amīs solvere cogor nomine novi hujus impositi, quod Status Brabantiae introduxerunt, stuferos 48. Ad hæc solvi pro singulis focis florenum. Solvi vigesimam pensionis ædium: præter alia, quibus hic non minus Curiales, quàm cæteri incolæ ac cives gravantur. Quamobrem velim excuses apud Collegas tuos officium meum, cui in hac causa apud Reginam nullus locus conceditur. Obiciebam Majestati suæ, hanc immunitatem haberi in parte Salariorum nostrorum, quæ si diminuantur, merito nos habere regressum ad Cæsarem, ut suppleat, quod sic deceditur. Premebam auctoritate Evangelii: (2) numquid qui in domibus Regum sunt, vestigal solvunt? Sed illa hæc ad ordinaria vestigalia pertinere ait. Quæritque, ane & nos adversus hostes defendamur? Atque ut illis ingruentibus nemo otiosus desidere debet, sed ut quisque Principi est propior, ita primus ad arma accurrere debet: sic quoque eosdem ad contributionem eorum, quæ militi, ipsorum vicem sustinenti, solvuntur, cæteris præire debere. Et quanquam non desunt, quæ replicari possint: cum videam tamen illam hac contradictione magis ad iram, quàm ad æquiores moveri sententiam, cogor certè ab ulteriore ejus causæ defensione desistere. Quamobrem cum nihil profici queat, & nos hic in eadem simus navi, non habeo aliud quod consulam, quàm ut commune malum patienter feratis. Benè vale, *Susi* Amatissime: ac Domino *ab Affendelft* (3) cæterisque Dominis Collegis multam quæso a me salutem dicito. Bruxellæ ultima Novembris 1554.

(2) *Auctoritate Evangelii*] In quo id Evangelio legerit *Vigilius*, ego quidem ignoro.

(3) *Domino ab Affendelft*] Gerardo, opinor, qui ante *Cornelium Suys* eidem Senatui præseddit, ut habet *Leeuw. cit. p. 1474*.

EPISTOLA CLXI.

ADOLPHO ARCHIEPISCOPO
COLONIENSI (1).

1554. *De pace cum Gallis tentata per duos Cardinales Pontificis legatos. De matrimonio Philippi Regis cum Maria Angliæ Regina. Elisabetha in custodia. In Anglia metus belli a Gallis. Res Germaniæ turbata.*

UTinam R. G. V. desiderio de pace tantopere ab omnibus expetita satisfacere possem. Hastenus certe haud magna nobis spes ejus affulsit. Nam Cardinalis *Imolensis* (2) irritus fuit conatus. Cardinalis *Polus* (3) simile mandatum ab Pontifice attulit, & Cæsari quidem haud ægrè persuasit, ut pacem amplectatur, modò ea talibus stabilietur pactis ac conditionibus, ne mox Gallis ex quacunque occasione more suo ad arma redire liceat. Ille autem jampridem hinc in Galliam profectus est, ut idem ibi tentet, nec adhuc quicquam nobis intelligere licet, quid ibi effecerit, & postquam a nostris Peronam usque fuit deductus, nihil de eo audivimus. In Anglia nondum fuit, & fortassis ante no-
vi

(1) *Adolpho Archiep. Colon*] a *Schouwemburg*, *Hermanno a We-*
da surrogato, de quo alibi.

(2) *Cardinalis Imolensis*] Hieronymus Dandinus, Cæsenas, natus an. 1509. vir in omni genere scientiarum versatissimus, Episcopus Imolensis, & S. R. E. Cardinalis tit. S. Matthæi in Merulana, unde ei *Cardinalis Imolensis* cognomen adhæsit. Ad *Carolus* V. ut cum *Francisco* I. din cupitæ pacis fœdera jungeret, Orator profectus est, visusque est in eâ legatione oleum & operam perdidisse, ait *Ughellus in Ital. sac. tom. 2. fol. 643. & 644. novæ edit.*

(3) *Cardinalis Polus*] Anglicus, de quo aliàs. Qui hic a Cæsare prohibitus fuit, ne in Angliam navigaret, quousque *Philippus* filius in eam appulisset & nuptias confecisset cum *Maria*, ait *Spond. ad an. 1554. n. 3.*

vi Parlamenti, quod ibi indictum est, resolutionem eo non est iturus, cum nondum derogatum sit ordinationibus quæ in eo regno contra Pontificis auctoritatem fuere promulgatæ. Comites ab Egmonda nuper eo reversus matrimonium Serenissimi Principis nostri (4) per verba præsentia contraxit, actuque solenni absoluto, cum aliquot Proceribus nostratibus Principi rursus obviam profectus est, misit quoque Regina Angliæ ad sponsum legationem insignem, certoque speramus eum brevi adventurum. *Elizabetha* (5) Regina soror adhuc sub custodia detinetur. *Corteneius* (6) autem in carcere, adversus quem processus instruitur. Galli interea omnia molliuntur, ut populum ad novos rursus motus ibidem excitent, & si hoc efficere nequebunt, bellum ipsi videntur Anglis illaturi, atque in idem Scotos sollicitant. Quod si verò res Regni Angliæ (ut speramus) Principis adventu domi queant constabiliri, nihil Anglis ab utrisque erit periculi, & nos quoque illis sociis facilius Gallorum vim reprimemus. De eo autem solliciti sumus, ne quam adversus nos tempestatem in Germania excitent, nec enim puto R. G. V. latere rumores, qui ex Saxonia Westphaliaque quotidie adferuntur, quibus bonum esset tempestivè ab omnibus Principibus occurri, quos in eadem præda hi Reipublicæ turbatores habere destinant. Cæsar valet mediocriter, haud ita tamen ut itineri adhuc se committere audeat. Interea verò dum vires confirmabuntur, Comitibus Augustanis nomine suæ Majestatis Rex Romanorum principium dabit. Galli circa Corsicam aliquot triremes amifere. Oppidum S. Florentii pridem ab illis deductum, in nostrorum potestatem rediit. Præterea hic nihil habemus scriptu dignum, Deus Illustrissimam G. T. incolumem conservet. Datum Bruxellæ anno 1554.

(4) *Matrimonium sereniss. princ. nostri*] Vide Pont. Heut. Rer. Austr. lib. 13. cap. 20.

(5) *Elizabetha*] Pont. Heut. loco cit. dicit, eam mox sponsi principis *Philippi* deprecatione liberatam e custodia. Contra *Spondan.* ad an. 1554. n. 1. asserit, eam usque ad mortem *Mariæ* in ea permanisse.

(6) *Corteneius*] *Eduwardus*, Devonix Comes, quod matrimonium cum *Elizabetha* ambisset. *Spond.* cit. dicit eum liberum dimissum, in Italiam relegatum fuisse.

EPISTOLA CLXII.

HERMANNO LETMATIO (1).

1555. *Respondet ad Hermannii querelas de præjudiciis religionis. De Vice-pastoris Amstelodamensis cum Sculteto controversia.*

Jamdudum fueram litteris tuis superiore mense ad me datis responfurus, sed rei gravitas me a scribendo nonnihil deterruit, & quod expectabam, ut Senatus Frisæ aliquid ad Reginam eadem de re rescriberet, sed hætenus nihil allatum est, ne excusatio quidem, qualem Præses in suis ad te litteris præ se fert. Et mihi quidem ea remedia quæ abs te proponuntur non abs re videntur, sed nisi eadem Senatui, & illis, quibus executio mandabitur, placeant, haud magnum inde fructum sperare licebit. Quod autem ad Frisiorum querimonias pertinet, id brevi adveniente huc Præsede Trajectensi diffiniatur. Religionis verò negotium non nego majore cum jactura & periculo differri, sed veremur, ne si imprudentius ei manum apponamus, vulnus ipsum magis exacerbemus. Quamobrem Cæsareæ Majestati visum fuit (ad) ipsos Episcopos de hujus mali remedio scribere, & undecunque consilia quærere. Nec meo deero officio in re tam sancta ac necessaria. Sed utinam tantum scirem, possemque, quantum ejus magnitudo postulat. Ne idem autem venenum Amsterodami suboriatur, modis omnibus providendum est. Fuit quidam ibi vicepastor (2) cui cum Schul-

(1) *Hermanno Letmatio*] Hermas Lethmatius sive *Hermanus a Gouda*, Doctor Parisiensis, & Decanus B. M. Ultrajecti, vir doctus, & *Erasmo* charus fuit, de quo cum dixim in *Catal. meo præposit. & decanor. Ultraj.* eò lectorem remitto.

(2) *Vice-pastor*] Florentius Egberti Harlemensis, Edami deinde, postea Veteris lateris Amstelodami pastor, demum plebanus S. Gudulæ Bruxellis.

EPIST. SELECTÆ AD DIVERSOS. 373

Schulteto (3) hac uti videbatur de causa, non satis conveniebat, sed legitima facta informatione non hoc fuit compertum, quod objiciebatur. Cuperem autem, ut secretò ac disertè investigaretur undenam ea communicantium diminutio procederet, & si quid sit in quo huic providere possimus. Vale. Bruxellæ 18. Februarii anno 1555.

EPISTOLA CLXIII.

Ex Tomo IV.
fol. 568.

JOANNI RICHEBE (1).

*De sene Pontifice bene sperat, & Joanni injungit, 1555.
ut ab eo Ecclesiæ Morinensi impetrare conetur
novum episcopum.*

Quæ ad me Maio Junioque mense scripsisti, eximie Domine *Richebe*, ea Regina fideliter communicavi, cui hoc tuum officium significandi nobis ea quæ in urbe gererentur fuit gratissimum. De sene Pontifice (2) nil nisi sanctum ac concordia Ecclesiæ in tanta Religionis confusione congruum sperare debemus. Qui utinam intelligeret, quanto studio ac labore in hac Belgica nostra Orthodoxam fidem conservare conemur. Sic enim facile nos impetraturos sperarem, ut tandem Morinensem Ecclesiam (3) jam tanto a tem-

(3) *Schulteto*.] Wilhelmus Theodori Bardes Schultetus Amstelodamensis, a *Florentio* accusatus errorum anabaptisticorum, multam litem sustinuit; jure-ne an injuria, non constat factis. Aliter rem narrant Catholici, aliter Acatholici. Cum ea est tanti, videat *Heuss. hist. Episc. Harl. pag. 96.* Et in edit. vernacula *tomum 4. p. 178. & 184.* ac *Isaacum Le Long Hist. van de Reform. der Stadt Amsterdam in fol. 1729. pag. 506.*

(1) *Joanni Richebé*.] Erat Orator Cæsaris in Urbe. V. Not. ad Epist. CCXI. ad Hopperum.

(2) *De sene Pontifice*.] Sermo est de *Paulo IV.* qui octogenarius cum esset, electus nuper fuerat, nempe decimo Kalendas Junii hujus anni 1555. cum quo Cæsari mox bellum fuit. Vide historicos.

(3.) *Morinensem ecclesiam*.] Hoc *Viglii & Reginae Mariæ desiderium.*
A a a 3

374 VIGLII AB AYT TA ZUICHEMI

tempore pastore viduam, respiceret, & saltem, si Gallum offendere non vult, subditis Cæsareæ Majestatis Episcopum concederet, cum diœcesis ejus sub Cæsaris ditione tam larè pateat, ut in Italia putem esse Metropoles, quæ unà cum Suffraganeis Episcopis, arctioribus finibus circumscribantur. Ex iis autem quæ ad Reginam scripsisti, de Sanctissimi domini nostri voluntate bonam spem concepimus. Sed Ecclesiæ ejus periculum moram amplius non patitur, cum Curia in tot distracta occupationes, pullulantibus isthic hæresibus, sine Episcopi cura mederi non satis queat. Quamobrem quæso, mi *Richebe*, insta quæso opportunè ac importune, ac tam diu fores sanctas pulsa, donec esurienti familiæ panem hunc impetres. Benè vale. Ex Bruxella 8. Augusti anno 1555.

Ex To-
mo IV.
fol. 570.

EPISTOLA CLXIV. JOACHIMO HOPPERO.

1555. *De Hopperi libello, De Magistratibus mentem suam aperit.*

CUM mihi per festum hunc diem, Clarissime Domine *Hoppero*, otii aliquid obtigisset, legi libellum tuum *de Magistratibus*

derium, ut novus ibi constitueretur Episcopus, vanum fuit, omnisque *Joannis* Oratoris Cæsarei postulatio effectu caruit. Everfa civitate Terouanà, sedes quoque episcopalis censebatur subversa, & de novo episcopo lis erat. Rex Galliæ paulo ante obsidionem urbis nominaverat *Antonium de Crequy*, superstitem, & *Francisci* ultimi episcopi fratrem. Cæsar contra nominaverat *Guilielmum de Poitiers* archidiaconum Leodiensem ac Morinensem. Nihil fuit definitum, sed ex mutuo Principum consensu, Morinensis episcopatus in tres partes scissus est, unde *Pius IV.* instituit episcopatus Iprensem ac Audomarensem, & *S. Pius V.* Boloniensem. Competitores porro aliis insulis fuere decorati, *Antonius* Nannetensibus, & *Guilielmus* Audomarensis. *V. Diplomata Miræ novæ edit. tom. 2. p. 1077. 1102. & 1298.*

gistratibus (1) nuper ad me missum. In quo uti diligentiam tuam non possum non laudare, ita quoque in magnam sum adductus admirationem, quomodo in tanta Magistratum turba, Respublica rectè gubernari potuerit. Nosti quod dici solet, multitudinem Imperatorum Cariam (2) perdidisse. Et si forte dicas, nil potius esse ordine, quo uniuscujusque munia sint distincta: id quidem fateor, dummodo non nimis minutim ea dividantur. Quæso enim te, mi *Hoppere*, concinna nobis aliquam Curiam, sive, uti nunc loquimur, aulam, ex istis Primiceriis, Lampadariis, Laterculensibus, atque alia ista Barbaricorum nominum turba: difficillimum certè fuerit, ipsos inter se discernere. Undè fit, ut credam, quemadmodum hodie videmus, eadem penè officia, diversis regionibus diversa sortiri nomina. Ut exempli gratia nomen Ammannos, Baillivos, Schultetos, Drossatos, Seneschallos: sic etiam *Justiniani* tempore accidisse arbitror. Antiquæ certè Romæ & Italiæ barbara ea nomina parum convenire visa sunt. Sed ea ab Asiæ, Africæque regionibus Constantinopolim seu novam Romam investa arbitror. Unde in hoc librorum, quos meditaris plures hujus generis, ingressu, dubito, num quod operæ pretium facturum te putem. Quam enim promercare laudem in illustrandis iis, quæ per se tam obscura ac barbara sunt? Aut cur ornandam tibi sumas Rempublicam ita confusam? Nec mihi hic *Justinianum* objicias: cujus etsi studium in legibus digerendis non possum non maximè probare, non tamen ideò necesse habeo fateri, ipsius ætate Rempublicam quoque præclarius, quàm sub veteri imperio, quod a Consulibus ad Cæsares transmissum fuit, constitutam fuisse. Et certè post illum, sive ista officiorum confusione, sive alia quapiam fatali causa, a pristina magnitudine excidit. Voluisti, mi *Hoppere*, aliquid me dicere de tuis istis Lucubrationibus. Verumtamen nolim meo judicio multum hac in re tribuas. Quid enim nos, qui curis istis nego-

(1) *Libellum de Magistratibus*] Hic non invenitur in editis. *Hopperi* operibus, nec de eo meminerunt *Miræus*, *Valerius Andreas* aut *Suffridus Petri*, qui tamen de ineditis loquitur.

(2) *Cariam*] Caria est regio minoris Asiæ inter Lyciam & Joniam, quæ jam Turcis parer, dicta *Aidinalli*. *Dist. Treuvolt*.

376 VIGLII AB AYT TA ZUICHEMI

negotiisque Curialibus obruimur, recte judicemus de eo quod planè cognoscere non vacat? Sed quemadmodum ii, qui ad viam publicam ædificant, subauscultant prætereuntium voces ac judicia, atque multa inepta audiunt, sic me unum esse credas e turba, qui citius judicem, quàm rem ipsam penitus inspexerim. Sed brevi coram plura de eo nugabimur. Tu autem vide, si quando Mechlinia transeundum nobis erit, ut forte brevi fiet, ne mihi hospitium apud te auferri sinas. Gardiano velim nomine meo dicas, desiderium ejus me curæ atque cordi habiturum. Sed ne gravetur expectare donec Rex beneficia hujusmodi dispartiri statuerit. De Præfecti Mechliniensis in nos benevolentia gaudeo: cui mea ex parte libenter respondebo. *Theophilum* pecunia indigere non dubito: sed certè æquum est, ut illa ab suis potius, quàm a nobis proficiatur. *Mepsius* Cancellarius hic adest, cui quoque loquar. Si quando autem tu ad *Theophilum* scripseris, significare ei potes, hujus nostri temporis angustias, & quod ipse nepotes habeam, quos meo sumptu in studiis institui curo, ut certe mihi ad mutuum præbendum nihil fiat reliqui. Idem officium tibi reddam: cum non dubitem, te quoque tua indigere pecunia. Vale, mi *Hoppere*, & conjugi multam a me Salutem dicito. Miror autem utriusque pigritiam, qui meum desiderium, ut aliquando compater vobis fiam, tantum differtis. Ex Bruxella 25. Novembris 1555.

Ex Tomo IV.
fol. 573.

EPISTOLA CLXV.

JACOBO HORSTIO CANONICO S.
GEREONIS COLONIÆ (1).

1556. *Ridet Horstii credulitatem, qui sibi purgatione opus esse censuit, quòd Velsius Viglium orthodoxiæ suæ vadem esse assereret.*

Cum tuas Litteras, Eximie Domine Canonice, legissem, quibus me, atque Atrebatensem Episcopum ab *Velsio* fidei

(1) *Jacobo Horstio &c.*] de quo dixi in Notis ad Vitam.
N. LXXXVI.

EPIST. SELECTÆ AD DIVERSOS. 377

fidei suæ astipplatores assertoresque prædicari scribis, idque ita nonnullorum animis isthic insedisse, ut purgatione omnino opus esse censeas: non potui sanè risum continere: uti nec ii, quibus idipsum recitavi, admirantes credulitatem vestram, atque ita vos facili esse iudicio, ut de nostra Religione ejusmodi assertioni fidem mox attribueritis. Porro ut ego cum *Velfo* (2) ea de causa litem contester, persuaderi mihi non facile

(2). *Ut ego cum Velfo &c.*] Non reperi ullam *Viglii* ad *Velfum* epistolam, præter eam quam supra dedi, scriptam. 24. Junii 1551. Videtur hominem fanaticum despexisse. Vide quæ supra in notis. Certe liquet ejus ad se epistolas, occlusas remississe, quare subjicio eam quam *Andreas Schurius* publicavit in *Epistolar. fascic. p. 360.* „ S. P. Qui corda & renes scrutatur, amplissime præses, testis mihi est, & in die tremendi „ iudicii erit, quo erga te animo semper fuerim, & etiamnum „ sum, benevolentissimo, inquam, & amicissimo: ut cui tua „ non minus salus (quod tamen hominum vulgo incredibile „ videatur, est autem in amicitia, potissimum Christiana, necessarium). quam mea ipsius, semper chara fuerit, nec unquam, quoad vixero, esse desinet: eoque laudabilem *Dionysii Areopagite* affectum, verèque Christianum pectus imitatus, „ Οὐκ ἀνέχομαι σε, φίλτατόν μοι ἄνδρα, πλεονεκτεῖν τῷ Σατανᾷ: * „ quin potius nihil non agam, ut te Deo, ad cujus imaginem, „ mentis & rationis particeps, conditus es, lucrificam. Et „ quoniam quas ad te pridie *Andree*, anno præcedenti, deram litteras, in quibus ea, quæ ad utriusque nostrum salutem pertinent, continebantur, eas occlusas, quod minime „ tamen speraveram, mihi remisisti: consultum mihi fuit visum, „ easdem tibi apertas, & his inclusas remittere, ac sic pio „ quodam dolo, ad tuam ipsius salutem, te fallere inscriptione „ etiam & caractere mutatis. Oro igitur te, & per æterni „ numinis, incorrupti vivorum & mortuorum iudicis, tremendam „ auctoritatem obtestor, ut non aliorum hæc, atque a „ me facta sunt, accipias: nec pro fraterna dilectione hostile „ odium rependas: quin potius, quod te facturum plane in „ Domino confido, deposita omni simultate, pristinum erga „ me tui amantissimum, affectum induas, & amoris nostro „ respondeas. Quod quidem si feceris, & Deo gratam, & te „ dignam rem feceris; meliorique conscientia, & acceptabiliores „ labiorum hostias in posterum Deo Patri, qui in spiritu „ & veritate adorari vult, offeres; qui hactenus eas aspernat. *Tūn. II.* Bbb „ tur

* Non tolerabo te, dilectissimum mihi virum, Satanae quasi fieri, aut, a Satana circumventum iri.

378 VIGLII AB AYTTA ZUICHEMI

facile sinam. Cum neque meus animus unquam ejusmodi contentionum appetens fuerit, nec a publicis negotiis mihi tantum sit otii, ut cum talibus ingeniis digladiari possim. Vos autem interea de me hoc Coloniae persuasum habetote quod videbitur: dummodo ii cum quibus hic vivo, quique me penitus cognitum habent, a Catholica sinceritate non deviare sentiant. Vale, mi *Horsti*. Ex Bruxella 16. Januarii 1556.

„tur ac rejicit, ut Veritas ipsa nos docet, quamdiu fratri re-
 „conciliati non sumus. Cæterum quod in his literis, quas
 „his inclusimus continetur, id ipsum a te & per te ut obti-
 „neam, ad Dei gloriam, & multorum salutem, postulo: quod
 „quidem & obtenturum me prorsus confido, meliora & sa-
 „luti tuæ conjunctiora de te sperans. Faxit Deus omni-
 „tens, ut expectationi meæ res respondeat, quo possit immi-
 „nentibus undique malis, quoquo modo, nostra etiam opella
 „occurri. Vale & nos, ut par est, in Christo complectitor.
 „Groningæ, Postridie Calendas Aprilis. Anno M. D. LXXVI.
 „Tuæ Amplitudinis observantissimus, JUSTUS VELSIUS
 „HAGANUS. “ Pagina versa inclusarum literarum, hanc ha-
 bet, inquit *Schurius*, epigraphen: diverso charactere belgice
 scriptam: *Den edelen, eerwaerdigen, gestrengen, vermoegenden Heren,*
Heren Viglio van Zwyghem, Proest toe S: Bove, ende Heest-Prest-
dent van C. M. toe Spaengen, mynen Heeren. Toe Brusel. An hang
Viglius epistolam acceperit ac reseravit, plane ignoro. *Baylius*
in diction. scribit, *Velsium*, librum quemdam suum nuncupasse
Antonio Perenotto Atrebatensi episcopo, unde nata sit homini
 confidentia, ut ego conjecto, illum deprædicandi, *fidei suæ ad-*
stipulatorem, assertoremque, ut queritur *Viglius* hic. Ceterum
 ab omnibus, quos legi, scriptoribus, vir doctus habetur, sed
 in fide inconstans. *Surius in comment. ad an. 1556. ait;* „Sunt
 „qui in scriptis suis indicare videantur, *Velsium*, abjuratis
 „erroribus, revertisse ad Catholicam ecclesiam. Res mihi
 „necdum penitus comperta est. “ De loco ac tempore quo
 mortem obierit, nihil mihi occurrit. Nec id pandunt *Surius*,
Spondanus, Valerius Andreas, aut *Baylius*.

EPISTOLA CLXVI.

PETRO NANNIO (1).

Ex Tome IV.
fol. 583.

*Gratias agit de misso ad se Athanasio a Nannio 1556.
edito. Lovaniensi Academia, & Collegio trilingui patrocinium promittit.*

QUOD ad litteras tuas, Nanni Doctissime, serius respondeam, *Athanasio* tuo (2) imputare debes. Neque enim rescribendum tibi duxi, priusquam hujusce tuæ eximie lubricationis gustum aliquem sumpsissem: ac sic tibi, cum meo, tum publico nomine gratias agerem. Quanquam autem non dubitem, quin Sanctissimus vir (3) hanc operam tuam peculiari aliqua voluptate compensarit (cum animo in rebus tam piis occupato non soleant sua deesse oblectamenta) omnes tamen, qui Latina facilius quàm Græca legunt in-

(1) *Petro Nannio*] vernaculè *Nanningh*, Alcmariensis Batavus, philologus & professor Buslidianus in Collegio trilingui Lovanii, successit *Conrado Golenio*. Vide *Val. Andr. in bibl. Belg. & in fastis academicis. Miræum* quoque & *Heussen. in bist. Episc. Harlemens. p. 165.*

(2) *Athanasio tuo*] S. Athanasii Episcopi Alexandrini opera fere omnia, summa cura & studio, multo auctiora quàm ante, Latina fecit *Nannius*, & anno 1555. Basileæ *Frobenio* excudenda dedit, quæ versio din inter optimas annumerata est, unde multa laude dignus fuit, ut ajunt monachi Benedictini Cong. S. Mauri in præfatione novæ editionis Operum S. *Athanasii* anni 1698. n. 5. Qui diu hæserunt incerti, novamne interpretationem ederent, an eam *Nannii*, olim probatam, laudatamque, & quidem a laudatis viris. Sed vicit prior sententia quod versio *Nannii* ex manuscripto viciato, & infinitis prope mandis adsperso expressa fuerit: qui vir apprimè eruditus & multis nominibus præclarus, præstantiora nostris fortasse dedisset, si ætatis manuscriptorumque conditio id tulisset, inquit illi n. 9. Subjicientes n. 10. censuram versionis *Nannianæ* jussu Congregationis Indicis factam. Obiit an 1557. æt. 57.

(3) *Sanctissimus vir*] Ipsum Sanctum *Athanasium* intelligit.

intelliguntque, mukum tibi pro hoc tuo labore debere semper fatebuntur. Et ego sanè legendi *Athanasii* occasionem abs te oblatam amplexus, non possum non tibi de eo gratias agere. Studium autem meum in promovenda Academia Lovanienſi gratum vobis eſſe gaudeo. Verùm inprimis benigniſſimo Regi noſtro multum litteræ & bonæ diſciplinæ, omneſque eorum cultores debent, quòd tanto favore huiusmodi conatibus aſpiret. Non ſinam verò Collegii Trilinguiſ Profeſſores (4) munificentia Regiæ eſſe expertes, cum non ignorem quid illi Scholæ debeam, ex qua non exiguum incrementum ſtudiis meis acceſſiſſe conſiteor. Bene vale, Nanni Doctiſſime. Bruxellæ 8. Novembriſ 1556.

(4) Collegii trilinguiſ profeſſores] Collegium hoc auctorem habuit *Hieronymum Buſſidum*, vulgi *Buſſeiden* J. U. D. Canonicum in pluribus eccleſiis, Supremi Senatus Belgici Mechliniæ conſiliarium, virum doctum, variisſque legationibus clarum. Qui extremæ voluntatis tabulis, de bonis ſuis inſtitui voluit unum Collegium in Univerſitate Lovanienſi, cum Burſis tredecim; pro decem juvenibus, qui legitimo matrimonio procreati, boni ingenii & competentis literaturæ lectiones viſitarent Grammaticæ ac Philoſophiæ, utque ad gradum magiſterii, diebusſue Dominicis ac feſtis principia ac rudimenta caperent linguarum Græcæ atque Hebraicæ a ſui Collegii profeſſoribus, ſimulque aliquod linguæ Latinæ additamentum a profeſſore Latino. Quibus quidem profeſſoribus aſſignavit tres alias burſas reliquas, cum ſtipendio competenti. Initium accepit hoc Collegium an. 1520. Fundator autem *Hieronimus* oblit an. 1517. Primi profeſſores fuere, Linguæ Latinæ: *Adrianus Barlandus*, *Conradus Goclenius*, *Petrus Nannius*, *Cornelius Valerius*, *Guilelmus Huysmannus*, *Juſtus Lipſius*, & *Erycius Puteanus*. Linguæ Græcæ, *Rutgerus Reſcius*, *Adrianus Amerotius*, *Theodoricus Langius*, *Guilielmus Fabius*, *Gerardus Corſelius*, *Henricus Zoefius* &c. Linguæ verò Hebraicæ, *Matthæus Adrianus*, genere Judæus, natione Hiſpanus, religione Chriſtianus, profeſſione Medicus, ab Eraſmo accerſitus; aliiſque parum noti, præter *Valerium Andream*, qui menſe Aprili 1612. profeſſor renuntiatus eſt. Vide *faſtos Academ. Univ. Lovon.*

EPISTOLAE SELECTAE AD DIVERSOS. 381

EPISTOLA CLXVII.

GERARDO RYMIO (1).

Ex To-
me IV.
fol. 585.
vfo.

Nobis oratione respuit munera.

1556.

Clarissime Domine. Consiliarie, Magno me pudore suffu-
dit epistola tua, qua mihi persuadere niteris, ut numis-
mata abs te dono missa æquo animo accipiam. Quamquam
enim affectum tuum non possum non amplecti, non tamen
animus ferre potest, ut quidquam aliud te mihi commendet,
quam tua Virtus. Et munera quidem cum semper abhorrue-
rim, tam abs te tanto minus ea velim accipere, quanto te
dignorem semper judicavi ea conditione, pro qua mihi ali-
quid debere velle videris. Quamobrem quaeso, ut & ista
recipias, & deinceps existimes, nihil mihi tua amicitia fore
antiquius, modò eam patiari non donis, sed illis potius
farciri rationibus, quibus vera animorum conjunctio constare
debet. Vale. Bruxellæ 1556.

EPISTOLA CLXVIII.

COLLEGIO JURIS CONSULTORUM LO-
VANII DUX SABAUDIE (1).

Ex To-
mo V.
fol. 25.

*De Petro Xymenio ad lectionem Decretorum as-
sumendo licet laurea nondum doctorali decorato.*
Lectio-

1557.

(1) Hic fuit Senator in Consilio Flandriæ, de quo V. ad
Epist. CXXII. ad Hopper.

(1) *Dux Sabaudie* Emmanuel Philibertus, Belgii guberna-
tor. Porro professores Juris, qui hoc anno Lovanii per *Philip-
pum* II. instituti sunt, ordinarii sunt, & qui quotidie legunt,
quos in *Fest. Acad.* ita describit *Val. Andr.* „Primus *Decretum*
„*Gratian* prælegit, horâ decimâ, ejusque professioni depu-
„tata est præbenda & Canonicatus in Ecclesia D. Petri: Al-

Bbb 3

„ter

*Lectiones Institutionum majore stipendio donatae.
Quæ illis ratio præscripta. Exquiri Collegii
judicium, qui quibus lectionibus magis apti sint.*

Cum serenissimus Rex pro sua in bonarum disciplinarum & præsertim Jurisprudentiæ studiis provehendis propensione, nonnullorum Professorum stipendia augenda duxerit, novasque quasdam lectiones institui mandarit, Nos tam laudabile Majestatis suæ institutum executioni mandare cupientes, jussimus pro singulis litteras, pro obtinendâ debita stipendiorum solutione congruas, expediri. Verum cum præcæteris Majestati suæ cordi sit, ut novæ lectioni decretorum recte provideatur, quam Majestas sua pro horum temporum, quibus disciplina Ecclesiastica graviter convellitur, necessitate, cupit ad primævam genuinamque suam revocari originem, sic ut magis ad Ecclesiæ ædificationem quam litium judiciorumque disceptationem dirigatur, dum diu multumque ad eam provinciam idoneus quispiam qualitas esset, tandem Majestas sua ob singularem *Petri Xymenii* (2) commendationem, illum quantumvis reluctantem eò impulit, ut conditionem eam susciperet. Circa quem ea fuit suborta difficultas, quod gradum docendique autoritatem non haberet. Verum non visum fuit hoc impedimentum tam egregium institutum debere remorari. Et uti Regia Majestas de eo cum ipso dispensavit, sic etiam vos non gravatè eum ad hanc professionem admissuros esse speramus: ea tamen conditione, ut intra annum a die cœptæ professionis, Doctoralia insignia recipiat. Cum hæc autem lectio non minus Theo-

lo-

„ter *Paratitla Digestorum, vel Codicis, sive Titulorum Expositio-*
„nem absolvit singulis annis: Tertius *Institutiones Juris Civilis*
„similiter anno finit. Atque hi alternis annis materiam ho-
„rasque permutare solent, ut qui prius *Institutiones* docuit
„hora nona, postea *Titulos Pandectarum vel Codicis* explicet
„hora post meridiem tertia.”

(2) *Petri Xymenii*] Quis ille, dicam cum cognovero. Hanc provinciam recusavit succedente sibi *Joanne Molinaeo*, ut est in *Fastis Academicis*. Non videtur doctoris gradum suscepisse, neque enim in catalogo, seu fastis occurrit.

EPIST. SELECTÆ AD DIVERSOS. 383

logiæ operam dantibus, quàm Juris Canonici Studiosis, utilis futura videatur, talem ei horam assignari a vobis velimus, quæ utrisque sit accommoda. Ad hæc etiam intelligisse vos arbitramur, constituisse Majestatem suam, quo si qui Jurisprudentiæ primam daturi sint operam, universæ ejus disciplinæ elementa rectius simpliciusque percipiant, ut deinceps & Institutionum altera instituatur lectio, quò omis- sis iis quæ prolixiorē exactiorēque requirunt explicatio- nem, is qui ad hanc assumetur professionem summam dum- taxat Textum Institutionum explicet, glossasque leviter ac persumptorie dumtaxat attingat, sic ut eas Auditores legere, & potiora aliqua inde retinere assuescant. Et ne ultra septa hæc novus Professor transiliat, intra anni spatium totos qua- tuor libros Institutionum omnino Majestas sua vult absolvi. Cujus vos diligentem habere curam, ac Majestati suæ, vel Nobis denunciare velimus, si aliter fiat. Eandem quoque brevitem desideramus observari in altera lectione nova, qua visum fuit non abs re fore, si quispiam titulos ipsos utrius- que Juris interpretetur, quo & facilius eos Tyrones addiscant, & ordinem rerum, materiarumque, qui memoriam inprimis sublevar, complectantur, & quo sic significationem unius- cujusque tituli plenius percipientes, ad graviora legum scitu perdiscenda viam sibi præstuant. Et hanc quoque lectionem anni terminò præscriptam Rex voluit, sic ut post minores vacationes mense Octobri semper ab capite hæc Institutio- num prælectio, titulorumque expositio inchoetur. Institutio- num autem consuetæ atque ordinariæ lectionis dignitati nihil Majestas sua detractum voluit, sed cum eam amplio- re stipendio decorarit, id desiderat, ut diligentia quoque majore tractetur. Cum autem intelligamus, eum, qui illi hætenus præfuit adversa laborare valetudine, quæ fortè in longum tempus protrahi posset, cupimus ut de Vica- rio ita provideatur, nequid publica studia detrimenti accipiant. Ad has autem lectiones delegimus *D. Joannem Ven- duilium, Petrum Peckium* (3) duos Doctores, & *Joannem Ra-*

(3) *Joannem Vendulium*) *Petrum Peckium*]. De his duobus Doctoribus dicam in præfatione ad Commentarium *Hopperi*, quod cum illo Doctoris lauream susceperint eodem die, & postremus *Hoppo* in profitendi munere successerit.

Ranium (4) Licentiatum. Ex quibus cum unus nobis assumendus videatur ad operam vicariam ægrotantis, vos velimus dispicere qui ex eis ad singulas lectiones magis videantur vel propensi vel idonei. Et cum in rerum novarum institutione, quid utile vel secus sit, experimento primum intelligi certius soleat: visum nobis fuit, ut singulis in unum dumtaxat annum hæ lectiones addicantur, quo ipsorum interea spectata diligentia; & speratæ utilitatis successu, sub ejus finem de eorundem confirmatione melius constitui queat. Superest igitur, ut de *Xymenii* admissione, & quos quibus lectionibus magis aptos censeatis, vestram nobis sententiam præscribatis, quo similiter super stipendiorum solutione providere eis possimus. Quid autem super augmento veterum stipendiorum vel institutione novorum pro U. J. Professoribus ab Regia Majestate ordinatum sit, ex schedula inclusa intelligetis. Deus vos conservet. Ex Bruxella 22. Aprilis anno Domini 1557.

Ex To-
mo IV.
fol. 594.
vfo.

EPISTOLA CLXIX.

DOCT. VUULMARO (1) PROFES-
SORI LOVANIENSI.

1557. *Hortatur eum ut se supremi Senatus Mechliniensis albo inscribi patiatur.*

INtellexi ex Litteris tuis, vir Clarissime, rationes quæ te movent, quo minus animum ad suscipiendum conditionem oblatam possis inducere. Quas dum ego mecum perpendo exactius,

(4) *Joannem Ranium*] imò *Ramum*. Erat Zelandus Goezanus J. U. doctor, & fuit Institutionum Imperialium Lovanii professor Regius per biennium, ac Duaci in nascente Academia per triennium fuit; atque iterum Lovanii publicus Pandectarum, Ordinum Brabantiae beneficio ac salario, Jura docuit cum laude & fructu. Demum Dolæ in Burgundia, a Belgicis tumultibus secessum & otia quærens, nondum conscensâ Cathedrâ e vita excessit an. 1578. die S. Catharinae sacro. *Fasti Acad. De cujus incubationibus V. bibl. Belg. novæ edit.*

(1) *Vulmarus Bernartius*, Eeckensis, Flander, in Universitate Lova-

EPIST. SELECTÆ AD DIVERSOS. 385

exactius, non possunt illæ mihi omni ex parte satisfacere. Nam ætas ac adversa valetudo, quæ docendi officium non impediunt, consulendi multo facilius ferent. Nec est novum a Scholis ad forum consiliumve transire: cum is proprius studiorum gradus sit: Et si exempla posces, meipsum citare possem, qui a Scholis in hanc Rempublicam sum evocatus. Quamobrem omittere non potui, quin denuo te hortarer, ut ætati potius valetudinique consulens, levio- rem amplectare conditionem. Utramque expertus, id tibi affirmo, longe laboriosius molestiusque esse docendo ac disputando perpetuo torqueri, quàm in doctissimorum virorum cœtu, de jure sententiam dicere. Nec hanc vocationem negare potes, quæ ex summi Senatûs judicio, Principisque suffragio, non modo non ambienti, sed ne cogitandi quidem, offertur. Tecum igitur, mi *Vuulmare*, omnes rationes altius quæso excute: & cum plerumque in propriis causis non satis sapiamus, aliorum consilium respuere noli. Expecto igitur ut priorem reformans sententiam, tam inclyti Senatus albo inscribi te patiare. Vale, vir Clarissime. Bruxellæ 22. Novembris 1557.

EPISTOLA CLXX.

IDZARDO.

Ex Tomo IV.
fol. 605
vfo.

Ambitiosum hominem, nobilitatis ac dignitatum Venatorem modeste coarguit. 1557.

Longas litteras, Ornatissime Domine *Idzarde*, occupationes meæ non admittunt: proinde boni consules, quod paucis duntaxat ad litteras tuas, quas *Paulus* noster mihi attulit,

Lovaniensi J. U. D. & sacrorum Canonum professor primarius, qui Concilio Tridentino interfuit, erat Canonicus S. Petri Lovanii, de quo V. *Val. Andr. in bibl. Belg.* Hactenus ignoratum fuit, eum postulatum fuisse ad supremum Senatum, qui Mechliniæ residet. Sed quod amplius est, hinc palam fit, Senatum non semper ex competitoribus, seu candidatis elegisse, sed homines doctos & non aspirantes proposuisse, seu Principi nominasse.

Tom. II.

Ccc

tulit, respondeo. Testimonium familiæ mihi aliquando exhibitum, quæri jussi: nam confusum aliis schedis ad manum non erat. Quod de nobilitate asserenda tantopere es sollicitus, non valde probare possum. Quæ fugientem sequitur, insequentem fugit. Et quamdiu Præsidis officio functus sum, nullas nobilitationis litteras pro harum Regionum subditis expediri aut concedi vidi. Verum in Cancellaria Imperiali hujusmodi diplomata expediri solent. Sed nescio an ea tantam vim apud nos habitura sint, ut sic nobilitati pro nobilibus habeantur. Ad Regiæ quoque Majestatis officium non pertinet, in his Provinciis Comites Palatinos (1) creare, sed illi, vel a Pontifice vel ab Imperatore eam auctoritatem accipere consueverunt. Quod *Tzalingus* (2) tibi prælarus fuerit, revera nobilitatis prærogativæ acceptum ferre debet: secutusque est in hoc Rex noster, Senatus Patriæ nostræ judicium, quod nostris commendationibus prævaluit. Vide autem, mi *Idzarde*, an non satius fuerat, meum sequi consilium, nec tanta contentione Consiliariatum tunc ambire? Id verò quotidie experior, non minus gratam esse verecundam modestiam in muneribus publicis petendis, quam illam importunam sollicitationem. Flandriæ Consiliariatum promotione novi Præsidis (3) vacantem quatuordecim petunt. His, si ita cupias, libenter nomen tuum addam: sed ut cæteris præferare, solus Rex præstare potest. De instrumento, *Renardiana* familiæ sigilla continente, gratias ago. Ego illud non cupio: & sufficit mihi id quod de eo significasti. Frisiz nostræ descriptione te privari nolui: & est altera *Jacobi Daventriensis* (4) multo exactior; nisi quod arma non habet, quæ non valde moror. Vale. 15. Decembris 1557.

EPI.

(1) *Comites Palatinos*] De his dixi in Notis ad Vitam N. XLVIII.

(2) *Tzalingus*] ab Eisinga, doctor, successit in Senatu Frisiz doctori *Upkoni a Burmania*. Tom. 4. fol. 393. vfo.

(3) *Novi Præsidis*] qui fuit *Jacobus de Blasere*, successor *Adriani Van der Burch*, in Anglicana legatione vita functi. Sandt. Fland. illustr. tom. 1. nov. edit p. 171.

(4) *Jacobi Daventriensis*] Trans-Italani, Geographi, cujus libri omnia hujusce provinciæ Belgicæ oppida assidue deli-

neant.

EPISTOLA CLXXI.

OTHONIS CARDINALIS AUGUSTANI (1).

Ex fasci-
culo Epi-
stolarum
A. Schu-
rii pag.
335.

Reverendo & Magnifico D. Viglio Zuichemo,
Præsidenti in Brabantia, amico nostro sincere
dilecto.

*Amicitiam suam cum adolescentia natam amanter
contestatur. Solatur Viglium, quod ob Religionis
negotium indigne in Belgio habeatur, atque ut Ec-
clesia causam tueri pergat, præclaris verbis hor-
tatur. Postulat sibi Canonistam reperiri, qui ce-
lebranda per Cardinalem Synodinegozia promoveat.* 1566.

Reverende ac, magnifice Amice nobis sincere dilecte. Non
potest nobis non jocunda esse memoria ejus consuetu-
dinis, quæ primum Dolæ, & Patavii, communium studio-
rum

neata continent. Defectus tamen aliquod notavit Viglius cum
illos ad Regem transmisit. Porro obiit Jacobus Coloniae anno
1575. ubi magistratus libros suos Philippi II. impensis tot annis
elaboratos in suam recepit custodiam: pro quibus ipse solli-
citus ad magistratum scripsit, magis interesse judicans, ne
opus illud singulare deperiret, aut a quoquam interciperetur.
Quin imo intelligens, apud mulierculam quamdam Mechli-
niensem, ejus uxorem seu concubinam, servari minutas for-
mularum ab ipso delineatarum, dedit operam Viglius, ut, sub
promisso (Regio nomine) honorario, in manus suas illæ veni-
rent, quod omnino curandum censeret ne in alienas manus
exempla ulla inciderent, unde possent alia exsculpi. Redem-
ptum proinde opus ejusque minutz, in Hispaniam missa sunt.
Hæc omnia a Valerio Andrea & ab ejus continuatore nupero
J. F. Foppens ignorata, habes in Viglii epistolis ad Hopperum
CCXLIX. CCLI. CCLIII. CCLVI. CCLVII. & CCLIX.

(1) Othonis Cardinalis Augustani. De hoc præfule scribit
ad nepotem Bugbonem Augustinum Viglius Zuichemus III. Idus
Majas M. D. LXXI. CARDINALEM Augustanum, qui ab

rum ergo, deinde Augustæ & Wormatiæ in curandis imperii negotiis, inter nos maxima conjunctissimæque fuit. Et accesserunt præstantes D. V. virtutes, quæ nostram, in veterem & singularem amicum benevolentiam, majorem in modum tot annis meritò adauxerunt. Quare committere non possumus, quin hoc etiam scripto testemur, ardenti & constanti nos animo eam colere, & perpetuam, quam inter nos confirmatam habemus, necessitudinem atque conjunctionem. Illud verò permolestè sanè accidit nobis, quod intelligimus D. V. post tot, tamque præclara benefacta & merita, quæ in veteri sincera Catholica, & unicè salutari religione nostra, tum conservanda, tum vindicanda, multis jam annis summa cum laude convocavit, ab ingratis ac impiis hominibus malam isthuc gratiam referre, indignisque modis excipi. Verùm haud dubiè videt D. V. uti sapientissimum atque constantissimum veræ fidei, veterisque pietatis assertorem decet, bonis bonorum conatibus adversari semper mundi principem, & ecclesiæ hostem infensissimum Sathanam: qui tum per se, tum per satellites suos, si antehac unquam, nunc vel maxime persequitur ac vexat præcipuos quosque fidei propugnatores, a quibus nova impietatis & perfidiæ, hodie grassantis,

„ in eunte ætate benevolam erga me animum præ se tulit,
 „ præcipue ut colas hortor: est enim ut optimus piissimusque
 „ vir, ita nostræ nationis amantissimus: cujus parens multis
 „ annis in consilio administrationeque Frisiæ olim summa amicitia familiaritateque conjunctus fuit. Fuit autem *Otbo* Cardinalis Augustanus e Truchsesiorum genere prognatus. Nepotem ex fratre habuit *Gebbardum* Truchsesium, Imperii Septemvirum, Episcopum Colonensem: qui *Agneta* Mansfeldiæ amore captus, abjectis infulis, nuptias celebravit: atque ob id Principali quoque dignitate exutus, *Ernesto* Bavaro in locum suscepto, ipse in Bataviam, turpi inusta familiæ nota, exul abiit. Quæ res Coloniensis belli anno M. D. LXXXIV. quo hæc gesta sunt, occasio fuit.” *A. Schurtius in fasc. epist. p. 338.* Quæ hic adducitur *Viglii* ad nepotem *Buchonem* epistola, a nobis desideratur: & pertinet ad *Quartum librum epistolarum . . . ad an. 1560. usque ad finem anni 1573.* qui in Collegio *Vigliano* Lovanii non reperitur. Latet forte in Hollandia apud privatum quemdam, qui *Andree Schurtii* schedas possidet.

tis, studia profligari & extingui animadvertit. Quare etsi cohortatione nostra non egeat pietas vestra, non possumus tamen non amanter petere, seduloque rogare, ut D. V. in præclaro hoc summèque laudato de sancta matre nostra Ecclesia benemerendi studio, perduret fortiter: atque propter communem Christi & Ecclesiæ causam, nullis aut injuriis aut calumniis improborum se vinci ac deterreri patiatur, quo minus necessarium hunc Religionis nostræ tuendæ & ornandæ zelum, quem hucusque attulit, domi & foris continenter declaret, seque summis interim & æternis illis consoletur præmiis, quæ Christo promittente, patientes propter justitiam certò sunt accepturi. Postremò D. V. latere nolumus, in animò nobis esse, ut proximo mense Octobri, si Christus faveat, Synodum in Ecclesia nostra celebremus. Ad eam rem indigeremus bono, docto & perito Canonista, qui duobus aut tribus mensibus, imò fortasse diutius in aula nostra coram adesset, suisque consiliis non modò dictæ Synodi, sed etiam Ecclesiæ nostræ negotia promoveret. Quare D. V. in primis oramus, ut suam nobis operam præbeat in hujusmodi jureperito, sive sit Licentiatus iste, sive Doctor, inveniendò: cùm in vicinis quidem Civitatibus, diocesis & gymnasiis, complures ejusmodi soleant reperiri. Nihil autem nobis erit gratius, quàm primo quoque tempore literis D. V. per veredarium publicum ad nos datis intelligere, quid de illo sperare nobisque promittere possimus, ut è vestigio de sumptibus, cùm eodem agi, firmiterque aliquid concludi curemus. Nos vicissim, quacumque ratione potuerimus, D. V. gratificari, & in omni officio sinceram declarare amicitiam, ex animo desideramus: qui magnam ex eo capimus voluptatem, quod D. V. jam in ecclesiasticum ordinem cooptatam (2) & veluti lumen in medio tenebrarum isthic effulgere, ad magnam Dei gloriam & Ecclesiæ utilitatem, intelligamus. Datum in arce nostra Dilingæ, die Sanctorum martyrum Abdon & Senonis anno Domini M. D. LXVI. C. D. V. Ex animo amicus

OTHO Cardinalis Augustanus.

(2) In ecclesiasticum ordinem &c. Vigilius Sacerdos initiatus est an. 1562. V. Vitam. N. LXXIX.

EPISTOLA CLXXII.

Ex fasci-
culo epi-
stolarum
A. Schu-
rri pag.
334.

F. CARDINALIS ALCIATI (1).

Magnifico & excellenti Viro, uti fratri caris-
simo, domino Viglio Zuichemo.

Bruxellam.

1568. *Alciati J. C. hereditas potiore sui parte doctorum
virorum necessitudo cum sit, Viglio benevolentiam
suam defert, ac bene de eo merendi cupiditatem
declarat.*

V Ir ornatissimo. Ut primum adii Alciati nostri heredita-
tem (2) cognovi ejus partem potiores hereditatis
esse, bonorum doctorumque hominum necessitudines: quas
ut ille vivens coluit multas diligentissime, ita mihi momen-
visus est nullius magis officii, quam hujus commendatas
partes reliquisse. At verò inter plurimos viros omni laude
præstantes, quos ille habuit conjunctissimos, cum te scirem
esse unum, inprimis, detuli tibi per literas, jam inde ab
Alciati

(1) *F. Cardinalis Alciati*] Franciscus Alciatus, natione Ita-
lus, patria Mediolanensis, *Martini* nobilis Mediolanensis filius,
Andree Alciati J. C. clarissimi imitator & gentilis, nec non
cognatus, rogatu *S. Caroli Borromæi*, quem auditorem habue-
rat cum *Ticini* jus doceret, a *Pio PP. IV.* die 12. Martii 1565.
S. R. E. Diaconus. Cardinalis creatus fuit. Oblit. Romæ an.
1580. ætat suæ an. 58. Eximias hujus laudes *V. apud Claron.*
tom. 3. col. 972.

(2) *Alciati nostri hereditatem*] nempe ex testamento. *Andreas*
enim instituit *Franciscum* magni spei adolescentem & cognat-
um, sed propinquetate valde remotâ, hæredem universalem.
Quanta hæc fuerit, nullibi occurrit, sed cum *Andreas* & pe-
cuniæ avidior fuerit, & magnâ ubique meruerit stipendia, non
exigua fuisse videtur ejus hereditas. *V. Baynium in Diss. bist.*
crit. Niceron. tom. 32. aliosque.

EPIST. SELECTÆ AD DIVERSOS. 391

Alciati obitu (3). Ticini scriptas, meam benevolentiam, ac studium universum: quibus tu literis, opinor magnis districtus occupationibus, aut quod minime necessarium duxeris, cum nihil rescripseris: fuit, ab hoc quidem genere officii inops mea in te benevolentia: sed tamen ardenti in te tuaque commoda affluens cupiditate. Quod & tui hic procuratores non omnino numquam cognoverunt: & ut postremo tu nunc, cognosceres, ex *Gravolan*, Cardinalis amplissimi literis, fuit sane mihi gratissimum. Non quod nesciam me in rebus tuis nihil præter studium, ac diligentiam, præstitisse: sed quod idipsum confirmari tibi, summi testimonio viri, permagni interest ad eam declarandam, quam jam dudum factis testari cupio, incredibilem erga te voluntatem meam. Quod si ullo umquam tempore consequi potero, explevero meam bene merendi de te cupiditatem, tuæ nammodò virtuti, ac doctrinæ præstanti, sed summæ etiam cum *Alciato* necessitudini debitam. Cura ut valeas, ac mihi in amore par sis. Roma. Nonis Junii M. D. LXVIII. Excellentiæ vestræ uti Frater amantissimus.

F. Cardinalis ALCIATUS.

EPISTOLA CLXXIII FREDERICI ARCHIEPISCOPI TRAJECTENSIS.

*Ex fasciculi epistolæ
A. Schæ-
rii pag.
340.*

Clarissimo Domino præfidi Viglio.

De tribus Catalogis librorum prohibitorum ab Duce Albano ad ejus censuram transmissis, varium præfulis judicium, eleganter propositum. 1569

Clarissime Præses, idemque modis omnibus reverende, & inclyte Domine Præposite. Vetus dictum est, *Quam quis*

(3) *Ab Alciati obitu* qui contigit pridie Idus Januarii 1550, cum vixisset annos 56. menses octo, dies quatuor. De qua
ling.

392 VIGLII AB AYTTA ZUICHEMI

quisque novit, in hac se exerceat arte. Equidem professione Jurisconsultus literas sacras utcumque delibavi, non ad confutandos convincendosve hæreticos, aut ut de illis mihi censuram vindicarem: sed ut verum divinæ legis & genuinum intellectum assecutus, tum meæ, tum aliorum consulere rem saluti. Proinde non potui, ut par erat, obire provinciam ab Illustrissimo Duce mihi demandatam. Na tamen immorigeris omnino, aut refugus viderer, id quod potui, obiter præstiti, juxta inclusum his exemplar, obnixè rogans, ut adjunctas litteras Illustrissimæ ejus Excellentie reddendas curare digneris. Mihi sanè vehementer cordi est, ut nova quapiam gratitudine veterum tuorum erga me beneficiorum meritorumque memoriam renovare possim. Cujus rei occasionem omnibus modis, ne præterfluat, complectar opitulante fortunanteque Christo, qui reverendam & inclytam Claritudinem vestram prosperet & sospitet in omnibus. Ex Duerstede 28. Junii anno 1569. Claritudinis vestræ reverendæ deditissimus Frater, ad omnia promptissimus

FREDERICUS *Archiepiscopus Trajectensis.*

Exemplar literarum

ad Illustrissimum Ducem Albanum.

Scribit *Plutarchus*, Illustrissime Dux, Heros inclytissime, chorum Lacedemoniorum fuisse trifidum, nempe senum, puerorum & juvenum. Canebant autem senes, sc quondam robustos

bus jam dubitari non debet (quidquid alibi dixerim) càm hæc legantur in epitaphio a *Francisco* Cardinali in marmore scripto, apud *Ciaccon.* cit. Quid igitur de chronica inscriptione, quam Papiæ seu Ticini in D. Epiphanii templo extare contendit *Guil. Budæus* in *Thanatologia* p. 224. juxta quam obitus ejus anno uno retardatur, nempe ad an. 1551. his verbis:

IVra IaCent, strepitVsqVe forI, LegesqVe saLVbres,
CVr? IaCet AnDreas DVX & ApOLLo forI
Rem in medio relinquo.

robustos fuisse juvenes: pueri verò, se futuros longè his robustiores occinebant: juvenum verò chorus, se jam id esse pangebatur, quod vel illi fuissent, vel hi se futuros sperarent. Ego sanè priori choro jam dudum sum aggregatus: & si quid aliquando roboris habuit vel ingenium, vel iudicium, jam ætate penè totum emarcuit. Nam, ut inquit ille, *Omnia fert ætas, animum quoque*: & non solum memoriam thesaurum eloquentiæ, ut *Fabius* ait, sed omnium disciplinarum quoque promptuarium aufert: vigorem animi tollit: mentis alacritatem pellit: denique sensuum omnium vivacitatem & perspicuitatem pessumdat. Succedit his tristitia, morborum omne genus, & pondus illud grave, quod apud Comicum videre est: scilicet onus annorum sexaginta quatuor, quos ego jam pridem supergressus, credere cogor, senectutis onus vel *Ethna* gravius esse, id quod relatum est apud *Ciceronem*. Quum hæc in me ipso quàm velim experiar veriora, magnum impedimentum præstant, quo minus censuram eam, quàm a me Ducalis vestra Excellentia suis literis, decima octava præteriti mensis Maii exaratis, super trini catalogi libris a me flagitavit, impendere queam: Sed omnium maximè, quòd juris utriusque disciplinam ab ineunte ætate complexus, rem theologicam ab ipsis fidei Catholicæ fontibus, non è lacunis siccisque hæreticorum cisternis, hauriendam mihi esse in animum semper induxerim: quo fit, ut prælibati catalogi libros non evolverim, sed a Doctoribus ecclesiasticis pependerim perpetuò, velut nauta *Sidonius* a cynosura. Negabat *Tullius* lecturum se poëtas lyricos, etiamsi duplicaretur ætas: eadem & mihi sedet sententia de legendis eorum libris, qui ab orthodoxa nostra fide delirant. Scio claros quosdam professione theologos palam testari, se magis trahi ad solidam atque genuinam scripturarum tractionem, quàm ut se exerant contra hæreticos. Mecum profecto pulchre deceditur, in hac degente senecta, si concredendum mihi gregem genuino sacrarum literarum pabulo, non aliunde quàm e veteribus & catholicis auctoribus conquirit, pascere queam: ad quod omnem senilis animi vim, industriam, operam, assiduumque laborem, mihi conferendum puto. Ut ut hæc se habeant, ne tamen vel prorsus tanti herois detrectasse iussa, vel ne pilos quidem caprinos ad terna-

394 VIGLII AB AYT TA ZUICHEMI

bernaculum (1) Domini conferre videar voluisse, pro moduli mei captu rem imis labiis delibabo, fiducia ea, quam Excellentia vestra mihi indulgit, fretus. Sit igitur hæc regula perbrevis & methodica. Non solum blasphemias omnium hæresiarcharum, quorum nomenclaturam complectitur regula secunda Indicis, *Pii IV.* Pontificis maximi auctoritate confecti, sed etiam libros eorum, qui post annum decimum quintum restitutæ salutis supra millesimum quingentesimum, extra unitatem Catholicæ fidei se constituentes, scripserunt dissona ab universalis Ecclesiæ decretis, circa materias hic mox subsequentes, penitus abjiciendos, eliminandos ac abolendos esse: videlicet, qui scripserunt,

De Peccato originali.

De Fide & Justificatione.

De Prædestinatione.

De libero arbitrio.

De Sacramento Baptismi.

De Sacramento Confirmationis Baptizatorum.

De Sacræ Eucharistiæ Sacramento.

De Communione sub utraque specie.

De Sacrificio Missæ.

De Sacramento extremæ Unctionis.

De Sacramento Pœnitentiæ.

De Sacramento Ordinis.

De Sacramento Matrimonii.

De Purgatorio.

De Reliquiis, & veneratione Sanctorum.

De Sacris imaginibus abolendis.

De Votis monasticis.

De Indulgentiis.

De Ceremoniis, & ritibus Ecclesiæ.

De Jejuniis.

De Ciborum delectu.

De abrogandis Festis.

De Jurisdictione laicorum in Clericos.

In libris autem illis, qui non ex professo tendunt ad scopum

(1) *Ne pilos quidem caprinos ad &c.* Desumptum est ex *Exodo* cap. 25. v. 4. v. cap. 35. v. 25. & 26.

scopum hæresis, seu thema pravi dogmatis, sed aliqua forsitan in medio orationis cursu incidunt, hæresim aut impietatem spectantia, fervetur id, quod habet regula octava Indicis præfati. *De certorum auctorum libris prohibitis.* Cur autem in alio Indice censeantur vetitæ lectionis esse Imperatorum & Cæsarum Vitæ, satis equidem non assequor. Nam si id contigit ob improba quædam Imperatorum vel dicta vel facta, cur non e diverso respectus habetur ad multorum Cæsarum nunquam satis laudatas virtutes, & eas quidem imitatione dignissimas: qui non solum verbis, sed rebus ipsis, Christianissimos se fuisse, sanctosque pietatis cultores, palam evincunt? Quot malorum impiorumque regum, ac hominum pessima exempla Libri bibliaci produnt? Et tamen ob id illos explosit nemo. Si verò id factum est, quod vel Imperatores, vel eorum vitæ descriptores, non semper steterint pro dignitate a Clero, eorumve Constitutionibus, jam magna voluminum jureconsultorum pars exulabit: præcipuè *Joannis Petri de Serravallis, Cyni, Baldi, & Angeli Perusini*: & apud Canonistas Abbatis Siculi, postea Archiepiscopi Panormitani: qui liberius de his nonnunquam locuti, nunquam tamen ob id exterminati fuere. Si denique hoc evenit abolendæ concertationis ergò, quæ fuit inter Sacerdotium & Imperium, profecto res ea tam multorum libris, etiam historiam non scribentium vulgata est, ut vix unquam antiquari posse videatur illius memoria: quamquam hîc parum videatur esse periculi, invento contra hunc morbum antidoto. Nam *Marsilio illi Patavino* (2) qui in hoc argumenti genere pro Imperio contra Sacerdotium mirè sibi placet, abunde responsum est per orthodoxos: præsertim acutè per Dominum *Albertum*

(2) *Marsilio illi Patavino*] Scripsit librum cui titulus: *Defensor pacis, sive de potestate Papæ & Imperatoris* in folio 1515. Idem in octavo Francofurti 1592. Idem sub titulo: *Legislator de jurisdictione Pontificis Romani & Imperatoris per Pattersonium* in octavo 1613. Apud Goldastum Monarch. S. Rom. Imperii tom. 2. in fol. Francof. 1614. & 1621. habes *Marsilii Menandri Patavini tractatum de translatione Imperii*. Porro *Marsilius de Padua* in Indice Romano relatus est inter Auctores prohibitos primæ classis.

396 VIGLII AB AYTTA ZUICHEMI

bertum Pigbium (3) Campensem, in libris de ecclesiastica hierarchia. Dispunctus quoque videtur *Sebastianus Monsterrus*, (4) qui Chronographiam suam inscripsit Imperatori *Carolo Quinto*: opus varium, laboriosum, amœnum, & frugiferum lectu, quod præter multarum rerum cognitionem, provincias & urbes plerasque graphicè nobis exhibet, ceu in tabella depictas. Non memini me autem legisse quicquam in eo Catholicæ fidei adversum, aut offendiculo respersum: nisi quod uno in loco laudes parum veras adscribat *Wittenbergen*sibus. Denique *Moria & Lingua Desiderii Erasmi* *Roterodami* (5) (salva venia) nusquam oppugnant dogmata Catholica

(3) *Per D. Albertum Pigbium*] De hoc auctore, qui fuit præpositus S. Joannis Ultrajecti, Vide *Catal. meum præpositior. & decan. Ultraj.* Item *Niceroniam* tom. 39. a p. 372. qui tamen de libris de *Hierarchia* hic laudatis jejune loquitur, adeo ut illos sibi visos esse addubitem. En titulum: *Alberti Pigbii Hierarchie Ecclesiasticæ assertionum libri sex: & componendorum dissidiorum & sanciendæ in Religione Concordiæ ratio.* in folio Coloniae 1544. Item 1572. Opus tam polemicum, quàm canonicum, Libri III. IV. & V. spectant ad jus ecclesiasticum, illosque *Rocqaberti* infernit tome 1. *Bibliothecæ Max. Pontif.* Quintus liber præcipuè conscriptus est contra *Defensores pacis Marfilii Patavini*. Ceterum, quidquid *Schenckius* eos hic libros extollat, memores nos esse oportet judicii quod tulit de illis ipsis sapientissimus Cardinalis *Bona*, his verbis: *Albertus Pigbii, vir acutissimi ingenii, theologus, philosophus, & mathematicus peritissimus, sed liber ejus de Ecclesiastica Hierarchia cautè legendus est, quod non semper solidam tradat doctrinam.*

(4) *Sebastianus Monsterrus*] potiùs *Munsterus*. „ Engelheimen- „ sis, Ordinis Franciscani, quem olim Tubingæ professor fue- „ rat, desertor, mathematicus & Cosmographus præstans, „ Hebraicæque linguæ, cujus admodum peritus erat, Basileæ „ professor . . . mortuus est ex peste (an. 1552.) vigesimo ter- „ tio Maii, ætatis anno sexagesimo tertio,” inquit *Spondan.* ad an. 1552. N. XX. V. *Guil. Budæi Thanaolog.* Nihil in illo auctore legit *Schenckius*, offendiculo respersum. Verùm non legerit omnia. V. *Sexti Senensis bibl. Sanctam lib. 8. hæres. 13.* Et ipse *Sebastianus* inter auctores primæ classis prohibitos locum habet in *Ind. Rom.*

(5) *Moria & Lingua Erasmi &c.* Utrumque opus prohibitum est in *Ind. Rom.*

EPIST. SELECTÆ AD DIVERSOS. 397

licæ fidei: licet multo sale defricent orbem. Videntur igitur posse tolerari propter sermonis elegantiam & proprietatem: sicut in antiquis ethnicorum libris, etiam obscœnis, id permittit regula septima Indicis, auctoritate præfati Pontificis conscripti. (6) Videt Excellentia vestra, Dux Illustrissime, quæ pro opibus nostris mœnia struamus: non enim omnia possumus omnes: & vetus est proverbium, *Nequid ultra credam futor*. Super Decanatibus autem, qui curam animarum & parochialem habent annexam; restaurandis Delubris per Iconoclastas vel afflictis, vel eversis, nuper Excellentiae vestræ respondi, ut potui. Nunc verò negotium dedi Officiali meo, totam nostram Diœcesim visitaturo, ut de his exactè & diligenter inquirat. Vicarius quoque meus, unâ cum suis collegis a Clero deputatis, totus est in Seminarii negotio. Cùm primùm licuerit, Excellentiam vestram de eundis reddam certiore: quam Deus optimus maximus sperentissimam, omniumque votorum compotem, foelici longoque sospitet ævo: cui me totum modis omnibus submitte commendo. Ex Duerstede 28. Junii anno 1569. (7).

EPI-

(6) „Quin utinam abolitis omnino obscœnis veterum poetarum, aliorumque Gentilium libris, ea demum substituantur *Erasmi*, unde cum sermonis nitore & elegantia, simul hauriri Christiana pietas possit: quorum in vastis magni Viri voluminibus abunde satis est. Quæ si quis vir doctus & orthodoxus seligere, atque in communem usum edere collecta vellet, fortasse non ineptè operam suam collocaret. Nam quæ nunc recuduntur, & parantur nobis Opera *Erasmi*, nollem ab ea manu.” *A. Schurius pag. 347.* Respicit ad novissimam, elegantissimamque editionem Lugduno-Batavam *Petri Van der Aa*, anno 1703. decem tomis in folio euratam a *Joanne Clerico*. De *Erasmo* ejusque scriptis varis varia. Videri potest *Spondan. ad an. 1536. N. XVII. & XVIII.*

(7) „*FREDERICUS Sebent à Tausenborg*, primus fuit, idemque ultimus, Trajectensium Archiepiscopus, a S. Willibrordo Episcopus sexagesimus primus. Obiit Trajecti ad Rhenum, anno Domini 1580. ætat. 75. aut 76.” *A. Schurius ibid.* In *bist. mea Eccles. Ultraj. p. 8. col. 2.* scripsi, eum ætatis an. 77. ac die 25. mensis Augusti, (signato ab *Andree Schurio anno*,) diem ultimum egisse. Ceterum ejus verbis totus subscribo, quantumvis reluctantur schismatici Ultrajecti-

EPISTOLA (1) CLXXIV.

CARDINALI GRANVELLANO.

1570. *Commendat Ludovicum Comitum Berlaymontii filium ad archiepiscopatum Cameracensem nominatum. Negotium suum proprium Cardinalis arbitrio permittit. Ducis Albani nomen unde odiosum? Vargæ iracunda violentaque consilia, sine quibus Dux foret laudandus. De successoris mansuetudine bene sperat. In quas hic difficultates incurret? Cardinalis reditum poscunt omnes. Fonckius in secretum Consilium cooptandus. Blasarius ad Burgundiam visitandam missus, ubi Bisontini ab antiqua religione defecturi timentur.*

Cum Dominus a Barlemont cursorem se Romam versus mittere indicasset, nolui occasionem omittere literis meis Illustrissimam D. V. salutandi: & licet summo favore negotium filii ejus eandem prosequi nihil addubitem, tamen quod facit, lubentius ut faciat, deprecandi. Etenim est ille jam non juvenis, sed vir, qui plurimam de se spem omnibus promittit. Quod autem ad meum negotium (2) pertinet, id eò ex proximis Ill^m D. V. literis deductum intellexi, ut

ni, qui symmystæ suo non assentiuntur. Sed de his aliàs. Subjicit Schurinus sequentia: „ In dorso epistolæ hæc erat Epigraphe: *Clarissimo Viro; Et modis omnibus reverendq inclytoque Domino, Præposito apud Divum Bavonem Gandavi, barum ditio- num Præsidi consulari summo, Domino suo plurimum observando, velutque Fratri charissimo.* Et ante hæc, manu ipsius præfusa: *Clarissimo Domino præsidi Viglio.*”

(1) Excerpta ex Codice. ms. epistolarum Viglii ad Hoppe- tum post CXXII.

(2) Nempe de præpositura S. Bavonis Gandavi, quod explicui ad Testamentum Viglii.

ut nihil superfit, quàm ut super taxæ moderatione Ill^{ms} D. V. suum (uti rogavi) arbitrium interponat. Successor Ill^{ms} Ducis quando adventurus sit, adhuc incertum est. Et ego sane desiderarem, ut nonnulla quæ pro confirmanda Regiæ Majestatis auctoritate hîc non male inchoata videbantur, ante abitum suum ad felicem finem perduxisset: quæ successorē vereor difficulter perfecturum esse. Reddidit autem nomen ejus apud vicinos ac plerosque intraneos non parum odiosum, tot jam annis continuata, adversus eos qui proximo tumultuum tempore, vel sui officii obliti sunt, vel illud parum sedulo præstiterunt, persecutio. Et quamquam contributiones sint graves, languescentibus ubique commertiis, attamen multo graviores existunt querimoniæ de militum nimium licentiosa indiscretaque vivendi dissolutione, qua illos moderatius uti plerique optassent. *Vargæ* autem iracunda violentaque consilia ab ipso initio judicavi terrorem timoremque quidem populo incussura, sed ad res constabiliendas parum profectura: ac sine hisce profecto nevis ipsius Ducis administratio multo gravior fuisset. Est enim princeps qui prudentia rerumque experientia ac facundia vix parem habeat. De successoris autem mansuetudine ac humanitate omnia bona nobis promittunt, qualem & ego eum apud *Gravelingam* cognovi: sed magnas ei difficultates præbebit ærarii angustia, provincialiumque paupertas, ac proximæ inundationis calamitas. In tanto autem vicinorum odio, perpetuisque exulum ac rebellium nostrorum insidiis, terraque ac mari deprædationibus, multum vereor ut sine *Thaëso* spartam hanc tueri nequeat: Illustrissimæque D. V. reditum (de quo multus hîc est sermo) omnibus votis populus noster exposcit. De *Fonckio* in secretum Consilium cooptando Rex tandem rescripsit, pluresque conquiri jussit, qui ei Collegio adjungantur, quod jam pene ad triarios redierat. Quod nepotibus meis solitum favorem humanitatemque Ill^{ms} D. V. tam benigne offerat, immensas habeo gratias. Ipsos autem salvos Ticinum advenisse intellexi, proximaque Quadragesima ad eandem salutandam Romam adire constituerunt. *Blaesius* (3) jam pridem in Burgundiam abiit, sed quodnam

prin-
(3) *Messire Jean de Blaesere, Chevalier, cidevant Conseiller du Conseil Provincial en Flandre, succeda (au Grand Conseil) a Messire*

400 VIGLII AB AYTTA ZUICHEMI

principium visitationi commissæ tam collega suo dederit, adhuc ignoramus. Vereor autem ne difficulter finem illi ante Ducis hinc discessum imponere valeant, & si non major ex ea resultabit utilitas, quàm olim ex Brabantica, ei supersedisse præstasset. Dolenter autem intelligo, Bisontinos ad sinistram declinare, multumque per quosdam sollicitari ut ab antiqua religione inveterataque Burgundionum amicitia discedant, quorum technæ, si effectum sortirentur, non levia inde mala non modo ipsi Civitati Bisontinæ, sed toti Comitatu nonnulli eventura augurantur. Deus Ill^{ius} D. V. incolumem diu conservet. Bruxellæ x. Decembris 1570.

*Ex fasci-
culo epi-
stolarum
A. Schu-
rtii p. 338.*

EPISTOLA CLXXV.

OTHONIS CARDINALIS AUGUSTIANI

Otho Truchses de Waldburg S. R. E. Episcopus Cardinalis * * * Reuerendo D. Domino
Viglio * S. P.

1571. *Occasione nepotis Archidiaconi Iprensis, Roma in
Belgium revertentis, commendat rem quam-
dam suam.*

REVERENDE ac Magnifice, nobis syncerè dilecte, salutem ac benevolentiam nostram. Pergratum nobis accidit, quod reverendum & ornatissimum Virum D. Buchem Zuichemum, Iprensis Ecclesiæ Archidiaconum, consangu-

stre Laurent de Greboval par lettres patentes du 18. Decembre 1562. Il fut en apres President du Conseil Provincial de Flandre. Butkens supplement. tom. 2. p. 315. Erat Gandavo ortus. Anno 1566. Tornacum missus fuit cum Christophoro Affonville ad comprimendos ibi seditiosos templis & imaginibus inhiantes. Anno 1568. in Consilium barbarum ab Albano adscitus, anno 1582. Præses Flandriæ renuntiatus est. Ex Schedis J. F. Foppens.

guineum tuum hic noverimus: atque ipsi quapiam in re commodare posse cupivissemus. Ei verò hinc proficiscenti istud ad te literarum dare voluimus, ut tecum perveteris nostræ necessitudinis non sine animi nostri voluptate mentionem haberemus, atque ipsi operam & officia nostra quæcumque deferrentis, sicuti quidē libenter facimus. Quemadmodum (1) autem res nostræ hæcenus successerint, quales nos erga *Caroli Quinti* augustæ memoriæ partes semper præstiterimus, quamve facultatum jacturam (2) non tamen ingratam, bella ipsa & insitum conservandæ avitæ religionis studium, nobis attulerint, te nonnihil saltem antea intellexisse existimamus: nuncque fusiùs accipere poteris, tum ex ipso Domino Archidiacono, cum ex scriptis & instructionibus, quas nostra suavit amicitia, ut ad te cum fiducia mitteremus, sperantesque, ac etiam, si pateris, rogantes, ut rem nostram, ubi ferat occasio, juvare velis, juxta ea quæ verbis nostris D. Archidiaconus vobis explicabit. Nosque sedulo operam dabimus, ut te amicū benevolū & gratū beneficio devinxisse intelligas. Interæque id tibi persuasum habeas velimus, nos ad mutua quævis officia semper pro te ita paratos ac promptos esse, ut a te nihil amplius ex nobis optari possit. Vale. Romæ. Idibus Augusti M. D. LXXI. R. D. V. ex animo deditissimus Frater

OTHO Cardinalis Augustanus.

(1) *Quemadmodum*] *Quamobrem*, erat in Antigrapho. Sed mendum esse, manifeste arguit orationis contextus. *A. Schurivius*.

(2) *Facultatum jacturam*] Magnam sanè passus est Otho a *Mauritio Saxone & Alberto Brandenburgico* Protestantium ducebus anno 1552. in Cæsarem moventibus; qui Kal. April. Augustā occupatā, totāque fere diocēsi potiti, *Carolū* (Eni ponte ejecerunt, ubi *Ferdinandi* quidem Regis ac civium bonis pepercerunt: „ quicquid verò rerum Imperatoris, Hispanorum & Cardinalis Augustani, ultra modum foederatis in- „ visi, repertum, est, direptum fuit” inquit *Spondan.* ad hunc annum N. VII. in fin. Idem *Pont. Heut. rer. Austr. lib. 13. cap. 15.*

402 VIGLII AB AYT TA ZUICHEMI

EPISTOLA CLXXVI (1).

CARDINALI GRANVELLANO.

1575. *De rebus Hollandicis, Zelandicisque nihil læti nuntiare potest. Chappini Vitellii obitus. Nonnulli Status Antverpiam convocati. Pecunie inopia. Remedia ex Hispania promissa, & ab Hoppero aliisve perferenda. Tisnacquo Successor datus Arnoldus Sasbout.*

* Egidius Berlaymontius, militarium tormentorum praefectus.

Illustrissime & Rev^{me} Dne. Expectavimus jampridem lectum nuncium de felici Ill^{ms} D. V. reditu in urbem, meritoque inter tot accurrentium congratulationumque voces, officio nostro, pro eo amore affectuque quo eandem amplexi veneratique semper sumus, deesse non debemus, speraveramusque læti aliquid nos hinc vobis potuisse significare de Reipublicæ nostræ statu ad meliorem aliquam spem revertente. Et quidem sydus aliquod melius aliquamdiu nobis illuxit, sed prope triumphum ante victoriam cecinimus. Nam neque apud Hollandos fortunam, quæ nobis arridebat, prosequi licuit ob *Hiergit* * adversam valetudinem, stipendiorumque non solutorum intempestivam militum quiritationem. Ac alia ex parte, cum insulas Zelandiæ nostri terra

(1) *Epistola CLXXVI.*] Hæc & tres proximè sequentes, non ex codice quodam, prout epistolæ selectæ huc usque, sed ex dissolutis foliis descriptæ sunt, quæ eadem manu exarata videntur qua minutæ epistolarum ad Hopperum. Quibus foliis, alia manu adscripta sunt hæc verba: *Epistola Dni Viglii ad Cardinalem Granvellanum. Et ceciderunt ex libro quodam singulari per* Unde conjecto hæc folia decidisse ex libro minutarum Domini Viglii Zuichemi ad Illustrissimum Dominum Cardinalem Granvellarum a mense Januario 1566. usque ad finem Februarii 1576. quem in præfatione, deperditum dixi, ac doleo.

EPIST. SELECTÆ AD DIVERSOS. 403

terra marique fortiter invasisſent, ac propugnacula quædam cepiſſent hoſtium, Scauniamque (2) inſulam occupaiſſent, ante Xirixeam noſtræ copiæ ſubſtiterunt, multis ex noſtris militibus, morbis, aliſque incommodis affectis, ut vix ad obſidionem continuandam milites in caſtris retineri queant. Unde *Chappinus* quoque *Vitellius* (3) ex cujus conſilio & auctoritate res bellicæ potiſſimum derigebantur, ob adverſam valetudinem redire coactus, in reditu animam efflavit. Ac paulo poſt Gubernator noſter (4) Antverpiam quoque reverſus, ibi evocatis nonnullis Statibus, provinciarumque Gubernatoribus, ſuper rebus agendis deliberat. Maxime autem nos premit rei pecuniariæ inopia, cùm noſtri milites longius ob ſtipendia non ſoluta, ab direptione ſubditorum contineri nequeant, graviterque conqueritur Ext^{ia} ſua de Regio adverſus Genuenſes ediſto, quo interrupta mercatoribus fides data creditum pene amiſſit. Conceperamus tamē aliquam ſpem, quod ab Rege, *Hoppero*que noſtro, ac nonnullis aliis ſcriptum ad nos fuit, Maj^{tem} ſuam vera illa remedia, quæ tam diu in Hiſpania ſub incude fuerunt, tandem reſolviſſe, mittique nonnullos a Maj^{te} ſua commiſſarios, inter quos *Hopperum* quoque quidam nominant, qui mandata ea perferat, quæ haſtenus tam diu a nobis deſiderata fuerunt. Nondum autem reſcire nobis licuit, unde ſolidam aliquam ſpem concipere poſſimus, & quidam quoque refrixiſſe eam legationem ajunt, ubi in Hiſpaniis de rerum Zelandicarum

(2) *Scauniamque*] Intellige Schaldiam inſulam, vulgo *Schouwen*, a Schaldi fluvio, quæ quinta eſt inſula Zelandiæ ſeptem milliaria in ambitu complexa, in qua urbes duæ Zircizea & Brouwerſhavia. *Val. Andr. in topograph. Belg.*

(3) *Chappinus Vitellius*] ſeu *Chiappinus Vitellius*, Cetonæ marchio, generalis caſtrorum præfectus, Tipherni (*Città di Caſtello*) in Umbria natus, dum obſidioni Zircixeanæ perinttentus huc atque illuc, adhuc recens a morbo, geſtatur, ſellâ forte (an dolo?) everſa ex aggere decidens, repente exanimatus, paulo poſt mortem obiit. *Vide Stradam Dec. 1. lib. 8. ad an. 1575.*

(4) *Gubernator noſter*] Ludovicus Requeſenſius magnus Caſtellæ Commendator.

Ecc 2

404 VIGLII AB AYT TA ZUICHEMI

rum successu vana illis spes facta fuit. Mihi autem privatim hoc boni accidit, quod tandem ab Rege impetravimus, ut successorem Dno *Tysnaco* (5) (piæ memoriæ) post triennium pene designarit D. videlicet *Arnoldum Sasbout* (6) Geldriæ Cancellarium, virum sane probum, doctum, & prudentem, qui me unâ parte laborum, & custodia sigillorum, vicariatuque quem interea sustinere coactus sum, exonerabit: quamquam enixissime deprecatus fueram, ut cum amplius domo cubiculove exire, curiæque obire negotia nequeam, hoc inani titulo Præsidis consilii Status exonerarer, quod nondum impetrare potui. Præsidis Flandriæ dignitas Dno *Guilielmo Pamela* (7) collata fuit, præterito *Blasferio* (8) qui ad majora (ni fallor) reservatur. Quidam quoque *Bouterfius* (9) ex commendatione, ut audio, Gubernatoris Burgundiæ, coopatus ibidem est in Præsidem. Et de aliquot in secretum consilium allegandis deliberari audio, faxit Deus ut consilio illi bene provideatur. In Atrebatensis Episcopi locum adhuc Maj^{tas} sua persistit, ut Abbas S^{ti} Gislei promoveatur, retenta aliqua pensione super eadem Abbatia. Senatus Burgundiæ huc ad Gubernatorem misit *Boisfium* consiliarium, ut de quibusdam negotiis, provinciam eam auctoritatemque ejus concernentibus, ad Ex^{iam} suam referret, qui expeditus eò remittitur. De sententia quorundam senatorum circa edicta Religionis, plurimum uti par fuit scandalizata fuit Ex^{ia} sua, ac *Cyprio*, qui eò missus fuit ut *Blasferio* assisteret, mandatum dedit, de eo serio inquirendi De Statuum

(5) Dno *Tysnaco*] Carolus Tisnacq præses fuit Consilii privati, de quo dixi in Not. ad Vitam N. XCIV.

(6) *Arnoldum Sasbout*] V. notas ad Epist. Viglii ad Hopperum XXIX. & CCLX.

(7) *Guilielmo Pamela*] V. ad Epist. CXCVII. ad Hopperum.

(8) *Blasferio*] Joanne. Vide epistolam proxime præcedentem. Hic dicitur ad majora reservatus. Nempe in Hispaniam missus, supremi ibi Consilii rerum Belgicarum assessor fuit, unde in Belgium redux, præses Flandriæ, & *Guilielmus Pamela* successor fuit. V. *Sand. Flandr. tom. I. p. 171.*

(9) *Bouterfius*] Nullibi occurrit. Et difficile intellectu est, quod hic legitur.

EPIST. SELECTÆ AD DIVERSOS. 405

Statuum autem convocatione ibidem nihil rescivi, nisi re jam decreta; nec cessavi admonere eos, qui apud Gubernatorem sunt, quàm semper diversum hic visum fuerit. Deus concedat ut melius opinione nostra res ea succedat. Genuensium discordia importune in hoc tempus incidit, veremurque ne Gallicæ pacis faba in nostrum caput cudatur, non desunt enim, qui, quod Admiralius olim contra hanc provinciam machinabatur, effectui tradere gestiant, ac id omni studio contendit Auraicensis ejusque factionis conjurati. Dñs Præpositus Morillon, Bironiusque nondum huc rediere ex monasterio S^ti Amandi. Deus Ill^m D. V. in multos annos incolumem conservet. Bruxellæ 5. Decembris 1575. Adjunxi hisce exempla binarum literarum 4. & 24. Septembris datarum, quarum cùm mentionem nullam Rev. D. V. faciat, vereor ne satis fideliter vobis redditæ fuerint.

EPISTOLA CLXXVII.

CARDINALI GRANVELLANO.

Quare rarius scribat, causam adfert. Periculum a propriis militibus. Quorum adventu lætentur Belgæ. Gubernator infirma valetudine. Ipse in morte solatium ponit. De statu Consilii privati. Principis Auraicensis nova conjux gravida. D. a Champaigny. legatus in Anglia. 1576.

Illustrissime & Rev^m Dno. Literas Romæ D. V. xv. Januarii ad me datas, hisce diebus accepi. Meæ autem cur tardius, isthuc pervenerint, satis ex illis intellexi. Neque gravarer crebrius Ill^m D. V. meis interpellare, si materia paulò plausibilior præberetur, aut ea quæ hîc feruntur, gerunturque, certiores haberent successus; unde subinde ve-

406 VIGLII AB AYT TA ZUICHEMI

remur, ne quod hodie scribimus, sequens dies vanum esse demonstraret. Fuimus siquidem superioribus in aliquam meliorem spem erecti, sed eventus non respondit, & quotidie deteriora sequuntur. Ac a propriis militibus agrum passim depopulantibus, qui ob non soluta stipendia seditiones nobis movent, periculum nobis imminet, ut vix hic tuti simus. Interea autem Marchionis. *Haurechii* (1) ac *Hopperi* adventu lætamur, licet Gubernator noster, se aut quemquam suorum, eorum quæ allaturi sint, ignarum affirmet, jamque proverbium nobis occinitur: *parturiunt montes, nascetur ridiculus mus*. Gubernator autem non satis firma validudine præditus, rerumque adversarum successu tædio affectus, cælum quoque ipse mutare desiderat, & intellexit dubio procul, nostræ gentis humores contra nationis exteræ gubernationem, sub qua pene in extremam ruinam collapsam se queritur; & hoc nomine valetudinis meæ dispositio mihi minus gravis est, quod non videam vel opera vel consilio remedium afflictis rebus patriæ afferre me posse, sed in morte solatium ponere deinceps cogor.

Præses *Sashoutus* jam huc advenit, quem in meliora quoque tempora incidisse desiderarem. Est enim uti ab omnibus audio, vir prudens, probusque, sed optaremus illi coadjutores aliquot dari, nam hic fere nullus superest, præter (2) *Indeveldium* & Præpositum *Foncbium*, cum *Affonvil-
lius*

(1) *Marchionis Havrechii*] Carolus Croius, Marchio Havræus, Arschoti Ducis frater, mense Augusto hujus anni ex Hispania advenit cum literis *Philippi* Regis ad senatum seu Consilium Status, cui provinciarum administrationem Rex commiserat, quibus brevi adfuturum spondebat *Joannem Austriacum* Belgii præfectum. Marchionis ad Senatum verba vulgò *Rapport*, dedit *Borrius* lib. 9. fol. 163. vfo. prim. edit. Porro *Hopperus* in Belgium numquam rediit, & in Hispania excessit e vita.

(2) *Indeveldium & præpositum Foncbium*] Nicolaus Micault Dominus d'Indevelde, & *Joannes Fonckius* præpositus B. M. Ultrajecti hic designantur, de quibus V. *Epist. ad Hopperum* CXIV. CC. & LXXXVII.

EPIST. SELECTÆ AD DIVERSOS. 407

ius (3) rebus Status apud gubernatorem fere intentus sit. Principis *Auriacensis* nova conjux (4) utrum ferre dicitur, ac ipse Hollandos, Zelandosque eò adduxit, ut apud Reginam Angliæ (cui se dedere omnino decreverunt) protectiones quærant, ac eo missus Dnus *a Champaignii* (5) in eorum consiliis disturbandis laborat: estque nobis ab Germanicis Gallicisque copiis non modicus metus, qui bonis maturisque consiliis facile averti potuisse, plerisque persuasum est, nisi nos hîc nostris fatis agitemur. Hisce Ill^{ma} D. V. omnem salutem prosperitatemque comprecor. Bruxellæ xxvi. Febr. 1576.

EPISTOLA CLXXVIII.

CARDINALI GRANVELLANO.

Significat mortem Commendatoris Ludovici Requesenii, Belgii gubernatoris generalis, petitque ut apud Regem intercedat, ut rebus Belgii sine mora provideat. 1576.

Illustrissime ac Rev^{ma} Dne. Dedi ad Illustriss. D. V. postremas litteras meas 26. Februarii, scripsique tum Gubernatorem nostrum non satis firma valetudine præditum, de cœlo mutandæ cogitare. Id autem re ipsa confirmans cùm huc rediisset, morbo increfcente, quinto hujus animam Deo reddidit, uti Ill^{ma} D. V. ex amicorum litteris plenius intellexisse

(3) *Affonvillius*] Christophorus ab. Affonville. V. *Nor. ad Comment. de x. den. n. XXXI.*

(4) *Auraicensis nova conjux*] Charlotta Borbonia, filia Ducis Monpenserii.

(5) *D. a Champaigny*] Fredericus Perenot de Granvelle, Cardinalis frater. V. *Epist. ad Hopper. CXXXVI. & Borretum lib. 2. p. 133. prim. edit.*

408 VIGLII AB AYTTA ZUICHEMI

* lege :
atque.

lexisse non dubito. Incidit autem hic casus nobis tempore valde importuno, cum de Regis voluntate nihil adhuc resciverimus, Marchione *Haurechii*, ac *Hoppero* nostro adventum suum tardantibus, neque * quæ mandata deferant, ipso Gubernatore penitus ignorante. Quod ipsum non parum anxiet, ac interea hic rebus parum ex ejus sententia succedentibus, & militibus ob stipendia non soluta seditionem passim moventibus, molestiæ illum tandem consecere. Nos autem mox certiores Regem fecimus, ac statum miserum calamitosumque patriæ indicavimus: valdeque veremur, ne populum in officio satis continere possimus, & tædio rerum affecti, interea dum Regiæ Majestatis voluntatem ac sententiam prestolamur, ne novæ mutationes nobis moveantur. Quamobrem Illustriss. D. V. enixissime rogamus, ut quantum potest apud Regiam Majestatem intercedat, quo rebus nostris sine ulteriore mora provideat, consulatque, ne in extremam, ruinam confusionemque patriam nostram corruere sinat. Deus Illustriss. D. V. incolumem conservet. Bruxellæ XII. Martii 1576.

EPISTOLA CLXXIX.

1576.

CARDINALI GRANDVELLANO.

*Post obitum Commendatoris res opinione quietiores.
Administratio Belgii tributa Consilio Status, in quod
novi adlecti consilarii. De Hieronymo Roda.
Consilium Bellicum institutum. Populus ad pacifi-
cationem adspirat.*

Illustrissime ac Reverende Dne. Scripsi nuper ad Illustrissimam D. V. a morte Commendatoris ac Gubernatoris nostri, postquam tranquillius quieriusque res nostræ hætenus successerunt, quam sperare ausi fueramus. Et Regia quoque
Ma-

EPIST. SELECTÆ AD DIVERSOS. 409

Maj^{or} attribuens auctoritatem administrationis harum provinciarum, donec de successore provideat, Consilio Statûs (1) utcumque populum subditosque placavit, ac in officio continuit. Erant autem ex nostratibus, qui ad præminentiam aliquam aspirabant, sed cunctis in æquali gradu relictis, non data fuit contentionis aliqua occasio. Consilio autem Status ex antiquis solus Dux *Arſchotenſis* (2) *Berlaymontius* (3) & ego superſumus. Cooptati autem deinde in illud fuere ex diplomate Regio *Hieronymus Roda* (4) *Aſſonvillius*, Dnus a *Raſſenghien* (5) ac Præſes Conſilii ſecreti Dnus *Arnoldus Sasbout*. Sunt & alii quidam qui eodem aspirant, ſed citra Regis juſſum neminem in id aſſumi hætenus viſum fuit. Et *Rodam* nonnulli non ſatis ferunt, quod eum arbitrentur conſilia ſua non ſatis cum noſtris convenientia, Maj^{or} ſuæ ac Hiſpanis renunciare, & quod idem tamquam Vargæ ſucceſſor, turbulenti (quod aiunt) Conſilii auctoritatem nimis mordicus tueri videatur. Eſt & aliud novum conſilium, penes quod rei bellicæ adminiſtrandæ eſt auctoritas, quod ferè ex Hiſpanis conſtat. *Mansfeldius* (6) quoque hic agit, cui tutela hujus urbis per Conſilium Status commiſſa fuit, donec Rex aliud juſſerit. Totus autem populus noſter ad pacificationem horum tumultuum mirabiliter

(1) *Conſilio Statûs*] Literas Regias, quibus adminiſtratio generalis huic Senatui tribuitur, exhibet *Borrius lib. 8. pag. 135. prim. edit.*

(2) *Dux Arſchotenſis*] Philippus de Croy.

(3) *Berlaymontius*] Carolus, Comes; qui religionis ac Regis partes domi bellicæ ſtrenue conſtanterque defendit, docuitque eaſdem artes liberos ſuos. Obiit Namurci anno 1578.

(4) *Hieronymus Roda*] Hiſpanus, de quo V. *Borrium lib. 9. p. 169 & 171.*

(5) *D. a Raſſenghien*] Maximilien Vilain de Gand Chevalier, Comte d'Ifenghien, Baron de Raſſenghien, grand threſorier, Gouverneur & Capitaine general des Villes & Châtelainies de Lille, Douay & Orchies. *Buskens ſuppl. tom. 1. p. 168.*

(6) *Mansfeldius*] Petrus Erneſtus, Comes.

Tom. II.

Fff

410 VIGLII AB AYTTA ZUICHEMI

ter aspirat, ac eandem Rex noster desiderare videtur, Consilioque Status magnopere eam commendavit, sed non cognita ejus intentione super difficultatibus in communicatione Bredana (7) cum adversariis exortis, Consilium auctoritatem suam interponere non satis audet: præsertim cum ex Hispania perscribatur accusari ibi eos, qui communicationi interfuerunt, quod inconsideratius adversariis quædam concesserint. Et cum Regia Maj^{tas} ante septem menses huc suos missura significarit, qui de voluntate ejus plenius nos instruerent, & vera pacis remedia adferrent, nihilque ejus hætenus subsequutum sit, anxii dubique rerum hæremus, reliquis desunt.

Ex Tomo V.
fol. 15.
vfo.

EPISTOLA CLXXX.

R U A R D O T A P P E R.

Incerti
semporis.

De Petro Lombardo, Magistro sententiarum, corrigendo, augendo, & novis typis vulgando.

Habito nuper sermone cum quibusdam Catholicæ Religionis viris studiosis, de libro Lombardi (1) quem Ma-

(7) *In communicatione Bredana*] Hæc habita fuit mense Martio 1575. inter delegatos Regios, & qui a Principe Auriaco atque Hollandiæ Zelandiæque Ordinibus eo missi fuerant, datis utrimque obfidibus. *V. Borrium lib. 8. a fol. 88.* & confer quæ *Joannes Bapt. Tassius* a nobis inter hæc analecta editus, hac de re scribit.

(1) *Lombardi*] Nemo ignorat, *Petrum Lombardum*, Episcopum Parisiensem, *Magistrum Sententiarum* dictum; aut simpliciter *Magistrum* appellari, quod ob nobilitatem doctrinæ, & subtile ingenium, ac perspicuitatem eloquii (suo scilicet ævo) omnibus scholis theologicis, ipsique Sancto *Thomæ Aquinatis* venerationi fuerit. Sed accidit illi, quod nobilissimis antiquioris seculi jurisconsultis, *Baribolo*, *Baldo*, *Alciato* & *Zasio* &c. qui non leguntur amplius.

EPIST. SELECTÆ AD DIVERSOS. 411

Magistrum Sententiarum vocant, ac multa hinc inde perpen-
 penlis, visum fuit, operæ pretium fore, & ad Religionis
 Catholicæ cum conservationem tum defensionem necessarium,
 ut pro *Lombardi* libro (qui Theologiæ corpus & summam
 continere censetur) aliud opus ejusdem planè argumenti con-
 scriberetur, idemque approbatum in lucem prodiret. Cujus
 consilii rationes tibi communicandas putavi, ut si in eis fun-
 damentum aliquod esse judicares cæteris ejusdem professio-
 nis, ac collegii Symmystis, easdem proponere earumque
 censuram exquirere posses.

Primum enim cur *Lombardus* huic sæculo, ac plerisque
 doctis non faciat satis, illud in causa esse videtur, quòd
 multa ille interserat, quæ scholastici palam reprehendunt.
 Deinde quòd suæ serviens ætati omittat plurima, quæ no-
 stris hominibus ac temporibus scitu non solum utilia, sed
 etiam necessaria jure videantur. Tractat pleraque tam pro-
 lixè, quàm subtilitè & spinosè, ut cum de Trinitate phi-
 losophatur; unde solent non pauci Theologi, quum apte le-
 gunt aut disputant, integras hujus libri distinctiones, ut
 vocant, præferre, magnoque labore, alia quæ ad præsen-
 tem Ecclesiam magis faciant, substituere coguntur.

Adhæc quæ *Lombardus* Patrum citat testimonia, non per-
 omnia congruunt cum ipsis fontibus, ut norunt docti, &
 ipsa docet locorum collatio. Jam quæ citat, hujusmodi sæpe
 sunt, ut lectori cordato, qui solidiora quærit, parum satis-
 faciant, idque in libro quarto, qui nunc maxime juvare de-
 bebat, frequenter usu venit. Hoc sæculum probatos, at-
 que ipsa etiam antiquitate commendatos, autores requirit,
 præsertim ubi de rebus gravibus fidei ac religionis nostræ
 disceptatur. Constat autem ætate *Lombardi* plerosque Theo-
 logos, qui nunc extant, Græcos & Latinos omnino latuisse,
 ac multo post *Lombardum* primùm e tenebris erutos, lucem
 accepisse. Quanti verò referret ex illis ipsis firmiora ma-
 gisque oportuna, quàm quæ in *Lombardo* leguntur, argu-
 menta proferri, & Sectariis opponi, unde scriptores æta-
 tis nostræ, qui cum Hæreticis pugnant, longè profectò fe-
 licius quàm Theologi ætate *Lombardi*, tum ex Synodis,

412 VIGLII AB AYT TA ZUICHEMI

tum ex Patribus doctrinam, sensum atque consensum Ecclesiæ perpetuum astruunt.

Et post ætatem *Lombardi* Concilia celebrata sunt, in his multa definita, quæ liber Sententiarum non attingit, & tamen ad rem maxime faciunt. Ut cum disputatur de justificatione, & iis quæ ad Sacramenta spectant, quælia certè prius non tam apertè, certò, ac solidè intelligebantur. Itaque multi dolent, sic mutilum extare corpus hoc Theologiæ, in quo desiderare non pauca cogaris, sive quæ sacra vetustas tradidit, sive quæ posterior Ecclesia mortuo *Lombardo* decrevit, & hæc ætas magis magisque discutit, ac requirit, ob natas tot tantasque dissensiones. Morbos ubique videmus, remedia oportuna desideramus, præsertim ut sacræ doctrinæ studium rectius instituat.

Summa querelæ est, nonnulla in hoc *Lombardi* opere superesse, quæ citra dispendium omitti possint, ac fortasse debeant: rursus complura deesse, quæ, hoc quidem tempore, sint & Theologis & Ecclesiasticis viris cognitu utilissima.

Adhæc quæ ritè Magister docet, ex probatis Synodis & idoneis autoribus magis illustranda videri, illudque demum modis omnibus optandum esse, ut a doctis viris aliquid substituat, in quo melius cohæreant omnia; quæ ad usum hujus ætatis perspicua methodo tradi & accommodari, quæ optima sunt, posse videantur. Nam ita fiet profectò, ut faciliore negotio, & majore cum fructu sincera Theologia passim doceatur atque discatur, nec solum in Scholis, sed etiam in omnibus Ecclesiis, ac præsertim in Germania nostra, constaret certa & expedita quædam Sacræ doctrinæ summa, seu methodus, quam in tantis errorum ac opinionum tenebris docti simul & indocti tutò sequerentur.

EPISTOLA CLXXXI

Ex Tomo VI.
fol. 91.

PETRO BACHERIO GANDENSI
ORDINIS S. DOMINICI (1).

Ut docti Concionatores ex Ordine F. F. Prædicatorum in Frisiam mittantur, poscit.

Incerti
temporis.

Non obtulit se antea, Eximie Pater, occasio ut litteris tuis responderem, ac pro libello ad me misso gratias agerem, nisi nunc cum ad *Bunderium* (2) aliquid rescriberem.

(1) *Petro Bacherio &c.*] Vulgo *de Backere*, erat „Gandavensis, ord. F.F. Præd. Sac. Theol. Doctor in Academia Lovaniensi renunciatus anno 1568. die 12. Octobris, illiusque professor eximius, Poëta elegans, per annos quadraginta „duos concinator facundus ac vehemens, & Bacchico hæreticorum furori refundendo natus” ut habet *Bibl. Belg. novæ edit.* Obiit Gandavi an. 1601. prid. Idus Febr. æt. 84. Sibi ipsi epitaphium scripsit versibus Latinis, quod vide *ibid.* ubi & elenchus scriptorum ejus.

(2) *Bunderium*] Qui *Joannes*, item „Gandavensis, Ord. F.F. Præd. S. Theol. Lector (non tamen Doctor) prædicator Generalis, atque a Paulo III. Pont. Max. institutus hæreticæ pravitatis Quæstor, tertium Gandavi Prior, vir gravis & eruditus; decessit in suo Conventu Gandavensi 8. Junii „1557. æt. 76.” *Bibl. Belg.* Ad hunc scribebat *Viglius* hæc verba: „Accepi, Venerande Pater, quinque lucubrationum „tuarum libellos, quos jam dudum avidè expectabam. Et „quamquam publica negotia haud multum temporis mihi relinquant, quod lectioni tribuam, jam tamen ad profectionem vergenti ætatem, subit nonnunquam religionis studium; ut si quid aliis occupationibus queam succidere, id „sacris literis lubenter impendam. Quod in hisce tuis libellis eò faciam lubentius, quò eadem occasione amicitie „nuper inter nos contractæ memoriam renovem. Expectabo autem & novissimum opus contra *Veluanum*. * &c.”

* *Scutum fidei Orthodoxæ adversus Joannem Anastasium Veluanum. Antverpiæ 1569. 8.*

414 VIGLII AB AYTTA ZUICHEMI

rem. Gavifus autem fum multum, meo defiderio tam accedere fententiam, ac voluntatem. Nam hæc certe lues purgari non poterit, nifi Catholicorum Concionatorum fideli ac diligenti opera atque industria. Utinam verò Frifiae tantum bonum fuccederet, ut vel te, vel tui fimilem haberet, qui hoc ftudium ibi exequeretur. Sui autem in tota ea Provincia conventus Ordinis Veftri dumtaxat duo, quos ego novi: unus Groningæ; Leovardiaeque me aluit alter, olim quidem doctis Patribus celebri, verum nunc magna eorum laborans penuria. Lubens autem de meo aliquid contribuerem, quo is ad priftinam dignitatem reflitui poffet, ac uberiolem prædicationis fructum Patria mea perciperet. Quo populus olim valde pius in lege divina finceriter ambulare & contra falſa dogmata, Orthodoxorum fida ac recta doctrina muniri poffet. Cujus defiderium me exstimulat, ut P. T. rogem, quo præbita aliquando occasione inter tui Ordinis patres, Frifiam ipſa commendare velis: quo eam uno alterove Concionatore insigni juvent, exornentque. Pro libello tuo aliquid Carthacei muneris remiſſem: ſed cum nescirem quid tibi magis gratum eſſe poſſet, non contemnes parvum, quod alicui emendo impendas. Bene vale, Pater Honorande.

Epiftolarum ſelectarum.

F I N I S.

I N.

INDEX NOTARUM

A D

EPISTOLAS SELECTAS.

Litteræ numericae Romanae Epistolam, Arabica Notam designant.

A.

Abbatia Gorzensis Ord. S. Bened. secularisata, CLVII.

Accursius (Mariangelus) XLV. 1.
Adrianus (Matthæus) quis, qualis? prof. linguæ Hebraicæ in Collegio trilingui Lovanii. CLXVI. 4.

Agræus (Hieronymus) LIX. 3.
Agræus (Marcus) LIX. 3.

Agricola (Rodolphus) Vir omni disciplinarum genere instructus. CXXXIV. 5.

Alciatus (Andreas) quo dolo usus? XIX. 2. Laudat Car. Suquetum ac Viglium. XV. 1.

Ejus emblemata quanti fecit. J. C. Scaliger. XX. 5. Vanitatis & gloriæ notatus. XX. 8. Nobilissimus J. Cui XXI. 1. Ejus epitaphium ex Sweertio. *Ibid.*

Instituit Franciscum Alciatum hæredem. CLXXII. 2. Ejus mortis annus incertus apud Auctores. *Ibid.* 3.

Alciatus (Franciscus) Cardinalis creatus rogatu S. Caroli Bor-

romæi. CLXXII. 1. Hæres Andreæ Alciati J. C. *Ibid.* 2.

Aleander (Hieronymus) XLIV. 4. Qui Cardinalis Brundusinus. CVI. 1.

Amazeus (Romulus) quis? quos libros edidit? XXX. 5.

S. *Ambrosii* sermones contra Arrianos, apocryphi. L. 1.

Amerotius (Adrianus) prof. linguæ Græcæ in Collegio trilingui Lovanii. CLXVI. 4.

Amicus (Petrus) XXXIII. 9.

Anacharsis. XXIV. 1.

Andreas (Valerius) prof. linguæ Hebraicæ in Collegio trilingui Lovanii. CLXVI. 4.

Annales Frisæ mss. apud quem? LVII. 1.

Antisthenes Philosophus, Socratis auditor, quid Diogeni minatus sit. LXVII. 3.

Aponus, vicus in Italia. CIV. 2.

Appianus (Petrus) astronomus & cosmographus. CXIII. 2.

Aquarius, Zodiaci signum quale. CIV. 1.

Archilochus poëta Græcus. LXXVIII. 2.

Arnol-

INDEX NOTARUM

- Arnoldus* (Beatus) XL. 4.
Affendelft (Gerardus ab) præses Hollandiæ. CLX. 3.
Affonwillius (Christophorus) remiss. CLXXVII. 3.
Afulanus (Andreas) XXII. 2.
S. Athanasii opera a Nannio Latine edita CLXVI. 2.
Augustensis Magistratus quid ad-
 versus Clerum decrevit. XCII. 1.
Aulus (Casellius) XXXIII. 10.
Aurelius (Doctor) Cameræ Imp. Assessor. CXLVI. 2.
Auria (Andreas de) seu *Doria*. XLV. 6.
Aytia (Bernardus Bucho ab) Regens Frisiæ. LVII. 1. Viglii patruus, summa amicitia conjunctus fuit parenti Cardinalis Augustani. CLXXI. 1.
- B.
- B** *Acherius* (Petrus) Ord. F.F. Præd. S.T.D. CLXXXI. 1.
Baldungus (Hieron.) XXVI. 1.
 Baptismus. De ejus ritibus quis accuratè scripsit. CIX. 2.
Bardes (Wilhelmus Theodori) Scultetus Amstelodamensis, accusatus errorum anabaptisticorum. CLXII. 3.
Barlandus (Adrianus) prof. linguæ Latinæ in Collegio trilingui Lovanii. CLXVI. 4.
Baysius (Lazarus) XXII. 3.
Bedda (Natalis) a quo Beddaica factio. XXXIII. 5.
Berlaimonsius (Carolus) Comes. CLXXIX. 3.
Bernartius (Vulmarus) J. U. D. interfuit Concilio Tridentino. Nominatus ad senatoriam dignitatem in Parlamento Mechliniensis, licet non candidatus. CLXIX. 1.
Blaesere (Jacobus de) Præses Flandriæ. CLXX. 3.
Blaeserius (Joannes) vulgò *De Blaesere*, præses Flandriæ. CLXXIV. 3. CLXXVI. 8.
Bliouhus (Laurentius) *Du Bliout*, Pater & Filius. CLVII. 2.
Blumental (Andreas) Cameræ Imp. Assessor. CXLVI. 2.
Bockholt (Henricus) ultimus Lubecensis Episcopus Catholicus. CXLV. 5.
Bona (Joannes) Cardinalis. Ejus judicium de libris Alberti Pighii de Hierarchia. CLXXIII. 3.
 Bononiensis Academia quando excitata. XVIII. 4.
Boisfortus (Carolus) remiss. CXX. 1.
Boinya (Tzalingus) Eques, Regens Frisiæ. LVII. 1.
Bredanus congressus anni 1575. CLXXIX. 7.
Budeus (Guilielmus) a quo Budaici. XXXIII. 5.
Bunderius (Joannes) Ord. F.F. Præd. CLXXXI. 2.
Burckbardus (Franciscus) primarius Juris Pontificii professor Ingolstadii. Ejus repentinus obitus. CXI. 1.
Burmania (Upko à) VIII. 2.
Bustidius (Hieronymus) fundator Collegii trilinguis Lovanii. CLXVI. 4.
Brunus (Conradus) J. C. Canonicus Augustanus. CXLI. 1.
Burmanna (Tyardus à) Eques, Regens Frisiæ. LVII. 1.

AD EPIST. SELECTAS.

C.

C*antuncula* (Claudius) J. C.
Ejus elogium ex Paulo Fre-
hero. LXXI. 1.
Calistratus. XXVI. 2.
Camera Imperialis quibus con-
stat. CXLVI. 3.
Camillus (Julius) in Erasmus
convitiolus. XXX. 3.
Caminga (Hajo) XLIV. 3.
Camminga (Renicus) Regens
Frisiæ LVII. 1.
Campegius (Laurentius) Cardin-
alis, Pater Alexandri quoque
Cardinalis. XXX. 4.
Caria, dicta Aidinelli, Turcis
paret. CLXIV. 2.
Carinus (Ludovicus) quis. Ejus
cum Erasmo similtas. XC. 1.
Carolus V. Imp. novarum sedium
episcopatum in Belgio ere-
ctionem in animo habuit.
CLVII. 4.
Carolus Lotharingæ princeps,
Episcopus Metensis, Abba-
tiam Gorzenssem secularizat.
CLVII. 6.
Carus (Ludovicus) XX. 4.
Chaimus (Marcus Antonius) no-
bilis Mediolanensis. CXI. 5.
Chantonejus, quis. CXLVI. 4.
Cholerus (Joannes) XLI. 1.
Chorographia Frisiæ quomodo il-
lustranda. CXIII. 1.
Chrycbingen (Baro à) remiss.
CXXI. 2.
Ciceroniani, qui? XXV. 3.
Ciceronis epistolæ familiares
ab adolescentibus legendæ.
XCVII. 2.
Ciconiarie leges, quæ. II. 1.
Clericus (Joannes) vulgò Le
Tom. II.

Clerc, curavit ultimam edi-
tionem operum Erasmi.
CLXXIII. 6.
Cognatio spiritualis ex baptis-
mo, quæ. Quis ejus effectus.
CIX. 3.
Confessio Augustana. Quid de
ejus autographo factum.
CXVIII. 1. remiss.
Colinus (Joannes) *Colins*, vel
Collins, senator Mechliniensis
& Consilii privati. CXLIII. 1.
Collegii trilinguis professores pri-
mi. CLXVI. 4. Quando insti-
tutum, qua ratione &c. *Ibid.*
Comites Palatini, qui? remiss.
CLXX. 1.
Consarenius (Gaspar) Cardinalis,
quo anno obiit. CXXXVII. 1.
Corseus (Gerardus) prof. lin-
guæ Græcæ in Collegio tri-
lingui Lovanii. CLXVI. 4.
Corteneus (Eduwardus) Devo-
niæ Comes. CLXI. 6.
Craneveldius (Franciscus) Eques,
senator, Græcè doctus LX. 1.
Crabbe (Petrus) Ord. minor. theo-
logus, Conciliorum collector
diligentissimus. CLVIII. 1.
Quod ejus opus deperditum.
Ibid.
Crassus (L.) XXV. 5.
Crequi (Antonius) nominatus
ad Episcopatum Morinen-
sem, Nannetensi præficitur.
CLXIII. 3.
Crequi (Franciscus de) ulti-
mus episcopus Morinensis.
CLXIII. 3.
Croius (Carolus) Marchio Ha-
vræus. CLXXVII. 1.
Cunon (Gaspar) Camera Imp.
Assessor. CXLVI. 2.
Curtius (Jacobus) certat cum
Petro Nannio. LX. 2. Ejus
Ggg pa-

INDEX NOTARUM

paraphrases excedit Rescius.
Ibid. 3.
 Curtius (Franciscus) fabibr.
 XIV. 4.

D.

Dandinus (Hieronymus) Cardinalis, Imolensis cunctus.
 CLXI. 2.
 Davenetriensis (Jacobus alius a Daventuria, geographus. Quem librum delineavit pro Philippo II. Quomodo servatus
 CLXX. 4.
 Decius (Philippus) V. 1.
 Deiotarus (Zacharias) XLIV. 1.
 Defferto, is, ni, etc. Verbum
 A. Perio usitatum. VII. 1.
 Diogenes quem praeceptorem habuit, & quid ei responderit.
 LXVII. 3.
 Duxinus (Jacobus.) XI. 1.

E.

Ectius (Joannes) remiss. CXXV.
 2. Quid de eo prodiderit
 Vigilius, occultatum ab aliis.
Ibid.
 Egberti (Florentius) pastor Amstelodami, & alibi. CLXII. 2.
 Egth (Leonardus ab) Cancellarius Ducis Bavariae.
 CXXXIV. 2.
 Egnatius (Baptista) ejus elogium. XIII. 1. Vir disertissimus.
 XXII. 1.
 Eisinga (Tzalingus ab) VIII. 2.
 Senator in Frisa. OLXX. 2.
 Elisabetha, dein Angliae Regina.
 CLXI. 5.
 Emmanuel Philibertus Dux Sabaudiae Belgii gubernator.
 CLXVIII. 1.

Epporinus (Anselmus) XXIX. 2.
 Epimetheus frater Promethei.
 XX. 7.
 Eppendorpius (Henricus) nobilis Saad. XXXIII. 3.
 Equites creati anno 1515. inter Regentes Frisiae. LVII. 1.
 Erasmus, sub ejus nomine vulgatum carmen in mortem, Thomae Mori. LXXXV. 1.
 Ejus cum Lud. Carino dissidium. XC. 1. Mortis, & Lingua, opera prohibita.
 CLXXIII. 5. Ultima ejus operum editio curante Joanne Clerico, Lugdani-Batavorum an. 1703. CLXXIII. 6. Ejus Polyphemus, quis; quid egit cum Ludovico Carino. XC. 1.
 Everardus (Nicolaus) praeses Senatus Mechliniensis, XXVIII. 2.
 Everardus (Nicolaus) Amstelodamensis, aut certe Hollandus. Affector Camerae Imp. Spirensis. Professor Ingolstadtensis. CXI. 3.

F.

Fabius (Guillelmus) prof. linguae Graecae in Collegio trilingui Lovanii. CLXVI. 4.
 Fabius Romanus. remiss. CXI. 4.
 Falcomontanus (Henricus) bis in Cameram imperialem assumptus. CXVII. 1. LXX. 2.
 Ferenbergerus (Joannes) LIX. 3.
 Fichardus (Joannes) de methodo seu arte juris, quod a Zasio responsum tulit. XXIX. 3.
 Ubi docuit; quorum vitas conscripsit. LXXX. 1.
 Fonckius (Joannes) remiss. CLXXVII. 2.

Fre-

AD EPIST. SELECTAS.

Fractostorus (Hieronymus) Ejus
elogium. XXXIV. 2.
Frisiæ Chorographia quomodo
illustranda. CXIII. 1.
Frisiæ Regentes anno 1515. Qui?
LVII. 1.
Probertus (Hieron.) quid ei da-
mo fuerit in editione Insti-
tutionum Græcarum. LX. 3.
Quid timeat Erasmano nomi-
ni, & sibi. LXXXV. 1.
Fuggerus (Raymundus) LXXII. 3.
Furstenbergius (Guillelmus) com-
mendatarius Abbatiz Gor-
zensis. CLVII. 6.

G.

G*augerici* (S.) ecclesia Colle-
giata Cameraci, ad pa-
rochiam S. Vedasti transla-
ta. CLVII. 7.
Gauricus (Lucas) Episcopus Ci-
vitatensis, astrologiæ judicia-
riæ addictus. XLV. 2.
Gebuisterus (Hieron.) LXXXV.
1.
Gelenius (Sigismundus) typo-
rum corrector. CXXVI. 6.
Glarsanus (Henricus) XXXIII.
10.
Gochentus (Conradus) XXXIII.
9. Prof. Linguae Latinae in
Collegio trilingui Lovanii
CLXVI. 4.
A Gouda (Hermannus) CXLVII.
3. sive Lethmatius. CLXII. 1.
Gorzensis Abbatia Ord. S. Bene-
dicti, ubi? Est secularisata.
CLVII. 6.
Garmens (Gabriel de) Cardin-
alis, Episcopus Tarbensis.
XXXVI. 3.
Grebavallius (Florentius) Sena-
tor Mechliniensis. Quas uxo-

res habuit. XXXIII. 8. XLV. 3.
Grebavallius (Petrus) XXXIII. 8.
Gropperus (Joannes) S. T. D.
Ejus munia. Cardinalatum re-
cusavit. Obiit Romæ, ubi &
inhumatus. CXLIV. 1.

H.

H*agerus* (Christophorus)
XXIV. 4. LXXII. 2.
Halsander (Gregorius) a Viglio
laudatus. Quæ opera publi-
carit pro Juris Studiosis.
XXXIV. 1.
Hassius (Joannes) CXLVII. 2.
Heldt (Matthias) obtulit filiam
suam notham, Viglio uxorem.
LXXX. 2.
Herema (Geroldus) Regens Fri-
siæ. LVII. 1.
Heresbachius (Conradus) XVIII.
2. LX. 3.
Hermannus (Hajo J. O. Frisius,
Vigilum in fortunæ societatem
vocavit. XXIV. 2.
Hervagus (Joannes) typogra-
phus. Quid a Viglio petiit.
Excudit Corpus Juris Civilis.
CX. 1.
Hipponax poeta Ephesius.
LXXVIII. 3.
Floerfeldt (Jadocus) Episco-
pus Lubecensis, seu *Monstiber*.
CXLV. 3.
Holtmannus (Joannes, quid ei
Vigilius obtulerit. LXVII. 2.
Hopperus (Joachimus) Ejus li-
bellus de Magistratibus ineditus.
CLXIV. 1.
Hornung (Felix) Cameræ Imp.
Assessor. CXLVI. 2.
Horstius (Jacobus) remiss. CLXV. 1.
Hoxvrius (Hector) XLIV. 2.
Hundi (Vigilius) Doctor. remiss.
Ggg 2 CXI.

INDEX NOTARUM

CXI. 6. Camerae Imp. Assessor delectus. CXLVI. 2.
Hungerus (Wolfgangus) Camerae Imp. Assessor. CXLVI. 2.
Huysmannus (Guilielmus) prof. linguae Latinae in Collegio trilingui Lovanii. CLXVI. 4.

I.

Jesuita. Quo anno acceperint Peutingendorum bibliothecam Augustae Vindellicorum. LXXXI. 1.
Jesuita Mussipontani quid & quando acquisiverunt ex proventibus Abbatiae Gorzensis. CLVII. 6.
 Indultum nominandi ad dignitates ecclesiasticas, est personale. CLVII. 5.
 Institutionum Graecarum a Vigilio vulgatarum exemplaria duo diversa. XLIX. 1.
 Intero, intristi, apud Ter. VII. 2.
 Interim. Famosum Edictum Caroli V. Qui ejus auctores? CXLV. 1.
Jougema (Godscalcus à) Regens Frisiae. LVII. 1.
 Julii Caesaris Commentaria ab adolescentibus legenda. XCVII. 2.
Julius III. Pont. Max. quo anno electus, & mortuus. CLVII. 3.
 Juris Civilis methodus seu ars, a quibus tentata. XXIX. 3.
 De ea Zasii sententia. *Ibid.*
 Jus Civile sub quo Imp. revixit? XVIII. 4.

K.

Kebitz (Andreas) Camerae Imp. Assessor. CXLVI. 2.

Koch (Gaspar) Camerae Imp. Assessor. CXLVI. 2.

L.

Langemansel (Leonardus) XX. 4. XXXIX. 1. Ducis Bavariae Consiliarius. LVIII. 1.
Langemansel (Udalricus) LVIII. 1.
Langius (Matthaeus) Cardinalis Gurcensis, a quo laudatus. XXIII. 1.
Langius (Theodoricus) prof. linguae Graecae in Collegio trilingui Lovanii. CLVI. 4.
 Lararium, quid? XCVIII. 1.
Lasco (Joannes à) Poloniae Barro. Quis, qualis. LXXXVI. 2.
Latomus (Bartholomaeus) Camerae Imp. Assessor. CXLVI. 2.
Leonigenus (Nicolaus) medicus, senex immortalitate dignus. XXII. 4.
Lipshus (Justus) prof. linguae Latinae in Collegio trilingui Lovanii. CLXVI. 4.
Logus (Georgius) XXIV. 3.
Lombardus (Petrus) Magister Sententiarum. CLXXX. 1.
Longolius (Christoph. XXV. 6.
Lotbarius Saxo, Imp. sub quo jus revixit, & excitata Bononiensis Academia. XVIII. 4.
Lycus, fluvius in Germania. CIV. 3.

M.

Madrusius (Christophorus) XVIII.
Magius (Vincentius) seu Maggi. XLV. 7.
Mantua (Marcus) alias Benavidius,

AD EPIST. SELECTAS.

- dius*, qualem librum scripsit. LXXX. 1.
Margareta Austriaca, Maximiliani 1. filia, Caroli V. amita. XV. 3. Ejus epitaphium ex Locrio. *Ibid.* Quibus titulis uteretur in actis publicis. *Ibid.* Ubi mortua. *Ibid.*
Maria Regina Hungariæ vidua, Belgii gubernatrix. *remiss.* CXXI. 1. Venatrix dicta, CXLVIII. 1.
Marsilius Patavinus, vel Marsilius de Padua, quos libros scripsit. Auctor prohibitus. CLXXIII. 2.
Mariena (Hesslus) Eques, Regens Frisiæ. LVII. 1.
Martena (Kempo à) Vir summus, Eques, Regens Frisiæ. LVII. 1.
Masius (Jacobus) Pensionarius Antverpiensis. CXLVIII. 3.
Matrina in baptismo. CLXX. 1.
Maximilianus II. Imp. quam duxit uxorem. CXLVI. 5.
Melanchton (Philippus) CXVIII. 1. Quid de autographo Confessionis Augustanæ factum sit, *remiss.* *Ibid.*
Mepscbius (Joannes) quis? quis ei pater? CLI. 1.
Metius Suffesius. XII. 6.
Fr. Michael ad. S. Sulpitium Biturigibus. Qualis. XXXV. 1.
Micaulis (Nicolaus) dominus de Indervelde. *remiss.* CLXXVII. 2.
Mieropius (Cornelius) IX. 1.
Mimernmus, quis? Locus emendatus. CVIII. 1.
Minsinger (Joachim) Cameræ Imp. Affessor. CXLVI. 2.
Misseram, missi, remissit. Quis ita? XX. 2.
Mons Aureus (Petrus) XXV. 1.
Montfilter (Judocus) idem qui *Hoetsfelder*, Episc. Lubecensis. CXLV. 5.
Morinensis diocesis, quam latè patens. CLVII. 4.
Morinensis ecclesia scissa in tres partes. CLXIII. 3.
Moronus (Joannes) Cardinalis Mutinensis dictus. CXXV. 5.
Varia ejus fortunam ubi descriptam invenias. *Ibid.*
Morus (Thomas) carmen in mortem ejus sub Erasmi nomine excusum, cujus sit. LXXXV. 1.
Mulert (Gerardus) e Consilio privato transit ad Mechliniensem Senatum. CXXIX. 2. LX. 1.
Munsterus (Sebastianus) Ordinis Franciscani desertor, ceterum vir præstans. Ejus opera prohibita. CLXXIII. 4.
Muscatus (Wolfgangus) monachus Benedictinus, apostata. CXLV. 4.

N.

- N***Annius* (Petrus) quæ illi concertatio cum Jacobo Curtio. LX. 2. *remiss.* CLXVI. 1. S. Athanasii opera Latina fecit. Laudatus a novis editoribus operum S. Athanasii. Ejus versio censurata. *Ibid.* 2. Prof. linguæ Latinæ in Collegio trilingui Lovanii. *Ibid.* 4. quos libros scripsit pro Institutionibus Græcis. XCIV. 1.
Naugerius, seu *Navagiero* (Andreas) XXXIV. 4. Ubi, & quando obiit. *Ibid.* 5.
Hhh *Navius*

INDEX NOTARUM

Navus (Joannes) Vice-cancellarius Cæsaris. CXXI. 3.
Neser (Matthæus) Camerae Imp. Assessor. CXLVI. 2.
Nigri (Philippus) Senator privati Consilii. Ejus munia & elogium. CXXV. 1.
Niphus (Augustinus) cujas? Ejus de auguriis libri. XXXIV. 3.

O.

O *Opbalus* (Jacobus) quis? CIII. 1. Quem librum scripserit, & cui nuncuparit. *Ibid.* 2.

P.

P *Alma* (Joan. Bapt.) X. 1.
Pamelius (Guilielmus) *remiss.* CLXXVI. 7.
Parisus (Petrus Paulus) Cardinalis. XXI. 2. Non praesedit in Concilio Tridentino. CXXV. 3.
Patavium. Quantum annuè professorum honorarium? XV. 5.
Patrinus baptismi, quis. CIX. 1.
Paulus III. Pont. Max. post duos dies ab ingressu Conclavis, electus. CXXXIX. 1.
Paulus IV. Pont. Max. senex electus. CLXIII. 2.
Peckius (Petrus) *remiss.* CLXVIII. 3.
Perenot de Granvelle (Fredericus) D. a Champaigny. *remiss.* CLXXVII. 5.
Peusingerus (Claudius) XVIII. 1. XX. 3. 4. LIX. 4.
Peusingerus (Conradus) XVIII. 1. LIX. 4. An cum Maximiliano Imp. in Belgio fuerit?

Ejus numerosa bibliotheca quibus cessit: LXXXI. 1.
Perfinus (Hippolytus) quale donum obtulit Viglio. LXVI. 2.
Ejus elogium. CLV. 1.
Perfius (Cornutus) XII. 2.
Philippus II. Hispaniarum Rex, quos instituit professores Juris Lovanii. CLXVIII. 1.
Picus Jo. Francisc. XXV. 7.
Pigbius (Albertus) scripsit de *Hierarchia ecclesiastica*. Quod de illis libris judicium Cardinalis Bona. CLXXIII. 3.
Pistorius (Simon) J. C. Cancellarius Ducis Saxoniae, invitatus ad professionis munus in Academia Ingolstadtensi. CXI. 2. CLIII. 1.
Politianus (Angelus) multarum literarum vir. Lis de anno obitus. Notator Trithemii, & Baylius correcti. Epitaphia duo. CXLII. 1.
Potiers (Guilielmus de) nominatus ad Episcopatum Morinensem, Audomarensi praeficitur. CLXIII. 3.
Potus (Reginaldus) Cardinalis, Vir princeps. CXXV. 4.
Quid ei Cæsar prohibuerit. CLXI. 3.
Pholypbemus Erasmi, quis. XC. 1.
Prometheus Japeti filius. XX. 6.
Professores Juris Lovanii a Philippo II. instituti. CLXVIII. 1.
Puteanus (Erycius) prof. linguae Latinae in Collegio trilingui Lovanii. CLXVI. 4.

R.

R *Amus* (Joannes) J. U. D. & prof. Lovanii & Duaci. ubi & quando obiit? CLXVIII. 4.
Re-

AD EPIST. SELECTAS

Regentes Frisæ anno 1515 qui?
LVII. 1.

Rescius (Rutgerus) cujus paraphrases excudit. LX. 3.
Prof. Linguae Græcæ in Collegio trilingui Lovani
CLXVI. 4.

Richebt (Joannes) remiss. CLXIII. 1.

Ripa (Joan. Franc. A) amens obiit. Ejus epitaphium. LXX. 1.

Rivallius (Aymarus) I. 5.

Roda (Hieron.) CLXXIX. 4.

Ruardus Tapperus. CXLVII. 4.
Quas explicationes scripsit. CLIX. 1.

Rupilius (Franciscus) XII. 1. Interlocutor dialogorum Viglii.
Ibid. Ejus olim discipuli a Viglio instituti. *Ibid.*

Ruyssch (Jacobus) IX. 3.

Rymius (Gerardus) remiss. CLXVII. 1.

S.

S Adoletus (Jacobus) Cardinalis. Ejus elogium ubi? CXVI. 1.

Sasbout (Arnoldus) Cancellarius Gelriæ post patrem Judocum. CXXXIII. 3. CLXXVI. 6.

Sasbout (Judocus) Cancellarius Gelriæ. CXXXIII. 3.

Scævola (Q. Mutius) XXV. 5.

Scepperus (Cornelius) Senator, sæpius legatus. Ejus epitaphium. CXXXVIII. 1.

Schaldia, Vernaculè *Schouwen*, insula Zelandiæ. CLXXVI. 2.

Schenck a Tausenburgh (Fredericus) quis? XLVI. 1. primus & ultimus Ultrajectinus Archiepiscopus, rectè dictus. ab

A. Schurio, invitis schismaticis Ultrajectinis. CLXXIII. 7.

Scipio Æmilianus. XXVI. 3.

Schurff (Hieronimus) Cameræ Imp. Assessor. CXLVI. 2.

Schurius (Andreas) aliàs Van der Schuur, quid ex Erasmi operibus seligi optet. CLXXIII. 6.

Secundus (Joannes) poeta. XXVIII. 1. Unde ei id cognomen. *Ibid.*
Non fuit Pauli IV. Secretarius.

Ibid. Ejus *Bastorum* Liber.

LXXVIII. 4. CXIX. 1. An ejus opera Frobenius excudit? CXXVI. 3.

Seldius (Christophorus) J. U. D. CXXXII. 1.

Seldius (Georgius Sigismundus) Vice-Cancellarius Caroli V. Ejus vita & obitus. CI. 1.

Septemviri (Imperii) cui Ordinum Conventui adfuere omnes. CXXXVI. 2.

Sichardus (Joannes) cum quo J. U. lauream accepit? LXXX. 1. Cameræ Imp. Assessor, CXLVI. 2.

Sinapius (Joannes) medicus. XXXIII. 13. Invitatus 300. flor. honorario ad profitendum Ingolstadii. CXXXIV. 1.

ocinus (Marianus) junior, quis. XIV. 5. Locus ex notis ad Vitam Viglii, correctus. *Ibid.*
Avus Fausti Socini. *Ibid.* Ejus epitaphium ex Montfauconio. *Ibid.*

Sonnus (Franciscus) CXLVII. 1.
Socrates, quem auditorem habuit. LXVII. 3.

Smits (P. Wilhelmus) Ord. F.F. Minor. Recoll. Sac. Scrip. proff. CLVIII. 1. Ejus observatio in græcum textum Miermni. CVIII. 1.

INDEX NOTARUM

Speculator, nomen interpretis Juris. XCIX. 2.

Spirensi Conventui Ordinum Imperii, anno 1544. adfuere Septemviri omnes. CXXXVI.

2. *Stella* (Petrus) Quam controversiam habeat cum Udalricho Zasio. XXXI. 3.

Stilpo Philosophus. XII. 3.

Sucquetus (Antonius) quis? XV.

4. Ejus epitaphium. *Ibid.*

Sucquetus (Antonius) filius. XV.

2.

Sucquetus (Carolus) XI. 5. Ab Alciato laudatus. XV. 1.

Sucquetus (Joannes) XV. 2.

Susceptoris Officium in Baptismo. CIX. 1.

Suys (Cornelius) Senator & Præfex Hollandiæ. Secedit cum senatu Ultrajectum. CLX. 1.

Sweetius (Franciscus) multa vitiosa valde in ejus Selectis orbis deliciis. LXX. 1.

T.

T Aratantara quid? XIX. 4.

Tautenburch (Georgius) Baro à XLVII. 2.

Terentius ab adolescentibus legendus. XCVI. 2.

Terouana urbs solo æquata an. 1553. CLVI. 1. Diocesis quàm latè patens. CLVII. 4. scissa in tres partes, Episcopum de in nullum habuit. CLXIII. 3.

Thebarum portæ quot? XXXIX.

2.

Tiara (Petrejus) Frisius. Quibus locis moratus est. Ubi obiit. CXXXIV. 4.

Tiletanus (Judocus) aliàs Ravestein. remiss. CLIX. 2.

Tisnacq (Carolus) remiss. CLXXXVI.

5. *Tonstallus* (Guthbertus) Episc. Londinensis, a Thoma Moro laudatus. XLVIII. 1.

Totleben (Valentinus) seu *Teutleu-
wen*, Episcopus Hildesemensis. CXXV. 6. Ejus munia; a quibus è sede pulsus. *Ibid.*

Trantsmonstorf (Willhelmus) XLIII. 1.

Truchseffus (Gebhardus) Cardinalis Augustani nepos, Imperii Septemvir, Archiep. Colonien. CLXXI. 1.

Truchseffus (Otho) Card. Augustanus. XVIII. 3. XCIX. 1. Episcopus ac princeps Augustanus, quo anno Cardinalis. CXXXVI. 1. Ejus elogium. CLXXI. 1. Magnam facultatem jacturam ubi passus. CLXXV. 2.

Turnon à Turnone (Franciscus) Cardinalis. XXXVI. 2.

Turzo (Stanislaus) Episc. Olmutzensis. Quem ei librum Erasmus dedicavit. XXX. 2.

V.

V *Alerius* (Cornelius) Prof. linguæ Latinæ in Collegio trilingui Lovanii. CLXVI.

4.

Valla (Laurentius) XXV. 4.

Van Daele (Engelbertus) Cancellarius Brabantiae. Ejus epitaphium. CXLIX. 1.

Vander Houf (Adrianus) Senator Hollandiæ. Discedente Senatu, solus remansit Hagæ. CLX. 1.

Venduillius (Joannes) remiss. CLXVIII. 3.

AD EPIST. SELECTAS

Vellius (Caspar Urfinus) Poëta.
Ab Erasmo celebratus. XXIII.

1.

Vellus (Justus) vulgò *Welfens*,
Hagæ-comitanus. Ejus gesta.
Homo fanaticus. CLII. 1. 2.
3. 4. Ejus Epistola ad Viglium.
CLXV. 2. An ad Catholicam
Ecclesiam reversus sit, de
loco ac tempore obitus, nihil
compertum. CLXV. 2.

Velswyck (Gerardus à) *Velswy-*
kus, Ravensteinienſis, aut Ul-
trajectinus, Cæſaris Caroli V.
Secretarius, Senator, lega-
tus & ubi, & quando obiit.
CXXIX. 1. E Conſilio privato
transit ad Mechlienſem Sena-
tum. *Ibid.* 2.

Veneta Reſp. quantum annuè im-
pendat in profeſſorum Pata-
vinorum honoraria. XV. 5.
Quæ ibi celebritas in ascen-
ſione Domini. XXX. 1.

Vida (Hieronymus) Poëta Chri-
ſtianus. Ejus epitaphium.
XLIV. 5.

Vilain de Gand (Maximilianus)
D. a Raſſenghien. CLXXIX. 5.

Vinda, Fluvius. CIV. 4.

Vitellius (Chiappinius) Cetonæ
marchio, ubi & quo modo
obiit. CLXXVI. 3.

Vigilius quid ſentiat de Jacobi
Duxini in ſe animo. XI. 2. Ejus
Jurisconſulti Inſtitutio, quæ.
XII. 4. Rupillii olim diſcipulos
inſtituit Patavii. *Ibid.* Quibus
facientibus ad Inſtitutionum
profeſſionem promotus? XVIII.
3. Ejus ſcriptum de Contro-
verſia Udalrici Zaſii, & Petri
Stellæ a nobis vulgatur. XXXI.
3. Laudat Gregorii Haloandri
opera. XXXIV. 1. Habuit duo

exemplaria diverſa Inſtitutio-
num Græcarum a ſe vulgata-
rum. XLIX. 1. Cur in aca-
demia Dolana, & apud Lant-
gravium Haſſiæ Jus Civile pro-
fiteri non voluit. LV. 1. 2.
Cur non apud Electorem
Brandenburgicum. LIX. 2.
Ejus generoſitatis exempla.
LXVII. 2. Noluit filiam no-
tham Mathiæ Heldt, uxorem
ſibi. LXXX. 2. Narrat Hiſto-
riam, ſimultatis Ludovici
Carini cum Erasmo. XC. 1.
De Auguſtani Magiſtratus de-
creto adverſus Clerum. XCII.
1. Tradit rationem rectè in-
ſtituendi adoleſcentem. XCVII
1. Et qui ei auctores legendi.
Ibid. 2. Anno 1532. cogitat
reviſere patriam a qua deci-
mum tertium annum abſue-
rat. CII. 1. A Parentibus ſuis
deſertus. *Ibid.* Judicium ſuum
de corpore Juris Civilis per
Hervagium edendo. CX. 1.
Deſcribit repentinum obitum
Doctōris Franciſci Burckhardi.
CXI. 1. Nec ſolus fuit, nec
ultimus qui ſponte factus eſt è
conſule rhetor, id eſt, ex
Aſſeſſore Cameræ Imp. Pro-
feſſor Juris. CXI. 3. Non Fri-
ſiam dumtaxat, ſed totam in-
feriorem Germaniam, pa-
triam ſuam appellare conſue-
vit. CXX. 2. Scripſit Germa-
nicè & Latinè de negotio
belli Juliacenſis. CXXI. 4.
Quare id ſcriptum abortivum
partum dixit? *Ibid.* Quid de
Joanne Eckio prodidit, occul-
tatum ab aliis. CXXV. 2. Qua-
re labores ſuos literarios ſive-
rit interire. CXXVI. 2. Ver-

INDEX NOTARUM AD EP. SEL.

fio Latina scripti sui in causa
 belli Clivenſis, quem titulum
 habet. CXXVII. 2. Anno 1534.
 Cancelliaratus Gelriæ ei offer-
 tur. CXXXIII. 1. a Principe
 Auriacenſi Gelriæ gubernato-
 re. *Ibid.* 2. Tredecim Juris con-
 ſultos, Cæſaris nomine ad Ca-
 meram Imp. Spirenfem mittit.
 CXLVI. 1. Commentarius
 ejus ſuper forma celebrandi
 Concilii, non a Viglio, ſed
 ab alio videtur conſcriptus.
 CXLVII. 7. Juſti Velfii Haga-
 ni fanatici hominis epiſtolas
 ocluſas remiſit. CLXV. 2.
 Quomodo ſervavit libros, ſeu
 tabulas geographicas Jaco-
 bi Daventrienſis. CLXX. 4.
 Quo anno factus ſacerdos.
 CLXXI. 2. Ad proveſtorem
 vergens ætatem, ex religionis
 ſtudio, ſacris ſe literis dedit.
 CLXXXI. 2.

W.

W *It* (Joannes De) ſerarii
 Cæſarei Bruxellis re-
 gens quod *inf.* poſſidet. LVII.
 1.

X.

X *Immentus* (Petrus) quæſt.
 CLXVIII. 2.

Z.

Z *Aſius* (Udalrichus) de arte
 ſeu methodo Juris, quid
 ſentiat. XXIX. 3. Viglii
 ſcriptum de ejus controverſia
 cum Petro Stella. XXX. 3.
 Ejus elogium ex Sweetio.
 LXXII. 1.

Zoeſtus (Henricus) Prof. linguæ
 Græcæ in Collegio trilingui
 Lovanii. CLXVI. 4.

F I N I S.



